


ভাগবতী কথা

শ্রীমদ্ভাগবতের নির্বাচিতাংশের
কাব্যরূপ



শ্রীদিলীপকুমার রায়

প্রকাশক—ব্রহ্মবন্ধন দাস
ঐক্যবিন্দু আশ্রম
পটুচেরি

প্রথম সংস্করণ..... অক্টোবর, ১৯৪৬

মূল্য—পাঁচ টাকা

৩২০৬ / ১০৭
STATE CENTRAL LIBRARY
WEST BENGAL
CALCUTTA
২৩/১১/৫৭

ঐক্যবিন্দু আশ্রম প্রেস
পটুচেরি

উৎসর্গ

পরম ভাগবত

পূজনীয় ঐপ্রাণগোপাল মুখোপাধ্যায়ের

ঐচরণে

৩

পরম ত্যাগী ভক্ত ও জ্ঞানিচূড়ামণি

ঐকৃষ্ণপ্রেমের

ঐকরকমলে

মহালয়া, ১৩৫৩

২৪, ৯, ১৯৪৬

}

দিলীপকুমার

স্বীকৃতি

ভাগবতী কথার রচনায় আমি নানা সহৃদয় বন্ধু ও নমস্কৃতদের উৎসাহ ও আশীর্বাদ পেয়েছি। সবচেয়ে উৎসাহ পেয়েছি পরম পূজনীয় মহাসাধক শ্রীপ্রাণগোপাল মুখোপাধ্যায় মহাশয়ের কাছ থেকে। কৃষ্ণ-প্রেমের কথা তো বলাই বাহুল্য। এছাড়া বৈষ্ণবাচার্য শ্রীমৎ শ্রীরসিক মোহন বিদ্যাভূষণ, পরম বিদ্বান্ বন্ধু শ্রীবুদ্ধদেব ভট্টাচার্য, পরম বৈষ্ণব মুহূৎ শ্রীমুখোদ্র সিংহ, পরম স্নেহভাজন মিত্র শ্রীগোবিন্দগোপাল মুখো-পাধ্যায়ের নাম না ক'রলেই নয়।

সন্তোজাত আশ্রম-প্রেমে ভাগবতী কথার মুদ্রণে সতীর্থ শ্রীরঘুনন্দন দাসের অনলস উৎসাহ ও সদাজাগ্রত চেষ্টা বিনা এ-হেন বৃহৎ গ্রন্থের মুদ্রণ এত সুদর্শন ও নির্ভুল হ'ত না। এছাড়া আরো বহু বন্ধু বান্ধবীই ভাগবতী কথায় সাড়া দিয়ে আমাকে উৎসাহিত ক'রেছেন—তাদের কাছেও আমার ঋণ সঙ্কতজ্ঞে স্বীকার্য।

স্থানাভাব সত্ত্বেও ভাগবত সম্বন্ধে আমার একটি ভাবুক বন্ধুর কাছ থেকে উৎসাহ পাওয়ার দরুণ কৃতজ্ঞতা জ্ঞাপন ক'রবার দুর্জয়লোভ সংবরণ করা দুঃসাধ্য হ'য়ে উঠল—আরো এই জ্ঞাতো যে তাঁর মতন বিদ্বান তথা যুক্তিবিশারদ তীক্ষ্ণধী পণ্ডিত * যে ভাগবতের প্রতি এমন গভীর জ্ঞান পোষণ করেন তা আমি সত্যিই আনন্দের পর্যন্ত ক'রতে পারি নি—বহুদিন একসঙ্গে থাকা সত্ত্বেও। এ ছাড়া সাধনা ও ধর্ম সম্বন্ধে তাঁর অপারোক্ষ—কিন্তু এতটা বোধ করি আমার পক্ষে প্রকাশ করা উচিত নয় তাঁর অল্পমতি না নিয়ে—বিশেষ যখন চিঠিটি প্রকাশের অল্পমতি নেবার সময় পাই নি। শুধু এইটুকু বলি বহুবৎসর ধ'রে ইনি শুধু মরন্তু নয়, জীবন্ত যোগী তপস্বীদের সম্বন্ধেও নানান বিচিত্র অভিজ্ঞতা সঞ্চয় ক'রেছেন। এককথায়, শুধু তথ্য নয়, তত্ত্বেও এঁর স্বাধিকার মজবুদ তথা অপ্রমত্ত।

* এঁর নাম শ্রীশিবনারায়ণ সেন—সাত আট বৎসর পান্চাত্যে ছিলেন ও ফিরে নেপালরাজ্যের ওখানে প্রকৃতত্বের নিয়ন্তা—তিব্বতী পালি এমন কি চৈনিক ভাষার সঙ্গেও তাঁর পরিচয় আছে। ইনি যে শুধু বহুবৎসর কালাপানির ওপারে বসবাস ক'রে ওদের বৈজ্ঞানিক সংস্কৃতির সঙ্গে গভীর পরিচয় লাভ ক'রেছেন তাই নয়, আমাদের ঐতিহ্যের সঙ্গে পরিচয় রাখা তাঁর শুধু বিত্তার পেশা নয়, প্রাণের নেপাও বটে।

কাঠমাণ্ডু—নেপাল ১৯ জুলাই, '৪৬

দিলীপদা,

ভাগবতী কথা ছাপা শুরু হ'য়েছে—সুখের কথা। একদিকে ভারতবর্ষের সামাজিক ভেদ যেমন সাংঘাতিক, তেমনি অন্যদিকে সর্বমানবের মধ্যে সাম্য ও অভেদের বাণীও সবচেয়ে উদাত্তস্বরে ব্যক্তারিত হ'য়েছে এই ভারতেই। ভারতের মহাপুরুষেরা সকলেই মানবের মধ্যে নানা ভেদবৃদ্ধির অবসান ক'রবার মহামন্ত্রই ঘোষণা ক'রে গিয়েছেন। ভারতে ভগবান বৈচিত্র্যকেই চেয়েছেন ব'লে এখানে কোনো প্রবল সভ্যতা বা সংস্কৃতি তাদের চেয়ে দুর্বল যে-সব সভ্যতা বা সংস্কৃতি তাদের বিনাশ করে নি। সবাই পাশাপাশি বন্ধুভাবে বাস ক'রেছে। এখানে হ্রস্ব ভগবান চান সকল সাধনার মধ্যে মৈত্রী, এবং সকল সংস্কৃতির মধ্যে সমন্বয়ের সাধন!। জগতে আর কোথাও ঠিক এমনতরটি দেখা যায় না। সেখানে এক ধর্ম বা সংস্কৃতি অল্প সব দুর্বল ধর্ম ও সংস্কৃতিকে মেরে ফেলে সমস্তা সোজা ক'রে দিয়েছে। সে-সহজ পথ ভারতের নয়।

পদ্মপুরাণে দেখা যায় শ্রীমতী ভক্তিদেবী ব'লছেন : “আমার জন্ম দ্রবিড়ে, বুদ্ধি কর্ণাটে, কিঞ্চিৎ স্থিতি মহারাষ্ট্রে, জীর্ণতা গুজরাতে।”

উৎপত্তা দ্রবিড়ে চাহং কর্ণাটে বুদ্ধিমাগতা।

স্থিতি। কিঞ্চিৎ মহারাষ্ট্রে গুর্জরে জীর্ণতাং গতা ॥

উত্তর ভারতে ভক্তি এলেন রামানন্দের রূপায়। আর্য অনার্য সংস্কৃতির সন্নিগনের অপূর্ব ফল ভারতীয় সভ্যতা। বাইরের বহু জিনিস নিয়ে ভারতের সভ্যতা সমৃদ্ধ। এই যে এত সব জিনিস বাইরে থেকে আমাদের মধ্যে আসতে পেরেছে তার মূলে হচ্ছে ভক্তিপ্রধান ভাগবতদের চেষ্টা। বেদপন্থী যাগযজ্ঞ-পরায়ণ আর্ষেরা এ-কাজ ক'রতে পারে নি। আসা-বাওয়ার পথ বন্ধ হ'লে ক্রমে জাতটা মারা যায়। বাহিরের সঙ্গে যোগ হচ্ছে জীবনের ধর্ম। তাতে বাধা দিলেই ধীরে ধীরে মৃত্যু এসে জাতিকে অধিকার করে। এক কালে ভারত দেশ-বিদেশে সমুদ্রপথে গেছে, উপনিবেশ ক'রে সংস্কৃতির যোগ স্থাপন ক'রেছে। যেই সে এই যোগপথটি নিষিদ্ধ ক'রে দিল অমনি দেখতে দেখতে প্রবল বিদেশী প্রভাব তার ঘরে এসে উপস্থিত হ'ল।

যোগদ্রষ্ট হ্রস্ব দেশ তাতে বাধা দিতে পারল না। যে-বিপদকে সে বাইরে ঠেকিয়ে রাখতে চেয়েছিল সেই বিপদ বল তখন তার ঘর জুড়ে। পুরাকালে যখন দেশে দেশে গিয়ে ভারতীয়রা পরকে আপন ক'রেছে তখন তারা ভারতে আগত পরকেও আত্মীয় ক'রে নিতে এবং স্বীকার ক'রে নিতে পেরেছে।

চিরদিন ভারতে আগত নানা জাতিকে ভাগবতরাই আপন ক'রে নিতে পেরেছেন। পরকে আপন ক'রতে না পারলে মানুষের কিছুতেই চলে না। অথচ ক্রিয়াকাণ্ড শাস্ত্রনিয়ম আচারবিচারের পথে পরকে আপন করার কাজ সম্ভব নয়। ভক্তিতে ও প্রেমেই এই যোগটি ঘটে। গ্রাকরা ভারতের মধ্যে এসেও পর হ'য়ে থাকতেন কিন্তু ভাগ্যক্রমে ভাগবতেরা তাঁদের ঘরের লোক ক'রে তুললেন। বেসনগরে প্রাপ্ত খ্রীষ্টপূর্ব দ্বিতীয় শতাব্দীর এক শিলালিপিতে দেখা যায় তক্ষশিলাবাসী ডিয়সের পুত্র হেলিয়োডোর পরম বৈষ্ণব হ'য়ে বিষ্ণুমন্দিরের গুরুত্ববজ্জ তৈরি করিয়ে দিচ্ছেন। শক হুন যবচী প্রভৃতি জাতির লোকেরা ক্রমে শিবভক্ত হ'য়ে আমাদের আপন হয়ে গেছেন। কেডকাইসস তাঁর অমন সাংঘাতিক বিদেশী নাম সত্ত্বেও পরম মাহেশ্বর হ'য়ে গেছেন। বৌদ্ধরাও এই আত্মীয়তা-স্থাপনে অনেক সাহায্য ক'রেছেন। কনিষ্ক, হবিষ্ক প্রভৃতি কতকত পরাক্রান্ত নরপতি ভক্তির পথ দিয়ে এদেশের সঙ্গে যুক্ত হ'য়েছেন। বৈদিক কর্মকাণ্ডের পথে তাঁদের আসা অসম্ভব ছিল। এই রকম ক'রে তত্ত্ব ভাগবতগণের চেষ্টায় ক্রমে আর্থ অনার্থ পুরাতন নৃতনের মধ্যে যোগ স্থাপিত হ'য়েছিল ভারতবর্ষে।

ভাগবতে এক ভগবানের উপাসনা। এই মতের প্রবল প্রবর্তক স্বয়ং আত্মীয়বদ্ধ শ্রীকৃষ্ণ। নন্দ প্রভৃতি বৃদ্ধেরা যখন ইন্দ্রপুঞ্জার আয়োজন করলেন, তখন শ্রামল শ্রীকৃষ্ণ জিজ্ঞাসা করলেন, এইসব বৈদিক দেবতাদের পূজার অর্থ কি? নন্দ বললেন, জলের ধারাই কৃষি, কৃষি বিনা অন্ন নেই। অন্ন থেকে জীব বাড়ে। শ্রাণীদের প্রাণই হোলো অন্ন, এদের পূজায় সেই জলের উপায় হয়, পরিবর্ধন হয়। শ্রীকৃষ্ণ বললেন, প্রকৃতির কর্মের স্বভাবেই এই সব সিদ্ধ হয়। যদি ঈশ্বর ব'লে কেউ থাকেন (অন্তি চৌদীশ্বরঃ কশ্চিৎ) তিনিও প্রকৃতির ও জীবের কর্মামুসারেই কল দিতে বাধ্য। প্রকৃতির স্বভাবেই মেঘ হয় এবং সর্বত্র বারিবর্ষণ করে, তাতেই জীব বাড়ে। মহেশ্বর আবার করবেন কি?

রক্তসা চোদ্দিতা মেধা বর্ষত্যস্থনি সর্বতঃ ।

প্রজ্ঞান্তিরেব সিধ্যন্তি মহেন্দ্রঃ কিং করিষ্যতি ॥ তাঃ ১০।২৪।২৩

শ্রীকৃষ্ণের এই সব কথা এখনকার দিনের কোনো বৈজ্ঞানিকের মুখেও যেমানান হয় না। ভাগবতেরা ভগবানকেই সার জেনে শাস্ত্রকে দিলেন গোপ ক'রে। কারণ, “সর্ববেদময়ো হরিঃ” ; হরিই সর্ববেদময়। বাহ্যশাস্ত্র প্রভৃতির উপর নির্ভর না ক'রে আপনার অন্তরের আলোকের উপর নির্ভর করাই হোলো শ্রীকৃষ্ণের মত। গুরুর বিষয়েও শ্রীকৃষ্ণ ব'ললেন, আপনিই আপনার গুরু, “আত্মনো গুরুরাত্মৈব”। এই হিসাবে শ্রীকৃষ্ণের মত স্বাধীনতাবাদী এখনকার দিনেও চূর্ণত।

ভগবানের আরাধনায় সবারই অধিকার এই কথা ভাগবত খুব জোরের সঙ্গে প্রচার করলেন—কিরাত, হুণ, অন্ধ, পুলিন্দ, পুন্ডস, আতীর, শুদ্ধ, যবন, থস—সবাই ভগবানের শরণে শুদ্ধ হয়—

কিরাত হুণাঙ্ক পুলিন্দ পুন্ডসা

আতীর শুদ্ধা যবনাঃ থসাদয়ঃ

তাই অন্তর মাহুয প্রভৃতি সব জীবদের সঙ্গেই ভাগবতেরা ভগবানকে শরণ করেন।

ভাগবতরা ধর্মে সকলেরই সমান অধিকার স্বীকার ক'রেছেন। ধর্মব্যবস্থা ছাড়া সমাজ ও অর্থনীতিগত ব্যবস্থাতেও ভাগবতরা খুব উদার। অন্নাদির বিভাগ-ব্যবস্থাতে ভাগবতদের সমদৃষ্টি সকল যুগের পক্ষেই প্রশংসনীয়। সপ্তম স্কন্ধে একাদশ অধ্যায়ে দশম শ্লোকে নারদ ব'লছেন বৃষ্টিধিরকে :

অন্নাত্মাদে সংবিভাগো কৃত্তেভ্যশ্চ যথার্থতঃ ।

তেষাংদেবতাবুদ্ধিঃ স্মৃতরাং নৃষ পাণ্ডব ॥

অর্থাৎ মানুষের তো কথাই নেই সর্বজীবে যথোচিত ভাবে অন্নাদি বিভাগ ক'রে দেবে সেসব প্রাণীদের উপর আত্মবুদ্ধি ও দেবতাবুদ্ধি এনে।

ভাগবতের মতে সকলেই ক্ষুধার ও প্রয়োজনের অমুরূপ অন্ন পেতে পারে কিন্তু তার বেশি না।

বাবদ্বিত্রিয়েত তঠরুং তাবৎ সঙ্কং হি দেহিনাম্ ।

অধিকং বোধতিমন্তেত স তেনো দণ্ডমর্হতি ॥

অর্থাৎ যে এর বেশি চায় সে চোর অন্তএব দণ্ডার্থ। এসব কথা তো এখনকার

বুগের। আজকের বুগে তাই ভাগবতের বিশেষ প্রচার আবশ্যক। এমন গ্রন্থ পৃথিবীতে বিরল। আশা করি ভাগবতী কথার বহুল প্রচার হবে সাধারণের মধ্যে।

সম্প্রতি একটি সাধু এখানে দেহ রেখেছেন। বেশ শোনার মত ঘটনা। বরেন্দ্র ৭০, নেপালী শরীর, হঠাৎ অত্যাশী। বছর দুই আগে থাকতে শরীর জীর্ণ হ'য়ে পড়ে। দেহ শাস্ত হবার মাস তিনেক আগে সবাইকে ব'ললেন “এবার শরীর ছাড়বো।” কেউ তত খেয়াল করে নি—কারণ ভক্তের দলের ভীড় কম তাঁর কাছে। দেহ রক্ষার দিন পনের আগে নিজের টাকা, কাপড়, ইত্যাদি সবাইকে বিলিয়ে দিলেন। জীর্ণ শরীর সুস্থ হ'য়ে উঠল। কোনো ব্যাধি নেই শরীরে। অন্নগ্রহণ বন্ধ ক'রলেন, দুধ, ফল ইত্যাদি খেতে লাগলেন। তিন দিন আগে সব কিছু আহাৰ গ্রহণ করা বন্ধ ক'রলেন। কোন ক্রেশের চিহ্ন নেই, বেশ সুস্থ ও সবল। দেহ রাখার ঘণ্টা দুই আগে মঠের সকল সাধুকে ডেকে বললেন, “আমি আজ দেহ রাখব, তোমরা সমাধির আয়োজন কর।” ব'লেই ব'ললেন “দেখ আমি দেহের নিষ্কাশ ছেড়ে দিলাম।” নিষ্কাশ অবশ্য হ'য়ে গেল। ব'ললেন “আমাকে নিচে নিয়ে চলো এবং শীঘ্র সমাধি খনন ক'রে তাতে আমার বসিয়ে দাও।” তাঁকে নিচে নামানো হোলো কিন্তু জীবন্ত সমাধি দেওয়া হোলো না। তিনি কেবলই ব'লতে লাগলেন “কই সমাধি খনন করা হোলো?” দেহ ত্যাগের আশ্বিনী আগে নিজেকে পদ্মাসন ক'রে ব'সেছিলেন, এখন চোখ বুঁজে শ্বাস-প্রশ্বাস বন্ধ ক'রলেন। দেখা গেলো নাকে শ্বাস নেই নাড়ীর তলায় স্পন্দন নেই কিন্তু জন্মস্থানে শব্দ ও আলোড়ন আছে। এমনি ক'রে আস্তে আস্তে ৩৪ ঘণ্টা পরে সব শেষ হ'য়ে গেল।

মহাত্মা ব'লেছিলেন “আমি ব্রহ্মরত্ন ভেদ ক'রে প্রাণবায়ু ত্যাগের পক্ষপাতী নই। আমার দেহেই প্রাণবায়ু লয় হবে।” হোলোও তাই। বেশ মজার ব্যাপার না? অবিশ্বাস ক'রার যো নেই অথচ বিজ্ঞানী মন কেবলই থেকে থেকে থুঁৎ থুঁৎ করে—“এ আবার কো'র?”

স্নেহের শিবনারায়ণ

ভূমিকা

ভাই কৃষ্ণপ্রেম,

ছেলেবেলায় শ্রীরামকৃষ্ণ-কথায়ূতে প'ড়েছিলাম—রাজার কাছে আসত এক ভাগবত-পণ্ডিত। রাজাই সে করে ভাগবত-পাঠ, কিন্তু পাঠান্তে যেই রাজাকে শুধায় : “রাজা, বুঝেছ ?”—অমনি রাজা বলে : “তুমি আগে বোঝো।” পণ্ডিত বাড়ি ফিরে কেবলি ভাবে—রাজা কেন তেঁয়ালির ভাষায় কথা বলে ? কিছুদিন বাদে পণ্ডিতের এল বৈরাগ্য। তখন ভাগবত প'ড়তে গিয়ে তার বৃকের রক্তে তুফান উঠল জেগে। সে সংসার ছেড়ে বনে চ'লে গেল। কেবল যাবার আগে রাজাকে একটি চিঠি লিখে গেল, তাতে শুধু ছিল : “বুঝেছি।”

গল্পটি, কেন জানি না, আমার কিশোর হৃদয়েই একটি আশ্চর্য স্মরণিয়ে তুলেছিল। সে আজ কম করে পঁয়ত্রিশ বৎসর হবে। সে সময়ে এ-ধরণের কথিকা ভালো লাগার কথা নয়—কেন না সে সময়ে রামায়ণ মহাভারতের অর্থই জলে ডুবসাঁতার কাটতে ভালো লাগলেও ভাগবত প'ড়তে গিয়ে দেখি সে-জলে ভাসতে পর্যন্ত পারি নে। তখন মনে ক্রমাগতই ঘুরে ফিরে এই গল্পটি আসত সান্দ্রনার জলতরঙ্গ তুলে :—“তা, অমন ভাগবতের মহাপণ্ডিতও তো এক সময়ে ভাগবত বোঝেন নি। আমিও একদিন বুঝব নিশ্চয়ই, কিন্তু সে কবে ?” স্মৃতি নিয়ে রোমন্থন করবার সময় খুব স্পষ্ট মনে পড়ে এ কথা। কেবল সঙ্গে সঙ্গে আরো একটা কথা মনে পড়ে—পিতৃদেবের। তাঁর কাছে তর্কবিভাগ আমার হাতে-খড়ি। তাঁকে প্রশ্ন করে উদ্ভাস্ত করে তুলতাম—“কীত'নের আপনি কেন সুখ্যাতি করেন, কীত'ন কি আবার গান ? গান তো হিন্দুস্থানি—ধ্রুপদ, খেয়াল, ঠুংরি, তেলানা।” পিতৃদেব উত্তরে স্নিগ্ধ হেসে ব'লতেন : “ওরে, কীত'ন কী বস্তু বুঝি বড় হ'লে—যখন ভক্তিকে চিনবি।”

ভক্তিকে চিনেছি কি না জানি না, তবে একথা ব'লতে পারি কীত'নের চেয়ে বড় গান যে ভারতবর্ষে সৃষ্ট হয় নি এ-সত্যের সঙ্গে

ভাগবতী কথা

অন্তঃশ্রুতির পরিচয় হ'য়েছে। তেমনিই সরলভাবে বলি—ভাগবত কী বস্তু বুঝেছি এমন কথা বলার স্পর্শ। আমার নেই, তবে একথা ব'লতে পারি যে এমন বই আর পড়ি নি। কেমন ক'রে এ-অঘটন ঘটল বলার সাধা আমার নেই, তবে এটুকু ব'ললে বোধ হয় সত্যের অপলাপ হবে না যে, মনে হয় ভাগবতের ভাবসিদ্ধকল্লোলের এক-আধটা রেশ পশেছে কানের মধ্যে দিয়ে সেই লাকে যেখানে না পৌঁছলে কোনো ঞ্জতবাংকারই হ'য়ে ওঠে না—“শ্রুতি”। বিলেত থেকে ফিরে এলে তুমিই আমাকে সব-প্রথম বলো ভাগবতের কথা, মনে আছে? আমার এক বন্ধুকে লিখেওছিলে—দিলীপ কেন যায় জ্ঞানের জগ্রে রাসেল হাক্সলি রোঁলার কাছে—ঘরে মহাভারত রামায়ণ ভাগবত থাকতে অন্ত্রহাত পাতার কী দরকার? কিন্তু, ভাই, ঐ মহাভারতেই আছে ব্যাসদেবের কথা যে, “পর্যায়যোগেন লভতে মনুষ্যঃ”—অর্থাৎ সব কিছুই একটা সময় আছে। পাশ্চাত্য বুদ্ধির জন্মকালো জৌলুষের প্রতি অতিভক্তির মোহ আমার কাটে নি তো সে-সময়ে। বুঝি সে-মোহপাশ কাটাবার জগ্রেই আমার নিতে হ'ল শ্রীঅরবিন্দের চরণাশ্রয়। মনে পড়ে কত তর্কই না ক'রেছি প্রথম প্রথম তাঁর সঙ্গে হঠকারী হ'য়ে! ব'লেছিলাম একবার—সে কী বিজ্ঞভাবে : “জানেন তো যুরোপীয় শিক্ষায় আমি মানুষ কাজেই এ-সব যোগবিভূতি প্রভৃতির রূপকথা টপ্ ক'রে বিশ্বাস করি কেমন ক'রে?” তাতে তিনি হেসে আমাকে লিখেছিলেন * “I suppose I have had myself an even more completely European education than you, and I have had too my period of agnostic denial, but from the moment I looked at these things I could never take the attitude of doubt and disbelief which was for so long fashionable in Europe. Abnormal, otherwise supraphysical experiences and powers, occult or Yogic, have always seemed to me something perfectly natural and credible.”

তাঁরই কৃপায়—(ভাগবতে ব'লেছে গুরু কৃষ্ণ একই—“আচার্য্য মাং বিজানৌরাৎ...সর্বদেবময়ো গুরুঃ”) এই অবিশ্বাসের রাত পোহাল—

* “অনামী”-র ২৫৩ পৃষ্ঠায় পুরো চিঠিটি ছাপা হয়েছে।

ভূমিকা

তবে ধীরে ধীরে । তখন ভাগবতের একধার মর্ম বুঝি বুঝবার সবে
কিনারায় এলাম (শ্রীকৃষ্ণ বলছেন উক্তবকে) :

যথা যথাস্থা পরিমুক্তাতেহসৌ মৎপুণ্যগাথাশ্রবণাভিধানৈঃ ।

তথা তথা পশ্চাতি তত্ত্বমৃশ্নং চক্ষুর্ধৈবাজ্ঞানসম্প্রযুক্তম্ ॥

অর্থাৎ

মোর বাণী গান করে যারা পান, দিনে দিনে হয় অমল তাদের হিয়া
দেখে বরে যার তত্ত্ব আমার দিব্যাজ্ঞানে মৃশ্ন আঁখি লভিয়া ।

“বুঝবার কিনারায় এলাম” ব’লছি বটে, কিন্তু ভয়ে ভয়ে । কারণ আমি
আর কিছু দেখি বা না দেখি এটুকু দেখতে পাবার “মৃশ্ন” দৃষ্টি হ’য়েছে
যে, বৈষ্ণবতা অতি দুর্লভ পদবী । কিন্তু তবু একথা ব’ললে অত্যাক্তি
হবে না যে, ভাগবত প’ড়তে প’ড়তে সময়ে সময়ে আমার মনে হ’য়েছে—
চারদিকে যেন একটা অপার্থিব আলোর বস্তা ছুটে চ’লেছে অচিন
পথের ভয় সংশয় ক্লাস্তির বাধা বাঁধ ভাসিয়ে নিয়ে । এ-আনন্দের
তোড়ের কিছু প্রকাশ না ক’রেই আমার উপায় ছিল না । “আমি বৈষ্ণব”
এ-সম্প্রদায় আমি “ভাগবতী কথা” রচনায় প্রবৃত্ত হই নি—আমি
বৈষ্ণবচরণের রেণুকামী এই উপলব্ধিই “ভাগবতী কথা”-র আদিম
প্রবর্তনা । তাই তো ভক্তির ছন্দে লিখতে সাধ জাগল—বিশেষ ক’রে
ভক্তের কথা যিনি ভক্তপ্রবাহের নীলসিন্ধুমূর্তি । তুমি তো জানো
ভাগবত কত বিচিত্র রাগমালায় ক’রেছে ভক্ত-সাধু-সন্তদের গুণগান ।
হুঁসাক (নবম স্বর্গ) নারায়ণের এ-হেন কথা ব’লতেও মুখে বাধল
না যে, তিনিই হ’লেন ভক্তাধীন, কাজেই “অস্বতন্ত্র” । ভাগবত-কথক
বাদরায়ণিকে ঋষিরা ব’লেছেন (প্রথম স্বর্গ) যে গঙ্গাদি পুণ্যসমিলারা
আমাদের পবিত্র করেন বহুস্রানে তবে, সাধুরা পবিত্র করেন শুধু তাঁদের
দেহসান্নিধ্যে—তৎক্ষণাৎ । ভক্ত মুচুকুন্দের মহিমা কীর্তন ক’রতে গিয়ে
শ্রীকৃষ্ণ ব’লছেন যে তাকে যে তিনি বর দিতে চেয়েছিলেন সে প্রলুব্ধ
ক’রতে নয়, শুধু দেখাতে যে, “ন ধীরেকান্তভক্তানামাশীর্ষিভিষ্ঠতে কচিং”

অর্থাৎ

ভাগবতী কথা

আমার ভক্ত একান্ত যে সে হয় না মুক্ত বাসনায়
তোমার চিত্রে এই মহিমাই অঙ্কিত আমি বসুধায় ।
শ্রীকৃষ্ণ একথাও বলেন নি কি জোর দিয়েই (১১।২৬।৩৪)
সন্তো দিশন্তি চক্ষুঃষি বহিরকঃ সমুখিতঃ ।
দেবতা বাক্ববাঃ সন্তুঃ সন্তু আত্মাহমেব চ ॥

অর্থাৎ

বাহিরেরি দিশা রবি করে দান : অন্তর্মুখী নয়নবর
দেন সাধুরাই—আত্মার তাই তাঁরাই বন্ধু দেব অমর ।

ভাগবত প'ড়তে প'ড়তে সময়ে সময়ে যেন সত্যি চমকে উঠতে
হয়—ভগবান্ ভক্ত সাধুদের ললাটে এ কী জয়তিলক এঁকে দিয়েছেন ?
“বুদ্ধিযুগের ছলমল” আমরা—(“sons of an intellectual age”—
ব'লেছেন শ্রীঅরবিন্দ)—সুতরাং যতই কেন না ভক্ত সাধুদের গুণগানে
মুগ্ধ হই, মনের সংশয় ঘুচেও ঘোচে না, প্রশ্ন জাগে : সত্যিই কি
এতটা স্তবস্তুতি সাধুদের প্রাপ্য ? Give unto Caesar what
is Caesar's বটে, কিন্তু যা সীজরের প্রাপ্য নয় তার বেলা ?
প্রহ্লাদ হিরণ্যকশিপুকে যে-কথা ব'ললেন সে-কথা কি উপলব্ধি-জগতের
সত্য যে, ভগবদ্ভক্তি লাভ ক'রতে কেউ পারে না বিনা মহতের
পদধূলি—“মহীয়সাং পাদরাজোহভিষেকম্ ?” রুদ্রগীতে বলা হ'ল
ভক্ত সাধুসজ্জনের ক্ষণসঙ্গেও যে-আনন্দ তার কাছে স্বর্গানন্দ তো
কোন ছার মোক্ষানন্দও পাণ্ডুর হ'য়ে যায় !

খটকা একটু লাগে বৈ কি প্রথমটায় । কিন্তু একটু তলিয়ে
ভাবতে গেলে দেখা যায় যে এসব কেবল ভক্ত বা কবির উচ্ছ্বাসমাত্র
নয়, এর পিছনে সায় রয়েছে মানবাত্মার এই একটি চিরন্তন সার্বভৌম
উপলব্ধির । সেটি এই যে, সাধু সন্ত ভক্ত বৈষ্ণব এঁরাই হ'লেন মর্ত্য
ভগবানের প্রতিভূ—এঁদের মধ্যেই সব আগে নামে ভগবানের আলো ।
পরমহংসদেবের ভাষায়—“ভগবানের সর্বত্র গতিবিধি সত্য, কিন্তু
ভক্তদের হৃদয় হ'ল তাঁর বৈঠকখানা ।” তাই না যুগে যুগে দেশে দেশে
মর্ত্যমুখী মানুষকে ঊর্ধ্বমুখী ক'রেছেন এঁরাই—ধারা স্কুল কলেজ, কল-

ভূমিকা

কারখানা প্রতিষ্ঠা ক'রেছেন তাঁরা নন ! ভক্তি প্রেম রতি বহুচূর্ণভ ।
ভাগবত ব'লছেন যে ভগবান্ সাধকদের মুক্তি দিতে তত ইতস্তত করেন
না কিন্তু ভক্তি দিতে চান না সহজে : “অস্বেবমঙ্গ ভগবান্ ভক্ততাং
মুকুনো মুক্তিং দদাতি কহিচিৎ স্য ন ভক্তিযোগম্ ।” (৫, ৬, ১৮)

ত্রীরূপগোষ্ঠামীর পড়াবলীতে আছে : “কৃষ্ণভক্তি কোটি জন্মের
মুকুতিতেও লাভ হয় না—জন্মকোটিমুকুতেন লভ্যতে ।” কিন্তু এই
ভক্তি যে এ-হেন চূর্ণভ বাঙ্কিত বস্তু সেটা আমরা সর্বপ্রথম জানতে
পারি কাকে দেখে ? না, ভক্ত, সাধু, অবতার—ওরফে যারা মর্ত্যে
ভগবানের প্রতিভার প্রতিনিধি, আনন্দ-রূপের আশ্চর্য বিগ্রহ । নৈলে
কি ভাগবতে স্বয়ং নারায়ণ ব'লতেন এমন কথা যে, “সাধবো
হৃদয়ং মহং সাধুনাং হৃদয়স্বহম্”—সাধুরা আমার হৃদয়, আমি—
সাধুদের হৃদয় ?

কথাটা এত ক'রে ব'লছি—এটি ভাগবতের একটি প্রধান বাণী
ব'লে । অর্থাৎ ভাগবত প'ড়তে হ'লে ভক্তি ও ভক্তের প্রতি সহজ
সরল প্রজ্ঞা নিয়ে বসা চাই-ই । নৈলে ভাগবত পড়া হবে সেই বৈরাগ্য-
হীন পণ্ডিতের পড়া যে রাজার কাছে ভাগবত প'ড়ত কিন্তু বুঝতো না
এক কোঁটাও । ভাগবত-পাঠের একটি প্রধান আনন্দই হ'ল তার
পাতায় পাতায় এই সাধু ভক্তদের দর্শন—একটি রৌতিমত অপরূপ
নাট্যশালা—তোমাদের ভাষায় আরো একটি ভালো শব্দ আছে :
Pantheon—যেখানে একের পর এক মহিমময় ভক্তিমানের মূর্তি
দীপ্যমান—এ বলে আমাদের দেখ ও বলে আমাদের :—সূত নারদ ভীষ্ম
অর্জুন ঋষভ পৃথু কপিল বিহুর প্রহ্লাদ ঋষ শুকদেব রস্তুদেব অশ্বরৌষ
ভরত অক্রুর অবধূত... অথচ প্রতি ভক্তই তার স্বকীয়তায় জীবন্ত,
উজ্জ্বল, মহিমময় ! ভক্তিমতীদের মধ্যে গোপীদের অতুলনীয় চিত্রশালার
তো কথাই নেই কিন্তু তাছাড়াও রমণীহৃদয়ের বিশিষ্ট কমনীয় ভক্তি যে
তার নিজস্বতায় সমানই জাঙ্ঘলামান এ আর এক বিষয় :—দ্রোপদী
রুক্মিণী কুন্তী দেবভূতি যশোদা দেবকী ব্রাহ্মণপত্নীরা মথুরাবাসিনীরা...
এক একটি ছবি ফুটেছে এক একটি রেখার টানে—কিন্তু প্রাণের মনের

ভাগবতী কথা

ভাবের ঢেউ খেলে উঠেছে সেই ছ' একটি রেখার মধ্যেই। উদাহরণত, মনে পড়ে সেই দৃশ্য যখন শ্রীকৃষ্ণ ফিরছেন কুরুক্ষেত্র থেকে দ্বারকা—যখন ছাদের উপরে কুরুরমণীরা জনান্তিকে নিজেদের মধ্যে “সংজ্ঞা” ক’রেছে—এই মানুষটি বড় সোজা নয়—সেই আদিদেব যিনি—ইত্যাদি। সংজ্ঞাটা প্রায় স্তবের রূপ নিয়েছে—যার শেষে ফুটে উঠেছে নারীহৃদয়ের একটি চিরন্তন খেদ : যেখানে কুরুরমণীরা ব’লছেন যে রমণীকুলের মুখোজ্জ্বল ক’রেছেন সেই মহীয়সীরা যারা এ-হেন শ্রীকৃষ্ণের দয়িতা ! মনে পড়ে রুক্মিণী, ভদ্রা, সত্যভামা, জাম্ববতী প্রভৃতির বলাবলি—কে কৃষ্ণকে কী চোখে দেখেছেন ? কী জীবন্ত, সুন্দর ! আর গৌরবিনী নারীহৃদয়ের কী অপরূপ ছবি—যেখানে পতিগরবিনীদের স্বাভাবিক গর্বও ম্লান হ’য়ে গেছে তাদের অপরূপ পতিভক্তিতে ! প্রেমের ও পাতিব্রতের এ-হেন ছবি বিশ্ব সাহিত্যে আর কোনো চিত্রই এমন ক’রে ফোটাতে পেরেছেন কি আজ পর্যন্ত ?

আর এই সব সতীর মধ্যে দিয়ে ফুটে উঠেছেন কোন্ বিরাট পুরুষ ? না “কৃষ্ণস্ত ভগবান্ স্বয়ম্।” অশ্রু অশ্রু অবতার হ’ল ভগবানের বিভূতি মাত্র, এ একটু কম ও একটু বেশি। কিন্তু কৃষ্ণ হ’লেন ভগবানের পূর্ণশক্তির অপ্রতিদ্বন্দ্বী বিগ্রহ—যিনি পাপপুণ্য, ধর্মাধর্ম, সুনীতি-দুর্নীতির বহু উর্ধ্বে। যোগী কবি এ-ইর অপরূপ কবিতাটি মনে পড়ে না ?—যশোদা হাসছেন শিশুকৃষ্ণের পানে চেয়ে—অথচ তিনি বিশ্বরূপ অনাদি অশেষ :—

The mother laughed upon the child
made gay by its ecstatic morn,
And yet the sages spake of it
as of the Ancient and Unborn !

ছলালের পানে হাসে মাতা তার পুলক-অরুণে মুগ্ধ প্রীত
যোগীঋষি তবু গাহিল : “সে চির-অনাদি-অশেষ, জনমাতীত।”

ভাগবতের প্রথমে নারদের সঙ্গে ব্যাসের কথোলাপ মনে পড়ে। নারদ তাঁকে ব’ললেন লিখতে সেই বিরাট পুরুষের কথা যার গুণগান বিনা নেই ত্রিতাপতল মানুষের চিরশাস্তি :

ভূমিকা

“প্রথাহি হুঃখৈর্মুহমদিতাশ্চনাঃ

সংক্লেশনির্বাণমুশস্তি নাশ্চথা।”

তাই বাসদেব লিখলেন ভাগবত। কিন্তু প’ড়তে প’ড়তে মনে হয় একে কী নাম দেব? এ কি শুধু বাক্যপুষ্পিত নন্দন কানন? শুধু ধ্বনিতরঙ্গিত সুখনদী? শুধু বর্ণ রঞ্জিত ইন্দ্রধনু?—না। এ যে চিরদিনের ভক্তহৃদয়ের চিরদিনের পাথের—মরতার অন্ধকারে অমরতার নিত্য অঙ্গীকার—বেদনার কৃষ্ণ তুফানে চেতনার আলোকস্তম্ভ। ভাগবত শুধু কাব্য নয়। ভাগবত হ’ল ভক্তের সঙ্গে ভগবানের অন্তহীন নিতালীলার নির্বারিত ছন্দোময় নৃত্য—

জয়ে পরাজয়ে বিরহে মিলনে

প্রলয়ে অভয়ে জীবনে মরণে।

এই সত্যটি প্রজ্বলন্ত হ’য়ে ওঠে ভাগবতের ভাব ছন্দ ও অনুভবের মিলনযজ্ঞে যার মহাঐক্যিক ঐ “ভগবান্ স্বয়ম্।” আমরা সচরাচর ভক্ত ও ভগবানের আনন্দ বিহারের সাক্ষ্য পাই আমাদের হৃদয়েই—কম আর বেশি। কিন্তু যখন সে-সাক্ষ্য অত্যন্ত আবছা হ’য়ে আসে তখন মেঘের চক্রান্তে সূর্যের ঐশ্বর্যে আন্ধ্যা রাখা হ’য়ে ওঠে কঠিন। ভাগবত ভারতের ভক্তদের অন্তর্জীবনে এসেছে সেই আলোর স্বর্ণাকর হ’য়ে—পুরোভাগে দাঁড় করিয়ে আলোর আলো অবতারীকে। কিন্তু একটি মাত্র রূপে নয়—অজস্র রূপে রসে ভাবে বিভাবে। এইখানে ভাগবতের বহু কীতির একটি প্রধান কীতি। কারণ ভাগবতের কৃষ্ণ মহাভারতের কৃষ্ণকেও ছাড়িয়ে গেছেন—যদি না যেতেন তাহ’লে মহাভারতের পরে বাসদেবের ভাগবত প্রণয়নের কোনো সার্থকতাই থাকত না। ভাগবত-কল্পতরুর হাজারো রসালো ফলস্বাদ পাবার সময়ে এই কথাটি বিশেষ ক’রে স্মরণীয় যে তার মধ্যমণি আমাদের কাছে এসেছেন শুধু ভগবানরূপে নয়—সখা, সারথি, মন্ত্রী, বন্ধু, বল্লভ, এমন কি সম্ভ্রান হ’য়েও তাঁর সাথ মেটে নি তাই ভাগবত অকুণ্ঠে ক’রলেন ঘোষণা (৫।৬।১৮) যে, অগ্ন অগ্ন সাধনায় ভগবান নানা রূপে সাড়া দিতে পারেন, কিন্তু কেবল প্রেমের ডাকেই

ভাগবতী কথা

তিনি হন দাস। চরিতামৃতকারও এই কথাই ব'লেছেন ঘরোয়া ভাষায় যে, প্রেমের ধর্মই হ'ল প্রেমাম্পদকে মনে করা অসহায় :

আপনারে বড় ভাবে মোরে সম, হীন,

সর্বভাবে হই আমি তাহারি অধীন।

শ্রীকৃষ্ণের এই ভক্তাধীনতার ছবি বাসদেব ফুটিয়েছেন ছত্রে ছত্রে। যে ভীষ্ম যুদ্ধে তাঁকে ক্ষতবিক্ষত ক'রেছিল তাকেই তিনি এলেন অস্ত্রিমে চরণাশ্রয় দিতে। যে-দ্রোপদী তাঁকে ডেকেছিল আত' হ'য়ে এলেন তিনি তার তারক হ'য়ে—তার শাক্য গ্রহণ ক'রতে, বাহন হ'য়ে—তার বসনের ভার বইতে। কিন্তু শুধু ভক্তাধীনতাই নয় তাই ব'লে। যে-কৃষ্ণী তাঁকে বরণ ক'রল তাকে মুছ পরিহাসের সুরে ব'ললেন : “তুমি রাজপুত্রী আমি উদাসী অকিঞ্চন—সমানে সমানে হয় প্রণয়েরি বিনিময়—তবে কেন সখি আমার গলে দিলে মালা ?” অর্জুন যুধিষ্ঠিরকে ব'লছেন কেঁদে যে সে-কৃষ্ণ আর নেই যাকে পরিহাস ক'রে মিথ্যাবাদী ব'লতেও আমার মুখে বাধে নি। এইভাবে ছবির পর ছবিতে শ্রীকৃষ্ণের চরিত্রাবা চরিত্রের রকমারি রসাল দিক ফুটে উঠেছে ভাগবতের চিত্রশালার অঙ্গস্র ঐশ্বর্যে। এই রসালতার রাজকোষ থেকে নানা রত্নমণি ধার নিয়েছেন ভাগবতের পরবর্তী বৈষ্ণব কবিরা।

সবশেষে মনে পড়ে তাঁর আশ্চর্য নিলিপ্ততা। যে-যত্নবংশের তিনি রক্ষক তার ধ্বংসের তিনিই করলেন অমুমোদন ! উদ্ধবকে ব'ললেন “তুমি ঠিকই ব'লেছ যাদবদের এই ধ্বংসই আমার অভিপ্রেত।” ব'লে যখন তাদের কুল নিমূল হ'ল, এসে ব'ললেন তরুণুলে দেহ ভাগ ক'রতে। চোখে তাঁর উদাস দৃষ্টি, মুখে প্রসন্ন হাসি অথচ অজের আভায় চারিদিক বলমল ক'রছে। সে কী রূপবর্ণনা ! আত্মা !

(১১৩০১২৮)

বিভ্রচ্ছতুর্ভুজং রূপং ব্রাহ্মিষু প্রভয়া স্বয়া।

দিশো বিতিমিরাঃ কুর্বন্ বিধূম ইব পাবকঃ ॥

চারিদিক করি' আলো ধূমহীন দীপ্তশিখা সম

দিবাকাস্তি চতুর্ভুজ ধূলায় আসীন অন্তর্যম !

ভূমিকা

এমন সময়ে জরা ব্যাধ মুরলমুখী বাণে বিদ্ধ করল তাঁর মৃগাকৃতি চরণ ।
কাছে এসে দেখে মৃগ নয়—সাক্ষাৎ চতুর্ভুজ ! পড়ল পায়ে মৃটিয়ে ।
তখন কৃষ্ণ বললেন তাকে (১০।৩০।৩৯) :

মা ভৈরবেরে হুমুস্তিষ্ঠ কাম এষ কৃতো হি মে ।

যাহি স্বং মদমুজ্জাতং স্বর্গং সুকৃতিনাং পদম্ ॥

ভয় নাই হে নিষাদ, আমার নিধন তুমি সাধিয়াছ আমারি ইচ্ছায়
ওঠো বন্ধু ! হেন পুণাকলে তুমি পাবে ঠাই, আমারি আদেশে, অমরায় ।

যাঁর চরণরেণু-লাভের জন্ত দেশ দেশান্তর থেকে আসতেন যোগী
মুনি ঋষি, যাঁর রাসলীলা দর্শনে স্বর্গবাসিনীরাও হতেন উন্মনা, যাঁর
লীলাসাথী হবার জন্তে দেবগণও চাইতেন নরজন্ম (৫, ১৯, ২০)
তাঁকে হত্যা করায় হ'ল পুণা—যার ফলে ব্যাধের লাভ হ'ল স্বর্গবাস—
এ-হেন কল্পনাই কি কোনোদিন এসেছে কোনো কবিপ্রতিভার পরিধির
মধ্যে ?—যিনি শিশু হ'য়েও বিশ্বরূপ, প্রণতকামদ হ'য়েও ভক্তাধীন, সম্রাট
হ'য়েও অকিঞ্চন, সবার মধ্যে থেকেও নিঃসঙ্গ, সর্ববন্ধু হ'য়েও সবার
অপ্রাপ্য, অজস্র-সুখদ হ'য়েও সুখহুঃখের পার—মনে পড়ে তাঁর দেহ-
রক্ষার আগে দ্বারকায় এসে দেবগণের সেই স্তবগান : (১১।৬।১৮)

বিশ্বমোহিনী দৃষ্টিদামিনী অযুত কামিনী জায়া ষাঁহার
চাহিতে নাথের প্রসাদ দেহের শরণ-উছল আশ্রদানে,
করিত নিয়ত কামনা—তবুও পারে নাই মন মোহিতে তাঁর,
পারে নি চিনিতে পারে নি জিনিতে অপরাধের অনঙ্গবাণে !

তোমারই একটি চিঠির কথা মনে পড়ে যাতে আমাকে তুমি
আবার লিখেছিলে সাঙ্খ্যনা দিয়ে :

“As for those, however, who say that seeking Krishna has no part in their Yoga—well, that is the ignorant talk of those who do not know who Krishna is and vainly plume themselves on their own vain ignorance of ‘all that old stuff !’...
কৃষ্ণাৎ পরং কিমপি তত্ত্বমহং ন জানে—The words are not mine but those of the great Vedantist Madhusudan Saraswati.”

ভাগবতী কথা

ভাগবত পড়তে পড়তে তোমার এই কথাগুলি আমার প্রায়ই মনে হ'ত এই জন্তে যে যারা কৃষ্ণকে মনে করে শুধু বৈষ্ণবদের গুরু তারা সত্যিই জানে না তিনি কী বস্তু ! জানলে তাঁকে একটি বিশেষ সম্প্রদায়ের আদি প্রবর্তক-বর্গীয় কোনো নায়ক ব'লে প্রচার করতে তাদের বাধত। কারণ কৃষ্ণের সব চেয়ে বড় উপাধি হ'ল তাঁর নিরু-পাধিক্ষ ও অসমোক্ষতা (all-transcendence): যেখানে যে ভেবেছে কৃষ্ণ বুঝি এই বস্তু অমনি কৃষ্ণ হেসে ফেলে গেছেন, যে-জন্তে ভীষ্ম প্রথমেই যুধিষ্ঠিরকে বলেছিলেন (১।৯।১৬) : কৃষ্ণ যে কী মংলবে কী করেন ভাবতেই বড় বড় মুনি ঋষি অথই জলে—তাঁকে মেপে পাবে কেমন ক'রে ? স্বয়ং ব্রহ্মা কৃষ্ণের এই ছুরবগাহতার কথা বলেছেন আরো সুন্দর ক'রে (১০।১৪।৩৮) যে, যারা বলে তোমায় জানে তারাই জাম্বুক প্রভু, বেশি কথায় কাজ কি ? আমি যা সত্যি জানি তা শুধু এই যে আমার কায় মন বাক্য কেউই পায় না তোমার নাগাল। এ-হেন কৃষ্ণের 'আবির্ভাব হ'য়েছিল কি মাত্র কয়েকটি ভেকধারীর জন্তে ? আমি এখানে অত্যাধুনিকতার গা-জোয়ারি সুরে বলছি না যে আমরা বুদ্ধির ধোঁয়া দিয়ে যে-সব ভাবকুণ্ডলী সৃষ্টি করি—(যার একটির নাম ধরা যাক "universal"—অর্থাৎ যাকে যে-কেউ যে-কোনো পরিবেশে বিনা প্রয়াসে ছুঁতে না ছুঁতে বলতে পারবে—“এরই তো নাম সর্বজন-গ্রাহ্য, সার্বভৌমিক !”)—কৃষ্ণের সেই সব জগতেই যাওয়া-আসা—কিনা তিনি অতিসুবোধ্য পোষমানা ঠাকুর। আমার বলবার উদ্দেশ্য—তিনি হলেন ভগবানের সেই শ্রেণীর যুগাবতার * যার শক্তি ও প্রভাব সর্ব যুগেই নিজেই নিত্য নূতন বিভাবে সক্রিয় করে—যা থেকে প্রতি মানবমনই তার জীবনের খোরাক পেতে পারে। তবে এ-খোরাক পাবার ছুটি উপায় আছে—এক সম্ভ্রম, আর এক অজ্ঞানে। অজ্ঞানে পাওয়া মানে একটু প্রেরণা নিয়েই তুট্ট ধাকা—যেমন জানলা বন্ধ তবু পাখির

* আমি নিজে বিশ্বাস করি তিনি ছিলেন পূর্ণাবতার—বৈষ্ণব পরিভাষায় যাকে বলে “অবতারী”—কিন্তু ধারা এতটা মনে নিতে পারবেন না তাঁদের কাছেও ভাগবত গ্রন্থ যদিও “বুদ্ধি—ন চ চীকরা ।”

ভূমিকা

মধ্যে আলো আসছে চুঁইয়ে চুঁইয়ে। সজ্ঞানে পাওয়া হ'ল তাঁর আরাধনা করা—মনের সব দেয়ালে জানলা ফুটিয়ে হাট ক'রে খুলে দেওয়া সেই আলোর আকাশের পানে। এরই নাম অভীশা—*aspiration*, কোন মহাপ্রভাবকে যথাযথ ভাবে গ্রহণ করতে হ'লে সবচেয়ে বড় সহায় হ'ল এই উদ্দীপ্তি—যেকথা ভাগবত পই পই ক'রে বলেছেন উপদেশ তথা কথিকায়। এ-অভীশা যাদের নেই তারা প্রায়ই তাদেরকে বলে সাম্প্রদায়িক যাদের এ-অভীশা আছে—যারা দূর থেকে সমালোচনা ক'রে তৃপ্ত থাকতে না পেরে ঝাঁপ দেয় নিষ্ঠার সঙ্গে কোন সাধনাকে আঁকড়ে ধরতে—যাদেরকে শ্রীকৃষ্ণ বলেছেন “মগ্ননক্ষাঃ, মৎপ্রাণাঃ মদর্থে ত্যক্তদেহিকাঃ” (১০।৪৬।৪) ব'লেই বলেছেন উদ্ধবকে : “যে ত্যক্তলোকধর্মাশ্চ মদর্থে তান্ বিভর্মাহম্।” * এই-ই হ'ল ঐশ্বরীয় কাজ—আশ্রয়দান। “আমার শরণ নিলে আমি তোমাকে সর্বপাপ থেকে উদ্ধার করব”—এ-অঙ্গীকার ভগবান ছাড়া আর কারুর মুখে উচ্চারিতই হ'তে পারে না। কৃষ্ণের কাছে নিজেকে খুলে ধরার মানেই হ'ল সাম্প্রদায়িকতাকে কাটিয়ে ওঠা—আকাশে যে উঠতে পেরেছে দিক্চক্রবাল তার দৃষ্টিপথের আড়াল হ'য়ে দাঁড়াতেই পারে না। ভাগবতকার অতি উদার তাই বলেছেন : “শ্রদ্ধা ভাগবতে শাস্ত্রে অনিন্দ্যম্ অমৃতম্” (১১।৩।২৬) অর্থাৎ ভাগবতের ভক্ত হবেন নিজধর্মে আনন্দান্বিত কিন্তু পরমত-অসহিষ্ণু না।

কিন্তু আকাশ উদার ব'লেই সেখানে বসবাস এত কঠিন। এইজন্যে যে পৃথ্বীর টানের কাটান মেলা ভার। আমাদের মন প্রাণ তামসিকতার পাতালে বন্ধ থেকে থেকে যে তাকেই বেসে ফেলেছে ভালো। কাজেই এ-ভালোবাসার প্রবল টান কাটাতে হ'লে চাই এমন কোন প্রবলতর টান যা আমাদের অভ্যাসের মোহকে জয় করবার শক্তি ধরে। এই শক্তিই জোগান কৃষ্ণ এবং একটি খুব সহজ উপায়ে—তাঁর রূপের লোভ দেখিয়ে। আমাদের মন সব চেয়ে সহজে পোষ মানে রূপের এ খুবই জানা কথা। গুণ বুঝতে দেরি হয় ব'লে গুণগ্রাহীর সংখ্যা রূপোচ্ছাসীর চেয়ে চিরদিনই

* আমার জন্যে যারা লোকধর্ম ত্যাগ করেছে তাদের আমি ভরণ পোষণ করি।

ভাগবতী কথা

কম—সব দেশে। কিন্তু রূপ এমন একটি আশ্চর্য জাতি যা নয়ন-পরিধির মধ্যে আসতে না আসতে হয় “ভাবেতে ভরল তনু হরল জেয়ান” অবস্থা। তাই ভারতের ধর্ম-জীবনে সবচেয়ে ব্যাপক হ’য়ে এসেছে কৃষ্ণের প্রভাব—আসমুদ্র-হিমাচল। ধর্মপ্রাণ ভারতবাসীর সবচেয়ে প্রিয় জীবনবেদ যে গীতা আর ভাগবত—ঋতি সংহিতাদি নয়—এ কথা কে না জানে? কিন্তু কৃষ্ণের প্রভাব এ-হেন ব্যাপক হ’ল কেন? ঐ যে বললাম—তাঁর রূপের জন্তে। আহা কী সে রূপ! মনে পড়ে ব্রহ্মার সেই রূপবর্ণনা দশম স্কন্ধে চতুর্দশ অধ্যায়ে। কিন্তু সে তাঁর রূপের মাত্র একটি দিক—মানবতার মধ্যে দেবত্বের সৌদামিনী-দ্রুতি। কিন্তু কৃষ্ণের রূপের বাঞ্ছনা সে কত! মনে পড়ে যমুনাতে গোপবালকদের নিয়ে কৃষ্ণের সেই বনবিহার। কিন্তু তাদের বিহার হ’লেও আহারো তো চাই। কাজেই কৃষ্ণ লোক পাঠালেন কাছেই এক যজ্ঞের যাজ্ঞিক ব্রাহ্মণদের কাছে। তাঁরা গোপবালকদের আজি কানেই তুললেন না। গোপবালকেরা ক্ষুণ্ণমনে ফিরে আসতে কৃষ্ণ দ্ব্যর্থক হাসি হেসে যা বললেন তার ভাবটা এই যে বুঝে শুষে না চললে কি চল? (“প্রহস্তু জগদীশ্বরঃ লৌকিকীং গতিং দর্শয়ন্”) যাও দেখি এবারে ঐ পুরুতদের অর্ধাজিনীদের কাছে। বালকেরা ব্রাহ্মণদের অন্তরমহলে হাজিরি দিয়ে কৃষ্ণের এ-নিবেদন জানাতে-না-জানাতে তারা গুরুজনদের নিষেধ শাসন গঞ্জনা সব ডিঙিয়ে চর্ব্য চুষ্য লেহ্য পেয় নিয়ে ছুটে এল প্রিয়ের উদ্দেশে যেমন ছুটে যায় নদী সমুদ্রের উদ্দেশে মরু গিরির বাধা ডিঙিয়ে—“অভিসম্প্রঃ প্রিয়ঃ সর্বাঃ সমুদ্রমিব নিম্নগাঃ।” এসে দেখল প্রিয়তমের অপরূপ মূর্তি (১০।২৩।২২) :

শ্রামং হিরণ্যপরিধিং বনমাল্যবহ্ন-ধাতুপ্রবালনটবেষমমুত্রতাংসে।

বিশ্রাস্তহস্তমিতরেণ ধুনানমজ্জং কর্ণোংপলালককপোলমুখাজ্জহাসম্ ॥

যমুনা উপবনে দেখিল তারা সেই ভুবনবিমোহন প্রিয়করে :

শ্রামল বরতন, বসন স্বর্ণাভ, চূড়ায় শিখিপাখা চমৎকার!

বক্ষে বনমালা, প্রবাল পল্লব লতা অলঙ্কার অঙ্গে ধরে!

দখিন কর ঘেরি’ কণ্ঠ বন্ধুর, লীলাকমল বাম করে তাহার

ভূমিকা

হয় আবির্ভূত অহেতু সুখে যেন ! চাঁচর কেশ দোলে কপোল'গরে !
কণ্ঠে উৎপল, অধরে মুছহাসি, মরি কী মনোহর রূপবিহার !

একজন বিখ্যাত ইংরাজ ঔপন্যাসিক রূপের বিশেষণ দিয়েছেন disturbing. ভাগবতের পাতায় পাতায় এ-উক্তির সাক্ষ্য। শ্রীকৃষ্ণ যেখানে যাচ্ছেন তাঁর রূপ আনছে ভূমিকম্প। অথচ তবু তারই মাঝে অন্তরের অশন বসন শয়ন স্বপন শাস্তি। মানুষের রূপে কখনোই রূপের এ-বিকল্প প্রয়োগ হয় না—অন্তত ততদিন যতদিন সে-রূপ মানবিক সুখমার উর্ধ্বে না ওঠে। কিন্তু কৃষ্ণের যে-রূপ তার প্রধান সার্থকতা এই খানে যে সে শুধু—ভাগবতের ভাষায়—“নয়নোৎসব” নয়, সে চেতনার আরোহণী। এই জন্তেই গোপীরা তাকে বলেছিল “অক্ষণ্ণতাং ফলমিদং ন পরং বিদামঃ” (২১।৭) :

নয়নের বহুসাধনার ফল—তাহার শ্রীমুখ, অতুল হাসি,

আর কোনো ফল আছে কি ? জানি না। সে-রূপখেয়ায় অকূলে ভাসি।

অকূলে কূল মেলে সহজে এই রূপেরি খেয়ায়। তাই রূপ হয় সহজেই পারের পারী। অবশ্য রূপ হ'ল কৃষ্ণের সার্বভৌম আবেদনের, অজস্র বিভাবের মধ্যে একটি মাত্র বিভাব। ভাগবত বলছে চেষ্টা করলে হয়ত ধরণীর ধূলিকণা গোণা সম্ভব কিন্তু কৃষ্ণ-বিভূতি সব গণনার পারে। একথা মেনে নিয়ে তবু বলব যে কৃষ্ণের আবির্ভাবে তাঁর রূপ একটি বড় কথা। সব অবতারে রূপের এতেন বিভূতি প্রকট হয় নি—যথা মৎস্য, কূর্ম, বরাহ, নৃসিংহ, পরশুরাম। কিন্তু কৃষ্ণের (ও তার পরে শ্রীচৈতন্যের) আবির্ভাবে রূপ এসেছে প্রাণের তীর্থ হ'য়ে যার স্পর্শ পেতে না পেতে প্রাণ ব'লে উঠেছে “অক্ষণ্ণতাং ফলমিদং ন পরং বিদামঃ।” আর একথা শুধু যে কৃষ্ণের দেহধারণের যুগেই সত্য ছিল তা নয়—সে-রূপের আগমন হ'ল চিরদিনের আসা—যাকে তোমরা বলা coming to stay—আর একথা যে উচ্ছ্বাস নয় তা সাধক মাত্রেই জানে ! আমি জানি এমন মানুষকে যার উপাস্ত ছিল শিব—অথচ তাকে কৃষ্ণই দর্শন দিয়ে আপন ক'রে নিলেন। শুনেছি তার মুখে—“সে কী রূপ ! আহা !”

ভাগবতী কথা

এই কৃষ্ণই হ'ল চিরন্তন কৃষ্ণ—মায়ামানব-রূপে এল শুধু তার
অঙ্গীকার—ভাগবতের ভাষায়—“বদ্ধগুরুরহং সখে” (১১।১৯।৪৩)
—ডাকলেন উকবকে তিনি এই ব'লে :

মামেকমেব শরণমাশ্রানং সর্বদেহিনাম্
যাহি সর্বাশ্রভাবেন ময়া স্মা হুকুতোভয়ঃ ॥

সকল দেহীর আশ্রয় আমি—আর কেহ নাই পারের পারী,
চাহিলে চরণে পূর্ণ শরণ লভিবে অভয়—অঙ্গীকারি।

একথা ভাগবতে কৃষ্ণকে বার বার বলতে হয়েছে, সম্ভবত এই
জ্ঞেই যে তিনি যে “সর্বতঃ পাণিপাদং তং সর্বতোহক্ষিষিরোমুখম্”
তাই কৃষ্ণ যে মাত্র একটি বিশেষ শ্রেণীর ভক্তের উপাস্ত—যাদের
লেবেল ‘পরম বৈষ্ণব’ একথা সত্য নয় : কৃষ্ণ যে বিশ্বতোমুখ, সব
দেবতার মধ্যে দিয়ে তিনিই যে পূজা গ্রহণ করেন, একধার বহুজ্ঞি ক’রেও
ভাগবত ক্লান্ত হয় নি। এক জায়গায় ভাগবত বলেছেন যে, তরুমূলে
জলসেক করলে যেমন তার ফল ফুল শাখা সর্বত্রই জলসেক হয়,
তেমনি অচ্যুতকে পূজা করলে হয় সর্ব-দেবতারই পূজা। অত্রুর
কৃষ্ণকে বলছেন (১০।৪০।৯) :

সর্ব এব যজন্তি স্বাং সর্বদেবমহেশ্বরম্ ।

যেহ্যাত্মদেবতাভক্তা যত্নপাত্মধিয়ঃ প্রভো ॥

সর্বদেবের ঈশ্বর তুমি সকলে তোমারি করে আরতি

নিয়ন্তা তুমি তাহারো যে বলে : “আন দেবতায় আমার মতি।”

একথা এত ক’রে বলছি কেন তুমি জানো। এযুগে আমাদের আধুনিক
মন পরমহংসদেবের ভাষায় “মনের বাজে খরচ” করতে ভালোবাসে।
তাই যখন কৃষ্ণপূজারিণী রাহানা লিখেছিল অত ক’রে যে, কৃষ্ণ-যে ঐতি-
হাসিক সত্য একথা কেন এ-যুগের লোকে মানতে চায় না—তখন তুমি
ঠিকই লিখেছিলে যে কৃষ্ণের সত্যতা পৌরাণিক না ঐতিহাসিক এ নিয়ে
মাথা বকানো নিষ্ফল, যেটা অমুখাবনীয় সেটা এই যে তাঁর আবির্ভাব
চিরন্তন কি না—তিনি বৃন্দাবন-বিহারী ছিলেন কি না এ-বিচারে কাজ
কি—আমরা চাই হৃদয়ঙ্গম করতে তিনি আমাদের হৃদয়বৃন্দাবনবিহারী

ভূমিকা

কিনা। (“We want ‘the Thing’ in itself—quite so, but we can’t get it unless we find that Thing *now*. What Krishna as a man may have done thousands of years ago is not what will give us ‘the Thing’: what He is doing in our hearts *now* is what we must know... If He wasn’t in our hearts *now* the *lilas* of ages ago would be quite insignificant.”)

এই-ই হ’ল চিরন্তন কৃষ্ণ যিনি ব’লেছিলেন : “সম্ভবামি যুগে যুগে”—শুধু অবতারের চিত্র বিগ্রহে নয়—নাস্তিকের মৃদু আধারে, অর্ধ-উন্মোচিত শিশুনয়নের দৃষ্টিপথে—সবচেয়ে বড় কথা, আমাদের হৃদয়ের সংশয়াকার ঝড় তুফানের গর্ভকোষে। “জন্মাষ্টমী”-র অর্থ যে এই-ই একথাও তুমিই একবার লিখেছিলে—বোধ হয় তোমার গীতাভ্যন্তরে। এই রকম কত ভাবেই যে তুমি কৃষ্ণলীলার মর্মবাণীকে ঝঙ্কারিত ক’রে তুলেছ তোমার বলিষ্ঠ ভাষার গভীর ছন্দে ! তোমার কাছে তাই তো কৃষ্ণ-প্রেমভিখারিরা এত কৃতজ্ঞ। আমার নিজের দিক দিয়ে তোমার কাছে আমি চিরকৃতজ্ঞ যে ভাগবত পাঠের দিকে তুমিই আমাকে ঠেলেছিলে সবপ্রথম, লিখেছিলে ফের সেদিনো : “I am so glad you have come to love the Bhagavat. It was the first book I read with Ma and had just finished it again with her when she went. It has meant to me more than any other book and you will remember my urging you to read it when you were here... Give yourself utterly to Krishna and in finding Him you will find everything... Go forward, caring nothing for anything else. But ask nothing, give everything.”

ভাগবতের চেয়ে মহত্তর বেদ আর কিছু নেই তোমার মুখে একথা শুনে আনন্দ আমার আরো গভীর হ’ল কারণ তুমি জানো তোমার তীক্ষ্ণ বিচারবুদ্ধির উপর শ্রদ্ধা আমার কতখানি গভীর ! তাই তো “ভাগবতী কথা”র ভূমিকা লিখতে হ’ল তোমাকেই নিশানা ক’রে—“মনের কথা কইব কি সই কইতে মানা—দরদী নৈলে প্রাণ বাঁচে না।”

ভাগবত সম্বন্ধে আরো কত উচ্ছ্বাসই যে আমার মনে ভিড় ক’রে

ভাগবতী কথা

আসছে! কিন্তু টাল সামলাতেই হবে। তাই আমার “ভাগবতী-কথা”র আদর্শ স্বরূপে ছচারটি কথা ব’লেই ইতি করব আজকের মত।

প্রথম কথা এই যে “ভাগবতী কথা” ভাগবতের শ্লোকগুলির হুবহু তর্জমা নয়। মানে, অনেক স্থলেই তর্জমা মূলানুগ হয় নি। শ্রীঅরবিন্দের একটি কথায় আমার মনের পূর্ণ সায় আছে : “A translator is not necessarily bound to the original he chooses : he can make his own poem out of it if he likes.”

আমার কথা হ’ল এই যে ভাগবত পড়তে পড়তে সময়ে সময়ে মনে আমার নেমেছে আনন্দের ঢল : তারই ঠেলায় আমি অকুণ্ঠে নিজেকে ছেড়ে দিয়েছি—যে-পথে আমার ভাব আবেশ আমাকে ঠেলে নিয়ে গিয়েছে সেই পথেই চলেছি না ভেবে চিন্তে। তাই অনুবাদ যেখানে মূলানুগ হয় নি সেখানে হৃৎকথ বোধ করবার কথা মনেও হয় নি—কারণ এমূহে আমি চেয়েছি শুধু ভক্তিপথের প্রেরণা! এ-প্রেরণাকে নির্ভেজাল ব’লে অনুভব করেছি—তাই এ-বিশ্বাস আমার আছে যে সর্বত্র মূলানুগ না হ’লেও “ভাগবতী কথা” ভক্ত-সমাজের করুণা থেকে বঞ্চিত হবে না। আরো এই জ্ঞে যে, ভাগবতের মূল ভাবধারা আমি কোথাও লঙ্ঘন করি নি। সময়ে সময়ে শ্রীধর স্বামীর বা সিদ্ধান্ত প্রদীপকারের বা বিশ্বনাথ চক্রবর্তীর টীকার শরণাপন্ন হয়েছি * কিন্তু অধিকাংশক্ষেত্রেই মূলের সরলার্থ গ্রহণ করেছি—কেন না ভাগবত পড়তে গিয়ে আমার চোখে পড়েছে যে, স্থানে স্থানে ভাষ্য মূলের সরলার্থ যেন একটু ঝাপসাই হয়েছে। গুরুদেবের কাছেও আমি একথা শুনেছি যে অনেক সময়েই টীকাকাররা মূলকে ভুল বোঝান তাঁদের মনের কোনো প্রবণতার ঝোঁকে। অবশ্য টীকাকরদের ভাষা বহুস্থলেই

* কেন হয়েছি তুমি জানো। ভাগবতে অনেক স্থলেই অনেক কথা উদ্ধৃতি থেকে গেছে—সেগুলি টীকাকার ধ’রে দিয়েছেন—পয়লা নম্বর। দোসরা নম্বর : ভাগবতে অনেক শব্দের নানা স্থলে নানা ভাবে প্রয়োগ আছে, যথা, “আত্মন”। এ শব্দটি ভাগবতে কোথাও মন অর্থে বসেছে, কোথাও বা প্রাণ, কোথাও বা দেহ। এ সব স্থলে টীকাকারদের ভাষ্যের কার্যকারিতা যে খুবই বেশি বলাই বাহুল্য।

কুমিকা

মূলকে স্পষ্টতর করে—নৈলে তাঁদের টীকার আদর হবেই বা কেন ?—
কিন্তু তবু তাঁদের যে ভুলও হয় এ যখন স্পষ্ট দেখা যাচ্ছে তখন সে-দিকে
সতর্ক থাকার প্রয়োজন আছে। একবার উল্লেখ করলাম শুধু এইটুকু
নিবেদন করতে যে ভাগবতী কথায় আমার প্রধান লক্ষ্য ভাগবতের
সরলার্থের তর্জমা, পাণ্ডিত্য-প্রকাশ নয়। এটুকু মনে রাখলে পাঠকদের
লাভ বৈ লোকসান হবে না। কিন্তু এছাড়া আমার আরো কয়েকটি
নিবেদন আছে তাঁদের কাছে :

প্রথম : ভাগবতী কথায় ছন্দবৈচিত্র্য আমি চেয়েছি কেন না
ছন্দের বিচিত্রতার মধ্যে দিয়েই ভাবের দোলা সুন্দর হ'য়ে ওঠে। কেন এ-
বৈচিত্র্য বাঞ্ছনীয় সে-সম্বন্ধে পরিশিষ্টে আমার বক্তব্য সংক্ষেপে বলেছি।

দ্বিতীয় : ভাগবতী কথার মোটামুটি ছটি ভাগ : ভাবগভীর
শ্লোকের তর্জমা ও কাহিনী-চিত্রণ। কাহিনীগুলির সম্বন্ধে আমার বক্তব্য
এই যে এদের ক্ষেত্রে আমি খানিকটা নিরঙ্কুশ ভঙ্গিতে চলেছি—অর্থাৎ
কাহিনীগুলির ছবির মধ্যে দিয়ে ফুটিয়ে তুলতে চেষ্টা করেছি তাদের মূল
ভাবটি কি—কোন সত্যকে তারা উজ্জ্বল ক'রে ধরেছে। তর্জমাগুলির
সম্বন্ধে স্বাধীন ভাবে চললেও এতটা নিরঙ্কুশ ছন্দে চলি নি—মূল
শ্লোকগুলির ভাবধারার যাতে হানি না হয় সেদিকে সাধামত দৃষ্টি
রেখেছি। তবে আমার প্রধান লক্ষ্য অল্পবাদের সাবলীলতা ও রসালতা।

তৃতীয় : ভাগবতী বাণীর অঙ্গশ্রুতার দরুণ অনেক শ্লোক বা
কাহিনীই আমাকে বাদ দিতে হয়েছে। আমি চয়ন করেছি শুধু সেই
সব ভাব ও কাহিনী যাতে আমার মন বেশি ক'রে সাড়া দিয়েছে।
আমার নিজের মনকে আমি শুধু আধুনিক শ্রদ্ধালু গ্রহিণী মনের
প্রতিনিধি হিসেবেই ধরেছি। তাই ভরসা হয় যে ভাগবতী ভাব-
সমুদ্রের যে-সব তরঙ্গদোলায় আমার মন ছলে উঠেছে তাতে সব
না হোক অনেক শ্রদ্ধালু মনই উঠবে ছলে।

কিন্তু তাই ব'লে একথা বলা আমার উদ্দেশ্য নয় যে, আমার
চয়নগুলি দিয়েই ভাগবত বিচার্য। বলেছি ভাগবত ভাবের রসাকর,
তার অন্ত পাবে কে ? আমার চয়নে আমি আমার নিজের মন ও

ভাগবতী কথা

কটিকেই সম্বল ক'রে ডুবাবি হয়েছি—যে-মণিগুলির রূপজ্যোতিতে আমার মন মুগ্ধ হয়েছে তাদেরই তুলে সাজিয়েছি আমার অনুবাদে, উপমার, ছন্দের ডালায়। ভবিষ্যতে আরও রত্ন চয়ন করার ইচ্ছা রইল যদি ভাগবতী কথার আদর হয়—ভাগবতের ভাষায়—“ভাবুক ও রসিক”—দের পরিষদে।

তবু মনে হয় একটা কথা এখানে বলা ভালো যেহেতু আধুনিক ভাবুক সমাজে না হোক রসিক সমাজে অনেকেই দেখি কথাটি বিস্মৃত হন। কথাটি এই যে, ভাগবত সংস্কৃত কাব্যানন্দনে একটি অপরূপ পারিজাত হ'লেও ভাগবতের পরম মহিমা এর কাব্যগৌরবে নয়—ভক্তি ও ভাবগৌরবে। কাব্যের ছন্দের রসায়নেই সে-ভক্তি তথা ভাব মণিময় হ'য়ে উঠেছে সত্য, কিন্তু মনে রাখা চাই যে ভাগবতকার কাব্যরচনা করবার আদর্শ নিয়ে ভাগবত রচনা করতে বসেন নি। নারদ ব্যাস-দেবকে যে-মুহু ভংসনা ক'রেছিলেন সেই তিরস্কারই হয়েছিল মহাকবির ভাগবত-প্রণয়নের প্রবর্তনা। এ-সম্বন্ধে বিস্তারিত ভাবে যাঁরা জানতে চান তাঁরা যেন ভাগবতের প্রথম স্কন্ধের চতুর্থ ও পঞ্চম অধ্যায় দুটি একটু শ্রদ্ধা নিয়ে পড়েন। আর বিশেষ ক'রেই অনুধাবন করেন নারদের এই চিরন্তন সত্যোক্তিটিকে :

তস্মৈব হেতোঃ প্রযতেত কোবিদো ন লভ্যতে যদ্ ভ্রমতামুপর্যধঃ।

তল্লভ্যতে হৃৎখবদন্ততঃ সুখং কালেন সর্বত্র গভীর-রংহসা ॥

(অনুবাদ—৪ পৃষ্ঠায় দ্রষ্টব্য)

একথার সরলার্থ ছাড়া একটি নিহিতার্থ আছে যে, মানুষ সর্ব প্রকার সুখের স্বাদ পেয়েও যখন অতৃপ্ত থেকে যায় তখনই সে পুরো-পুরি ক্ষেপে সেই সুখের খোঁজে যাকে বিশ্বব্রহ্মাণ্ডে কোথাও মেলেনা—মিলতে পারে না। কাজেই কাব্যরস সে-রস নয় যা পরিবেষণ করবার জন্যে নারদ ব্যাসদেবকে ডেকেছিলেন। তাই ভাগবতকার নানা সুরের মধ্যে দিয়েই ক্রমাগত ফিরে আসছেন এই বাদী সুরে যে, ভাগবতী কথায় একবার যে রস পেয়েছে সে আর হারাতে চায় না হারানিধিকে—“পুনর্বিহাতুম্ ইচ্ছেন্ ন রসগ্রহো জনঃ।” গীতিতৃষ্ণিতের কাছে

ভূমিকা

সুরের যে-মূল্য, মরুতপ্তের কাছে নিষ্করের যে-মূল্য, অভাবক্লিষ্ট মানুষের কাছে ভক্তির তথা ভাগবতের সেই মূল্য। তারো বেশি। কেন না বলেছি, গুণীর সুর কবির ছন্দ প্রভৃতি আমাদের জীবনের সেই আদিম অভাব পূর্ণ করতে পারে না যা পারে ভক্তি। একথা বার বার নানা বিচিত্র ছন্দে রূপকে উৎপ্রেক্ষায় অলঙ্কারে ব'লেও ভাগবতকারের আশ মেটে নি। কেন না তিনি তো শুধু কবি ছিলেন না, ছিলেন ঋষি। তাই তিনি টের পেয়েছিলেন যে, আমাদের অন্তরাঙ্গার গভীরতম কুখা পাখিব ভোগের নয়, বিছার নয়, কর্মের নয়, সুখের নয়, আরামের নয়—তার চিরতৃষ্ণার জল হ'ল “মুকুন্দচরণামৃতম্”—কি না ভাগবতী চেতনা লাভ। এই কথা উদ্ধবকে শ্রীকৃষ্ণ বলেছেন বড় সুন্দর ক'রে (১১, ১৪, ১৭) :

নিষ্কিঞ্চনা ময়ানুরক্তচেতসঃ শাস্তা মহাস্তোত্রখিলজীববৎসলাঃ।

কামৈরনালকধিয়ো জুষন্তি তে যন্নৈরপেক্ষ্যং ন বিদ্বঃ সুখং মম ॥

আমার প্রেমে যারা চির-অকিঞ্চন সবারে ভালবাসে শাস্ত প্রাণে
তারা যে-মুক্তির পরম স্বাদ পায় কামনা-ক্লিষ্ট কি সে-সুখ জানে ?

তাই ভাগবতে জ্ঞানের সম্বন্ধে, কর্মের সম্বন্ধে, মোক্ষের সম্বন্ধে, পরহিত সম্বন্ধে অতি চমৎকার বাণী অজস্রতায় বিকমিকিয়ে উঠলেও এবং ভাগবতের চরিত্র-চিত্রণ ছন্দকল্লোলে রসিক ও ভাবুককে মুগ্ধ করলেও, ভাগবতের গোড়াকার প্রশ্নন—main stress—ভক্তিরই উপরে। সুতরাং ভাগবতের ভাবধারা বহুমুখী একথা মনে নিলেও বলতেই হবে যে, ভাগবত সব আগে ভক্তির অদ্বিতীয় বেদগান—একথা মনে রাখতে হবে যে, এ-ভক্তিকে উদ্ভুল করবার জন্তেই ভাগবত কাব্যের স্তবের ছন্দের আশ্রয় নিয়েছে—গানের জন্তে গান করতে চায়নি : শ্রীঅরবিন্দের ভাষায়—“not art for art's sake, but art for the Divine's sake.” এই-ই হ'ল ভাগবত-রসের চরম লক্ষ্য—ভাগবতী কথার পরমানন্দ-পরিবেষণ তার কাব্যরসের মধ্য দিয়ে। যারা ভাগবতে এই ভক্তির রসটুকু বাদ দিয়ে শুধু তার কাব্যরসটুকু চাখতে চাইবেন তারা অধ্যয়ন থেকে কিছুই পাবেন না এমন কথা বলছি না—(যেহেতু বলেছি, কাব্য হিসেবেও

ভাগবতী কথা

ভাগবত একটি অপরূপ কাব্য)—কিন্তু ভাগবতের অন্তরতম অমৃতস্বাদ থেকে যে বঞ্চিত হবেন এ নিশ্চয়। ভাগবতের পণ্ডিত প্রথম দিকে এই কথাটি বোঝেন নি ব'লেই রাজা রাজদ্বারে তাঁকে মৃত্তভংসনা করেছিলেন : “তুমি আগে বোঝো।”

তবু কাব্যের প্রসঙ্গ যখন উঠলই তখন একটি কথা বলার লোভ হচ্ছে, ব'লেই ফেলি, আরো এই জ্ঞে যে, এখানে ভাগবত অপ্রতিদ্বন্দ্বী। কথাটা এই যে, নারী-চরিত্রচিত্রণে ভাগবতের জুড়ি মেলা ভার। ধর্মগ্রন্থে—বিশেষ ক'রে যে-গ্রন্থের ছত্রে ছত্রে বৈরাগ্যসাধনের পূর্ণ সমর্থন, যার কেন্দ্রীয় মহাচরিত্রও জন্মবৈরাগী স্বভাবনিঃসঙ্গ—এ-হেন সাধনগ্রন্থে নারী এমন মহিমময় হ'য়ে উঠল কী ক'রে? আমরা অবশ্য কথায় কথায় উদ্ধৃত করি আগুবাণ্য : “যত্র নার্যাস্তু পূজ্যন্তে রমন্তে তত্র দেবতাঃ”—কিন্তু সত্যনিষ্ঠ সাধককে স্বীকার করতেই হবে যে, ভারতীয় সাধনগ্রন্থে নারীকে কোথাওই শুধু যে অভ্যর্থনা করা হয় নি তাই নয়, অতি রুক্ষ কণ্ঠে বর্জনীয়া ব'লেই প্রচার করা হয়েছে যার চরম ছঙ্কার হ'ল তাকে “নরকশূ দ্বারম্” ব'লে অম্পৃশ্য, ভয়াবহ ক'রে তোলা। কিন্তু আশ্চর্য এই যে, ভাগবতকার বৈরাগ্যপন্থী হ'য়েও নারীকে শুধু যে শ্রদ্ধার চোখে দেখেছেন তাই নয়, দেখেছেন হৃদয়ের চোখে—দরদের চোখে। তাই না নারীহৃদয়ের ব্যথা বেদনা আশা নিরাশা মান অভিমান—সবই ভাগবতে এমন অপরূপ কাব্যমহিমায় মণ্ডিত হ'য়ে উঠল! কাব্যে নারীর স্থান অপ্রতিহত হ'লেও ধর্মসাধনার এলাকায় তাকে এমন সাদরে আর কোনো ঋষিকবি স্থান দিয়েছেন কি না সন্দেহ। একথাটি আরো স্মরণীয় এই জ্ঞে যে, ভাগবতের মূল প্রবর্তনা ভক্তি-সাধনার। এ-হেন গ্রন্থে নারীর এমন মহিমময়ী হ'য়ে ওঠা শুধু আশ্চর্য নয়—চোখে না দেখলে যে-সব ব্যাপার বিশ্বাস করা যায় না এ হ'ল সেই জাতের অঘটন।

অবশ্য আমি এমন ইঙ্গিত করছি না যে ভাগবতকার বলেছেন নারী সাধন-পথের একটি মন্ত সহায়। ভাগবতকার পই পই ক'রেই বলেছেন

ভূমিকা

কাম ভক্তের ভক্তিসাধনার একটি প্রধান বাধা। অথচ তবু ভাগবতের কৃষ্ণ তাঁর অদ্বিতীয় মহিমায় অপরূপ হ'য়ে উঠতে পারতেন কি যদি ভাগবতকার তাঁর গোপীবল্লভ ও রমণীবল্লভ চিত্র না ফোটাতেন? ভাগবতের এ-দিকটা নিয়ে তোমার সঙ্গে আমার কোনদিন আলোচনা হয় নি। তবে তোমার আমার উভয়েরই গুরু “মা”—কাজেই আমার মনে হয় তুমিও এ কথা বলবে না যে নারীজাতির সঙ্গে নর-জাতির সেই বিভীষিকাময় সম্বন্ধ গ'ড়ে ওঠা উচিত যে-সম্বন্ধ আমাদের সন্ন্যাসে আদর্শ সম্বন্ধ ব'লে অঙ্গীকৃত হয়েছে। অন্তত আমি এ-কথা ভাবতেই পারিনে যে, যে-জাতি আমাদের মাতৃজাতি তাকে অস্পৃশ্যবৎ দূর্-ছেই করা হোক এই-ই ভগবানের অভিপ্রেত। এ-কথায় আমাদের সায় আছে যে রমণীকে কামের চক্ষে দেখা যোগীর পক্ষে অনাচার, কিন্তু তাই ব'লে নারীকে সাধনার পথে শ্রীতির বা শ্রদ্ধার চোখে দেখলেও “মহতী বিনষ্টিঃ” হ'বে এ-ধরনের উপদেশে অন্তত আমাদের আধুনিক মন বিদ্রোহ না ক'রেই পারে না।

এইজগত্রেই আমার বিশ্বাস আধুনিক মনীষীদের মন ভাগবতের নারী-চিত্রণে মুগ্ধ হবেই হবে। কী দরদ তাঁর নারীদের প্রতি! তাদের মনের প্রাণের কত কথাই না তিনি ফুটিয়ে তুলেছেন তাঁর অপরূপ চরিত্রচিত্রণে!—পড়তে পড়তে স্থানে স্থানে চোখে জল রাখা ভার হ'য়ে ওঠে। শুধু গোপীদের চিত্রেই নয়—যদিও ভাগবত কাব্যমহিমার শিখরে উঠেছে গোপীপ্রেমচিত্রণেই বটে—কিন্তু অশ্রু কত অপূর্ব নারী-হৃদয় ছবি হ'য়ে ফুটে উঠেছে বলো তো! কুন্তী, দ্রৌপদী, ক্লান্তিনী, যশোদা, দেবহূতি, সতী—কাকে ছেড়ে কাকে ধরি? একটি ছুটি ছোট ছোট রেখা টানা—অমনি একটি একটি অপরূপ নারীহৃদয় মাতৃহৃদয় বিরহিণী হৃদয় উঠল ফুটে তার গভীরতম তথা সূক্ষ্মতম আশা নিরাশার আনন্দ বেদনা অশ্রু হাসির স্নিগ্ধ সুরভি, কোমল ব্যঞ্জনা, মোহন মূর্ছনা নিয়ে! ভাগবতী কথার নানা চরিত্রে আমি ফোটাতে চেষ্টা করেছি এ-ছবি—কিন্তু তবু চোখের সামনে ভাসে কত অপরূপ ছবিই যাদের ফোটানো হয় নি! ধরো দ্রৌপদীর কথা। সে-মহত্ব কি ভুলবার

ভাগবতী কথা

শোকাভী জননীর বেদনার পটে ? হৃদয়তরু কথ্য ভাবতে শুধু আনন্দ
নয় গোরব হয় না কি ? যে-কাপুরুষ অশ্রুতামা তাঁর নিরীহ পঞ্চপুত্রের
ঘাতক তাকে যখন অর্জুন “পশুবৎ পাশবদ্ধ” অবস্থায় টেনে এনে
বধার্থে তাঁর কাছে হাজির করলেন তখন তিনি ব্যাকুল কণ্ঠে বলি
উঠলেন :

মুক্ত করো—মুক্ত করো ! করিও না হত্যা এ-নির্বলে;
জননী ইঁহার কুপী, গুরুজায়া আজিও জীবিতা,
পুত্রশোক য়ে-বেদনা সহি’ আমি আজ জীবন্তুতা,
সে-বাধা সহিতে যেন না হয় তাঁহারে অশ্রুজলে ।

একটি ক্লোকে চিরন্তন জননীর পুত্রশোক-বেদনার কী অপরূপ চিত্র
কুটে-উঠল নারী-হৃদয়ের কল্পনার পটে !—

“মা রোদীদন্ত জননী গৌতমী পতিদেবতা ।

যথাহং মৃতবৎসাতী রোদিম্যশ্রুমুখীমূর্ছঃ ॥

হৃদয় ভ’রে ওঠে না ভাবতে যে এমন ঋষি আমাদের দেশে
এমন ভাবে ও কবিত্তে সব্যসাচী হ’য়ে ভারতকে উজ্জ্বল ক’বে রেখে
গেছেন চিরদিনের জগো ?

আর শুধু কি নারী-হৃদয়ের বেদনা ? তার হৃদয়ের সূক্ষ্মতম আশা
স্বপ্ন জল্পনার ছবিও ছিল যেন কবির নখদর্পণে । মনে করো লক্ষ্মীর
হুংখ সমুদ্র-মস্থনের শেষে—অষ্টম স্কন্ধের অষ্টম অধ্যায়ে । সুন্দরীর
কি কিছুতে মন ওঠে ছাই—একেবারে নিখুঁৎটিই তাঁর চাই—
আবদার !—এতটুকু পান থেকে চুণ খসেছে কি মুখ ভার । স্বয়ম্বরার
এ-হেন ছবি কি রঘুবংশের কালিদাসও ফোটাতে পেরেছেন ? আরো
কত ছবি মনে পড়ে—কত ছোট বড় নারীর । মনে পড়ে কুন্তীর
প্রার্থনা (১৮৪১) : “আত্মীয় ও সন্তানের প্রতি আমার মমতার ভোর
ছিল করো” । মনে পড়ে আলুথালু যশোদার দড়ি দিয়ে কৃষ্ণকে
বাঁধবার সে-ব্যর্থ চেষ্টা । মনে পড়ে কৃষ্ণের যুধ পরিণাসে পতিব্রতা
ক্লান্তীর ভীৰু মূর্ছা ! কিন্তু এ-ছাড়াও আরো কত “কাব্যে উপেক্ষিতা”
এখানে ওখানে উঁকি দিয়ে স’রে গেছে ! কিন্তু তবু সেই দু-একটি

ভূমিকা

কণিক কটাক্ষের চলন্ত ছবিও কবি ফুটিয়ে তুলেছেন তাঁর কল্পনার পটে কখনো বা বিছানামের তীব্র উদ্ভাসে, কখনো রবিকরের উজ্জ্বল প্রভায়, কখনো ইন্দুলেখার স্নায়মান আলোয়। এমনি একটি চলন্ত ছবির উল্লেখ ক'রেই সমাপ্তি টানব এ-দীর্ঘ ভূমিকার।

অক্রুর তাঁর রথে ক'রে বৃন্দাবন থেকে কৃষ্ণ বলরামকে নিয়ে এলেন মথুরায়। তখন মথুরাবাসিনীদের কী অবস্থা হ'ল মনে পড়ে? আর সঙ্গে সঙ্গে ফুটে ওঠে সেই চির-চপল বিশ্বকাস্তের বল্লভ ছবি?

কাশিচিপর্যগ্ধৃতবস্ত্রভূষণা বিস্মৃত্য চৈকং যুগলেষথাপরাঃ ।
কৃতৈকপত্রশ্রবণৈকনূপুরা নাঙ্ক্তা দ্বিতীয়ন্তু পরাশ্চ লোচনম্ ॥
অশ্রুস্তা একান্তদপাস্ত্র সোৎসবা অভ্যজ্যমানা অকৃতোপমজ্জনাঃ ।
স্বপন্ত্য উথায় নিশমা নিশ্বনং প্রপায়য়ন্তোহর্ভমপোহা মাতরঃ ॥
মনাসি তাসামরবিন্দলোচনঃ প্রগল্ভলীলাহসিতাবলোকনৈঃ ।
জহারমন্তুদ্বিরদেস্ত্রবিক্রমো দৃশাঃ দদচ্ছ্রীরমণাঘনোৎসবম্ ॥
দৃষ্ট্য়া মুহুঃ শ্রুতমমুদ্রতচেতসস্তং তৎপ্রেক্ষণোৎস্মিতমুধোক্ষণলক্মনাং
আনন্দমুতিমুপগুহ্য দৃশাঅলকং হস্তাঘ্রচো জজ্বরনস্তুরিন্দমাধিম্ ॥

(১০।৪১।২৫-২৮)

‘গটিল মথুরাপুরে মুখে মুখে এল এল ঐ শ্রীমল হরি !
পুরবাসিনীরা ধায় বাতায়নে বিহ্বলা সম—কেহ বা পরি’
বাহুর বলয় চরণে, কটির মেঘলা জ্বায়ে কণ্ঠে কেহ
একখানি কঙ্কণ পরি’ ধায় রাজপথে হায় ছাড়িয়া গেহ !
নীবিবন্ধন থলে...অঞ্জন একটি নয়নে পরিয়া ছুটে
একটি নুপুর পরি’ কেহ ধায়—বসন ভূষণ ভূতলে লুটে...
ছাড়িয়া অঙ্গরাগ কেহ ধায় বিনা প্রসাধনে না করি’ স্নান...
অশন শয়ন ছাড়ি’ কেহ ধায়, কেহ ধায় ছাড়ি’ স্তম্ভদান
সন্তানে তার—রাধি’ গৃহকাজ লজিয়া গুরুগজনাথ
পুষ্প বিছায় কেহ বা ধুলায় যেথা দিয়ে চিরকিশোর ধায়—
দ্বিরদের সম হুলি’ হুলি’ স্নেহে হাসি করে মুখে মরি মাধুরী!
চাহনি চপলে কমলামোহন ললনার মন করিয়া চুরি !

ভাগবতী কথা

কেহ ছিল পথ চেয়ে বহুদিন শুনি' অহুদিন বঁধুর কথা,
লভি' সে-হরির হাসি-কটাক্ষ-সুখা-সিঞ্চন না-বলা ব্যথা
স্মিত্তিরি—বরি' দৃষ্টির পথে আনন্দময়ে, করি' ধারণ
ত্রীকান্ত প্রেমপাশে আপন অন্তরে—করে আলিঙ্গন।

কেবল একটা কথা। এটাও লক্ষ্য করবার বিষয় যে নারী-চরিত্রের উচ্ছলতার মধ্যে দিয়ে ভাগবতকার কোথাও ফোটাতে চান নি প্রাণশক্তির উদ্দামতার মহিমা—সর্বত্রই দেখাতে চেয়েছেন যে, যে-প্রাণশক্তির ধর্ম মনকে তীর্থমুখিতা থেকে ভ্রষ্ট করা সেই একই প্রাণ-শক্তি শুধু সুন্দর নয়, পথের পাথেয় হ'য়ে ওঠে যদি একবার কোনোমতে তাকে ভগবদ্বশী করতে পারা যায়। তাই নারীহৃদয়ের সিঙ্কুলীলা তিনি এঁকেছেন সেই নারীনাথের মহিমা ফোটাতে ধীর পূর্ণিমা-অভ্যুদয়ে রমণীহৃদয়ে প্রেমের জোয়ার ওঠে জেগে। কাব্য তাঁর কাছে হয়েছে এ-লক্ষ্যভেদের একটি অপূর্ব সায়কমাত্র, লক্ষ্যরূপে গণ্য করার কথা তাঁর মনেও হয়নি। তাঁর মন-যে ছিল “শরবৎ তন্ময়” সেই বিশ্বকামের পরম নিশানার ধ্যানে ধীর উদ্দেশ্যে যুগে যুগে লক্ষ লক্ষ ভক্তের অভিসারিকা রাখা-হিয়া গেয়ে এসেছে অশ্রুসাগরের নীলকল্লোলে :

প্রেমদঞ্চ মে কামদঞ্চ মে বেদনঞ্চ মে বৈভবঞ্চ মে।

জীবনঞ্চ মে জীবিতঞ্চ মে দৈবতঞ্চ মে দেব নাপরম্ ॥

ইতি। ২০।১১২.৪৫।

পুনশ্চ। আমাকে এখানে একটু ভুল বুঝবার সম্ভাবনা র'য়ে গেল। তুমি ভুল বুঝবে না জানি, তবু অনেকে বুঝতে পারেন তাই পুনশ্চ টানতে হ'ল।

একথা বলা আমার উদ্দেশ্য নয় যে, ভাগবতকার নারীকে সাধন-পথের বাধা ব'লে কোথাও প্রচার করেন নি। কিন্তু যেখানে করেছেন সেখানে দেখতে হবে কার মুখ দিয়ে বলিয়েছেন ও কাকে বলেছেন। দশমস্কন্ধে পরীক্ষিতের দুর্নীতি সম্বন্ধে প্রশ্নে শুকদেব বলেছেন যেটি ভাগবতের একটি গভীর বাণী যে, এক নীতি সবার জ্ঞাতো নয় এবং দুর্নীতি ব'লে কোনো সার্বজনীন বাঁধাধরা ছাপমারা আচরণ নেই—ভেজস্বীর

ভূমিকা

ধর্মব্যতিক্রম করেন ও তেজস্বী ব'লেই তাঁদের এ-অধিকার আছে “তেজস্বীরাং ন দোষায়”। এ কথা ব্যাসদেব মহাভারতেও বলেছেন অমূল্যশাসন-পর্বে কুন্তীর কানীন পুত্র-সম্পর্কে যে, কুন্তীর ক্ষেত্রে এতে দোষ হয় নি (কী সর্বনেশে কথা!) যেহেতু

সর্বং বলবতাং পথাং সর্বং বলবতাং শুচিঃ ।

সর্বং বলবতাং ধর্মঃ সর্বং বলবতাং স্বকর্ম ॥

বলবানের পথা সবি হয়,

বলবানের শুচি কী বা আছে ?

বলবানের ধর্ম অক্ষয়

বলবানের সকলি ভবে সাজে ।

(অবশ্য এখানে বলবান্ বলতে বাহুবল উদ্দিষ্ট হয় নি—আত্মিক বলের কথাই বলা হয়েছে যে-ভাবে উপনিষদ এ বিশেষণটিকে ব্যবহার করেছেন—“নায়মাত্মা বলহীনেন লভ্যঃ”—আত্মা তার লভ্য নয় যে নয় বলবান্)।

মহাবাগীময় সব গ্রন্থেই অনেক সময়ে পরস্পরবিরোধী নীতি বা বিধান মেলে এই জগ্গেই যে, মানুষ সবাই এক ছাঁচে ঢালা নয়। ছোট যাদের দিগন্ত তারা সব মানুষকেই শিশু মনে ক'রে কিশোর-গার্ডেনের কথামালার অথবা ‘জয় ব্রহ্ম জয়ে’র অদ্বিতীয় পাঠ দিতে পারে, কিন্তু গোপালরূপী সুবোধ-বালকদের জগ্গে স্থাপিত অবোধ বিশ্ববিদ্যালয়ের অদ্বিতীয় শিশুপাঠ হিসেবে ব্যাসদেব ভাগবত প্রণয়ন করেননি। এও আমি বলেছি যে ভাগবতের মূল সার্থকতা এর কাব্যে নয়—বেদে। এ হেন জীবনবেদে নানা অধিকারীর জগ্গে নানা উপদেশ, নানা আতের জগ্গে নানা ঔষধ নির্দিষ্ট হ'তে বাধ্য—না হ'লে নানা-মুখী লোকের মুখ ফিরবে কেন ভাগবতের পানে? কাজেই সেখানে, ধরা যাক, অবধূত সন্ন্যাসীদের জগ্গে মুনিকে এমন বিধানও দিতে হ'ল :

পদাপি যুবতীং ভিক্ষুর্ন স্পৃশেৎ দারবীমপি ।

স্পৃশন্ করীব বধোত করিণা অঙ্গসঙ্গতঃ ॥ (১১।৮।১৩)

ভাগবতী কথা

অর্থাৎ সাধু, সাবধান !—

স্বভীর দারুময়ী প্রতিমাও কভু ভুলে করিও না পরশন তব চরণে :
করিলে মজ্জিবে—যথা মজ্জে করী করিণীর অঙ্গ-পরশনের উদ্ভাদনে ।

খটকা লাগে বৈ কি—ইনি কি সেই ভাগবতকার যিনি রাসলীলায় বা কুঞ্জার গৃহে কৃষ্ণের ফুলশয্যা-বর্ণনায় দোষ দেখেন নি ? কিন্তু এখানে আমাদের আধুনিক মন ঘা খায় বোধ হয় প্রধানত এই জ্ঞে যে, আমরা এ-যুগে স্বতঃসিদ্ধের মতন ধরে নিয়েছি যে পরম সত্য হ'ল এই বাণী যে, সব মানুষই সমান ও পরম মিথ্যা হ'ল সেকেলে অধিকারিভেদের বৈষম্যবাদ । কিন্তু বিশ্বরচনার হাজারো ভেদছন্দের মধ্যে সামঞ্জস্য-স্থাপনের জ্ঞেই-যে অধিকারিভেদে পথ্যভেদের ব্যবস্থা হয়েছে এই কথাটি উপলব্ধি না করলে পুরাণস্থের অনেক বাণীই কানের মধ্যে দিয়ে মরমে প্রবেশ করতে বাধা পাবে । তাছাড়া আর একটি কথাও এ-সম্পর্কে মনে রাখতে হবে : যে, ভাগবতকার নীতিপাঠও দিয়েছেন বটে, কাব্যরচনাও করেছেন অজস্র সম্ভারে—কিন্তু তবু তিনি শুধু সমাজপতি বা কবিই ছিলেন না—সব আগে তিনি ব্রহ্মা ধ্যানী শ্ববি । সুতরাং তিনি তাঁর শিখর-চেতনার উচ্চভূমি থেকে দেখেছিলেন যে, সত্যের উপলব্ধি জীবনবিকাশের নানা-স্তরে নানান্ রূপ নিতে পারে । চেতনার এ-স্তরে সত্যের যে-আত্ম-উন্মোচন ও-স্তরে তার সে-আত্ম-উন্মোচন নয় । তাই কৃষ্ণ ভাগবতে নানা লোকের সঙ্গে নানা ছন্দে কথা কয়েছেন । ব্রাহ্মণপত্নীরা যখন এল অভিসারে দিলেন তাদের ফিরিয়ে গৃহচর্য্যাই তাদের স্বধর্ম ব'লে । কিন্তু ব্রজবালারা যখন এল তখন তাদের বললেন : “আচ্ছা, বজ্রহরণের পর্বে তোমরা যে আমার কথা শুনে লজ্জাবিসর্জন দিয়েছ তাতে আমি প্রসন্ন হয়েছি । এসো তোমরা সামনের রাসপূর্ণিমায় গৃহতাগ ক'রে, আমি করব তোমাদের সঙ্গে রাস-লীলা ।” নন্দকে দিলেন গুরুর মতন উপদেশ—কী হবে ইন্দ্রের যজ্ঞ ক'রে । অথচ বসুদেবের কাছে এমন নিরীহ গোবেচারি সাজলেন যে, বসুদেব তাঁকে অজ্ঞ ভেবে তত্ত্বকথা জিজ্ঞাসা করলেন মুনিদের । মুনিরা তো হেসেই খুন : “সামনে শ্ময়ং বিশ্বভাবন অথচ বসুদেব

ভূমিকা

হাউজোড় করছে কি না আমাদের কাছে !—তবে এ-ও ঐ চতুর-
চূড়ামণিরই চাতুরি যার এই ব্যবস্থা (১০৮৪।৩১) :

সন্নিকর্ষো হি মর্ত্যানাংমনাদরকারণম্ ।

গাঙ্গং হিহা যথাস্তাস্তস্তত্রতো যাতি শুদ্ধয়ে ॥

নিয়ত যার কাছে মানব রয়ে—তার আদরণীয়তার হারার জ্ঞান :

গঙ্গাভীরে বাস বাদের তারা চায় অস্ত্র জলে হার শুদ্ধি-মান !

অজুর্নকে উদ্ধে দিলেন যে, জ্রোপদীর পায়ে অশ্বখামার মৃণু
উপহার না দিলে ভালো দেখাচ্ছে না, আবার জ্রোপদী যখন অশ্বখামাকে
কমা করল তখন যে-দ্বার্থক হাসি হাসলেন তার ভাবখানা : “সাবাস” !
উদ্ধবকে বললেন গৃহস্থাত্মম ছেড়ে বদরীনারায়ণে প্রতজ্ঞা নিতে, আবার
নিকাম ভক্ত প্রহ্লাদকে বলা হ’ল বিয়ে থা ক’রে রাজবংশ প্রতিষ্ঠা
করতে । এধরণের উন্টোপান্টা কথা শুনলে মনটা একটু উদ্ভ্রান্ত হ’য়ে
যায় বৈ কি । অজুর্ন কি সাথে বলেছিলেন : “দোহাই প্রভু, বুদ্ধিকে
আমার বিহ্বল কোরো না !”

পড়তে পড়তে থেকে থেকে মনে হ’ত আর একটা ছবি :
মহাভারতে শান্তি পর্বে যুধিষ্ঠিরের সঙ্গে অজুর্নের তর্ক । যুধিষ্ঠির
বললেন—বৈরাগ্যই পন্থা, অজুর্ন বললেন : এ কী ছবুদ্বির কথা ?
আপনি রাজা, রাজধর্মই আপনার পালনীয়—ইত্যাদি । তাতে যুধিষ্ঠির
শোধ তুললেন এই ব’লে যে যদিও :

(যুদ্ধধর্মেষু সর্বেষু ক্রিয়াণাং নৈপুণেষু চ

ন দ্বয়া সদৃশঃ কশ্চিৎ ক্রিমু লোকেষু বিজ্ঞাতে)

রণের পরিচালনে আর কর্ম-অনুশীলনে

তোমার সম নিপুণ বীর মিলে না তিন ভুবনে ।

কিন্তু হ’লে হবে কি :

(ধর্মঃ সূক্ষ্মতরং বাচ্যং তত্র দুঃপ্রতরং দ্বয়া

ধনজয় ন মে বুদ্ধিমভিশক্তিভূমহঁসি)

কুল যে তব বুদ্ধি তাই, ধর্ম অতি সূক্ষ্ম,

তাই আমার বুদ্ধি ’পরে হানিলে বাণ রুদ্ধ ।

ভাগবতী কথা

এই ক্ষণেই ভাগবতকার ও অন্ত মহাঋষিরা বলেছেন যে শুধু কর্মনিপুণ বুদ্ধি বা ইন্ড্রিয়লভ্য তথ্যজ্ঞান সম্বল ক'রে চললে “মন্ত্রবিৎ” হওয়া যেতে পারে কিন্তু “আত্মবিৎ” হওয়ার আশা ছরাশা।

কথাটা একটু পরিষ্কার ক'রে বলবার চেষ্টা করি কারণ এ-ছটি শব্দের মধ্যে যে-ইঙ্গিতটুকু আছে সেটি গভীর। ছান্দোগ্য উপনিষদে সপ্তম অধ্যায়ে আছে যে, নারদ মুনি চতুর্বেদ, ইতিহাস, পুরাণ, কালতত্ত্ব, নীতিশাস্ত্র, গণিতশাস্ত্র, ভূতবিজ্ঞা, নক্ষত্রবিজ্ঞা... ইত্যাদি—এমন কি সর্পবিজ্ঞা পর্যন্ত—আয়ত্ত ক'রেও দেখলেন যে পেলেন না সেই অমৃত-স্বাদ যাতে ক'রে অশোক হওয়া যায়। তাই গিয়ে ধনা দিলেন সনৎ-কুমারের দ্বারায় : “এতশত বিজ্ঞায় বিদ্বান্ হ'য়েও আমি বড়জোর “মন্ত্রবিৎ” হয়েছি—“আত্মবিৎ” হ'তে পারি নি আজো। তাই আমি শোকমগ্ন। তবে ভবাদৃশ জনের মুখে শুনেছি আত্মবিৎ-ই পারে শোক উত্তীর্ণ হ'তে—আমাকে নিয়ে চলুন সেই পারে।” * তখন সনৎকুমার তাঁকে একের পর এক পাঠ দিতে লাগলেন—বৃহৎ থেকে বৃহত্তর ভূমিকার সত্য সম্বন্ধে। সব শেষে পৌঁছলেন আত্মবিৎ-এর ভূমিকায়—যার পরে আর কিছু নেই—সে-ই হ'ল বিখ্যাত “ভূমৈব স্মৃৎ নান্নে স্মৃৎমস্তি”... ইত্যাদি।

কিন্তু এই পরম অল্পভূতির নাগাল পাওয়া যায় না শুধু মনের নির্দেশ মেনে। কী ভাবে এ-তত্ত্বের অন্তর্গুঢ় জ্ঞানরাজ্যে ছাড়পত্র পাওয়া যায় সে-সম্বন্ধে শ্রীঅরবিন্দ তাঁর Hymns to the Mystic Fire গ্রন্থের ভূমিকায় আলোকপাত করেছেন। তার গোড়াকার কথা এই যে বেদকে বুঝতে হ'লে তার নানা শব্দের চলতি অর্থ ছেড়ে নিহিতার্থে পৌঁছতে হবে যাকে শ্রীঅরবিন্দ বলছেন “inner meaning” (Foreword, P. XVII). এ-উদ্ভরণের পছাও আছে কিন্তু সে-পথ তর্কের কাঁটাবন নয়। ভাগবত বলছেন চিন্তকে

* সোহং ভগবো মন্ত্রবিদ্যামি নাত্মবিৎ ক্রতং হেব মে ভগবদ্প্রশস্ত্যন্তরতি শোকমাত্মবিদিতি সোহং ভগবঃ শোচামি তং মা ভগবাত্তোক্ত পাত্নং তারয়তু ... ছান্দোগ্য (৭।১।৩)

ভূমিকা

ও ইঙ্গিতকে বহুসাধনায় শাস্ত করলে তবে পাওয়া যায় সেই সত্যের সত্যকে—কিন্তু “অসং তর্ক” করতে না করতে সে সত্য হ’য়ে ওঠে ঝাপসা।* অন্তর্ভাবায়, যুদ্ধে বা কর্মে নিপুণ হ’লে যেমন ধর্মতত্ত্ব বোঝা যায় না তেমনি বিজ্ঞানে বা বুদ্ধিতে কৌশলী হ’লেই ভাগবতী প্রজ্ঞার ভাবগ্রাহী হওয়া যায় না। তোমার Yoga of the Kathopanishad-এর ভূমিকায় একথা তুমি তোমার বলিষ্ঠ ও গভীর আলোচনায় বড় চমৎকার ক’রে দেখিয়েছ :—“... clarity (of the intellectual sort) though undoubtedly a value, is not the only value,” যেহেতু “the true clarity which is of the Spirit is something quite different.....As long as we remain what we are, partial and one-sided beings, so long each step in the direction of intellectual clarity is taken at the cost of a loss of vividness and vitality until we arrive in the end at the state of logic and mathematics, a state like that of distilled water, exquisitely clear but tasteless and sterile.”

এই জগ্গেই বলেছে “ভক্ত্যা ভাগবতং গ্রাহং ন বুদ্ধ্যা ন চ টীকয়া—ভাগবত বুঝতে হ’লে ভক্তিরই আশ্রয় নিতে হবে বুদ্ধির বা টীকার নয়। এই ভাবের ভাবুক হ’য়ে যারা ভাগবত পড়বেন—“তार्কিক ও গাণিতিক” মনকে নিরস্ত ক’রে—তাঁরা ভাগবতের ছত্রে ছত্রে পাবেন ভারতের শ্রেষ্ঠ মনের সেই আশ্চর্য আলো যে-আলো নেমেছে ছায়াহীন আলোক-সাম্রাজ্য থেকে। মনের এ-শ্রদ্ধালু গ্রহিণী দিককে বরখাস্ত ক’রে শুধু তার উগ্র বৈজ্ঞানিক একদেশদর্শিতার পারানি নিয়ে ভাগবত ভাবসিদ্ধি পার হ’তে গেলে তার নানা উন্টোপাণ্টো তরঙ্গে দিশাহারা হওয়া অবশ্যজ্ঞাবী। কারণ অধ্যাত্ম সত্য, ভাগবত সত্য পড়ে না সঙ্কীর্ণ নৈতিক বা বৈজ্ঞানিক সত্যের কোঠায়—একপেশো মন এ-সত্যের বহুমুখিতা ও পরস্পর-বিরোধিতার কেন্দ্রীয় সর্বসমঞ্জস জ্যোতিকে দেখে অন্ধকার—এ হ’ল অধ্যাত্মসাধক মাত্রেয়ই একটি

* দ্বিতীয় বন্ধ—সূল ও অহুবাদ ১৮, ১৯ পৃষ্ঠায় দ্রষ্টব্য।

ভাগবতী কথা

বহুলক অভিজ্ঞতা। একথা জীবনবিদের মুখেও শুনেছি, আর একবার নয়—বহুবার। তাঁর Life Divine-এর একটি গভীর উক্তি উদ্ধৃত ক'রেই ইতি করব যাকে ভাগবতের বহুমুখী সত্যের ভাষ্য ব'লে গ্রহণ করলে ভুল হবে না :

“Spiritual truth is a truth of the spirit, not a truth of the intellect, not a mathematical theorem or a logical formula. It is a truth of the Infinite, one in an infinite diversity, and it can assume an infinite variety of aspects and formations : in the spiritual evolution it is inevitable that there should be a many-sided passage and reaching to the one Truth, a many-sided seizing of it ; this many-sidedness is the sign of the approach of the soul to a living reality, not to an abstraction or a constructed figure of things that can be petrified into a dead or stony formula. The hard logical and intellectual notion of truth as a single idea which all must accept, one idea or system of ideas defeating all other ideas or systems, or a single limited fact or single formula of facts which all must recognise, is an illegitimate transference from the limited truth of the physical field to the much more complex and plastic field of life and mind and spirit.”

(Vol. II, *The Evolution of the Spiritual Man* . . . p. 904)

উপসংহারের পরেই তো সংহার। তাই আর একটি চিঠি উদ্ধৃত করি। বিশ্বের বিখ্যাত কে, এম, মুলি আমাকে লিখেছেন সেদিন :

My dear Dilip Kumar,

“Your letter was so exhilarating, for after many years it is given to me to have a correspondent with whom I can have some discussion on absolute values. You know when you attempt to make of yourself all the time a Karmayogi, however small, you sometimes lose yourself in a waterless desert. “*Kathayanta Mam Parasparam*” no longer sheds its life-giving sweetness. And thank God, in train going to Delhi I have the time and the solitude to reply to your letter.

ভূমিকা

Yes, I like the Bhagabata immensely—though I read it far back in 1922. It is as much a scripture as poetry—immensely great. Sense and sound and experience blended in harmony, move forward in almost every line—never so much as in the Tenth Canto to produce the finest of literary effect. Moderns have avoided it because it is worshipped as a scripture : such a pity !

The same thing has happened to Sri Krishna. Because he is worshipped as a deity, the modern Westernistic mind is reluctant to look at the picture of perhaps the most triumphantly human of individuals which the imagination of thirty centuries have left to man. When I read the *Mahabharata*, *Bhagavata*, *Harivamsa* and the *Gita*, one after the other—not as a devotee or a mystic but as a student of human nature—the *Man* as He rose before me was perfect and yet so real, that I cried : “God made man but man has made Sri Krishna—what God would be if He were a man.” “*Sri Krishnastu Bhagawan swayam.*” is not a mere exclamation of a devotee ; it is that of a creative artist, who surpassing Michael Angelo when he sculptured Moses, could say : “You are God himself. Speak and the world will listen to You till the end of time.” The child, the youth, the lover, the wrestler, the friend, the husband, the statesman, the conqueror, the seer and the last of all, triumphant Time : “*Kalosmi loka-kshayakrt pravarddhah.*” Is there an aspect of human nature that has not seen its highest and the most beautiful expression in Him ? I wish some great writer would complete the work of Bankim and give Him back to the moderns as the Man, than whom the conception of Perfection can go no higher.’

Yours very sincerely

K. M. Munshi. ,

শুদ্ধিপত্র

সংস্কৃত মূল কবিতা বা বাংলা কবিতার প্রথম পংক্তি থেকে পংক্তি গণনীয়

পৃষ্ঠা	পংক্তি	অশুদ্ধ	শুদ্ধ
৬৯	১৫	যাহাতে	যাহাতে
৭০	৫	আধার	আধারে
৭৩	৯	লভিয়া	জপিয়া
৯২	৬	ভূতেষু	ভূতেষু
১৪৭	১২	বায়ুবুকে	বায়ুবুকে
১৫১	৬	যদি পায়	যদি গায়
১৬২	১০	অর্থ	অর্থ
১৬৬	৯	চরণমীষুবাং	চরণমীষুবাং
১৬৮	১৩	স্ত	স্তা
২১০	২	কহিলা	কহিল
২১১	শেষ পংক্তি	যস্মা	যস্মা
২৫৪	১	ম্নস্তি	ম্নাস্ত

তর্পণ

হে শ্যামল ! চিত্র তব যে-বর্ণে ফুটিল
ভাগবত চিত্রপটে—বর্ণিব কেমনে ?
ভগবান তাঁর কথা কহেন কেবল
ভক্তের শ্রবণে, রূপ তাঁর প্রতিভাত
হয় শুধু প্রাণে তার যে-প্রাণ হয়েছে
মূর্ছনা-মুকুর প্রেম-শরণ-স্পন্দনে ।
বুদ্ধির আলোকে নয়—ভক্তিভাষ্যে শুধু
ভাগবত-মর্মবাণী হয় মন্ত্রবাণী
উচ্ছ্বসিত ভক্তমনোমন্দিরে । গভীর
অচন্দ্র নিশীথে দূর অশ্বরে নেহারি’
অগণ্য নক্ষত্রপুঞ্জ অন্তরের তলে
জাগে যে-ব্যাপ্তির বিভা—(মনে হয় যবে
সঙ্গীত লভিল জন্ম তারা-মৌনতায়)—
শিহরণে তার মনে পড়ে নাথ, তব
বহুমুখী আনন্দের কাহিনী সুন্দর,
কভু স্নিগ্ধ, ম্লায়মান, কখনো প্রবল,
তুঙ্গ হিমাচল কভু, কভু কৃষ্ণায়িত,
ছর্বোধ জলধি সম—গুঢ়, অপ্রমেয় !

ভাগবতী কথা

কে কবে পেয়েছে পার তব হে অপার !
কে শুনেছে সুর তব হে চিরনীরব !
কে জেনেছে প্রজ্ঞা তব হে বালগোপাল !
যেথায়ই চেয়েছে মন স্থাপিতে তাহার
চিস্তার বিগ্রহস্থানি নীতির মণ্ডপে,
সহসা পড়েছে ভেঙে সে-বিগ্রহ তার
তোমার প্রশান্ত হস্তে সর্বদর্পহারী,
গর্বিত সিন্ধুর ঢেউ পড়ে ভেঙে যথা
আকাশের উপহাসে—অম্বু চায় যবে
ধরিতে অম্বরে তার মেলি' উর্মিবাহু !
ভাবে কে তোমারে বলো পেয়েছে ভুবনে
হে অভাবনীয় !—

“করি' অপরাধ যার

ছুই চক্ষে ঝরে হায় যশোদা-তর্জনে
শান্তিভয়ে মুক্তাবিন্দু—ভয় যারে ভয়
করে নিত্য”—গাহে প্রেমে পাণ্ডবজননী !
কী অপূর্ব, মনোহর !—ধায় নন্দরাণী
বাঁধিতে সন্তানে উদ্বল—আছে কোথা
কার গৃহে রশ্মি হেন যে বাঁধিবে তারে
ভুবন বাঁধিল তার প্রেমে যে-মায়াবী—
জগতের নাথ হ'য়ে জগতের দাস,
চিরপিতা হ'য়ে স্নেহভরে চিরশিশু !

তর্পণ

হে চিরকিশোর, চরণের লাস্ত্রে যার
যমুনা শিখিয়া তাল ধাইল উজানে,
শুনিয়া মুরলী যার ধূসর ধরণী
আনন্দ-কদম্ব-রূপে পুষ্পিল পলকে !
হে গোপীবল্লভ, যার তরে সংখ্যাহীন
সতী বরি' অসতীর কলঙ্ক, সহিয়া
চরম লাঞ্ছনা, দলি' নীতির মন্দির
হুর্নীতির অভিযানে—গাঢ় ব্যাভিচারে
হ'ল পূজনীয়া সতীদের শিরোমণি
মৃত্যুহীন মহিমায়—ধর্ম যার পায়ে
চাহিল অধর্মদীক্ষা, অধর্ম লভিল
বিচিত্র ধর্মের রূপ : করি' চেষ্টা যারে
লভিল দানব দৈব-সালোক্য মরণে :
রাক্ষসী লভিল দেবকায়ী—দিয়া তার
বিষস্তম্ভ যারে : তুঙ্গ আদেশে যাহার
কুরুক্ষেত্র রণধর্মে অপরূপ যোগ-
দীক্ষায় লভিল নব মন্ত্র সবাশাটী—
বীরস্বরে করিয়া নিয়োগ নিমিত্তের
অর্থরূপে সাধিল সংহার ধর্মচ্যুত
বন্ধু জ্ঞাতি আত্মীয়ের—বহায়ে রক্তের
সমুদ্র ধরণীতল—প্রাবনে ডুবায়
অতীতের রাজ্য নবধর্ম-সংস্থাপনে,
নব হাসি-ঝঙ্কার তুলিয়া হাহাকারে !

ভাগবতী কথা

পার্শ্বের সারথি—রণে, আলয়ে স্বজন,
শয়নে ভাষণে সখা, সাথী—পরিহাসে,
পুণ্যযজ্ঞে—পুরোহিত, জিজ্ঞাসায়—গুরু,
মন্ত্রণায়—মন্ত্রী, প্রেমে চিরভক্তাধীন !
দরিদ্র শৈশববন্ধু এল যবে তার
দ্বারকা-প্রাসাদে—তারে বসায় শয়্যায়
করিল চরণসেবা রুঙ্গিণীর সাথে,
দিল দান পরে তারে ঐশ্বর্য অতুল :
প্রহ্লাদে করিল রক্ষা মেলি' অঙ্কখানি
জলে স্থলে অন্তরীক্ষে গরলে অনলে :
আপন প্রতিজ্ঞা করি' লজ্জন রাখিল
ভীষ্মের প্রতিজ্ঞা—নামি' রথ হ'তে ভূমে
ধাইল তাহারে মায়াক্রোধে সংহারিতে
সিংহ যথা ধায় সংহারিতে মাতঙ্গেরে :
তার পরে সে-চিরকুমার যবে হায়
নিলীন শরশয়্যায়—রাখিল তাহার
মুমূর্ষু নয়নে আঁখি করুণাকোমল
ভাসায় অমৃতস্রোতে তারে—যে তাহার
শ্রীঅঙ্গ ভাসায়েছিল রক্তধারে রণে !
আপনি পুরুষোত্তম হ'য়ে বরিল যে
বিপ্রপদধূলি লোকসংগ্রহের তরে ।

তর্পণ

এক হাতে ধ্বংস যার, আন হাতে সৃষ্টি,
এক পায়ে দোলে ক্রোধ, আন পায়ে কৃপা,
এক নেত্রে রোষ-অগ্নি, আন নেত্রে শ্রীতি,
সুন্দরে করাল, কি বা কঠিনে কোমল !
উপমা-আকুল কবিচিত্ত হিল্লোলিয়া
উঠে যার কৌতুকলা বর্ণিতে ভাষায়—
কভু অশ্রুস্রাবে, কভু বিরহ বাথায়,
কভু হাস্তে পরিহাসে কখনো সমরে,
সারথ্যে, সাত্ত্বাজ্যে, দৌত্যে, জয়ে-পরাজয়ে,
প্রণয়ে বিহারে কভু, কভু অভিসারে,
কভু নীতিপাঠে এই মহাদীক্ষা দান
করি' ছনীতিরো মর্মে : “যিনি নিখিলেশ
নিখিলের নীতি নহে নহে তাঁর তরে ।
পাবক যে ধর্মে তার, করে সে পাবন
অপুণ্যেরে উত্তীর্ণ করিয়া ইন্দ্রজালে
দীপ্তির উপনয়নে দীপদীক্ষাদানে ।”

হে পাপে অপাপবিদ্ধ, তুমানে তারকা,
অকূলে প্রবালদ্বীপ, কঙ্করে পঙ্কজ,
অকিঞ্চন বিশ্বপতি ! সব থেকে তব
নিঃস্বের প্রণয়তরে যে নিত্য কাঙাল !
হে সুন্দর বিভীষণ ! হে অপরাধেয়
চিরপলাতক ! বলো কেমনে তোমার
সাধিবে তর্পণ কবি ? কেমনে গাতিবে

ভাগবতী কথা

ঋষি তব মন্ত্রবাণী ? কেমনে ধ্যানী
ধ্যানে পাবে তব মহা মূর্তি অচিন্তিত ?
সিদ্ধ বুদ্ধে অগণন যত ঝিকিমিকি
দোলে প্রভাতের লগ্নে—বিভূতি তোমার
সংখ্যাহীন তারো চেয়ে ! প্রতি আবর্তনে
অবনী আনন্দশব্দ ঘোষে যত—তব
ছুটি রাঙা চরণের নূপুর-নিকণ
করে তারে পরাভব । ঝঙ্কারিত হয়
বিহঙ্গের কণ্ঠে যত কাকলি কূজন,
তব শিশুকণ্ঠলোকে হয় ঝঙ্কারিত
সে-কোটি কাকলি আরো মধুর রণনে ।

হে চির-তরঙ্গময় অক্লান্ত অগাধ !
জীবনে বিলাসবন্ধু মরণে কাণ্ডারী !
সখ্য পথে সহযাত্রী, বৈরাগ্যে বরদ ।
হে রমণী-রমণীয় নিত্য-ব্রহ্মচারী !
আজি নববর্ষে প্রাণে জাগাও প্রার্থনা :
বিশ্বমাঝে যেন তব বিশ্বাতীত রূপ-
ধ্যানানন্দ-মুখী চিত্ত হয় দিনে দিনে ।
ভাষার অতীত যে-গভীর সত্য ডাকে
বাঁশরী-ভাষায় তব, অনুসরি' তারে
পারি যেন বিসর্জন দিতে আপনার
'সব ভাষা-বিড়ম্বনা, সব প্রকাশের
অহঙ্কার-সমারোহ আত্মসমর্পণে ।

তর্পণ

সর্বশেষে চাই বন্ধু, তোমার চরণে
অশ্রুপ্ল প্রণামে আজ লভিতে তোমার
প্রেমের একটি কণা, রেণুকার রেণু,—
করিয়া অঞ্জন যারে নয়নে আমার
দেখিব বিস্ময়ে : স্পর্শমণি সম তব
প্রণয় মৃদুতাবে কেমনে চিন্ময়
করে লহমায় ।

বন্ধু ! পেয়েছি তোমার
করুণার বহু স্পর্শ : কভু দেহস্নুখে,
কভু মানসের ধ্যানে, কভু দয়িতার
অনিন্দিত স্নেহধারে, কভু অপরূপ
মাধুরীর মূছ'নায়, কভু কবিহের
আকাশ-প্রসারে, কভু ছন্দের শিঞ্জে,
কভু সরলতাভরা শিশুর বিশ্বাসে,
কভু স্নেহময়ী বালিকার কালোচোখে,
কভু বালকের কলভাষে, যৌবনের
যশোদীপ্ত দিগ্বিজয়ে, কভু মহতের
ক্লাস্তিহীন প্রাণোদ্যে, কভু সঙ্কানীর
ধীর জিজ্ঞাসায়, সর্বোপরি—দিনে দিনে
আপনারে তীর্থপথে লইতে তোমার
আলোকিত সাত্ত্বাজ্যের অচিন সন্ধানে,
নাহি যার আদি অন্ত পুনরাবর্তন :
আছে শুধু নিত্য নব আশ্চর্য ইজিত
অভ্রান্তির অভিযুখে—বহু ভ্রান্তিমাঝে ।

ভাগবতী কথা

করেছি জীবনে নাথ ভ্রম বহুবার,
পূজায় এসেছে আত্মরতি, নিবেদনে
স্বার্থগুট আকিঞ্চন, আচার্যের পায়ে
প্রণামেও আফালন, সত্য-অন্বেষণে
চাহি' আপনার ইচ্ছাসিদ্ধি—ছাড়ি' তব
ইচ্ছার চরণে নতি—জানি জানি আমি ।
তবু অন্তর্যামী, জানো তুমিও একথা :
তোমাতে চেয়েছি আমি শুধু তব তরে
তোমারি বেদনা যাচি' সম্পদের মাঝে ।
বহু বন্ধু মাঝে বন্ধু, চেয়েছি কেবল
তোমাতে বান্ধবরূপে—আর কারে নহে ।
বহু পিপাসার ছিল বহু শিহরণ,
শুধু তব তৃষ্ণা ছিল জেগে সেথা বলি'
হয়েছে নিৰ্ঝর-বারি কঠিন পাষণ,
ভূষণ—চিতার ভস্ম । ছিল কাছে মোর,
স্বেচ্ছাবিহারের বহু অবকাশ, শুধু
শুনি' তব নভোবাঁশি ছাড়ি' মমতার
কামনা-নিবিড় চিরচেনা নিকেতন
অস্তুর উদাসী হ'ল অচিনের পথে
আধচেনা মনোরথ করিয়া সম্বল,
না জানিয়া—তীর্থাতীত তীর্থে বন্ধু তব
কী চরণ-তীর্থবারি লভিব অস্তিমে ।

তর্পণ

জানি না কেমন তুমি । শুনিয়া তোমার
 অতুলন ভাগবতী কথা জেগেছিল
 শৈশবে ছরাশা নাথ দেখিতে এ-ম্লান
 মরণের-লোকে তব মরণবিহীন
 বিশ্বরূপ—লভি' যার কণিকা-প্রসাদ
 যুগে যুগে হ'ল ধরা বৈরাগী, উদাসী ।
 দেখিনি তোমারে নেত্রে : ঝাঁকিয়া আয়না
 শিশু-জন্মনার পটে—উঠেছি উচ্ছলি',
 কেন—না জানিয়া । জানো তোমার বাঁশির
 নব্র ও মন্থণা তুমি । আমি জানি শুধু—
 তোমার মিলন বিনা পার্থিব বিহারে
 নাই সুখ, নাই শান্তি, নাই সার্থকতা ।
 তাই প্রার্থি হে বিচিত্র বাহ্যকল্পতরু,
 বরদ অবর্ণনীয় !—দিও দিও মোরে
 ঠাই ক্রীচরণে তব—বিশ্ব-বৈভবের
 রাখি না ভরসা আমি । বিশ্ব-পরাজুখ
 নহি আমি—নহি হুঃখী, নহি ব্যর্থকাম
 জীবনের দিবিজয়ে । শুধু প্রভু আমি
 জেনেছি যে, বিনা তব প্রেম-স্পর্শমণি
 নিত্য স্বর্ণমুঠি হয় ধূল্যমুঠি—নাই
 তোমার আশ্রয় বিনা কোথাও শাস্ত
 আশ্রয় এ-চলাচলে । হৃষ্যোগে আমার
 নাই শঙ্কা : আমি করি শুধু ভয়—পাছে
 অত্যন্ত তোমার বন্ধু, না বরিয়া আমি

ভাগবতী কথা

স্পর্ধার বিমূঢ় মস্ত গণি বীৰ্য বলি'—
ভুলিয়া যে, শুধু সে-ই বিলায় অভয়
কুড়ায়ে অভয় তব যে হয়েছে ধনী।

চেয়েছি তোমারে নাথ কায়ে মনে প্রাণে
তাঁই বুঝি, হে দিশারি, দেখায়ে আমারে
দিলে তুমি ধীরে ধীরে—কারে বিস্ত বলে
সত্য বৈষ্ণবের। খুলি' নিযুত বন্ধন
করিলে গ্রহণ মোরে দেব শ্রীশঙ্কর
চরণে জড়ায়ে—দিয়ে দীক্ষা ছন্দোময়ী
সর্বসমর্পণমন্ত্রে—জগৎপ্রণামে
প্রতি জীবমাঝে হেরি' শিবমূর্তি তব।

এ-জীবনে যদি হয় সে-মূর্তি তোমার
দেখিতে না পাই, চাই এই বর আজি—
অশ্রু কোনো মূর্তির সুলভ প্রসাদে
না নজে অন্তর যেন। দিও যদি চাও
দুঃখ—দিও দিও পরাজয় প্রতিভার,
চাও যদি এনো অনাদর সর্বমাঝে, ,
শুধু মোরে লক্ষ্যলীন রেখো তব পানে,
শুধু তব আলোত্রতী রহে যেন হিয়া
সুদূরের সূর্যমুখী জীবনে মরণে
সর্বহার্য প্রসন্নহীন ঐকান্তিকতায়,
ভাগবত বিকাশের বৈষ্ণব বন্দনে।

নববর্ষ, জাম্বুয়ারী, '৪৫

চরণ-বন্দনা

(লঘুগুরু ছন্দ) *

কাস্ত ! তব চরণ করি বন্দনা—প্রাপ্তি দলি’
যে অমল শাস্তি পরকাশে ।
এস করুণাময় বিভাসি’ সে-চরণরবি
যার স্নেহ নিশির হৃদ নাশে ।

প্রাণমন উছলি’ তব চরণসুর সাধিবে
গাঁথিবে মরম মণি-মালা ।
ঢালিবে দেহ তব চরণযুগছায় প্রিয়
তার যত তাপন নিরালা ।

মেঘ-অভিমান যত নিয়ত হুলি’ অন্তরে
চিরন্তন চরণ তব ঢাকে,
দূর কর ভাতি’ অমিতাভ সে-কিরণময়
চরণছবি মরণজয়-রাগে ।

নিরখি’ মুখকমল তব বেদ তবু চায় প্রভু
যে-চরণ শরণ-অভিলাষে,
যার মধু-উৎস বঁধু নিষ্করিল জাহ্নবা
প্রার্থি সে চরণ উচ্ছ্বাসে ।

* তৃতীয় স্তব্ধে দেবগণ নারায়ণকে যে স্তব করেন উপজাতি ছন্দে “নমাম তে দেব
পদারবিন্দং...” তার অনুবাদ ২৬, ২৭ পৃষ্ঠায় দেওয়া হয়েছে । এটি গান—সেই
ভাবেই অনুতাবে ।

স্তব

বর্হাকল্প ত্রিভঙ্গ নবঘনরুচিরং শ্ৰামলং বেণুপাণিঃ
চক্ৰংকেশং সহাসং শতদলনয়নং চন্দনান্ধনানাজম্ ।
লীলাপদ্মাবতংসং দিনকরবসনং বিভ্রতং বৈজয়ন্তীং
গোপীকান্তং কিশোরং নটবরবপুষং নোমি কৃষ্ণং ব্রজেশম্ ॥

কালিন্দীতীরশম্পে নবরবিকিরণে নীপমূলে সুবাত্তে
সবো পাণো চ বেণুঃ কটিতটনিহিতে শৃঙ্গযষ্টী বহন্তম্ ।
আভূজ্ঞানং সুহৃদ্ভিঃ সুপরিণতফলং চারয়ন্তং মুদা গাঃ
সাজ্জোপাঙ্গৈঃ পরীতং হলধরসহিতং নোমি কৃষ্ণং ব্রজেশম্ ॥

স্তবীভূতা প্রকামং খরতরয়মুনা বর্ষসংরম্ভনীর
ভ্যক্তাহারং প্রচারে বিনিমিষনয়না ধেনবো হৃষ্টবালাঃ ।
বল্লবো ধাবমঃনা বিগলিতরশনা গুঞ্জিতং মঞ্জুতানং
শ্রদ্ধা বেণোর্থদীয়ং শূললিতমধুরং নোমি কৃষ্ণং ব্রজেশম্ ॥

নৃত্যন্তং কালিয়াখা-প্রলয়বিষধরচ্ছত্রদত্তাভিঃ যুগ্মং
যামুজ্যোষে বিষাক্তে কল্পকৃতমুরলীং লীলয়া বাদয়ন্তম্ ।
নাগত্রীণাং সমস্তাঙ্ঘ্রিধূরনভদ্রাং বন্দিতং কাতরোক্ত্য
জাতোৎকর্থাস্তরঙ্গৈঃ সন্তরনিশমিতং নোমি কৃষ্ণং ব্রজেশম্ ॥

স্নিগ্ধছায়া নিকুঞ্জে নভসি দিনগমে নীলকঠৈ রুবতি-
 শ্চরোপান্তে তমালৈঃ সজলজলধরশ্চির-চন্দ্রাঃপুত্ৰালে ।
 দোলারুঢ়ং সরাধং চপলযুবতিভির্দত্তদোলং সতালং
 শিঞ্জালঙ্কারনাদৈর্জলজনলভুজৈনৌমি কৃষ্ণং ব্রজেশম্ ॥

বন্দারণো প্রাশান্তে বিগতঘনশরং পূর্ণশীতাঃশুরমো
 নৃত্যস্তুতীনাং সখীনাং সুরভিতযমুনাবাতবানীরকুঞ্জে ।
 আভীরীণাং সরাগৈর্নয়নশতদলৈরচিভাজং নটন্তঃ
 রাসোল্লাসে লসন্তঃ যুবতিশতবৃতং নৌমি কৃষ্ণং ব্রজেশম্ ॥

অমিতরুচিরকাস্তিমৌহনো বিশ্বমূর্তে
 জিতনিখিলসুরারিমোচকো হৃগ্তানাম্ ।
 অখিলনিগমবেত্তো ব্রহ্মভাসোজ্জ্বলাঙ্গো
 জহুযি জহুযি কৃষ্ণঃ পাতু গোপীস্বরো নঃ ॥

শ্রীবৃন্দদেব ভট্টাচার্য

My dear Dilip,

Thanks so much for sending me the proofs of your Bhagawati Katha. It is a book which I am sure will be a joy to many who are looking for the eternal Star which may guide them in the stormy sea of our present world. In the whole body of the Hindu scriptures I do not know of any book that is the equal of the Bhagawata—at least, to put it personally, there is none that has been such a profound and continuous source of inspiration to me. It was the first book I read with my Guru, and also the last ; from the very first time I read it, almost spelling my way through a Hindi translation, I knew that here was what I had sought, the one fixed point in the ever-changing flux of joy and sorrow, success and failure, life and death. True indeed are the words in its concluding chapter :

“The stars of other Puranas shine in the assemblies of the wise so long as the sun of the Bhagawata has not risen into view. It contains the heart of the Upanishads and none who has once slaked his thirst in its living essence will ever care to seek it elsewhere.”

রাজস্বে তাবদন্তানি পুরাণানি সতাং গণে ।

যাবন্তাগবতং নৈব ক্রয়তেহমৃতসাগরম্ ॥

সর্ববেদান্তসারং হি শ্রীভাগবতমিষ্যতে ।

তদ্রসায়ততৃপ্তস্ত নাক্ষত্র স্ত্রাক্ষতিঃ কচিৎ ॥

Out of a matrix of the calm Upanishadic wisdom shines forth its twelve-petalled Lotus, the marvellous Lotus of the heart. May your book help many to perceive its gleaming beauty.

Sri Krishnaprem

ଭାଗବତୀ କଥା

দিনাদৌ মুরারে নিশাদৌ মুরারে
দিনাধে' মুরারে নিশাধে' মুরারে ।
দিনাস্তে মুরারে নিশাস্তে মুরারে
স্বমেকো গতির্নস্বমেকো গতির্নঃ ॥

অরুণ উষায় তুমি হে মুরারি,
করুণ নিশায়ো তুমিই হরি ।
দিনের অর্ধে যে-তুমি দিশারি
নিশারে। অর্ধে তারেই স্মরি

দিনাস্তে নমি তোমারে অপার !
তোমারেই নমি নিশাস্তেও ।
তোমা বিনা বলো কোথা গতি কার
প্রলয়ে কোথায় অভয় গেহ

প্রথম স্বপ্ন

বিরহ কমগুল কর লিয়ে, বৈরাগী দৌড় নৈন ।
মাগেঁ দরস মধুকরী, ছকে রহেঁ দিন রৈন ॥

কবীর হঁসনা দূর কর, রোনেসে কর চীত ।
বিন রোয়ে কোঁ পাইয়ে প্রেম পিয়ারা মীত ॥

বিরহ আমার ভিক্ষাপাত্র, নয়ন সে বৈরাগী,
প্রিয়ের দরশ ভিক্ষা-অন্ন—শূণ্য ভরিবে না কি ?

কহিল কবীর : “দূর করো হাসি জপিয়া অশ্রুমালা,
প্রেমের বঁধু সে পায় কি জানে নি হয় যে বিরহ-জ্বালা ?”

— কবীর

ভাগবতী কথা

নিগমকল্পভরোগলিভং কলং
শুকমুখাদমৃতজ্বব-সংযুতম্ ।
পিবত ভাগবতং রসমালয়ং
মুহুরহো রসিকা ভুবি ভাবুকাঃ ॥

(১১৩)

আপন্নঃ সংসৃতিং ঘোরাং যন্মাম বিবশো গুণন্ ।
ততঃ সছো বিমুচ্যেত যন্মিভেতি স্বয়ং ভয়ম্ ॥
যৎপাদসংজ্ঞয়াঃ সূত মুনয়ঃ প্রশমায়নাঃ ।
সহ্যঃ পুনস্ত্যাপস্পৃষ্টাঃ স্বধু জ্ঞাপোহন্বসেবয়া ॥

(১১৫, ১৬)

প্রথম স্বরূপ

শুকদেবের শ্রীমুখ হ'তে করিল ধরা'পরে
অমৃতময় ভাগবতের যে-বাপী নির্ঝরে,
পুণ্য মহাকল্পতরু বেদের ফলসুখা :
মুহুমু'হ করিয়া পান মিটাও চির-সুখা
রসিক সুখী ভাবুক সবে, শুন হে সমসুখে
সাধনপথে সাধনশেবে এ-কথা যুগে যুগে ।

(১১৩)

এ-ঘোর সংসারে মুকুমতি জনও যাহার নামে হয় মুক্ত পলে,
যাহারে করে ভয় আপনি ভয়—যাঁর চরণ-আশ্রিত যোগী ও মুনি
পরশে তাহাদের নিমেষে করে পাপীতাপীরে অমলিন (গজাজলে
বহ্নান্নানে হয় যে-পাপবিমোচন)—পুণ্য কীর্তন তাঁহার শুনি'
শুভ্র কোন্ প্রাণ উছসি' উঠিবে না ? নিখিলতাপহরা অমৃতবাপী
করিয়া পান কোন্ শুদ্ধিকামী নাহি গাহিবে :

“আপনারে ধন্ত মানি ?”

(১১৫, ১৬)

ভাগবতী কথা

যুগ্ধ দর্শক জানে না নটের সুকুমার অভিনয় যেমন
কোন সঙ্কেতে কিসের আভাস দেয় সে-নটেশ বিচক্ষণ,
বিনা জ্ঞান শুধু নিপুণ তর্কে তেমনি বচন মনে কেবল
পায় না কেহই লীলাভাস তার নামরূপে যার লীলা উছল ।
চরণকমলগন্ধ তাহার ঐকান্তিক প্রাণসাধনে
সরলের পথে বরিল যে—শুধু সে জানে অপার চিরন্তনে ।
(৩৩৭, ৩৮)

বসনহীনা অঙ্গরারা তড়াগে করে স্নান,
নগ্ন শুক নিবিচল পশিল সরোবরে :
অঙ্গরারা করে না তবু বসন পরিধান,
বেদব্যাস আসিলে তারা লাজে বসন পরে ।
শুধায় ব্যাস : “নগ্ন নহি পুত্র শুক হেন,
তাহারে দেখি করিছ কেলি তেমনি স্নানরতা :
আমারে দেখি’ লজ্জামুখী বসন পরো কেন ?”
কহিল তারা : “তোমার মনে এখনো জাগে সদা
কে নারী কে বা পুরুষ—তব তনয় উদাসীন,
নারী ও নরে করে না ভেদ—ব্রহ্মে মন লীন ।”
(৪১৫)

উষা হ’তে গাঢ় নিম্নে যে-সুখের, চিরোপলব্ধির মিলে না দিশা
তাহারি তরে সুখী সাধন সাধে, বৃথা বিষয়সুখ আশা হুঃখ প্রায়
কালের নির্দেশে আসিয়া যায় ফিরে, মিটে কি ভোগে কভু কামনাভূষা ?
শুধু যুকুন্দের চরণালিঙ্গনে জন্ম হ’তে জীব মুক্তি পায় ।
(৫১৮, ১৯)

প্রথম স্কন্ধ

ত্রিবিধ ভাপ জীবনে সেই কর্মে দূর হয়
ভাবিত যাহা ঐশ্বভাবে—আত্মপদ নয় ।
সেবনে যার এ-দেহ হয় রুগ্ন জর্জর
অল্পপানের সাথে মিশালে হয় সে রোগহর ।
ভেমনি যত কর্ম বাঁধে কর্মকলে নরে
বাঁধন নাশে সমর্পিত হ'লে পরাংপরে ।
ভগবানের ঐতির তরে কর্ম সাধি যবে
ভক্তিপূত জ্ঞানে পাই তাহারি বৈভবে ।
শিষ্ট করে কর্ম লভি' আদেশ বিষ্ণুর
জপিয়া নাম, স্মরিয়া রূপ, গাহিয়া তাঁরি সুর ।
(৫১৩২-৩৬)

ব্যাসের প্রতি নারদ :

শ্রীহরির পদাশ্রয় করিতেছিলাম ধ্যান আমি
অশ্রুনেত্রে বিরহব্যথায়—হেন কালে অন্তর্যামী
দিলেন দর্শন তাঁর ভাবে—অভিভূত মোর মনে,
সেই অপরূপ প্রেমশিহরণে আনন্দপ্লাবনে—
মগ্ন মর্মতলে মোর হ'ল লীন সর্বভেদজ্ঞান
উপাস্তা উপাসকের—অবর্ণ্য সে-চেতনা অগ্নান !
তার পরে সেই আবির্ভাব হ'ল অন্তহিত হায়,
না দেখিয়া সে-অশোক রূপ আমি তীব্র বেদনায়
উঠিয়া আসন হতে করিলাম তাঁরে অন্বেষণ
অতৃপ্ত শিশুর ম'ত অন্তরে বাহিরে অশ্রুক্ষণ ।
গুণিলাম সুগভীর স্নেহময় স্বরে সাক্ষনার
কে যেন কহিল : “বৎস, এক্ষণে আমার দেখা আর

ভাগবতী কথা

লভিবে না মর্ত্যে তুমি । সুহৃৎ আমার দর্শন :
বিনা পূর্ণচিন্তাশক্তি যোগী ঋষি সূচির-মিলন-
বর নাহি পায় মোর । দিয়েছি দর্শন একবার
জাগাতে আকাজকা তব । চাহে নিত্যমিলন আমার
যে একাগ্রচিত্ত সাধুগণ—তারা সাথে ধৈর্যব্রতে
সর্বকামনার লুপ্তি হৃদয়ের সর্বস্তর হ'তে ।

(৬১৭—২৩)

ভব-পারাবারে লালসা-তুফানে কাঁদে যারা দিশাহারা
শ্রীহরির লীলাকীর্তনে পায় সাক্ষাৎ তরী তারা ।
যম প্রাণায়াম ধ্যান ধারণার পথে বহু সাধনায় .
কাম লোভ আদি রিপূর গীড়ন হ'তে লভি' মুক্তিরে
বহু অসাধা-সাধনেই তবে যোগী যে-শাস্তি পায়
শুধু মুকুন্দসেবায় ভক্ত তাহারে জিনে অচিরে ।

(৬৩৫, ৩৬)

শ্রীকৃষ্ণের প্রতি কুন্তী :

যে-লীলারে নাথ দেখি এ-নয়নে, তাহার অন্তরালে
আসীন যে-লীলানিয়ন্তা—যার গৃঢ় অলঙ্কারে
চলে এ-প্রকৃতি, সে-আদিপুরুষ তোমারে প্রণাম করি
অন্তরে তুমি অন্তরযামী, বাহিরেও তুমি হরি ।
নয়ন যখন মুগ্ধ নটের দেখি' রূপ অভিনয়,
নটের রূপ যে স্বতন্ত্র—তার পায় কি সে পরিচয় ?
তেমনি যখন মুগ্ধ আমরা দেখি নাথ, তব মায়া
দেখি না তোমারে মায়েশ, এ-লীলা যাহার কায়ার ছায়া ।
বুগ্ধ বুগ্ধ ধরি' তপস্যা করি' যারা নির্মলমতি,
তারাও তোমার জানে না স্বরূপ যোগী ঋষি মূনি যতি ।

প্রথম স্কন্ধ

হেন অপরাপে কেমনে স্বরূপে চিনিব অবলা আমি?

তবু চাই দেখা—ভক্তি আমার সঁপিতে চরণে স্বামী !

নমো নমো প্রভু কৃষ্ণ তোমাতে বাসুদেব নমো নমো ।

দেবকীভনয় নন্দছল্লাল, নমো নমো নিরুপম !

নমো পঙ্কজনাভ পঙ্কজমালী ! ভরে ওঠে বুক

নমিতে তোমাতে পঙ্কজাক্ষ, পঙ্কজপদযুগ ।

মুক্ত করেছিলে জননীদেবকীরে কংসকারাগার হ'তে যেমন,

পুত্রগণ সহ আমায়ে বহুবীর করেছ হুখ হ'তে তুমি তারণ,—

অগ্নি হলহল দৈত্য রাক্ষস দ্বাতসভায় ঘোর বনবাসে,

দারুণ মহারথী আক্রমণ হ'তে জ্যোতি-অস্ত্রের সন্ত্রাসে ।

তাই এ-প্রার্থনা জানাই শ্রীচরণে : বিপদে যদি তব দরশ পাই

বিপদে রেখে মোরে জনম জনমান্তরে হে নাথ, আর কিছু না চাই ।

চাহি না সম্পদ সুরূপ কুল মান—শ্রীমন্তেরা ভবে গরবে হয়

পারে না ডাকিতেও তোমাতে, শুধু নাম অকিঞ্চনই তব পরশ পায়

অকিঞ্চনই যার বিত্ত, এ-লীলায় ত্রিগুণাতীত প্রভু আশ্চার্য্যাম

মুক্তিদাতা, চিরশাস্ত্র অনাহত—রাতুল শ্রীচরণে তব প্রণাম ।

লীলার পার তব চির-অচিন্ত্য হে কেহ কি পায় কভু যাহার নাই

ভুবনে দগ্নিত বা শত্রু কেহ?—তবু পঙ্কপাত তব আমরা চাই—

জয়রহিত—যে জনমে যুগে যুগে পশুরো বিগ্রহে তবু—সেখায়

সে-হীন রূপ ধরি' তারেই অমুকরি' পরমানন্দে যে রাজে ধরায় !

হৃদয়ে জাগে নাথ আজিকে তব সেই জননীভয়ে ছটি ভীত নয়ন

করিয়া অপরাধ লভিবে আজি কোন্ শাস্তি ভাবি' দ্বান্ধনত আনন—

কি ছবি অপরাপ ! অশ্রুসাথে কালো কাজল মিশি' ঝরে ! ভয়ও যারে

নিয়ত করে ভয়—তাহার একী ভয় ! তোমাতে ভাবিতেও মন যে হারে !

পাণ্ডু যত্নকুল তোমারি গৌরবে গরবী—তোমা বিনা সবে অনাথ,

ভাগবতী কথা

যেমন প্রাণ বিনা দেহের ইন্দ্রিয়—সূর্যহারি বলো কোথা প্রভাত ?
তোমারি নাথ ধ্বজ-বজ্র-অক্ষুশ অসীম চরণের স্মৃতিছায়ায়
রেখেছ বলি' শোভে রাজ্য আমাদের,

তোমার তিরোধানে শোভা কোথায় ?

নিখিল জনপদ, রসাল ফল, ফুল ওষধি গিরি বন নদী সাগর
তোমারি নয়নের আলোকে মঞ্জরে হে চিরবিকাশের দীপঙ্কর !
শেষ এ-প্রার্থনা তাই জগন্নাথ ! —ছিন্ন করো মোর মমতাশাশ :
গঙ্গা যথা ধায় সাগরমুখী—হোক তোমাতে শুধু মোর প্রেমোচ্ছ্বাস।

(৮।১৮-২৭, ২৯-৩১, ৩৮-৪২)

পাণ্ডবদের প্রতি ভীষ্ম :

পবন-পরাধীন যেমন জলধর, তেমনি দুঃখসুখ কাল-অধীন:
তুচ্ছ কীট হ'তে ছত্রপতি চলে কালেরি নির্দেশে রজনীদিন।
নহিলে যেথা রাজা ধর্মসুত, ভীষ্ম যেথায় গদাপাণি অকুতোভয়,
ধনুক গাণ্ডীব, ধামুকী অর্জুন, কৃষ্ণ সখা—সেথা বিপদ রয় ?
শুনাব কোন্ বাণী জ্ঞানের হে রাজন্! হরির লীলা কেহ জানে কি হায় ?
মনীষী যোগী কবি মুগ্ধ বিন্ময়ে যাহার স্বরূপের জিজ্ঞাসায় !

(৯।১৪-১৬)

শ্রীকৃষ্ণের প্রতি শরশয্যায় ভীষ্ম :

(পুষ্পিতাগ্রা ছন্দ)

আপনি রহি' যে আসীন নিত্যানন্দে
করে জীবনসিদ্ধ উল্লস ধর তরঙ্গে,
বিগড়-তৃষ্ণা অন্তরে প্রেমমগ্নে
তারি চরণতীর্থ যাচি আমি নিঃসঙ্গে।

প্রথম স্কন্ধ

ত্রিভুবনে যার রূলে অপরূপ বর্ণ
মরি গীত-অম্বর কম কুন্তল কান্তি !
সুন্দর নীলতনু যে চিরশরণা
তারি প্রার্থি চরণে মরণমিলনশাস্তি ।

বহিল রণে তুরঙ্গ-ধূলি যে অঙ্গে,
মরি মুখমণ্ডলে মঞ্জুল স্বেদবিন্দু !
আমারি শায়কে ক্ষতবিক্ষত অঙ্গে
আজি আমারে চরণ দিল সে-করণাসিক্ত !

আলোক-দিশারি আঁধার কুরুক্ষেত্রে
শুনি' যাহার তুঙ্গ গীতার গগনশব্দ,
মলিন ক্লৈব্য লীন—সে-অরুণনেত্রে
রাখি' নয়ন—তাহার চরণে আমি অশঙ্ক ।

নিজ প্রতিজ্ঞা করিল যে-হরি লঙ্ঘন
তুধু আমার প্রতিজ্ঞারে না করিতে ভঙ্গ ।
চক্রহস্তে ত্যজিল তাহার স্তম্ভন
ঘোর সিংহের সম সংহারিতে মাতঙ্গ,

আমারি তীক্ষ্ণ শরজালে শোণিতাক্ত
বেগে ধাইল যে রোষে করিতে আমারে ধ্বংস,
আজি সম্মুখে দাঁড়ায়ে সে-করণাজ
যার তনুতে আঘাত করিলু আমি নৃশংস ।

ভাগবতী কথা

চিনিয়া যাহারে জিনিল পার্থ বন্ধন,
৩৬ দরশনে যার রণাহত উদ্ভ্রান্ত
সবে অস্ত্রিয়ে লভিল স্বল্পগনন্দন,
যাচি চরণে তাহার শরণাগতি একান্ত ।

রবি যথা কোটি আখির জ্যোতিনিয়ন্তা,
রহি' আপনি অধিতীয় অলিঙ্গ মুক্ত,
কোটি হৃদে দোললীলার যে অনুমন্তা,
লভি' সে-একেশে মোর সব ভেদমোহ লুপ্ত ।
(৯।৩২-৩৯, ৪২)

নিম্নে শ্রীকৃষ্ণ দর্শনে অলিন্দচারিণী
কুরুরাজরমণীদের জল্পনা :

করিল যে নামরূপের সৃজন অগণন জীব হ'য়ে,
আপন ছন্দ করালো প্রণীত আখির মন্ত ল'য়ে,
মায়া যার চাকে জীবের চেতনা, প্রকৃতি শক্তি যার
লীলার নিলয়—ইনিই সে-বিভূ কৃষ্ণ জগতাদার ।

বিবেকী যোগী তপস্বীরা জিনি' প্রাণবান্ধু ইন্দ্রিয়
ভক্তি-অমল উছালী চিন্তে লভে যারে বরণীয়,
তন্মুগ্ন হয় শুদ্ধ নিমেবে করুণাপরশে যার
ইনিই সে চির-অচিন্ত্য নাথ কৃষ্ণ জগতাদার ।

প্রথম কব্জ

জ্ঞতি সংক্ৰান্তা প্রেমের, জ্ঞানের স্বাক্ষরে স্বর্গীয়
বহি' আনে যার শুভবাণী মনোমোহন অতুলনীয়,
বিশ্বের যিনি স্রষ্টা, হস্তা, তারক, কর্ণধার
চির-অলিঙ্গ—ইনিই সে-প্রভু কৃষ্ণ জগতাদার ।

অধর্ম হ'লে বাস্তবিত্ব যবে নৃশংস রাজগণ
তামসমগ্ন—কীর্তি-অরুণে উজ্জলি' যে ত্রিভুবন
ধরে নরভক্ত হ'য়ে দয়া-রূপ-সভোর অবতার
যুগে যুগে সখী, ইনিই সে-দ্রোণা কৃষ্ণ জগতাদার ।

রমণীজনম বাধাসম্বল, পরাধীন, দুর্বল,
করিল তারাই এ-অকৃতার্থ কুলের মুখোজ্জ্বল
হৃদয়ে যাদের আনন্দমণি মিলায় অপারে পার
আলয়ে যাদের প্রেমের অতিথি—কৃষ্ণ জগতাদার ।

(১০।২১—২৫, ৩০)

স্বাক্ষরকারীদের স্মৃতিস্মরণ

চরণকমল নমি হে অমল, দেবতাও যেথা পড়ে লুটায়,
সব মঙ্গল যেথা সঞ্চিত—মহাকাল যার বিধান বাহে ।

তুমি অশ্বিলের অমৃতনিধান,

মাতা পিতা নাথ বন্ধু মহান,

কৃতার্থ মোরা ওগো গরীয়ান লোকগুরু, তব করুণাছায়ে ।

ভাগবতী কথা

হালোক যাহারে দেখি' দূর হ'তে কাছে আসিতেও শঙ্কা নানে,
তাহারি নয়নে মিলাই নয়ন—হেন গৌরব কেহ কি জানে ?

ওগো প্রেমহাস ! তব মুখহাসি
নিরখি' আমরা আনন্দে ভাসি,
তব পরিমলে পরাণ উদাসী—না-জানিতে পায়ে যায় বিকায়ে।

মিলনেই শুধু নও নিরুপম—বিরহেও তুমি অতুলনীয় :
ঐধারে আলোকে অপরূপ সাধী, জীবনে মরণে অদ্বিতীয় !
তুমি যবে থাকো দূরে প্রিয়তম,
পল মনে হয় কল্লেরি সম,
রবিহারী ঐখি কাঁদে নিরমম অন্ধ পাতালে পথ হারায়ে।

(১১৬—৯)

দ্বারকাবাসীদের শ্রীকৃষ্ণের রূপগুণ বর্ণনা :

অঙ্ক যাহার লক্ষ্মীর ধাম—যাহারে দ্বারকাবাসী
নিতা দেখিয়া তবু অতৃপ্ত ছিল সে-রূপের আশী...

কমলা যাহার বক্ষে অচলা লভিয়া চিরাত্ময়,
প্রেমিক লভিল চরণাঙ্গুজে তীর্থ সারাৎসার,
লোকপালগণ লভিল যাহার বাহুযুগে বরাভয়,
ভূষিত নয়ন অমৃতপাত্র লভিল আননে যার.....

প্রথম স্কন্ধ

যে-অতুলনীয়া মোহিনীদলের রূপ কটাক্ষ হাসি
গূঢ় ইঙ্গিতে হ'য়ে বিহ্বল পিনাকীরো হাত হ'তে
স্থলিত পিনাক—কুহকে তাদের যারা তবু কোনমতে
পারে নি মোহিতে বারেকো যাহার মন—যে-চিরউদাসী,
অবোধ মুগ্ধ মানব মুক্তসঙ্গ সে-ঈশ্বরে
সঙ্গবিলাসী মানব-দোসর গণিত ভুবন'পরে !

(১১।২৬, ২৭, ৩৭, ৩৮)

যুধিষ্ঠিরের প্রতি অর্জুন :

নাই হে মহারাজ, বন্ধু হরি আর আমারে বঞ্চিতা গেছে সে চলি'
দেবতা হেরি' যাহা মানিত বিশ্বয়—সে তেজ হরি' মোর লুকালো বলী !
নিখিল মনে হয় নয়নে আজি মরু-ম্মান অশুন্দর—যেমন হয়
দেহেরে মনে হয় শ্রীহীন শব—যবে প্রাণের নিশ্বাস লয় বিদায় !
যাহার বলে আমি ঋপদসভামাঝে লক্ষ্যভেদ করি', অমোঘ বাণে
প্রবীর রাজাদের করিয়া পরাভব জিনিষু কৃষ্ণারে বিজয়যানে,
প্রতাপে যার দহি' গহন খাণ্ডব ফিরায়ে দিমু তারে অগ্নিকরে
সদেব দেবরাজে বিমুখি' বাহুবলে—সে-সখা নাই আর অবনী'পরে !

যে ছিল পাশে বলি' রচিল ময় সেই অতুল রাজসভা নাট্যশালা,
যজ্ঞ রাজসূয়ে দেশদেশান্তর হ'তে ভূপতিগণ আনিল মালা,
লভিয়া যার তেজ বধিল ভীমসেন দিগ্বিজয়ী জরাসন্ধে রণে
মুক্ত করি' নিরানন্দ রাজগণে—বন্দী ছিল যারা তার ভবনে,
চরণ স্মরি' যার অঙ্গমুখী তব মহিষী দ্রৌপদী 'কোথায় হরি'
বলিয়া লাক্ষিতা কাঁদিলে বৈদেহ আবির্ভাবে তারে বাস বিতর্কি

ভাগবতী কথা

লজ্জানিবারণ করিল যে সভায়—হুঃশাসনাদির শাস্তি পরে
যাহার মস্ত্রণে সাধিয়াছিহু মোরা—আজি সে গেছে চলি' লোকান্তরে ।

আসিল যবে ল'য়ে অযুত শিশু সে-ক্ৰোধন দুর্বাসা আচম্বিতে
প্রেরিল স্নয়োধন যাহারে ছলে—শাপে তাহার আমাদের সংহারিতে,
'তারণ করো' বলি' ডাকিলে দ্রোপদী আসি' যে শুধু শাক-অন্ন তার
গ্রহণ করি' সেই অযুত অতিথির মিটালে ক্ষুধা পলে চমৎকার,
আহবর্চসদ ভীষ্ম-দ্রোণ-কৃপ-কর্ণ-শল্যের বাহের মুখে
দৃষ্টিপাতে নাশি' তাদের বল ছিল আমার সারথি যে হুঃখে স্নুখে,
শক্রশর করি' বার্ষ রাখিত যে কবচ-করুণায় ঢাকি' আমায়
প্রজ্ঞাদেবের যথা রাখিত নরহরি—সে-সখা নাই আর এ-বসুধায় !
যাহার শ্রীচরণ করিয়া আরাধন মুক্তিকামী পায় পার অপারে,
কুমতি আমি তাঁরে সারথি চেয়েছিহু সে-পাপে বুঝি আজ হারাহু তাঁরে !

হৃদয়ে জাগে কত মঞ্জু পরিহাস স্নেহের সম্ভাষ—'পার্শ্ব প্রিয়,
হে অর্জুন, সখা, পাণ্ডুনন্দন,'—করায়ে প্রতি ডাকে কত অমিয় !
সাথী যে ছিল মোর শয়নে আলাপনে ভ্রমণে সম্ভোগে সঁখবিহানে,
ফুটিত সে কৌ হাসি বলিলে—'প্রভু, কত সত্যবাদী তুমি জগত জানে !'
জনক তনয়ের স্বলন যথা সয়—সখার ক্রটি সখা সয় হাসিয়া
ভেমনি সে-মহান্ লক্ষ অপরাধ সহিত হীন মোরে ভালবাসিয়া !
যে-আমি একদিন তাহার বলে বলী ছিলাম সংগ্রামে অপরাভেয়
সে-আমি আজি হায় শ্রীহীন নির্বল শূন্য-হৃদি, অবসন্ন-দেহ !
কৃষ্ণ-পরিজনে দম্য গোপগণ করিতেছিল পথে গীড়ন যবে
খলিত-গাণ্ডীব এসেছি আমি আজ মানিয়া পরাজয় অগৌরবে !
রয়েছে সব—সেই রথ, ধনুর্বাণ, অশ্ব গজ ধন—শুধু সে বিনা
ভ্রম্যে আহুতির সম যে সব রতি আজিকে মনে হয় অর্থহীন !

প্রথম স্বক

স্বতের প্রতি ঋষি শৌনক :

বলো মহাভাগ, বলো সে কাহিনী যদি সেথা থাকে কৃষ্ণকথা,
অথবা তাদের—যারা পেল তাঁর চরণকমলমধুর স্বাদ ।
কণিক মানব-পরমায়ু হায়, শুধু ঐহিরি সুধাবারতা
অবশ্য—আর যত আলাপন বুধা কাল-বায়ু—মায়া-প্রমাদ ।
মূঢ়মতি যারা, জাগেনি আজিও, তারাষ্ট দেখেও দেখে না হয়--
অমূল্য এই মানবজনম —গ্রাধি না মেলিতে বহিয়া যায় ।
দিনগুলি কাটে ব্যর্থ কর্মে—যাঁর তরে কাজ তাঁরেই ভুলি' !
নিশি কাটে কালো তন্দ্রা-স্বপন-বিস্মরণের লহরে ছলি' !

(১৬৬, ৭, ১০)

স্বতের প্রতি ঋষিগণ :

করি মোরা যাগ যজ্ঞ হে স্বত ! কাঁপে অন্তর অনাস্বাসে :
যাঁর তরে হোম পাব কি তাঁহারে ? ধূমে শুধু ম্লান তন্দ্রা ও মন
ধন্য হে সাধুভক্ত, যে-তুমি হরিগুণগান করি' উছাসে
দিলে আমাদের তাঁর চরণের মকরন্দের আশ্বাদন ।
হরিতরে যারা উদাসী তাঁদের সঙ্গ কী দেয় কেহ কি জানে ?
পরশ তাঁদের পলকতরেও তপ্ত জীবনে সুধা বিলায়,
স্বর্গ-মোক্ষ-সুখ-সৌরভো সে-সুখের পাশে লজ্জা মানে :
সাধুসঙ্গের পরে রাজসুখও হয় বিস্বাদ ব্যর্থপ্রায় ।

(১৮১২, ১৩)

ভাগবতী কথা

ভগবৎপ্রসঙ্গ-জিজ্ঞাসু মুনিদের প্রতি স্মৃত :

সঁপিল স্বয়ম্ভু আপনি যে-অম্ব অর্থরূপে বিষ্ণু-চরণে,
পরশিল সেঠে বারি যবে তাঁর চরণ-নখর—সহসা
রূপান্তরি' দীপ্ত গগন-গঙ্গায় নামিল তরঙ্গ-দোলনে
ধূজটি-জটায়—করিতে মলিন ধরণীরে পুণাহরষা ।
বিনা সে-মুকুন্দ আর কারে মুনি মানিব ঈশ্বর ভুবনে ?
দেবতা অসংখ্য বিরাজে লীলায়—তিনি বিনা ভগবান কে ?—
স্বরগেও যঁর জাগে অমুরাগ—সমাপ্তি যেথায় জীবনে
সকল ধর্মের, সকল কর্মের—দেয় মুক্তি-বর-দান যে
দেহ আদি সর্ব লিপ্সা হ'তে—পদ পরমহংসের শরণে
লভি যঁর—যবে শুধালে, করিব তাঁহারি মহিমাগান হে,
গ্লান সাধো পারি যতটুকু—হায়, কতটুকু জানে জ্ঞানী তাঁর ?—
যতটুকু জানে পাখি আকাশের বরিয়া পাখার অভিসার ।

(১৮২১—২৩)

দ্বিতীয় স্কন্ধ

বিরহা বিরহা মৎ-কহো, বিরহা হৈ সুজ্ঞান ।
জা ঘট বিরহ ন সঞ্চরে, শো ঘট জ্ঞান মসান ॥

জহাঁ প্রেম উহ নেম নহাঁ, তহাঁ ন বুধি'বোহার ।'
প্রেমমগন জব মন ভয়া, তব কোন গিনে তিথি বার ॥

বোলো না : “বিরহ শুধু যজ্ঞনা ।” বিরহ প্রাণের প্রভু ।
সে তো প্রাণহীন আশান-দেহ যে জানে নি বিরহ কছু ।

যেথা প্রেম, সেথা নাই বাহিরের আচার বিধান বিধি ।
প্রেমের ডুবরি যে হয়েছে কবে মানে মাস বার তিথি ?

— কবীর

ভাগবতী কথা

কিং প্রমত্তস্য বহুভিঃ পরোক্ষৈর্হায়নৈরিহ ।
বরং মুহূর্তং বিদিতং ঘটেত শ্রেয়সে যতঃ ॥
(১১২)

সত্যং ক্রিতৌ কিং কশিপোঃ প্রয়াসৈঃ
বাহৌ অসিদ্ধে হ্যাপবহ্নিণেঃ কিম্ ।
সত্যজ্ঞানো কিং পুরুষান্নপাত্ৰা ।
দিবকলাদৌ সতি কিং ছুকূলৈঃ ॥
রুদ্ধা গুহাঃ কিমজিতোহবতি নোপসন্নান্
কস্মাস্তজন্তি কবয়ো ধনত্বমদাক্তান্ ॥
(২১৪, ৫)

অবে বিদন্তি মুনয়ঃ প্রশাস্তাশ্চেন্দ্রিয়াশয়ঃ ।
যদা তদেবাসত্ত্বকৈস্তিরোধীয়েত বিম্মতম্ ॥
(৬৪০)

দ্বিতীয় স্কন্ধ

পরীক্ষিতের প্রতি শুকদেব :

কালের মর্ম জানেনা যেজন শতানু হ'য়ে সে কী বা পায় ?
নিমেষেরো মরমী-ষে, সার্থক যাপে কাল সে-ই বসুধায় !

(১১২)

ভূমি যবে আছে, শস্যার তরে কেন বা অধেষণ ?
বাত্ত যবে আছে নিতাসঙ্গী, উপাধানে কেন আশ ?
অঞ্জলি যবে আছে—বলো কী বা পাত্রে প্রয়োজন ?
দিশঙ্কল আছে যবে—কেন বসনের অভিলাষ ?
গৃহ কেন চাই ? গৃহ কি রুদ্ধ ? দেন না কি আশ্রয়
ভক্তেরে হরি ? গর্বা ধনীর তবে কেন গাহি জয় ?

(২১৪, ৫)

ব্রহ্মা নারদকে :

শান্ত যাহার ইন্দ্রিয়আশ, শান্ত অমল অন্তর
হে নারদ, শুধু সেই মুনি জানে কেমন সে-চিরসুন্দর ।
তবু যবে হয় অসজ্জনের তর্কের ধূলি কীর্ণ
সে-রূপ লুকায় অমনি—কোথাও নাই তার লেশচিহ্ন !

(৬৪০)

ভাগবতী-কথা

নারীদের প্রতি-ব্রজা :

তদ্গাত্ৰং বস্ত্রসারাণাং সৌভগস্ত্ৰৈচ ভাজনম্ ।

উৎস যিনি লীলার নিখিলের
তমুর তাঁর সারাৎসার দিয়া
রচিত হ'ল লাবণী জীবনের
বস্ত্রহিয়া উঠিল বিকশিয়া ।

(৬৩৩)

ব্রজা নারদকে :

ন মে হৃষীকানি পতন্ত্যাসংপথে
যন্মে হৃদৌৎকর্ষ্যবতা ধৃতো হরি : ।

চিরোৎসুক অন্তরে আমার
নিলয় হরি রচিল করুণায়
নিয়মুখে ইন্দ্রিয়েরা আর
ভুলেও তাই কখনো নাহি ধায় ।

(৬৩৩)

বিতার স্বৰ্গ

কামং দহন্তি কৃতিনো নহু রোষদৃষ্টা
রোষং দহন্তমুত তে ন দহন্তাসহম্ ।
সোহয়ং যদন্তরমলং প্রবিশন্ বিভেতি
কামঃ কথং হু পুনরন্ত মনঃ ভ্রয়েত ॥

যে-শিবের ক্রোধ-অনলে ভস্মে মূৰছে মদন-কায়া,
সে-শিবও যে-রোষতাপ প্রশমিতে পারে নাই আপনার,
কামবিজয়ীর জয়ী হেন ক্রোধও ডরে নিতি ধীর ছায়া
তঁার বিগ্রহ নর-নারায়ণে কামের কী অধিকার ?

(৭৭)

ব্রহ্মা নারদকে :

তই পদং ভগবতঃ পরমস্য পুংসো
ব্রহ্মোতি যদ্বিহরজত্ৰস্থং বিশোকম্ ॥

অশোক অমেয়স্থ ভগবান্ উপাধিতে ধারে চিনি
সেই পদই তাঁর চরম স্বরূপ পরমপুরুষ যিনি ।

(৭৪৮)

ভাগবতী কথা

শৃঙ্খলঃ শ্রকরা নিত্যং গুণতন্ম স্বচেষ্টিতম্ ।
নাতিদীর্ঘেণ কালেন ভগবান বিশদে হৃদি ॥
ধোতাত্মা পুরুষঃ কৃষ্ণ-পাদমূলং ন মুঞ্চতি ।
মুক্তসর্বপরিব্রাজঃ পাম্বুঃ স্বশরণং যথা ॥

শুকদেবের প্রতি পরীক্ষিৎ :

লীলা তাঁর যারা করে কীর্তন শ্রবণ নিয়ত প্রেমে,
শ্রামল তাদের অমল হৃদয়ে অচিরে আসেন নেমে ।
সে-দুঃখহরা শ্রীচরণে ঠাই পায় যদি প্রেমী কেহ,
আর নাহি চায় ছাড়িতে—যেমন প্রবাসী আপন গেহ
(৮৪, ৬)

প্রত্যাদিষ্টং ময়া তত্র স্থয়ি কর্মবিমোহিতে ।
তপো মে হৃদয়ং সাক্ষাদাত্মাহং তপসোহনঘ !

ব্রহ্মার প্রতি নারায়ণ :

‘তপ তপ’—আমি কহিছু তোমারে যখন তোমার মোহ বোর
আসিল সৃজন—আমিই তপের আশ্রয়, তপ হৃদি মোর ।
(৯২২)

তৃতীয় স্কন্ধ

দুঃখমে স্মিরণ সব করৈ, সুখমে করৈ ন কোয় ।
জো সুখমে স্মিরণ করৈ, তো দুঃখ কাহে হোয় ॥

জিন ঢুঁ ঢা তিন পাইয়া, গহিরে পানি পৈটি ।
জো বোঁরা ডুবন ডরা রহা কিনারে বৈটি ॥

দুঃখে স্মরণ কে না করে তাঁরে ?—সুখে কে বা রাখে মনে ?
সুখমাঝে তাঁরে স্মরিলে দুঃখ আসিত কি গো জীবনে ?

যে চায় সে পায়, গভীরে সে দেয় ঝাঁপ মুকুতার তরে
ছুবারি হ'তে যে ডরায় বাতুল—রয় ব'সে বালুচরে ।

— কবীর

ভাগবতী কথা

অজস্র জন্মোৎপথনাশনায়
কৰ্মাণ্যকতুর্গ্রহণায় পুংসাম্ ।
নবমুখা কোহহতি দেহযোগং
পরো গুণানামৃত কৰ্মতত্ত্বম্ ॥
(১৪৪)

হুৰ্ভগো বত লোকহয়ং যদবো নিভরামপি ।
যে সংবসন্তো ন বিহুঁহরিং মীনা ইবোদ্ধপম্ ॥
(২৮)

যজ্ঞমশুনোর্বত রাজসূয়ে নিরীক্ষ্য দৃক্শস্যায়নং ত্রিলোকঃ ।
কাং স্নেন চাত্তেহ গজং বিধাতুরবাক্শতো কৌশলমিত্যমন্তত ॥
(২১৩)

কৰ্মাণ্যনীহস্ত ভবোহভবস্ত তে হুর্গাজয়োহথারিভয়াং পলায়নম্ ।
কালান্ননো যৎ প্রমদাযুতাজয়ঃ স্বাখন্ রতেঃ খিভতে ধীৰ্বিদামিহ ॥
(৪১৬)

তৃতীয় স্কন্ধ

উদ্ধবের প্রতি বিদ্বর :

কেন সে জনম লভে এ-মরতে জনম নাই যাহার ?

হৃষ্টদমন তরে শুধু নয়—কর্ম-প্রবর্তনে ।

নহিলে মুক্ত কে বহিত বলে এ-দেহ দুঃখসার ?

তাই অবতারী কর্ম-মহিমা প্রচারিল এ-ভুবনে ।

(১৪৪)

বিদ্বরের প্রতি উদ্ধব :

জলে করে বাস দুর্ভাগা মীন—তবু সে জানে না চন্দ্রে হায়,

যার করুণায় সূর্যের তাপ হ'তে সে অতলে রক্ষা পায় ।

তেমনি কৃষ্ণ সাথে করি' বাস তবুও তাঁহারে জানেনি যারা

এ-সংসারের তাপহর বলি'—দুর্ভাগা তারা নেত্র-হার্য ॥

(২৮)

বিদ্বরের প্রতি উদ্ধব :

“পদ্মযোনির শিল্পচাতুরী নিঃশেষ বৃষি হ'ল রচিয়া

কৃষ্ণের নব বিগ্রহ”—কুরুসভায় কহিল সবে, যখন

কাস্ত তাহার লাবণ্যে দিল নয়নের সুখ নিব'রিয়া :

অস্ত গেছে সে-একোদয়-রবি—দেখিবে না আর তারে ভুবন !

(২১৩)

কৃষ্ণের প্রতি উদ্ধব :

বীতরাগ হ'য়ে সাথে যে কর্ম ; বিদেহ হ'য়েও যে দেহ ধরে ;

কালধিপ হ'য়ে দুর্গে লুকায়ে ; পলায়—শত্রু দেখালে ভয় ;

আত্মরতি-যে অমৃত নারীর সাথে কত ছলে বিহার করে ;

ওগো লীলাময় ! তোমাতে ভাবিতে ধীমানেরো মন মোহিত হয় ।

(৪১৬)

ভাগবতী কথা

মৈত্রেয় মুনির প্রতি বিহ্বল :

সুখের তরে কর্ম সাধে নিখিলে সবে হায়,
হয় না সুখ-উদয়, দুখও অন্ত নাহি যায় ।
কর্মে দেয় বিবাদই দেখা নিত্যনব বেশে :
মুক্তিপথ কোথায় মুনি যুক্তি দাও এসে ।

(১৫১২)

নারায়ণের প্রতি দেবগণ :

নমি নাথ তব চরণকমলে—চন্দ্রাতপের ছায়া
বিলায় যে তাপক্লান্ত শরণাগতে,
লভিয়া যে-আশ্রয় মুনিঋষি পার হয় ভবমায়া
জিনিয়া দুঃখ বেদনা প্রেমের ত্রিতে ।

বিনা ও-চরণ এ-জীবনে প্রভু আশ্রয় কোথা আছে ?
অন্তরতলে কে বলো শাস্তি পায় ?
তাই আমাদের তনুমন প্রিয় ও-হুটি চরণ যাচে
প্রেম-আরাধনে ও-রাঙা পায়ে লুটায় ।

বেদবিহঙ্গ তোমার শ্রীমুখপদ্মের চারিধারে
করি' গান তবু চায় যে-চরণ তব,
যেখা হ'তে পাপহারিণী গঙ্গা আনন্দে উৎসারে
লেখাই প্রাণি আশ্রয়-গৌরব ।

তৃতীয় স্বপ্ন

যে-জানায় জানি—তুমি সব, লভি বৈরাগ বাসনায়,
যে-বৈরাগবরে অমলতা ছায় স্ফুটি,
সে-অমলতায় লভি' প্রেম তবু প্রাণ যে-চরণ চায়
সেই চরণেরি আমরা আজ অতিথি ।

‘আমি ও আমার’ করে যারা ল’য়ে দেহগেহ—তারা প্রভু,
তুমি দেহবাসী জেনেও কভু কি জানে ?
হৃদে ধরি’ তারা যে-চরণ দিশা পায় না তাহার তবু
সে-চরণই চাই আমরা নিরভিমানে ।

মিথ্যাকামনা ইন্দ্রিয়ভোগে প্রমত্ত হ’য়ে হায়
অন্তর্মুখী হ’তে শেখে নাই যারা,
তোমার লীলার কীত নৈ যারা চরণে তব লুটায়
মহিমা তাদের দেখেও দেখে না তারা ।

(৫১৩৮-৪১,৪৩,৪৪)

মৈত্রের প্রতি বিহ্বল :

মনের যারা পায় না দিশা, আর যাহারা মনেতে ভরি’
লভিল হরিচরণ—রহে স্মৃথে ।
আর সকলে হৃথে থাকে সংস্বরে বরণ করি’,
কোথায় চলে জানে না যুগে যুগে ।

(৭১১৭)

ভাগবতী কথা

অল্প যাদের সাধন-ভজন, বহুদুর্লভ গণে
প্রেমিক জনের সেবা তারা বসুধায়—
যাদের কণ্ঠ-কীর্তনে শুধু যুগে যুগে এ-ভুবনে
দেব নারায়ণ ঝংকৃত বসুধায় ।
(৭।২০)

নারায়ণের প্রতি ব্রহ্মা :

রাজ্যে অন্তরে সবার হে নাথ জানি, তবু কামনায়
দেবগণও করে পূজা তব যবে—তারা
পায়না তোমার সে-প্রসাদ যার দুর্লভ স্বাদ পায়
নিখিল জীবের প্রতি দয়াবান্ যারা ॥
(৯।১২)

ব্রহ্মার প্রতি নারায়ণ :

আমার উদয়ের কাহিনী-কীর্তন করিলে যবে তুমি হে প্রজাপতি,
কণ্ঠে সুর তব সঞ্চারিলু আমি—তাই তপস্যায়ও লভিলে মতি ।

জীবনের আমি অমৃতনিলয়, প্রিয় হ'তে প্রিয়, প্রাণের প্রাণ,
আমি প্রিয় বলি দেহ গেহ প্রিয়, মোরে কোরো তাই প্রণয়দান
(৯।৩৬, ৪২)

তৃতীয় স্কন্ধ

রুদ্রদেবের প্রতি ব্রহ্মা :

তপসৈব পরং জ্যোতির্ভগবন্তুমধোক্কজম্ ।

সর্বভূতগুহাবাসমঙ্গসা বিন্দতে পুমান্ ॥

নিখিল প্রাণীর প্রাণগুহাবাসী-জ্যোতিঘন নারায়ণে

গুপ্ত তপস্তাবলে পায় জীব সরল অন্বেষণে ।

(১২।১২)

দেবহুতির প্রতি কপিল :

সতাং প্রসঙ্গান্মম বীৰ্যসম্বিদো

ভবন্তি হ্রৎকর্ণরসায়নাঃ কথাঃ ।

তজ্জোষণাদাশ্বপবর্গবজ্রানি

ব্রহ্মা রতির্ভক্তিরনুক্রমিস্থ্যতি ॥

হৃদিরঞ্জন শ্রুতিসুন্দর বাক্যে মোর লীলা ;

সাধুর মুখে যে শোনে মনে তার সহজ ব্রহ্মা জাগে, ..

পরে হয় রুচি সে-নবান্বাদে, তার পরে অনাবিল।

ভক্তি উদয় হয়—দিনে দিনে, উচ্ছল অমুরাগে ।

(২৫।২৫)

ভাগবতী কথা

দেবহুতির প্রতি কপিল :

বলং মে পশ্য মায়ায়াঃ স্ত্রীময্যা জয়িনো দিশাম্ ।
যা করোতি পদাক্রান্তান্ ক্রবিজ্জুস্তেণ কেবলম্

রমণীকপিণী মায়ার আমার দেখ না প্রতাপ মরজীবনে:
লুটায় দিগ্বিজয়ীরেও পায়ে যে শুধু একটি ক্রকম্পনে ।

(৩১।৩৮)

যয়েন্দ্রিয়ৈঃ পৃথক্কারৈরর্থো বহুগুণাশ্রয়ঃ ।
একো নানৈয়তে তত্ত্বগুবান্ শাস্ত্রবচ্যভিঃ ।

একই ফুল যথা নানারূপে নানা ইন্দ্রিয়পথে প্রতীত হয়
নানারূপে নানা সাধনে তেমনি একই অরূপের অভ্যুদয় ।

(৩২।৩৩)

চতুর্থ স্কন্ধ

জলমে বসে কমোদনী, চন্দা বসে অকাস ।
জো হয় জাকা ভাওতা সো তা হী কে পাস ॥

জল পরমানে মাছরী, কুলপরভাবে বুদ্ধি ।
জা কো জৈসা গুরু মিলে, তা কো তৈসী শুদ্ধি ॥

কুমুদিনী দোলে জলে, চাঁদ সাথে আকাশেরি কানাকানি ।
ভাব সাথে শুধু তাহার ভাবীর হয় মন-জানাজানি ।

জলের মতনই হয় মাছ, কুল যেমন তেমনি বুদ্ধি ।
যেমন শিষ্য গুরুও তেমন—সেই অল্পপাতে শুদ্ধি ।

— কবীর

ভাগবতী কথা

ব্রহ্মণা চোদিতঃ সৃষ্টাবত্রির্ব্রহ্মবিদাং বরঃ ।
সহ পত্যা যযাবৃক্ষং কুলাজিং তপসি স্থিতঃ ॥
প্রাণায়ামেন সংযম্য মনো বর্ষশতং মুনিঃ ।
অতিষ্ঠদেকপাদেন নিষ্প্রস্ফোহনিলভোজনঃ ॥
তপামানং ত্রিভুবনং প্রাণায়ামৈধসান্বিতা ।
নির্গতেন মুনের্মুর্ধ্নঃ সমীক্ষ্য প্রভবস্তয়ঃ ॥

শ্রীঅত্রিরূবাচ :

বিশ্বাস্তবস্থিতিলয়েষু বিভজ্যামানৈর্
মায়াশৃণৈরমুযুগং বিগৃহীতদেহাঃ ।
তে ব্রহ্মবিষ্ণুগিরিশাঃ প্রণতোহস্মাহং বস্
তেভ্যঃ ক এব ভবতাং ম ইহোপহৃতঃ ॥

শ্রীদেবা উচুঃ

(প্রত্যাহঃ শ্লক্ষয়া বাচা প্রহস্তু তমুষিং প্রভো)
যথা কৃতস্তে সংকল্পো ভাব্যং তেনৈব নানুথা ।
সংসংকল্পস্ত তে ব্রহ্মন্ যদৈ ধায়তি তে বয়ম্ ॥

প্রজামৃজনের লভিয়া আদেশ কুলপর্বতে অত্রিমুনি
বধু অননুয়া সাথে আছিলেন শতেক বরষ তপোনিরত :
সে-তপসে তিন ভুবন তপ্ত দেখি' হরি হর কমলযোনি
আশ্রমে তাঁর উদ্দিলেন আসি' করিবে সফল ঋষির ব্রত ।
কহিলেন ধ্যানী : “একেরি লীলার তরে ত্রয়ী রূপে এসেছ সাজি'
জানি আমি : নমি তোমাদের শ্রীচরণে, শুধু দেব, বলো আবারে
তোমাদের মাঝে কোন্ ভগবানে আমি আস্থান করিছ আজি ?”

চতুর্থ স্কন্ধ

তুনি' ত্রিমূর্তি কহে একসাথে ঝরায়ে করুণা হাসির ধারে :
“মনোরথ তব সাধু, তাই হবে পূর্ণ সে জেনো হে সুপ্রিয় !
যার করে ধ্যান ত্রয়ী রূপে মোরা সেই একনাথ—অষ্টিতীয় ।”
(১১৭, ১৯, ২১, ২৬, ২৮, ২৯)

সতীর দেহত্যাগ

কহিল মৈত্রেয় মুনি : “শোনো তব মহামতি হে বিত্বর, সতীর কাহিনী,
শিবের বাসিয়া ভালো দেবীর সাযুজ্য পেল তনুত্যাগে যে-মর্ত্যকামিনী ।
মমতার মোহে দেহই যে-দেহেরে সবচেয়ে বেশি ভালবাসে এ-জীবনে,
কেমনে সে তীব্র মোহ দহিল অনল-প্রেমে সর্ব সুখ-সাধ-বিসর্জনে ।
ধূল্য-নির্মিত-তনু অপার্থিব অভিসারে শুদ্ধি লভি' হ'ল বিভাবতী
দেখায়ে—কেমনে ভবে সর্বহারা আত্মদানে দেবজন্ম পায় আয়ুত্মতী ।”

“ব্রহ্মার মানসপুত্র দক্ষ কর্মবলে যবে প্রজাপতি হ'ল বিশ্ব'পরে,
সপ্তবিংশ তনয়ার কনিষ্ঠা সতীরে দিল তুলিয়া সে ধৃষ্টি করে ।
সতী ছিল জনকের প্রিয়তমা বালা, তাই অনিকেত অশাননিবাসী
শিব সাথে পরিণয় চাহে নাই দক্ষ—হায়, মন যার কীতি-কামনাশী,
কর্মাভীত দেবেশের ঈশিহ সে বুঝে কবে ? বহির্মুখি-ইন্দ্রিয়-আরোহী
উড়িয়ে কর্মের ধূলি অন্ধ করি' আপনারি আঁখি হয় দম্ভে দেবজ্যোহী ।
শুধু সতী আশৈশব শিবেরেই চেয়েছিল পতি বলি'—পিতা ক্ষুণ্ণমনে
বাঁধিল সে-স্বয়ংবরা কঙ্কারে শিবের সাথে অবাহিত উদ্ধাহবন্ধনে ।”

“কতিপয় বর্ষ পরে অমুচিল যজ্ঞ প্রজাপতি ।
নিমজ্জিল মুনি-ঋষি-যোগি-দেবগণ মহামতি
যজ্ঞভূমে প্রবেশিলে দক্ষ তেজে সভা উদ্ভাসিয়া,
আসন ছাড়িয়া সবে সসম্মানে দাঁড়াল উঠিয়া ।

ভাগবতী কথা

শুধু ব্রহ্মা আর শিব রহিল আসনে সুখাসীন ।
পিতা স্বয়ম্ভুবে দক্ষ নমি' কহে ক্রোধে-জ্ঞানহীন :

‘এসেছেন পূজনীয় যারা কৃপা করি’ এ-সভায়
করিবেন ক্ষমা—আজি ক্রুদ্ধ আমি নহি অশ্রুয়ায়,
কিন্তু শালীনতা-রীতি ছুঁই যবে না চায় শিথিতে,
তাদের শাসন করা চাই চাই চাই জনহিতে ।
দেখিলেন সবে মোর জামাতার অশিষ্টাচরণ ?—
শুধু নিন্দনীয় নহে—মানীদের লজ্জার কারণ !
গুরুজন-আবির্ভাবে সম্মানের প্রদর্শনে আছে
জ্ঞানার অনুশীলন—একথা ছুঁই নৈ মানে না যে ।
পূজ্যপূজ্যবাতিক্রম সমাজের অমঙ্গল আনে :
অনাচার অলঙ্কিতে শুভের বিগ্রহে বাণ হানে ।
দেবতা বলিয়া পূজা যে পায় সে নহে পূজনীয় :
শিষ্টের বিধান যার কাছে অবজ্ঞাত, লজ্জনীয়,
কভু যে অচল স্থাণু, কভু লজ্জাহীন দিগম্বর,
লজ্জাহীন যাযাবর, ভূতপ্রেত যার সহচর,
ভস্ম যার অঙ্গরাগ, নাই শুচি-অশুচির জ্ঞান,
তমোরূপী স্বৈরাচারী—কেন পাবে দেবের সম্মান ?
বিধাতার কাছে আমি গণি অপরাধী আপনারে
এ-হেন মূর্খের হাতে স’পিয়াছি বলি’ ছুঁহিতারে
ভাবিয়াছিলাম—সঙ্গ লভি’ জ্ঞানী মুনি বিদ্বানের
ধীরে ধীরে দীক্ষিত সে হবে সদাচারে সাধুদের !
হায়, পিক-সহবাসে কাক কবে শেখে কুহুতান ?
বিদ্যাদ্যম বৃকে ধরি’ তবু মেঘ-ঈশি অশ্রম্মান ।

চতুর্থ স্কন্ধ

অভিশাপ দিই আমি স্পর্শ করি' পুণা যজ্ঞবারি
হেন ছরাচার নাহি হবে যজ্ঞভাগ-অধিকারী ।'
“বলিয়া প্রধান যত সদস্যের সাথে মদভরে
করিল সে-স্থান তাগ প্রজাপতি সংস্কৃত অন্তরে ।”

“শিবে দেখি' নিবিচল তাঁহার পার্শ্বদ নন্দীশ্বর
কহিল আরক্তনেত্রে : ‘যে-মানববেশী বিষধর
বিদ্বৈষ-দংষ্ট্রায় তার দেবদেবে করিল দংশন,
আর যে-ব্রাহ্মগগণ করিল তাহারে সমর্থন,
তাহাদের অভিশাপ দেই আমি—এ-জীবনে তারা
সংশয়ের কূট তর্কে পরমার্থ-পথে হবে হারা,
বহিমুখি-কর্মজালে পড়ি' বাঁধা রহিবে সকাম,
জানিবে না কারে বলে চিরশাস্তি, আনন্দের ধাম ।
শিবের মহিমা যারা জানিল না কী জানে তাহারা ?—

“যার প্রেমহৃদি হ'তে নিত্য ঝরে করুণার ধারা
করিতে গঙ্গার ম'ত মরতারে পুষ্পল উর্বর,
শুধু ভক্তি প্রেমে নয়—ঐশ্বৰ্যেও যিনি বিশ্বেশ্বর,
সর্বসিদ্ধি মঙ্গলের মূলাধার, সর্বনীতি-পারে
আসীন রহিয়া যিনি করেন লালন বশুধারে,
সংহারেও বর্ষি' কৃপা রূপাস্তর আনি' জন্মান্তরে,
জীর্ণে দিতে যৌবরাজ্য, বিরহীরে আনিতে বাসরে,
শত্রুরেও দেন বর যে-ভক্তবৎসল চিরদিন,
সর্বহারা সর্বালয়, পঙ্কবৃকে পদ্ম অমলিন !

ভাগবতী কথা

অপমান তাঁরে কভু স্পর্শিতেও পারে না—তথাপি
তাঁর করে অমর্যাদা যে-মুটু সে পায় না কদাপি
আনন্দের ধ্রুব দিশা, চক্ষুস্থান হ'য়ে অন্ধ রয়
হারারে ইন্দ্রিয়ভোগে অন্তরের শাখত সঞ্চয় ।’

“কতিপয় বর্ষ পরে প্রজাপতি দক্ষ অচ্যুতিতে
চাহিল দুরাহ যজ্ঞ, অমরবাঞ্ছিত, ধরণীতে ।
করিল সে নিমন্ত্রণ ব্রহ্মর্ষি দেবর্ষিগণে সবে
গন্ধর্ব, কিন্নর, কম্পুকুম্ব, দেবতারে সগৌরবে ।
কেবল শিবেরে দক্ষ করিল না যজ্ঞে নিমন্ত্রণ
অবজ্ঞার ছলে দেব-জামাতারে করিতে লাঞ্ছন ।

“জলে স্থলে অন্তরীক্ষে ধায় ধ্বনি : ‘প্রজাপতি করে উৎসব !’
নর নারী করে কীর্তন পুলকে দক্ষের গরিমা বৈভব ।
বিমানে আরোঢ় উধাও দেবতা, ধরাতলে চলে প্রার্থী
বৃদ্ধ যুবা শিশু কাতারে কাতারে—অগণন তীর্থযাত্রী !
কহে সতী শিব : ‘দেখ দেখ নাথ, সবে যায় সেথা রঙ্গে !
ভামিনীরা চলে সাজি’ অলঙ্কারে সহচারী পতি সঙ্গে !
স্বজন-বান্ধব-জনক-জননী-মিলনে-আকুল চিত্ত,
চলো যাই দৌহে আমরাও আজ দেখিতে যাগ বিচিত্র ।’
কহিল পিনাকী : ‘কেমনে সে-যজ্ঞে যাবো সতী, ল’য়ে তোমারে ?
আমারে তোমার পিতা অপমান করিল-যে সভামাঝারে !
অপমানে মোর নাই অপযশ, কিন্তু পতিব্রতা ললনা
তুমি পতিনিন্দা শুনিবে কেমনে সন্মুখে সবার, বলো না ?’

ଚତୁର୍ଥ ବକ୍ତ

‘কহে সতী : ‘পিতা স্বভাবে ক্রোধন, আসনে আসীন রহিলে,
তাই করেছিল কটুভাব জলি’—যারে মোরি তরে সহিলে
জানি নাথ, বলি তবু : সবি হবে শুভ তুমি হ’লে শিষ্ট—
হাসিল মহেশ : ‘জানিগো আমিও সরলার কথা মিষ্ট,
কিন্তু তাই বলি’ সরলার পিতা সরল—এমন কথা তো
লিখিত হয় নি জ্ঞায়শাস্ত্রে ! শোনো সতী পাবে বহু বাধা গো,
গেলে সেথা—দেখ, প্রজাপতি তব পিতা নিমন্ত্রিল সকলে,
শুধু আমাদের নয় । সাধ করি’ অমৃত বলিয়া গরলে
কেন বলো পান করিবে সরলা ?’ কহিল ভবানী কাতরে :
‘পিতৃগৃহে কন্যা বিনা—নিমন্ত্রণে যেতে পারে—মোরে সাদরে
করিবে গ্রহণ পিতা মাতা সবে—দিদিরাও পথ চেয়ে রয়,
তুমি যদি নাহি যাও—একাকিনী যেতে দাও, করি অনুনয় ।
আমি যে পিতার কন্যা প্রিয়তমা— তুমি তো উদাসী, জানো না :
জন্ম-বলীয়ান তুমি হায়, তাই মমতার ক্ষুধা মানো না !’

“কহিল মহেশ : ‘জানি প্রিয়বালা তুমি মানী
 ক্রোধন দক্ষের ।
 অল্পনয় কেন ? চাও যেতে যদি—সুখে যাও ।
 শুধু, জনকের
 তব আমি অসম্মান করি নাই, অভিমান
 তীব্র হ’লে হয়
 সরলে কুটিল দেখে শিখিয়াও নাহি শেখে
 জীব বসুধায় ।

ভাগবতী কথা

যে করেছে অঙ্গীকার রীতি নীতি শীলতার,
দায়িক সে হবে
লজ্জন সে যদি করে সে-শপথ হেলাভরে ।
কিন্তু আমি কবে
সভ্য-সভাসদ রাণী ? শ্লীলতার হবে হানি
কেমনে বা যদি
আমি রহি যাযাবর শ্রাশানের সহচর ?
পিতা তব সতী,
ক্রোধে অন্ধ, তাই হায় দেখিতে আজো না চায়
একই মন্ত্র সবে
করে না জীবনে জপ একই দীক্ষা অনুভব
কে কোথায় লভে ?
বিচিত্র ধরণীতলে নিরুত্তির পথে চলে
যারা এ-জীবনে
প্রবৃত্তির ছন্দ সুর হ'তে তারা রয় দূর
স্বপ্নে জাগরণে ।

‘আরো এক কথা সতী ! রেখে না বেদনা মনে, আমি যে উদাসী,
বাসুদেব-ধ্যানমগ্ন চিরদিন—জানো না কি ? অন্তর নিষ্কাম
হয় যবে—বাসুদেব বলে তারে—বাসুদেব শুধু সেথা বাঁশি
বাজান তাঁহার বলি’ : গাহি’—শুধু হেথা মোর নিত্যনন্দধাম ।
সে-ডাক যে শোনে—ধায় নিবেদিতে আপন্যারে চরণে তাঁহার
অঙ্গুরি’ শুধু তাঁরে—নির্মলমতিরা শুধু তাঁরেই স্মরণ
করে আন্তহীন ধ্যানে, কায়মনোবাক্যে রচি’ তাঁরি উপচার
প্রণামে প্রণয়ে সখ্যে ভক্তি-সেবা-আরাধনে—তারা যে বরণ

চতুর্থ স্কন্ধ

করে শুধু নারায়ণে । যাহারা দেহাভিমानी, নিতা বহির্মুখী
পথে চলে ফলকামী লোকাচার দেশাচার সাদরে মানিয়া, *
বাসনা-মদির-মুগ্ধ, উত্তেজনে আত্মহারা, ক্লেশস্থে শূন্য,
মিথ্যামতি ঐহিকের করুণ শুল্কিঙ্গরাত্রি অরুণ জানিয়া,
হেন মূঢ়জন সাথে আদান-প্রদান হবে তাহার কেমনে
যে চির-জীবমুক্ত, চেতনা যাহার লিপ্ত সে-অমৃতলোকে
যেথায় বন্ধারে সান্ন অসান্ন আনন্দগীতি অশ্রাস্ত মূর্ছনে ?
প্রবৃত্তির আজ্ঞাবহ কেমনে বাসিবে ভালো নিবৃত্তি-সাধকে ?
লোকাচার-চেতনায়-প্রতিষ্ঠিত জীব সতী, জেনো মনে প্রাণে
গর্বিত দাস্তিক—মুখে যত না বিনয়ী হোক, বিনা কেশবের
অহেতু করুণা কেহ নিরভিমানের মস্তসিদ্ধি কভু জানে ?
তাই বলি—তুমি আমি নহি যবে মানবিক কামনা-লোকের
বিহ্বলতা-কামী—চলি চিরদিন নিষ্কামনা-মস্ত্র জপ করি’,
বাসুদেব-চিন্তে চাতি মিলন বাসুদেবের—কেন যাব সেথা
যেথা আমাদের দীক্ষা গঠিত সবার কাছে ? বরগীয় হরি
শুধু যাহাদের—তারা অবরেণা পরিজনে সাধি’ পায় ব্যথা
তোমার আমার সতী, পূজনীয় শুধু বাসুদেব নারায়ণ ।
ইন্দ্রিয়ের বহির্মুখী পথে ঋঁর দেখা নাহি মিলে চরাচরে,
তাই নাম তাঁর অধোক্ষজ—যবে প্রত্যাহৃত হয় এ-নয়ন
মেলে তাঁর দেখা—মোরা প্রণমিতে পারি শুধু তাঁরেই অন্তরে ।’

-
- * প্রত্যক্ষামপ্রশ্রয়ণাভিবাদনং বিধীয়তে সাধু মিথঃ স্তমধ্যমে ।
প্রাঞ্জৈঃ পরস্মৈ পুরুষায় চেতসা গুহাশয়্যৈব ন দেহমানিনে ॥
সঙ্ঘে বিমুক্তং বাসুদেবশক্তিত্বং যদীয়তে তত্র পুমানপাবৃতঃ ।
সঙ্ঘে চ তস্মিন্ ভগবান্ বাসুদেব হ্যধোক্ষজো মে নমস্য বিধীয়তে ॥

(৩২৩, ২৩)

ভাগবতী কথা

“দ্বিধায় সতী দীরঘাশাস তাজিল বেদনায় :

যাবে কি যাবে না সে বৃষ্টিতে পারে না বালা হয় !

শিবের কথা হৃদয়ে যেই জাগিয়া ওঠে প্রেমে,

সংসারের প্রণয়-ঈতি-রাগিণী য'য় ধেম্বে ।

অমনি ফিরে চিন্তে তার মায়ের মুখ জাগে

করিত তারে স্নেহ যে কত মঞ্জুল সোহাগে !

নারীর হয় অন্তরায় সাধনে সবচেয়ে

মমতাটান—চিন্তলোকে তাহার আসে ছেয়ে

ক্লেবে ক্লেবে কোমলতার অলখ অঙ্কুর

স্বজন-স্নেহ-স্মৃতি-সুবাস-সিঞ্চিত মধুর !

হৃদয়লোকে প্রণয়-ফুল বাসনা-ব্রততীরে

উন্মূলিতে চেয়েও তবু চায় সে ফিরে ফিরে ।

মর্মে তাই জানিয়াও যে, দেব দেবের বাণী

সত্য সবি—তবু সতীর মমতা অভিমানী

স্বজন-মোহে করিল তারে রুদ্ধ ক্রোধভরে

পতির প্রতি হ্রস্বভিমান জাগায়ে অন্তরে ।

“কিন্তু ঐ কে গুঢ় স্বরে ‘যেও না সতী’ বলে !

বাহিরি’ পথে ফিরিয়া আসে শাস্ত হিমাচলে

যেথায় শিব-অঙ্গরাগ মুক্তি-আলো সম

নির্বোধের তুঙ্গতায় বিছায় নিরুপম ।

নিষে ফিরে ঈতি-জনতা ‘এসো না সতী’ বলি’

করে মিনতি পিতার স্নেহভঞ্জিতে উছলি’ ।

যায় সে কিছুদূর আবার ফিরিয়া শিবে সাধে :

মৌন হ’লে সে—হাসে সতী, হাসিলে কেন কাঁদে

চতুর্থ দৃশ্য

শেষে সহসা বিজ্রোহিনী পতিরে বাধা গণি'
চলিল একা পদত্রয়ে পিতৃগৃহে ধনি ।

বিহর কহে : “বুঝিতে আমি পারি না তপোধন,
কষ্ট কেন হ'ল শিবানী শুনিয়া সুবচন
ধূজ্জটির—পতিরে বরি' প্রণয়ে অন্তরে
চিনিয়া তাঁর মহিমা কেন পিতার স্নেহ তরে
হ'ল সে হেন বিধুরা ?—শিব বুঝালো এত তারে,
তবু সে কেন চাহিল—শিব বাঙ্ছিল না যারে ?”

কহিল মুনি হাসি' : “বিহর । বাসনা যেথা অতি
প্রবল, সেথা দ্বিধায় দোলে হিয়ার শুভমতি ।
মানস তবু বোঝালে বোঝে—বোঝে না মৃঢ় প্রাণ :
ইক্ষন যে তার নিগূঢ় বাসনা, অভিমান ।
পৃথ্বীমুখী বাসনা পায় পৃথ্বীর প্রণয়
যুক্তি আনে সে অগণন, সাস্ত্রনা, অভয় ।
প্রসাদ তার মনেরে দিয়া তারেও সাথী পায় :
কৃষ্ণ হয় শুভ্র তারি মূলভ করুণায় ।
আরো, সে-শিব-দিশারি চির-সহিষ্ণু—কুমায়
প্রণয়ে সমবেদনে তুল তাঁহার কে ধরায় ?
তাই করে না প্রয়োগ বল—জাগিয়া অনিমেষ
বান্ধবের গভীর সুরে দেয় সে নির্দেশ,
কিন্তু অতি মূঢ়ল সুরে ।—চায় যে ভগবান্
উদ্বোধন, নহে পীড়ন—শিব নিরভিমান ।
তাই আমরা যখন চলি বাসনা-অভিযানে
করুণাময় পিছনে থাকি' কহেন কানে কানে :

ভাগবতী কথা

‘ও-পথে নয়—এ-পথে’—তিনি দেন না বাধা তবু,
আত্মনিবেদন কি হয় অনিচ্ছায় কভু ?
তাই মহেশ জানিত—সতী দুঃখ পাবে সেথা,
তবু সে-কারুণিক জ্বায়ে চাহিল না সে-বাধা-
দাহন হ’তে মুক্তি দিতে—প্রমথ অমুচরে
বলিল যেন ছায়ার সম সতীরে অমুসরে ।
মধ্য পথে সতীরে তারা আরোহি’ বুধ’পরি
বাজায় বেণু শঙ্খ—শিরে ছত্র শ্বেত ধরি’
চলিল যেন মহোৎসবে—মায়ার খেলা হায় :
মরণ যেথা ঋব সেথাও ধায় সে মমতায় !

“দক্ষের সেই যজ্ঞসভায় শিবানী যখন উত্তরিল
প্রজাপতি-ভয়ে প্রিয় পরিজন কেহ না তাহারে সম্ভাষিল ।
শুধু মাতা আর ভগিনীরা উঠি’ করিল তাহারে আলিঙ্গন,
কিন্তু সভায় শিবের কোথাও নাই দেখি’ চিহ্নিত আসন,
ক্ষুরিত-অধরা কহিল পিতারে : ‘শুনিয়াছিলাম শিবদেবী
তুমি তাত ! তবু প্রত্যয় মোর হয় নাই : তুমি জ্ঞানাস্থেবী
সত্যসাধক জানিতাম । তাই সত্যের যিনি অধিষ্ঠান
তাঁহারে কেমনে করিবে যজ্ঞে স্বেচ্ছায় হেন অসম্মান—
বলিতাম আমি স্বগত । কিন্তু দেখিলাম যবে এ-হীনাতার,
বুঝিলাম—আমি মিথ্যা গর্বে ছিলাম অন্ধ বরি’ আধার
মমতার স্নান ক্রীড়নক হ’য়ে ।’ কহিল দক্ষ ক্রুদ্ধ স্বরে :
‘অন্ধ হয়েছ আজিকেই তুমি, ছিলে না অন্ধ পিতার ঘরে ।
স্পর্ধা তোমার তাই আজি হেন—স্বপ্নেরও যাহা অতীত ছিল
সেই রূঢ়ভাবে কথা কও তুমি তার সাথে আজি—জন্ম দিল

চতুর্থ স্বরূপ

যে তোমারে—দিল দীক্ষা তোমারে মনুষ্যেষু !—সব হারায়
আজি তুমি কত নিঃস্ব জানো না—পড়িয়া নিয়ত তাহারি পায়
নাই যার জ্ঞান বুদ্ধি বিদ্যা শালীনতা কুল—মত্ত হ'য়ে
তাণ্ডব-তালে আনে বিভীষিকা—কণ্ঠে সর্পমালা ল'য়ে !
পুণা যজ্ঞে ভাগ কেন দিব অশিব শ্রীহীন দিগম্বরে,
চিতার ভস্ম মাখিয়া যে নিতি কর্মবিহীন ভুবনে চরে ?
নাই যার গুটি-অণুটির বোধ, শিখে নাই কভু সদাচরণ,
জানে না নমিতে গুরুজনে, শুধু শ্মশানেই যার আকিঞ্চন,
জানি না কী পাপে দিহু তার হাতে তুলিয়া আমার প্রিয় ছহিতা—'

“কহিল শিবানী কম্পিত-স্বরে : ‘ছহিতা আমারে বোলো না পিতা,
না না, পিতা কেন বলি’ আজো ? তুমি কেহ নও মোর, অনাশ্রয়,
শিববিদ্যেযী যেই হোক, নহে কভু সে আমার আদরণীয় ।

তাঁরে দুর্জন বলে যে-সুজন তাহার স্বজন নহে তো সত্যী :
সুমতি সুজন রাখিবন্ধন যাচে কি তাহার—যে দুর্মতি ?’

বলিতে বলিতে ক্রুদ্ধ নয়নে ভকতি-অশ্রু উচ্ছলিল !

অগ্নির পটে স্নিগ্ধকাস্তি জলধনু যেন প্রতিফলিল !

কহিল মহিমময়ী : ‘যাঁর চেয়ে শ্রীমন্তু নাই তিন ভুবনে,
করুণা ষাঁহার ঝরে আখিপাতে, পড়ে না যে বাঁধা কোটি বাঁধনে,
গরিমার যিনি পূর্ণাবতার—চিরদিন রণে অপরাভয়ে
তাঁরে বোলো তুমি হীন—পদধূলি ষাঁহার দেবেরো চিরপাথেয় ?

কর্ম ষাঁহার চরণে লুপ্তি যাচে—নদী যথা অন্ধি-বুকে,
ডাকিলেই বিনা দুর্ভোগ দেয় পলকে মুক্তি যে যুগে যুগে,
অন্যমনেও ষাঁহার পুণ্য নাম করিলেই উচ্চারণ,
তাপীদের হয় তাপ-প্রশমন, পাপীদের হয় পাপমোচন,

ভাগবতী-কথা

তাঁরে তুমি আজ বলিলে অশিব অন্তি—স্বর্গে দেবতাগণ
যাঁর পাদোদকে করি' স্নান লভে শুদ্ধি—স্বয়ং চতুরানন
চারি মুখে গেয়ে গুণগান তবু অন্ত না পায় কৃপার ধার,
যাঁর বসুদেব-অমল-চিত্ত শ্রীবাসুদেবের লীলাবিহার,
যাঁর চরণারবিন্দপরাগ-আশী মহাজন-মন-ভ্রমর,
প্রার্থী দানবও হয় যদি—দেন অকুণ্ঠে যিনি প্রসাদ-বর,
আদি সমুদ্র-মস্থনে যিনি করিলেন পান তীত্র বিষ
যে-ব্যথায় হ'ল কষ্ট তাঁহার নীল—বরষিয়া তবু আশিস
দেবতারে যিনি বিলালেন সুখা—হলাহলে লভি' মরণজয়,
আনন্দনিধি, শাস্তি-উৎস—তাঁহারো যে ভবে শত্রু হয়
কেমনে কে জানে ?—তবে বুঝি হয় অসাধুরা নয় সাধুর ম'ত !
সাধু যারে করে নতি তারা হয় বৈরিতা তারি সাথে নিয়ত !
তাই নিন্দিলে তাঁরে পাপমুখে—প্রার্থি' যজ্ঞে সুমঙ্গল
অমঙ্গলের দূষিত প্রাবনে করিলে অবনী অনির্মল !
কিন্তু জানিও—দেব-দিশারির নিন্দার আছে প্রত্যবায়,
মিথ্যা দর্পে পূজ্য-পূজার ব্যতিক্রম যে করে ধরায়
পূজ্য তাহারে ক্ষমিলেও কভু ক্ষমে না চরণধূলি তাঁহার *
সে-ধূলির কাছে অপরাধে সুখ-আলো হয় চোখে কালো আধার :
'অনাচারী শিব' বলিয়া যে হাসে, জানে না সে আজো কাহারে বলে
স্বধর্ম তথা স্বপথে-চারণ, দেখেও দেখে না—ধরণীতলে
সকলেরি নয় এক পথ—চায় নিরুত্তরেই স্বভাবে যারা
জীবন-সাধনে প্রবৃত্তিপথে পারে না কখনো চলিতে তারা ।'

*নাশ্চর্যমেতন্ যদসংস্থ সর্বদা মহাশিন্ধা কুণপাত্মবাদিসু ।

সেব্যং মহাপুরুষপাদপাংগুভি-নিরন্ততেজঃ তদেব শোভনম্ ॥ (৪।১৩)

চতুর্থ স্বরূপ

“বাক্‌হীন পিতা মৃত সম রয় দাঁড়ায়ে শুনিয়া তিরস্কার
পাবকপ্রতিমা কন্যার মুখে—আসে যায় নিভে ক্রোধ তাহার
“অস্ত্রিমে সতী বহিমস্ত্রে কহিল : ‘তুমি বলিষ্ঠ, জানি—
কিন্তু শিবের করে যে নিন্দা তার ভয়ে নয় ভীতা শিবানী ।
কেবল, আমি যে শুনেছি কর্ণে হেন কলুষিত উচ্চারণ,
বলিলে আমারে দিয়েছ জগ্ন—হোক আজ সেই পাপমোচন ।
কহিল শাস্ত্রে : বিভূর কুংসা শোনে যদি কেহ কাহারো মুখে,
সমর্থ যদি হয় সে করিবে উন্মূলিত সে-রসনা মুখে ।
যদি নাহি পারে—যদি নিন্দক হয় সে-শ্রোতার প্রিয় স্বজন,
শ্রবণ-পাপের প্রায়শ্চিত্ত নাই—বিনা প্রাণ-বিসর্জন ।
শত ধিক হেন পাপদেহে—যার উদ্ভব তব অঙ্গ হ’তে !
তোমার কণ্ঠা—এর চেয়ে গাঢ় কলঙ্ক কী বা আছে জগতে ?
নীলকণ্ঠের নিন্দাকারীর তনুজাত এই তনু অসৎ
আমি তাই আজ অনলে আছতি দিব এ-সভায়—করি শপথ
বলিয়া দীপ্তিময়ী যোগাসনে বসিয়া গিরিশে করি’ স্মরণ
যে-দেহলতারে বার বার শিব করিল প্রণয়ে আলিঙ্গন
সে-বরতনুর প্রাণবায়ু ধীরে ধীরে নাভি হ’তে ক্রয়ুগলের
মাঝে রাখি’ করিলেন ছতাসনে আবাহন : ‘ভূবি’ দেবদেবের
চরণাম্বুজ-ধ্যানে বিধোতগ্নানি দেবী—প্রতি অঙ্গে হায়
সমাধির-যোগে-সঙ্ঘাত-তাপে-দীপ্ত অনল-হেমশিখায়
অপরূপ সেই প্রেমাধার দিল পরমানন্দে বিসর্জন
পার্শ্ববতার সমিধে সাধিয়া অপাধিবের উদ্দীপন ।”

সাক্ষ্যনেত্রে কহিল বিহ্বল : “এক প্রশ্ন জাগে তব
চিন্তে মোর—তুমি দাও বুঝায়ে আমারে আজ প্রভু !

ভাগবতী কথা

শিবেরে বল্লভ যিনি লভিলেন বহুভাগ্যবলে,
 কেন তাঁর হ'ল সাধ দেখিতে স্মলভ কৌতুহলে,
 সামান্য নারীর ম'ত, যজ্ঞ সভা প্রিয় পরিজন ?
 কৈলাস-সম্রাজ্ঞী কেন প্রার্থিলেন মর্ত্য প্রসাধন
 না শুনিয়া শিবের নিষেধ ?”

মুনি কহিল হাসিয়া :

“ভগবান প্রেম যবে দেন উপহার—মর্ত্য হিয়া
 পারে না সে-গুরুভার করিতে ধারণ অম্লক্ষণ :
 সে-প্রেমের স্বভাব-যে নিত্য উর্ধ্বমুখে আরোহণ,
 তমু মন প্রাণ চিরপৃথ্বীমুখী, পারে না সহিতে
 সহজে এ-অভিসার তারা । হয় ধূলি ধরণীতে
 দীপ্ত শিখা নিত্য স্নান । যে-চারণে আনন্দ প্রেমের
 স্বধর্মে সে নভচারী, তাই প্রেমে মর জীবনের
 স্বস্তি নাহি মিলে বহুদিন—যার অল্পে অভিলাষ
 কী করিবে লভিয়া সে গগনের ব্যাপ্তির বিলাস ?
 প্রকৃতির পিছুটান, হে বিহ্বল, জলধারা সম
 নিম্নমুখী—উর্ধ্ব-নিমন্ত্রণ তাই গণে সে নির্মম :
 চাহে সে আপন মতিরতির চিহ্নিত পথে চলি
 সন্ধিতে আপন স্মৃথ অনল-উৎসবে কুতুহলী ।
 আমাদের মর সত্তা বহু খণ্ডে খণ্ডিত—অস্থির,
 বিচিত্র আতিথ্য একই দেহাধারে বহু অতিথির ।
 কভু হয় অরাজক এ-সাম্রাজ্য, যবে কেহ করে
 মানিতে না চায়—নিত্য নব নায়কের অত্যাচারে
 সাম্রাজ্য টলিয়া ওঠে । কভু একজন হ'য়ে বলী
 অপর সবারে করে পদানত—কভু হ'য়ে ছলী,

চতুর্থ স্বরূপ

কত বা কৌশলী । বন্ধু, যে-সুখমা দেবের বাঞ্ছিত
তাহার বিজ্ঞাস শুধু অন্তরাখা জানে : প্রতিষ্ঠিত
সে যখন প্রেম-সিংহাসনে—রাজ্য স্বর্গসম হয়,
কিন্তু বিনা সাধনায় হেন রাজ্য অটল না রয় ।
সতীর যে দেবী-সত্তা ছিল সে শিবের পূজারিণী
আশৈশব । যবে শিব তার দেহ মন প্রাণ জিনি'
শিবানী করিতে প্রেমে চাহিলেন মানবী-আধার
মানবীর মতা'মুখী তনুমন চাহিত তাহার
মায়ার লালন ফিরে ফিরে । বহু জটিলের জালে
চাহে জীব বন্ধন—বিলাস-সুখ-দুঃখ-গর্ব-তালে ।
যবে দেহ নাহি পারে এ-দোটানা সহিতে ধরায়,
মৃত্যু আসে দেহান্তর-দূত হ'য়ে তাঁরি করুণায় ।
সতীর মানবী তনু তাই হ'ল ভস্ম—জন্মান্তরে
পার্বতীর নব দেহ ধরি' আলোকিত রূপান্তরে
বরিতে মহেশে—জিনি' মানবতা-দ্বন্দ্ব আপনার
ভবের ভবানী হ'য়ে কৃতার্থতা সাধি' সাধনার
রূপের পরম সিদ্ধি লভিতে আহরি' নরকায় ।
যে-দেহের নিত্য পরাজয়—তারে ত্যজি' মহামায়া
বিজয়ার রূপে সর্ব দাসত্বেরে করি' পরিহাস
সর্ব বন্ধ হ'তে মুক্তি লভিলেন বরি' কৃন্তিবাস
দুঃখাশার তুঙ্গ-চূড়ে—নাম যার কৈলাস সেথায়
কামনারে নবজন্ম দিয়া প্রেমে অগ্নিপরীক্ষায় ।
যে-দেবতা মতা' দেহে রাজে সুগহন সে যে চায়
দিব্যজন্মে হেন মুক্তি মরতার জীবন-লীলায়

ভাগবতী কথা

“এ-মুক্তির পথে বন্ধু স্নমহং সহায় ভুবনে
অমৃত-অভীশ্কা, চাওয়া শুভ্র প্রেম একান্ত বরণে,
নিত্য-নির্মলের আলো নাই কভু যাহার নির্বাণ
সতীর সতীত্ব তারে দিল এই মন্ত্র মহীয়ান,
তাই মানবীর তমু-সাধনায় হ’ল দাক্ষায়ণী
নিখিলশরণ্যা দেবী শিবজায়া গৌরী নারায়ণী ।

জীবনের বেদে তাঁর এই মন্ত্র উঠিল ঝংকারি’ :—
মানবিক অমুরক্তি ইজিতের পথে দেহধারী
পায় না দেহের লোকে অমৃত-আশ্বাদ চিরন্তন ।
মানবিক বাসনার বাষ্পজ্বালে করে সঞ্চরণ
ক্ষণসখী সৌদামিনী—বলকি’ যে অমনি লুকায়,
তাই অনিত্যের মাঝে নিত্যের সন্ধান-সাধনায়
চাহে জীব শিব হ’তে জিনি’ মুক্তি নিকামের ত্রতে,
দেবতার দেবলীলা কামনারে চাহে প্রেমশ্রোতে
রূপান্তরিতে—মোরা শুনেও শুনি না, তাই কানে
শুনি যে-অমর বেণু উঠে না রগিয়া হায় প্রাণে !
বাসনার ছুর্গ ভবে চিরদিন গৃহ পরিজন,
মমতার পরিখা সে রচে, বলে—‘অভয় ভবন
শুধু আমি গড়ি হেথা ।’ একদিন আসে তবু হায়,
যে-দিন নয়ন দেখে বরাভয় নাই কামনায়
যত কেন অপরূপ ভূষণে সে সাজুক মোহিনী,
ডাক যে শুনেছে নিকামনার—তাহারে বন্ধু জিনি’
সর্ব-স্নেহ-প্রীতি-সখ্য-কর্তব্যের আহ্বান ভূতলে
উচ্চারিতে হবে একদিন : ‘চাই কেবল অমলে

চতুর্থ অঙ্ক

আমি : মোর ত্রুটচরী জীবনের শেষ উদ্‌যাপন
হোক শুধু বিশ্বপতি-শ্রীচরণে আত্মসমর্পণ ।
ভুবনমোহনী মায়া তাঁর ধরে নিত্য নব বেশ,
আনে সে-ছলনাময়ী স্বর্ণয়ুগ-অরণ্য-নির্দেশ
ভূলাতে সাধকে—আনে অপরূপ যুক্তির চাতুরী,
কভু প্রাণোন্মাদী ভ্রান্তি, কভু কোমলতার মাধুরী :—
পিতামাতা, সখাসখী, পতি-জায়া, তনয়-তনয়া,
দেশ, লোকাচার, শিল্পকলা, কীতি উদ্‌ভ্রান্তি-নিলয়া,—
যেথা যার আসে মোহ সেথা ধরে সে-কামরূপিণী
সে-আরাধ্যা দেবীমূর্তি নিতে তারে লক্ষ্য হ'তে ছিনি',
অনিত্বেরে নিত্য বলি' কুহক রচিয়া বার বার
রাঙি' দীপ্তি-প্রসাধনে তৃপ্তিহীন কায়া বাসনার ।
হরতয়া মায়া বন্ধু, শুধু ভাগবতী করুণায়
হয় জীব মায়াজয়ী—যেদিন সে বলে প্রার্থনায় :
'চাহি না স্বজন, সখা, দয়িত, দয়িতা, যশোগান,
নিরাপদ মুখনৌড়—চাহি শুধু আজি আত্মদান
তাঁহার চরণে—যাঁর বরে সর্ব ভ্রান্তি-মোহ হ'তে
মুক্তি লভি' হয় জীব মৃত্যুজয় শিব এ-মরতে ।'
এ-প্রার্থনা প্রতি বক্ষে একদিন ধ্বনিবে বিছুর !—
আজ, নয় কাল, কভু এই জন্মে, কভু বা সুদূর
জন্মান্তরে যুগান্তরে ।

অমৃতের নাই অন্য পথ :

শুধু অগ্নিশুদ্ধিবর্থে চলি' পুরে মর্ত্য মনোরথ
যেথা সর্ব সাধনার সমাপ্তি—অম্লান প্রেমদীপ
জলে যেথা ছায়াহীন—নাম যার বীতশোক শিব । ”

ভাগবতী কথা

নারায়ণের প্রতি লোকপালগণ :

দৃষ্টে কিং নো দৃগ্ভিরসদগ্রহৈস্বং প্রত্যগ্‌দ্রষ্টা দৃশ্যতে যেন বিশ্বম
মায়া হোষা ভবদীয়া হি ভূমন্ যৎ স্বং যষ্ঠঃ পঞ্চভির্ভাসি ভূতৈঃ ॥

(৭।৩৭)

হ'য়ে অতীন্দ্রিয়দ্রষ্টা ব্রহ্মাণ্ডলীলার, তুমি কেমনে মোদের
ছায়াময় মন প্রাণ বুদ্ধির গোচর হায় হবে হে ভূমন্ !
বিশ্বাতীত অচঞ্চলে কেমনে চিনিবে আলো চপল বিশ্বের ?
দর্শন তোমার কভু ইন্দ্রিয় কি পায় ভেদি' মায়া-আবরণ ?

নারায়ণের প্রতি যোগেশ্বরগণ :

প্রেয়ান্ ন তেহন্যোহস্ত্যামুতঙ্কয়ি প্রভো
বিশ্বাত্মনীক্ষেন পৃথগ্‌য আত্মনঃ ।
অথাপি ভক্ত্যেব শতয়োপধাবতাম্
অনন্যবৃত্ত্যানুগৃহাণ বৎসল ॥

(৭।৩৮)

বিশ্বাত্মা তোমারে যারা পৃথক্ না দেখে এই বিশ্ব হ'তে নাথ,
তাহাদের চেয়ে কেহ নাই তব প্রিয়তর—জানি জানি, তবু
হে ভক্তবৎসল, করো করুণা অহৈতুকী—প্রার্থি দিনরাত
ঐকান্তিক ভক্তিভরে, তোমার শরণাগত আমরা যে প্রভু !

চতুর্থ স্কন্ধ

নারায়ণের প্রতি ঞ্জ :

যে-অনন্ত শক্তিধর হ'য়ে মোর অন্তর্যামী শক্তিবলে তার
মুহূর্তে করিল সঞ্জীবিত মোর মন প্রাণ বচন ইন্দ্রিয়,
ত্রিয়মাণ ছিল যারা জড়সম এতদিন—নমি বারবার
সে-তোমারে ভগবান্ পরম পুরুষ ওগো, প্রিয় হ'তে প্রিয় !
শ্রুতি যেই ভাঙে—দেখি ফিরে সেই পরিচিত বিশ্বলীলা—যারে
শ্রুতিমাঝে ভুলে থাকি । দেখে চতুর্মুখ যথা তব জ্ঞানবরে
ভুবনরহস্য তব । ভুলিবে কৃতজ্ঞ প্রাণ কেমনে তোমারে
শরণ্য চরণ যার মস্ত্রে আনে সিদ্ধি, সাধনায় রক্ষা করে !

জন্মমৃত্যু হ'তে মুক্তিফলদাতা তুমি ওগো কল্পতরু নাথ !
ইন্দ্রিয়সুখের বর চায় যারা তব পাশে—তোমার মায়ায়
মুগ্ধ তারা : তাই না চাহিয়া ঠাই ত্রীচরণে—করে প্রণিপাত
লভিতে সে-স্পর্শকামী দেহসুখ—মিলে যাহা নরকেও হয় !
তব পাদপদ্মধ্যানে কিবা তব ভক্ত-গুণগানের শ্রবণে
যে-পরমানন্দ নাথ, মোক্ষের মাঝেও তারে মিলে না তো কভু,
স্বর্গেও দুর্লভ—তাই সেথা হ'তে আসে জীব ফিরিয়া ভুবনে
সুখা হ'তে সুখা তরে—অতুলনীরের তুল কোথা বলো প্রভু ?

তোমারে হৃদয়ে ধারা বরিলেন ভক্তিভরে—সে-নির্মলমতি
সাধুদের সজ যেন লভি—যাহে কথাযুত তব পান করি'
 তাঁদের ত্রীমুখ হ'তে—এ ভয়াল ভবাবর্গবে দারুণ দুর্গতি
 হ'তে পাব মুক্তি নাথ, লভি' মোহসিদ্ধি, বাহি' তব নামতরী ।

ভাগবতী কথা

চিন্তা যবে হয় তব চরণের অরবিন্দ-গন্ধ-অভিলাষী
সে-পদ্মভ্রমর পুণ্যলোকদের সঙ্গ আশে আমরা মতের
প্রিয় স্মৃতিরেও দিই বিসর্জন—ফিরে হ'তে পারি না উচ্ছ্বাসী
দেহাশ্রয়ী বন্ধু-গৃহ-ধন-জন-যশো-মান তরে জীবনের।

(৯৬,৮—১২)

কষ্ট পৃথুর প্রতি ভীতা পৃথিবী :

সংবারি' রোষ' শুন মহারাজ আমার এ-নিবেদন
মধুকর যথা ফুল হ'তে করে আহরণ মধুসার,
তেমনি ভুবনে মনস্থিতায় যাহারা বিচক্ষণ
সব ঠাই হ'তে করেন গ্রহণ যা কিছু চমৎকার।

(১৮২)

পৃথুর প্রতি নারায়ণ :

নাহং মথৈবৈ শূলভন্তপোভিষোগেন বা যৎ সমচিন্তবতী।

(২০১৬)

যজ্ঞ-যোগ-তপস্যায় শূলভ-চিহ্নিত নহি আমি
সমচিন্তচেতনার সহজ বল্লভ—অন্তর্যামী।

নারায়ণের প্রতি পৃথু :

ভবৎপদান্বস্মরণাদৃতে সতাং নিমিত্তমগ্নস্তগবন্ বিদ্বাহে ॥

(২০২৯)

ভগবান ! এই ভুবনে তোমার চরণচিন্তা বিনা
সাধুদের আর সার্থক কাজ আছে কি ? আমি জানি না।

চতুর্থ স্বক

সনৎকুমারাদির প্রতি পৃথু :

ইন্দ্রিয়মোহে বিমুগ্ধ যারা আমাদের ম'ত হয়,
ভুবন-কর্ম-ক্লিষ্ট—তাদের কুশল প্রভু কোথায় ?
তোমাদের মত আত্মারামের কুশল শুধাতে নাই :
কুশলাকুশল চেতনা-উদ্বেগ' রাজেন যারা সদাই ।

(২২।১৩,১৪)

পৃথুর প্রতি সনৎকুমার :

ভক্ত ভাবুক সাধুদের যবে সঙ্গম হয় ভবে,
গভীর প্রসঙ্গের শুধু তারা করে মুখে আলাপন,
বিশ্বের চির-কল্যাণ যায় বিছায়ে সে-সৌরভে,
শ্রোতা ও আলাপী উভয়েরি বহুবাহিত সে-মিলন ।

(২২।১৯)

তৎ কর্ম হ্রিতোষঃ যৎ সা বিজ্ঞা তদ্ব্যতির্যয়া ।

তৎপাদমূলং শরণং যতঃ ক্ষেমো নৃণামিহ ॥

শ্রীহরির যেথা তৃষ্টি তাহাই কর্ম সারাৎসার,
যে-শীলনে মতি হয় প্রেমে তাঁর—বিজ্ঞা তাহারি নাম,
শুধু তাঁর শ্রীচরণ এ-জগতে আশ্রয় সবাকার,
সব মঙ্গলহৃদ-উৎস শুধু সেই প্রাণারাম ।

(২২।৫০)

ভাগবতী কথা

প্রচেষ্টাসদেব প্রতি নারদ :

তজ্জন্ম তানি কৰ্মাণি তদায়ুক্তম্মনো বচঃ ।

নৃণাং যেন হি বিশ্বাত্মা সেব্যতে হরিরীশ্বরঃ ॥

শুধু সেই মন কৰ্ম বচন জন্ম জীবন ধন্য জানি
অৰ্থ যাহারা হরিচরণের—তাঁরি সেবানুখে-নিরভিমানী
(৩১১২)

যথা তরোমূলনিবেচনেন

তৃপ্যন্তি তৎস্বকভূজোপশাখাঃ ।

প্রাণোপহারাক্ষ যথেন্দ্রিয়াণাং

তথৈব সর্বার্হণমচ্যুতেজ্যা ॥

তরুমূলে জলসেকে উপজায় শাখালতাকূলে সঞ্জীবন,
সর্বপূজা হরিরে পূজিলে সব দেবতারি হয় পূজন ।
(৩১১৪)

পঞ্চম স্কন্ধ

মুক্তি মুক্তি মাগোঁ নহী, ভক্তিদান দে মোহি ।
ওর কোই যাচোঁ নহী, নিসদিন যাচোঁ তোহি ॥

সংগুরু সম কো হৈ সগা, সাধু সম কো দাত ।
হরি সমান কো হিতু হৈ, হরিজন সম কো জাত ॥

“মুক্তি মুক্তি” করে ওরা—নাথ, ভক্তি আমারে দিও ।
তুধু তোমায়েই যাচি নিশিদিন, আর কারে নয় প্রিয় !

গুরুর সমান কে আছে স্বজন, কে দাতা সাধুর তুল ?
হরির মতন কে বা হিতকারী, ভক্তের ম'ত কুল ?

—কবীর

ভাগবতী কথা

ন তস্য কশ্চিৎ তপসা বিদ্যা বা
ন যোগবীৰ্যেণ মনীষয়া বা ।
নৈবার্থধৰ্মৈঃ পরতঃ স্বতো বা
কৃতং বিহন্ত্য তমুভৃদ্বিভূয়াৎ ॥

ভয়ং প্রমত্তস্য বনেষপি স্মাদ-
যতঃ স আস্তে সহষট্‌সপত্তঃ ।
জিতেন্দ্রিয়স্তাশ্রতেবুঁধস্য
গৃহাশ্রমঃ কিং নু করোত্যবতম্ ॥

যঃ ষট্‌সপত্তান্ বিজিগীষমাণো
গৃহেষু নিবিশ্য যতেত পূৰ্বম্ ।
অতোতি দুর্গাপ্রিত উর্জিতারীন
ক্ষীণেষু কামং বিচরেদ্বিপশ্চিৎ ॥
(১।১২, ১৭, ১৮)

পঞ্চম স্কন্ধ

প্রিয়ব্রতের প্রতি ব্রহ্মা :

যোগ-তপস্শ্রা-বীৰ্য-বিজ্ঞা-মনোবা-ধৰ্ম-অৰ্থবান্
আপনার কি বা অপরের বলে লজ্জিতে নারে বিভূষণ ।
(১১২)

অজিতেন্দ্রিয় বনবাসী যদি হয়, তবু ভয় থাকে তাহার
আপনার মাঝে ছয় রিপু যার করে বসবাস রজনীদিন,
আত্মসত্যে জাগরুক যিনি—ইন্দ্রিয়জয় হয়েছে ধীর,
গৃহ-আশ্রমে কোথা হানি তাঁর—ভগবানে ধীর চিন্তা লীন ?
বাধা-রিপুদলে জিনিবে যে আগে গৃহেই সে হোক জয়ব্রতী ,
তারপরে হোক কামচারী—যথা দুর্গাশ্রয়ে সেনানী করি'
আপন সেনার রক্ষণ, সাধি' শত্রু-সেনার অশেষ ক্ষতি—
বাহিরায় পরে দুর্জয় বলে নাশিতে তাহার প্রবল অরি ।
(১১২, ১৭, ১৮)

পুত্রগণের প্রতি বিষ্ণুর অবতার রাজা ঋষভ :

প্রবল-কামনা-অঙ্কুশঘায় শুভ কারে বলে হারায় জ্ঞান
ধায় মূঢ়গণ ভোগ-ভ্রমে দুর্ভোগ সন্ধিতে—দেখে না তারা
রেণুসুখ তরে দুঃখ সহিতে হবে শায় পর্বত-প্রমাণ,
আসিবে বৈরী তাহারি মতন কামোদ্ভূত, দৃষ্টিহারী !
হে তনয়গণ ! গুরু পিতা মাতা দেবতা দয়িত নন্দনের
পদবী কাহারো সাজে না জগতে—চাহিতে সে-পদ প্রত্যাবায়
সহিতে তাহারে হবে ঘোর যদি না জানে সে ভববন্ধনের
মরণ-অঙ্কুশ হ'তে কোন্ পথে জীবগণ মুক্তি পায় ।
(৫১৬, ১৮)

ভাগবতী কথা

পরীক্ষিতের প্রতি শুকদেব :

নহে মুকঠিন মুক্তির বর পাওয়া সাধনায় হরির কাছে,
বহুদল'ভ ভক্তি, সে-বর কচিৎ সে করে দান ।
ভক্তের সে তো শুধু দেব, গুরু, সখা, বল্লভ নয়—সে যাচে
সারথি ছল্লাল সেবকেরো পদ—রাখিতে প্রেমের মান ।

(৬১৮)

ব্রহ্মজ্ঞ জড়ভরতের প্রতি রাজা রহুগণ :

প্রভু, আপনার চরণকমল-ধূলিরূপ রেণু অঙ্গে ধরি'
বিধোত-প্রানি আমার চিত্তে বাসুদেবে প্রেম হ'ল অমল ।
বিচিত্র নয় এ-হেন প্রভাব সাধুর—ঈহার সঙ্গ করি'
ক্ষণতরে—মোর অবিবেক-কালো অন্তর হ'ল আলো-উজল

(১৩২২)

ধর্মপুত্র ভক্তজীবার স্তব :

যেমন জল ভাবে মীনের চিরগতি, তেমনি ভগবান্ গতি সবার,
তাঁহারে পরিহারি' মহতও যদি হয় গৃহাশ্রয়ী—রয় তৃপ্ত প্রেমে,
কেমন সে-মহিমা ?—যেমন ভর্তার, যে শুধু বয়সেই জায়ার তার
পিতামহের সম—অন্য কোন গুণে শ্রেষ্ঠ নয়, শুধু জ্যেষ্ঠ দেহে ।

(১৮১৩)

পঞ্চম স্কন্ধ

লক্ষ্মীর জপমন্ত্র :

তীরেই বলি আমি 'কান্ত'—ঐচরণে যাহার লভে ভীক প্রেমাঙ্কর,
আত্মলাভ বিনা অনালাভে নাই লালসা বলি' যিনি অকুতোভয় :
কান্ত হেন শুধু তুমিই নারায়ণ !—তারক নিখিলের, চির-স্বাধীন ।
বরিলে তোমা বিনা অন্য বঁধু নাথ, ভুবনভয় কভু হয় কি লীন ?

এ-হেন কান্তের চরণ ছাড়া আর কিছু যে-রমণী না জীবনে চায়
সকল সাধই তার পূর্ণ হয় । সাধে বরের বাসনায় যারা তোমার
তাদের শুধু দাও সে-সুখ বাঞ্ছিত : ভোগের আলো-ঋতু যবে ফুরায়,
চক্রসম কালো নিরাশা আসে কিরে নিরবসান গাঢ় বিকলতায় ।

(১৮।২০, ২১)

দেবগণের গীত :

সত্যং দিশত্যধিতমর্ষিতো নৃণাং
নৈবার্হদো যৎ পুনরর্ষিতা যতঃ ।
স্বয়ং বিধন্তে ভজ্যতামনিচ্ছতা-
মিচ্ছাপিধানং নিজপাদপন্নবম্ ॥

মিথ্যা নয় যে, সাধনে অর্থা তাঁর কাছে পায় সকল বর,
কামনার নাই শেষ, তাই কামী নিতি নববর চায় কেবল ।
শুধু নিকাম ভক্ত-যে চায় বরদে তাঁহারি তরে—সকল
হয় সে লভিয়া তাঁর ঐচরণ—সকল-ভৃক্কাহারী-নিষ্কর ।

(১৯।২৬)

ভাগবতী কথা

দেবগণের খেদ :

অহো বতৈবাং কিমকারি শোভনং
প্রসন্ন এবাং স্থিত্তত স্বয়ং হরিঃ ।
যৈজ্ঞান্য লকং নৃষু ভারতাজিরে
মুকুন্দসেবোপয়িকং স্পৃহা হি নঃ ॥

লভিল ভারতে জনম যাহারা—করেছিল কোন্ পুণ্য হায় !
কৃষ্ণের লীলা-সাথী আজ তারা—জাগে সাধ যার দেবহিয়ায় !
(১৯২০)

প্রহ্লাদাদির নৃসিংহজপমস্ত্র :

মাহগারদারাত্মজবিন্ধবজ্জুষু
সঙ্গো যদি স্তান্ধগবৎপ্রিয়েষু নঃ ।
যঃ প্রাণবৃত্তা পরিভূষ্ট আত্মবান্
সিধ্যাত্যদূরান্ন তথেষ্মিন্নপ্রিয়ঃ ॥

জায়া স্নাত গেহ ধন জন সখা সাথে আমাদের হে ভগবান্ !
অন্ধুরাগ যেন না বাঁধে—মমতা যদি হয় হোক ধারা অভয়
ভক্ত তোমার । তারাই তোমাতে পায় স্নেহে যারা আত্মবান্,
তুই যাহারা যথালোভে—যারা লালসা-লুক তাহারা নয় ।
(১৮১০)

যষ্ঠ স্কন্ধ

প্রীতমকো পতিয়ঁ। লিখু, জে কহুঁ হোয় বিদেস।

তনমে মনমে নৈনমে, তা কো কহাঁ সন্দেস ॥

নৈনেঁ। অন্তর আও তুঁ, নৈন ঝাঁপি তোহি লেওঁ।

ন মৈ দেখৌ ঔরকো, না তোহি দেখন দেওঁ ॥

যত দূরে হোক্ প্রিয়তম—তারে লিপিকা তো লেখা যায় :

তনু মন ঝাঁখি মাঝে যে—মিলে না শুধু তার বারতায় !

ঝাঁখি মাঝে তুমি এসো—ঝাঁখি মুদি' রাখিব একেলা করি' :

দেখিব না আর কারে—দেখিবে না তোমারেও কেহ হরি !

—কবীর

ভাগবতী কথা

যং বৈ ন গোভির্মনসানুভিৰ্বা
ছন্দা গিরা বান্ধুভূতো বিচক্ৰতে ।
আত্মানমন্তুহৃদি সন্তুমান্বনাং
চক্ষুৰ্যথৈবাকৃতয়ন্ততঃ পরম্ ॥

ধর্মন্ত সাক্ষাৎ ভগবৎপ্রণীতঃ
ন বৈ বিহৃষ্য যয়ো নাপি দেবাঃ
ন সিদ্ধমুখা অমুরাঃ মনুষ্যাঃ
কুতো হু বিজ্ঞাধর চারণাদয়ঃ ॥
(৩।১৬,১৮)

যঃ প্রাকৃতৈজ্ঞানপথৈজ্ঞানানাং
যথাশয়ং দেহগতো বিভাতি ।
যথানিলঃ পার্থিবমাত্রিতো গুণঃ
স ঈশ্বরো মে কুরুতাং মনোরথম্ ॥
(৪।৩৪)

ত্রৈবর্গিকায়াসবিষাতমস্মৎ-
পতিবিন্দন্তে পুরুষন্ত শত্রু ।
ততোহহুমেয়ো ভগবৎপ্রসাদো
যো হৃদভোহিকিঞ্চনগোচরোহষ্টৈঃ ।
(১১।২৩)

ষষ্ঠ স্বক

যমদূতের প্রতি যম :

নয়ন যেমন দেখে এ-ভুবনে, ভুবন দেখে না নয়নে,
আমাদের মন প্রাণ ইন্দ্রিয়
পায় না দেখিতে অবর্ণনীয়
লীলার অতীত সে-জীবননাথে লীলা যার ছায় জীবনে
(৩১৬)

আপনি ভগবান করিল প্রণীত যে-ধর্ম গহনের চেতনে
দেবতা মুনি ঋষি পায় না দিশা তার—মানব পাবে বল কেমনে ?
(৩১৮)

অনিল যবে আসে কুসুমদূত হ'য়ে গন্ধবহ রূপে, তারে সে-খনে,
পরাগ বলি' যবে বরণ করি—তার পবনরূপ আর রহে না মনে,
তেমনি অন্তর যখন আমাদের যে-রঙে ওঠে রঙি'—সে-রঙে করি
তোমাতে কল্পনা হে অন্তরযামী, বর্ণহীন তব রূপ পালরি' ।
(৪১০৪)

ইশ্বের প্রতি কৃত :

ধর্ম কাম অর্থ তরে সাধনা হ'তে হরি
বিরত করে ভক্তে তার কত করুণা করি' !
ঈশ্বরীয় ভাবের তাই প্রথম পরিচয়
অহেতু বৈরাগ্যে লভি । সবার নাহি হয়
এ-অনুভব জীবনে : শুধু দীন প্রেমিক পায়
ছলভ এ-স্বাদ তাঁহারি প্রেমের মহিমায় ।
(১১১২৩)

ভাগবতী কথা

বিষ্ণুর প্রতি বৃত্ত :

ন নাকপৃষ্ঠং ন চ পারমেষ্ঠ্যং ন সার্বভৌমং ন রসাম্বিপত্যম্ ।
ন যোগসিদ্ধীরপুনর্ভবং বা সমঞ্জস স্বা বিরহ্যা কান্তেক্ ॥
অজ্ঞাতপক্ষা ইব মাতরং খগাঃ স্তম্ভাং যথা বৎসতরাঃ ক্ষুধার্তাঃ ।
প্রিয়ং প্রিয়েব বুধিতং বিষম্ভা মনোহরবিন্দাক্ষ দিদৃক্ষতে স্বাম্ ॥

তোমা বিনা নাথ চাছি না কীর্তি, যোগের সিদ্ধি, মোক্ষধন,
স্বর্গ-মর্ত্য-পাতাল-রাজ্য, ব্রহ্মলোকের গৌরবে,
অজ্ঞাতপক্ষ বিহগশাবক মাতারে কুলায় চায় যেমন,
ক্ষুধায় পাতীর বৎস জননী তরে কাঁদে যথা করুণ রবে,
প্রবাসী কাস্ত তরে বিরহিণী কাস্তার করে নন-কেমন,
ভেমনি আকুল অন্তর মোর বন্ধু, তোমার চায় মিলন ।
(১১।২৫,২৬)

ইন্দ্রের প্রতি বৃত্ত :

প্রাণগ্নহোহয়ং সমর ইষকো বাহনাসনঃ ।
অত্র ন জায়তেহমুখ্য জয়োহমুখ্য পরাজয়ঃ ॥

যুদ্ধ চিরদিন ইন্দ্র, দ্যুতক্রীড়া সম—যেথা প্রাণ
গণ্য তুচ্ছ পণ্য সম । অক্ষসম যেথা ধনুর্বাণ ।
সৈন্তরথগজবাহী—চালনার বল, কেহ যেথা
জানে না—কাহার হবে পরাজয়, কে হবে বিজিত ।
(১২।১৭)

ষষ্ঠ অঙ্ক

শুকদেবের প্রতি পরীক্ষিত :

রজোভিঃ সমসংখ্যাতাঃ পার্শ্ববৈরিহ জন্তবঃ ।
তেবাং বে কেচনেহন্তে জ্যেয়ো বৈ মনুজাদয়ঃ ॥
প্রায়ো মুমুক্ষবস্তেবাং কেচনৈব দ্বিজোত্তম ।
মুমুক্ষুণাং সহস্রেষু কশ্চিদমুচ্যেত সিধ্যতি ॥
মুক্তানামপি সিদ্ধানাং নারায়ণপরায়ণঃ ।
সুহৃৎগণভঃ প্রশাস্তাস্থা কোটিষপি মহামুনে ।

ধূলিসম অগণন চিরদিন প্রাণী বসুন্ধরায় ;
তাহাদের মাঝে হয় কতিপয় রত জ্যেয়সাধনায় ;
হেন ব্রতচারীদের মাঝে মূনি, শুধু কতিপয় হয়
মুক্তিপ্রার্থী ; তাহাদের মাঝে পায় শুধু কতিপয়
মুক্তি প্রতি সহস্রে ; এ-হেন মুক্তের মাঝারেও
হরিপরায়ণ হায় কয়জন ?—কোটিতেও কেহ কেহ ।

(১৪১৩-৫)

চিত্রকেতুর প্রতি নারদ ও অঙ্গিরা :

যথা প্রযান্তি সংযান্তি স্রোতোবেগেন বালুকাঃ ।
সংযুজ্যন্তে বিযুজ্যন্তে তথা কালেন দেহিনঃ ॥

স্রোতের মুখে বালুকাকণা কতু গুটিকা বাঁধে,
পরক্ষণে চূর্ণকণা ধায় উধাও সাধে ।
কালের মুখে ক্ষণাত্মীয় রয় তেমনি প্রাণী
মমতাভোর কাটিয়া পরে ধায়, কোথা না জানি' ।

(১৪১৩)

ভাগবতী কথা

ভগবানের প্রতি চিত্তকোভূ :

বিদিতমনস্ত সমস্তং তব জগতাত্মনো জনৈরিহাচরিতম্ ।
বিজ্ঞাপাং পরমগুরোঃ কিয়দিব সবিতুরিব খড়োতৈঃ ॥

জগতজীবন তুমি অনন্ত, অন্তর্যামী, জানো সকলি—
কে কোথায় করে কোন্ আচরণ ভুবনে ।
তোমাতে তাই কী নিবেদিব নাথ ? সূর্যের কাছে জোনাকি জ্বলি'
জানাবে আলোর আবেদন বসো কেমনে ? (১৬৪৬)

চিত্তকোভূর প্রতি ভগবান্ :

সুখায় হৃৎখমোক্ষায় কুর্বাতে দম্পতী ক্রিয়াঃ ।
ভতোহনিবৃন্তিরপ্রাপ্তিহৃৎখস্ত চ সুখস্ত চ ॥
দম্পতী করে কত না যতন কত আশা ধরি' বৃকে,
সুখেরি সুযোগ চেয়ে নিতি—নয় হৃৎখের হৃৎভোগে ।
গুধু হায় তারা পায় না মিলনে বহুবাঙ্কিত সুখে,
পায় হৃৎখেরি বহুপরিচয় বিচিত্র যোগাযোগে ।
(১৬৬০)

পার্বতীর প্রতি মহাদেব :

তন্ময় বিন্ময়ঃ কার্যঃ পুরুষেষু মহাত্মনু ।
মহাপুরুষভক্তেষু শান্তেষু সমদর্শিনু ॥
মহাত্মা যে শাস্ত সমদর্শী হরিভক্ত—কাছে তার
'শ্রেষ্ঠ আমি'—চিন্তা হেন গরবে কভু এনো না মনে আর ।
(১৭৩৫)

সপ্তম স্কন্ধ

জো আওয়ে তো জায় নহী, জায় তো আওয়ে নাহি ।
অকথ কহানী প্রেমকৌ—সমঝ লেহ মন মাহি ॥

মালা তো করমে ফিটৈ, জিভ ফিটৈ মুখ মাহি ।
মহুওয়া তো দহঁ দিসৌ ফিটৈ, যহ তো স্মিরন নাহি ॥

আসে যদি আর যায় না সে, যদি যায় তো আসে না আর :
প্রেম কৌ যায় না বলা—শুধু মন জানে তার সমাচার ।

মালা ফেরে হাতে, রসনা সে ফেরে বচনে অবিজ্ঞান,
মন ফেরে দিকে দিকে ছুটে—নয় স্মরণ তো এর নাম ।

—কবীর

ভাগবতী কথা

তন্মাত্রৈরাহ্নবজ্জেন নির্বৈরেণ ভয়েন বা ।
স্নেহাৎ কামেন বা যুজ্যাৎ কথঞ্চিন্নৈকতে পৃথক্ ।

কীটঃ পেশঙ্কতা রুদ্ধঃ কুডায়াং তমহুশ্মরন্ ।
সংরম্ভভয় যোগেন বিন্দতে তৎস্বরূপতাম্ ॥

এবং কৃষ্ণে ভগবতি মায়ামমুজ্ঞ ঈশ্বরে
বৈরেণ পুতপাপদানন্তমাপুরহুচিন্তয়া ॥

কামাৎ হেবাদ্ ভয়াৎ স্নেহাৎ যথা ভক্ত্যেত্বরে মনঃ ।
আবেশ্ত তদসং হিমা বহবস্তদগতিং গতাঃ ॥

গোপ্যঃ কামান্তরাৎ কংসো হেবাচ্চৈতাদয়ো নৃপাঃ ।
সম্বন্ধাচ্ কয়ঃ স্নেহাদ্ যুগ্ম ভক্ত্যা বয়ং প্রভো ॥

(১।২৫,২৭—৩০)

সপ্তম স্বক

যুধিষ্ঠিরের প্রতি নারদ :

জীবনে শুভতম—হরির নিরন্তর স্মরণ,
বরিয়া তাঁরে বৈর কাম ভক্তি স্নেহ ভয়ে
মনের যোগ তাঁহার সাথে সাধি' আকিঞ্চন
করিবে—শুধু লভিতে তাঁরে নিবিড় পরিচয়ে ।

ভ্রমর তার আপন নীড়ে শ্রীহীন কীটে রুদ্ধ যবে করে
বন্দী কীট স্মরিয়া তারে দ্বেষ ও ভয়ে তাহারি রূপ ধরে ।
তোমনি কেহ কেহ শ্রীভগবান্
কৃষ্ণে গণি' বৈরী—বিদ্বেষ-
বশে নিয়ত তাঁহারি করি' ধ্যান,
শুদ্ধ লভি'—মিলনে সে-অশেষ
মায়ামানবে পেয়েছে : বলো ভবে
লীলার তাঁর কে পায় পার কবে ?
শঙ্কা কাম ভক্তি স্নেহ অথবা দ্বেষভাবেও অমুখন
চিন্ত করি' যাহাতে লীন পেয়েছে তাঁরে জীবনে কত জন ।

কংস পেল স্মরিয়া তাঁরে ভয়ে,
গোপীরা কামে লভিল হৃদিমাঝ,
যাদবকুল—স্বজন-পরিচয়ে,
বিদ্বেষেরে বরিয়া চন্দীরাজ,
তোমরা তাঁরে জিনিলে স্নেহপথে,
আমরা ঋষি—ভকতি-ধ্যান-ব্রতে ॥

১।২৫,২৭—৩০

ভাগৱতী কথা

প্রহ্লাদ

অজ্ঞেয় দেবদারি হিরণ্যকশিপুৰ তনয় প্রহ্লাদ গুরুয় গেহে
যাপিরা কৈশোরে বরষ কতিপয় আলিলে কিরি'—গিতা গভীর স্নেহে
টানিরা শিশুহুতে অঙ্কে কহে : “বলো কোন্ সে পছা বরেন্দ্রতম
জনিতে চাই—যাহা শিখেছ তুমি গুরু-আলয়ে এতদিন বৎস মম ?”

কহে সে : “হে-নিলয় অন্ধকূপসম, আধার মজি' যার বুদ্ধিহীন
মানব উদ্বেগে আত্মরাতী হয়—সে গৃহ-পরিহারি' নির্মলিন
হরির আশ্রয় প্রার্থি' তাঁরি চির-চরণকমলের বন্দনে
প্রণয়-আবাহনে বিজন বনে বাস শ্রেষ্ঠ নগি আমি এ-জীবনে।”
বিষ্ণু যার চির-শত্রু সেই মহাদম্ভজরাজ জনি অবোধভাবী
পুত্রমুখে হেন উক্তি বিপরীত বালক ভাবি' তারে বৃদ্ধল হাসি'
কহিল আপনার অশ্রু অশ্রুচরে : “ছদ্মবেশী হরিভক্ত কেহ
পারে না যেন আর আনিতে আবিলতা বুদ্ধিলোকে ওর, শিখায়ো শ্রেয়
কাহারে বলে—আর কখনো বৈষ্ণব-মন্ত্র ভুলিয়াও উচ্চারিত
না হয় যেন মুখে অবোধ বালকের। অসদালাপ মোর অবাহিত।”

ব্রহ্ম বিন্মিত ষুগলগুরু ভয় গোপন রাখি' তাঁরে আদর করি'
কিরায়ে আনি' গেহে শুধালো : “প্রহ্লাদ ! ভ্রষ্টাচার হেন কেমনে বরি'
স্তবিলে নারায়ণে ?—এ-হেন বিপরীত মন্ত্র কানে তব কে দিল আনি' ?
যেজন পর তারে গণিলে আপনার, আপন জনে পর সমান নানি' !

কহিল প্রহ্লাদ হাসিয়া শঙ্কিত নয়নে তাহাদের রাখি' নয়ন
আত্মভোলা সম স্রল বন্ধারে গুরুরে নাহি গণি' বিচক্ষণ :

সপ্তম স্কন্ধ

“আপন পর এই ভ্রাস্তি, ওগো গুরু, আনে আধার ধার মারালীলার
অবোধ বুদ্ধিরে করি’ বিপথচারী—প্রণমি সেই ভগবানের পায় ।
ধাঁহার অর্চনে লুপ্ত হয় পলে পাশব বুদ্ধির ভেদজ্ঞান,
অরূপ ধার কভু পারে না বর্বিতে মুগ্ধ অবিবেকী,—করিয়া ধ্যান
পায় নি বেদবাদী চতুরানন আদি অমরগণ আজো ধাঁহার পার,
সেই নিয়ন্ত্রণ করিল মতি মোর—তোমরা বলো যারে ভ্রষ্টাচার !
ভ্রষ্ট !—হায়, যদি অয়স্ আসে মণি-অয়স্কান্তের কাছে—তাহার
জড়তা যায় ঘুচে, ধায় সে চুম্বকপানে : তেমনি মন আজ আমার
চক্রপাণি পানে অহেতু প্রেমে ধায়—তাঁহারি টানে আমি অপ্রমাদ
নিবৃত্তির পথে চলি—প্রবৃত্তির ত্যজিয়া মোহময় কামনা সাধ ।”

বরষ হ’লে গত দৈত্যরাজ যবে স্মরিল শিশুসুতে—গুরুবৃগল
আসিল ল’য়ে ছরবগাহ শিয়রে—কহিল মহারাজ স্নেহ-উছল :
“গুরুগৃহে ফিরি’ বরষকাল রহি’ শিখিলে কোন্ নীতি বলো আমায়,
শিক্ষা শুভতম কাহারে বলে—শুনি বৎস, কী শিখিলে গুরুকুপায় ।”
কহিল প্রহ্লাদ : “হরির কীর্তন, চরণসেবা, পূজা-অর্চনা,
দাস্য প্রণয়ের, অ্রবণ কীর্তির, স্মরণ প্রতি কাজে, বন্দনা,
সখ্য-প্রার্থনা, আত্মনিবেদন—নবধা ভকতির আরাধনায়
তাঁহার আবাহন আমার মনে হয় শিক্ষা শুভতম এ-বস্তুধায় ।
বৃগল গুরু পানে চাহিয়া ক্রোধে কহে দেবারি গজিয়া : “রে দুর্মতি,
আমার শত্রুর স্তবনে হেন মোর তনয়ে কী সাহসে করিলি ভ্রাতী ।”
কহিল তারা : “প্রভু মিথ্যা কেন ক্রোধ করো নিরপরাধ মোদের’পরে ?
আমরা ভুলিয়াও শিক্ষা বিপরীত দিই না কারে—হেন বুদ্ধি ধরে
অভাবে শৈশব হতেই সুবরাজ—আমরা নিরুপায় ।” পুত্রপানে
চাহিয়া সজাই কহিল তবে : “দিল হেন কুমতি সে কে তোমার কানে ?

ভাগবতী কথা

কহিল প্রহ্লাদ হাসিয়া “অপরাধ আমার নহে পিতা, বৃথা এ-রোষ,
কুমতি নহে—যদি সত্যে মানে কেহ সত্য বলি’—সেখা কোথায় দোষ ?

যারা গৃহত্ৰত, বিষয় ভোগে-রত, শুধুই চর্চিতচর্চণের
তৃপ্তিলেশহীন আধারটানে ধায় ইন্দ্রিয়ের সুখে—মতি তাদের
বিষ্মুখী হবে কেমনে—চলে যারা অন্ধসম হায় দেখারে পথ
তাদেরি মত জনমাক্কে স্বার্থের বহির্মুখী ডাকে মুগ্ধবৎ ?
হয় না শুভমতি সঙ্গ বিনা সাধু মহাজনের চিরনিরন্তরমান,
সাধুর পদরঞ্জে অঙ্গ অভিষেক না করি’—শ্রীহরিরে আশ্বাদান
করিতে কে বা পারে ? ভবে অনর্থের মন্তণার মায়া লুপ্ত হয়
কেবল সে-লগনে—যখন লভে জীব ভক্ত চরণের প্রেমাস্রয় ।”

ক্রোধাক্ত হিরণ্যকশিপু তনয়ে নিক্ষেপি ভূতলে অশনিমস্ত্রে
কহিল : “উহারে ঘাতকেরা যাক ল’য়ে বধ্যভূমে—পরমানন্দে
যন্ত্ৰণা-নিবিড় মৃত্যু-অভিশাপে শাস্তি হোক ওর—যে-হরিভক্ত
কুলাঙ্গার সে তো স্বভাবে—তাহারে করে যেন গ্রাস সাগরাবর্ত,
কালান্তক অগ্নি, জ্বালাময় বিষ, শূল, বজ্রা, কি বা ঘোর মাতঙ্গ,
যে-পন্থায় হোক বিনাশো উহারে—ছিদ্র করো ওর কোমল অঙ্গ ।”

নিষ্ঠুর করালদংষ্ট্রা ভীমাকার রাক্ষস ঘাতক উল্লসি’ তুর্ণ
ভৈরব গর্জনে শূল হানি’ দেখে সবিস্ময়ে শূল হ’ল বিচূর্ণ
পাপমুখী মন পায় না যেমন বহু পুণ্যকর্মে অতীষ্টসিদ্ধি
নিখিল-নিলয় নারায়ণমুখী প্রহ্লাদের দেহ মারণবৃত্তি
কৃতান্ত রাক্ষস পারিল না আর সঁপিতে দারুণ মরণলক্ষ্যে ।

শুনিয়া ব্যরতা হিরণ্যকশিপু আদেশিল রোষ-আরক্তচক্রে :

সপ্তম স্কন্ধ

“সর্পের দংশন, করীর পেবণ, অভিচার, বিভীষিকার সৃষ্টি,
ভূগর্ভে নিরোধ, হলাহলপান, অনাহার, ঘোর হিমানীযুষ্টি,
যে-পন্থায় হোক হনন উহার করো সবে মিলি’ ঘাতকমন্ত্রী।”
ভক্ততনু তার আবরি’ কৃপায় বর্মসম হরি পরাণহন্ত্রী
আপন মরণমায়াতে রুখিল মরণ-অতীত লীলাবিভঙ্গে :
কণ্টক-বেদন যাহার চরণ-মলয়ে মঞ্জরে কুসুমরঙ্গে
কে পারে তাঁহার স্নেহের ছালালে পলকেয়ো তরে করিতে স্পর্শ ?

প্রগাঢ় বিষয়ে হিরণ্যকশিপু কহিল স্বগতে : “কোন আদর্শ
লভিয়া পেলব তনু তনয়ের পায় প্রতিপদে অভয় মুক্তি ?
কার ধ্যানে করে ছুঃখেতে বরণ পরিহরি’ সুখ বিলাস-যুক্তি ?
প্রভাব এ-হেন লভিল বালো যে, সাধিবে যৌবনে সে মোর মৃত্যু :
একান্ত নিশ্চয় যে-জন স্বভাবে—মরণ যে তার চরণ-ভৃত্য।”

দৈত্যরাজের দেখি’ হেন ভাব কহিল গুরুযুগল :
“অকারণে কেন চিন্তায় হেন গ্লানমুখ হে প্রবল !
প্রতাপে যাহার ভীত ত্রিভুবন কী করিবে শিশু তার ?
অবোধ শিশুর কোথা গুণ দোষ ? আনন কেন আঁধার ?
করিলে আদেশ—দিব সুশিক্ষা রাখি’ সাবধানে স্নেহে
যতদিন পিতা শুক্রাচার্য না আসেন কিরি’ গেহে।
সে-মহাসঙ্গে—শুনিয়া অমোঘ বিধান তাঁহার হবে
আবার স্মৃতি অবোধ শিশুর হরি-প্রেম-পরান্নবে।”
চিন্তায় গ্লান দহুজ্জেশ দিল অল্পমতি জপি’ তার
শেষ আশা : “বহু প্রয়াস-অন্তে লভিবে রাজকুমার
স্বধর্মে রুচি।” প্রহ্লাদ মাস কতিপয় অচপল
গুরু-গৃহে রয় পেয়ে সাধী যত দৈত্য-শিশু সরল।

ভাগবতী কথা

শিখায় যুগল গুরু সযতনে লোকপালনের রীতি :
দৈত্য-ধর্ম কারে বলে, কারে বিজয়ী কামের নীতি ।
পাঠ লয় শিশু—শোনে না কিছুই । একদিন নির্জনে
বলে সতীর্থদের ভকতির গভীর উচ্চারণে :

“দৈত্যকুমারগণ ! এ-মানবজন্ম সুতুলভ :
শুধু এ-তল্লতে হয় শ্রীহরির আরাধনা সম্ভব ।
তবু পার্থিব পরমায়ু ক্ষণজীবী—কৌমায়ে তাই
ভাগবতী সাধনার পথে চায় দীক্ষা জ্ঞানীরা ভাই !
প্রাণের পরম লক্ষ্য—তঁাহার শ্রীচরণ-আশ্রয়,—
আত্মার যিনি বান্ধব প্রিয়, ঈশ্বর বরাভয় ।
না প্রার্থিলেও তুংখ যেমন দেখা দেয় খনে খনে,
ইন্দ্রিয়সুখও তেমনি সুলভ দেহীদের এ-জীবনে ।
হেন ভোগে পুরুষার্থ কোথায় ?—এ শুধু আয়ুক্ষয় :
নাই যেথা হরিচরণাশ্রয়-প্রেম মঙ্গলময় ।
তাই ধরাতলে যতদিন দেহে শক্তির আলো জ্বলে,
যেন সে-আলোয় মঙ্গল-মুখে চরণ নিয়ত চলে ।
শৈশব কাটে খেলায়, বিদ্যাশিক্ষায়—কৈশোর,
বিবশ জরায় অস্তিমে কাটে বিংশবর্ষ ঘোর ।
যৌবন কাটে সেবি’ বলীয়ান্ অতুণ কামনারে,
প্রৌঢ়তা কাটে প্রমত্ত মোহে বরি’ গৃহ পরিবারে ।
যে-গৃহীরে বাঁধে গাঢ়বন্ধনে নীড়সাথে স্নেহ তার
সে কেমনে নভোমুক্তি সাধিবে, সেবক যে লালসার ?
যে-খন প্রাণের চেয়েও কাম্য, প্রাণেরে রাখিয়া পণ
বণিক্ হুঁরাশী তঙ্কর করে যাহার আকিঞ্চন,

সপ্তম স্বক

কে তৃষ্ণা তার করে পরিহার পড়িলে লোভের জালে ?
তাই বলি ভাই, ভক্তিদীক্ষা চাও শৈশব-কালে ।
নহিলে যখন লভিবে প্রেমিকা-জ্বার-সঙ্গমধু,
নির্জনে করি' আলাপ জানিবে—ওধু তুমি তার ঝুঁ,
কলভাব শিশুসন্তানদের শুনিবে—বন্ধু-ঐতি
লভিবে যখন, ছাড়ি' আসন্ন কেমনে হবে অতিথি
অচিন হরির প্রসাদের—কভু দেখ নি নয়নে যারে,—
তাজিয়া নয়নানন্দ স্বজনে কেমনে বরিবে তারে ?
সংসারী যারা—রহে না তুই শুধু ইন্দ্রিয়সুখে :
সুখের দুর্গ-ভ্রমে আপনার কারা রচে যুগে যুগে
কর্মসাধনী লক্ষ তন্তু দিয়ে—রচে কাঁট যথা
আপনার গুটি আপন সুতায় রহিতে বন্দী সেথা ।

“মুগ্ধ বিলাসী দেখেও দেখে না—পরিজন-পোষণের
তরে আরু তার বৃথা করে ক্ষয়—লভি' বহু দুঃখের
আঘাত নিত্য—রোগে শোকে তাপে জীর্ণ হয় সে—তবু
বৈরাগ্যের অশোকামৃত করে না বরণ কভু ।
আরো নিদারুণ সহে ব্যথা গৃহী জর্জরতায় হায় :
কামনার নাহি শাস্তি—অর্থকামী তাই বসুধায়
স্বজনের তরে পরস্বহারী হয়, জানি' মনে—তার
শাস্তি অশেষ ইহ-পরলোকে—নাই যার প্রতিকার ।
এ-হেন মতিভ্রম সংসারে শুধু অবোধেরি হয় ?
কে বলিল ?—ভবে জানী-যে তারো কি নাই স্থলনের ভয় ?
স্বীয়-পরকীয়-সীমাবোধ হ'য়ে লুপ্ত, জ্ঞানের লোক
হারায় কি জ্ঞান-হীনেরি মতন সহে না সে দুর্ভোগ ?

ভাগবতী কথা

হয় না নারীর খেলার পুতুল ? হয় না কি শিশু তার
 মৃত' নিগড়—তবু শৃঙ্খল মনে করে কামনার !
 তাই বলি ভাই, দৈত্য-বালক-সাথীর সঙ্গ ছাড়ি'
 আজি হ'তে সবে হও আদিদেব-নারায়ণ-সহচারী—
 বীতবন্ধন বলি' যাচে যার চরণানুজ নিতি
 বন্ধনভীত মুক্তিকামীরা । সাধো সবে তাঁর ঐতি—
 চিরনির্মল আনন্দঘন অন্তরযামী যিনি,
 কী বা দুর্লভ থাকে এ-ভুবনে হ'লে প্রসন্ন তিনি,
 আশ্রয়ী হিংসা ত্যাজিয়া মৈত্রী-দয়াধর্মে করে
 বরণ তাঁহার সাধো পরিতোষ । বলো : 'দয়াময় হরি !
 শুধু তব সার শ্রীচরণ ধ্যান করিব আমরা সবে,
 শুধু তব সুর সাধিব—অর্থ কাম সাধিয়া কী হবে ?—
 আমরা ধর্ম মোক্ষও আর চাহিব না আজি হ'তে,
 শুধু তব প্রেমসাধনার র'ব সাধক জীবনজুড়ে ।'

রাখিও স্মরণ পরমের বাণী : জন্মমরণশীল
 এ-জীবন হয় পার শুধু সে-ই মতি যার অনাবিল
 হয় লভি' রতি ভগবৎমুখী—চায় যে তাঁহারে যিনি
 নিখিল প্রাণীর অন্তর্যামী ; জানে যে—লুক্ক তিনি
 তরুর সম ভক্তহৃদির ভক্তিবনের লাগি' ।
 সাধনায় তাঁর বহুপ্রয়াস নাই—মন বৈরাগী
 ঈশ্বর সর্ব-ব্যাপী সৌরভ তরে, পরিহরি' হেন
 সর্বসফল বন্ধুরে হবে বিফলতামুখী কেন ?
 অন্তরলোকে যিনি চিরাসীন, নিয়ন্তা করুণায়,
 না লভিলে তাঁরে—স্বস্তির পথে আধারে কি চলা যায় ?

সপ্তম স্কন্ধ

কে বলিল তিনি বহুদূর্গত ?—অসার এ-হেন কথা ।
নহে দান তপ শৌচ যজ্ঞ ব্রত বা বহুজ্ঞতা
তঁার সাধনার দিশারি—কেবল অমলা ভক্তি চাই,
এ-ফল না মিলে যে-সাধনে বুধা সে-সাধনে কাজ নাই ।”

শুনিয়া মধুর বচন তাহার দৈত্যসুতেরা সবে
উল্লসি’ তার বাণীরে গ্রহণ করিল হরির স্তবে ।
দেখিয়া তাদের নারায়ণমুখী মতিগতি—শঙ্কায়
দৈত্যগুরুরা তূর্ণ পড়িল দৈতাপতির পায় ।

স্থসিত সর্পের ম’ত দৈতাপতি ঘোর রূপ ধরি’
কহিল আনতনেত্র প্রহ্লাদেরে তিরস্কার করি’ :
“রে অধমাদম মন্দবুদ্ধি কুলাঙ্গার হুঃশাসন !
আপন পিতার হাতে মৃত্যু তোর ললাট-লিখন ।
সংহারের পূর্বে শুধু আজিকে শুধাই : মৃত, বল্
যে-আমার ক্রোধ হেরি’ ত্রিভুবন কম্পিত বিহ্বল
কার বলে সে-ত্রিলোক-ভয়ালের ইচ্ছা শঙ্কাহীন
অবজ্ঞায় শিশু তুই করিস লজ্বন অমুদিন ?”

কহিল প্রহ্লাদ : “তাত ! শুধু কি আমারি বল তিনি
অতি বলীয়ান-দেহে করেন সঞ্চার বল যিনি ?
মহৎ মলিন, চল অচল সবারি নিয়ামক
যিনি চিরদিন শুধু তিনি বিনা কে ভবে পালক ?”

সিংহাসন হ’তে উঠি’ জ্বালাময় চক্ষু দৈত্যরাজ
কহিল ক্রভঙ্জি’ পুত্রে : “মতিচ্ছন্ন তুই—তাই আজ

ভাগবতী কথা

পিতারে শত্রুর সম গণিলি—” তনয় কহে হাসি :
“শুধু এক শত্রু পিতা রহে সজোপনে তনুবাসী,
সে বিদ্রোহী মন—সে যে আশুরী উন্মার্গ পথে চলে,
সমতায় অবিচল মন তাই বাঞ্ছিত ভূতলে ।
সেই মন আজি হ’তে হোক তাত তব প্রার্থনীয়,
ঐকান্তিক ধ্যান যার অনন্তের পুণ্য অর্ঘ্য প্রিয় ।
ইন্দ্রিয় না করি’ জয় করিতে যে চায় দিগ্বিজয়
তাহারি নিয়তি-নভে ঘনায় নিরন্ত শত্রুভয় ।
জিতেন্দ্রিয় যে-ধীমান্, সর্বভূতে সমভাব যার :
সে-সাধুর কোথা মোহ, নির্মোহ যে, কোথা শত্রু তার ?”

হিরণ্যকশিপু কহে গজি’ : “তুই মন্দবুদ্ধি, তাই
আত্মপ্রাণাঘা করি’ সুর সাধিস যে, আত্মঘাত চাই !
ধ্বংস যার ললাটিকা প্রলাপ তো ভাষণ তাহারি,
মরণাক্ষ ! তাই বৃষ্টি শিখিলি না দেখিতে—আমারি
ভয়ে ধায় চন্দ্র সূর্য অনল অনিল—মহাকাল
আমারি তো আত্মাবহ—কে আমারে করিবে আড়াল ?
আমি বিনা বল্ কোথা ভগবান্ নিখিল-বন্দিত ?”

কহিল প্রহ্লাদ : “তাত ! আর যেন মুখে উচ্চারিত
না হয় তোমার হেন দুর্বচন । তিনি বিনা পারে
কে আর বলিতে : ‘আমি ভুবনেশ ভুবন মাঝারে’ ?”

কহিল কুণ্ডলা অমরারি : “সূণ্য অন্ধ চাটুকার !
হেব হীন কথা মুখে উচ্চারিলি কেমনে আমার

সপ্তম স্কন্ধ

মহাকূলে জন্ম লভি' ?—ভুবনেশ বলিস কাহারে—
নাই যার চিহ্নলেশ কোথাও এ-ভুবন-মাঝারে ?”
কহিল প্রহ্লাদ যুত্ হাসি : “পিতা, অন্ধ নহি আমি
অন্ধ সে—যে দেখিয়াও দেখিতে না পায় দিবাষামী
কে আছে এ-বিশ্ব ছেয়ে—অণু হ’তে ব্যাপি’ নৌহারিকা
কাহার চেতনা জ্বলে চরাচরে প্রাণের বতিকা !

হিরণ্যকশিপু কহে চণ্ডরবে : “ওরে দুর্বিনোত !
মুঢ় তুই, তাই হেন প্রলাপেই রহিস তপিত ।
ভুবনে সে ব্যাপ্ত যদি—তবে ক্ষটিকের স্তম্ভে কেন
নাই সে ?” প্রহ্লাদ কহে : “অজ্ঞানে যে ভ্রান্ত তারি হেন
নিভা হয় মোহ । বিনা নিশ্বাস যাহার লহমায়
পবন স্তম্ভিত—বিনা কোমলতা যার বসুধায়
নন্দিত নিকুঞ্জ হয় মরু ম্লান—অন্ধ হ’তে যার
কঠিনের উপাদান লভি’ ধরে আকাশ আকার
বস্তুপুঞ্জ—তিনি নাই স্তম্ভে ? পাও শুনিতে কি—কাঁপে
অট্টহাস্তে জলস্থল আজি পিতা তোমার প্রলাপে ?”

“তবে সে করুক রক্ষা পারে যদি তোরে কুলান্ধার !
যবে করি তোরে ছিন্নমুণ্ড খড়্গে—” বলি’ ভীমাকার
বাহু উৎক্ষেপিয়া উর্ধ্বে স্তম্ভ করি’ দীর্ঘ দৈত্যমণি
ধায় শিশুপুত্র পানে ।

সিংহনাদে কাঁপায়ে অবনী
স্তম্ভের গহ্বর হ’তে দুর্নিরীক্ষ্য ঘোরমূর্তি ধরি’
প্রলক্ষিয়া বাহুবন্ধে দৈত্যেশ্রে ধরিল বেষ্টি’ হরি

ভাগবতী কথা

অর্ধ-সিংহ-অর্ধ-নর-বিগ্রহ বিলোল বিভীষণ
দানবারি দানবেরে উরু 'পরে করিয়া পাতন
মুহূর্তে নখরে তার দৃঢ় বন্ধ করি' বিদারণ
করিল ভূতলে তার হৃতপ্রাণ তম্বুরে ক্ষেপণ।
দৈত্যরাজে ভুলুষ্ঠিত দেখি' লক্ষ লক্ষ দৈত্যদল
আক্রমিল সে-অদ্ভুত অভ্যুদয়ে। ত্রাসি' ধরাতল
হুঙ্কারে নৃসিংহদেব মন্তকরী সম পলে জিনি'
নিষ্পেষিয়া করিলেন চূর্ণ সেই দৈত্য-অনীকিনী।
সে-সংক্ষুব্ধ আন্দোলনে দেবলোক হ'তে দেবগণ
নামিয়া ধরণীতলে—সে-করাল মূর্তিরে স্তবন
করে সবে ভক্তি-ভয়ে বিহ্বলি'। শুধু সে-ভীমকায়
দেবেশের কে স্পর্শিবে পদযুগ—লক্ষ্মী ভয় পায়
সম্ভাষিতে যারে ? দেখি' কহে ব্রহ্মা প্রহ্লাদে ডাকিয়া :
“বৎস ! করো তুমি আজ প্রসন্ন নাথেরে অভ্যর্থনা।”

প্রহ্লাদ অকুতোভয়ে নৃসিংহদেবের পদতলে
কৃতাজ্জলি করিল প্রণাম। দেখি করুণাকোমলে
রাখিলেন বরাভয় কর তাঁর ভক্তশিশুশিরে
সর্বনাথ। রোমাঙ্কিত-তনু শিশু নয়নের নীরে
শিক্ষিয়া চরণ তাঁর উঠিয়া আনন্দে মেলি' তার
প্রেমমুগ্ধ দৃষ্টি আরম্ভিল স্তব চিন্ত-চমৎকার :

“তব্বিৎ ষাঁরা, গুণের ষাঁহাদের অবধি নাই, হেন তাপসগণ
পারে নি যে-তোমার সাধিতে পরিতোষ পারেনি দেবগণ, চতুরানন,—
সে-তুমি মোর স্তবে কেমনে শ্রীত হবে—জাত যে অশুরের বংশে হীন ?
ভরসা শুধু—তুমি প্রতিভা সাধনার সাধ্য নহ, তুমি ভক্তাধীন।

সপ্তম স্কন্ধ

কান্তিসম্পদ-শক্তিকুলতপ-বুদ্ধি-আবাহনে প্রভু তোমায়
পায় নি—পেয়েছিল যেমন গজরাজ গ্রাহের মুখে দীন প্রার্থনায় ।

“তোমারে তাই ডাকি : চরণে দিও ঠাই—যত না গুণহীন হই হে নাথ,
চণ্ডালেও যবে করুণা করো—যদি ভক্তি থাকে ধরো তাহারো হাত ।
বিদ্যা-কুল-শীল-দানাদি গুণে যদি ভূষিত হয় কিজ—তবু সে নয়
তেমন প্রিয় তব যেমন চণ্ডাল—যদি সে শুধু হরিভক্ত হয় ।
নিত্যানন্দ হে আত্মসমাহিত ! আমার ম’ত যারা অকিঞ্চন
তাদের মানদানে চাহো না তুমি মান, জানি—পূজায় কোথা তব পূজন ?
তোমারে করি দান যা-কিছু, ফিরে পাই—মুকুরে যথা হ’য়ে বিস্থিত
কান্তি কমনীয় কান্তিমাণে করে তৃপ্ত—তুমি নাথ বন্দিত
হ’য়ে তেমনি দাও তুচ্ছ বন্দনা ফিরায়ে শতধারে তব সাধের
প্রসাদ-দর্পণে—দাসেরি তরে করো অঙ্গীকার তুমি পূজা দাসের ।
কী মুখ সংসারে ? প্রিয়ের বিচ্ছেদ, অপ্রিয়ের সাথে নিত্য বাস,
কুস্মুমে কীট কাঁটা, ভোগে বিপর্যয়, শোকানলের ধূমে চিন্তাকাশ
ক্ষণে ক্ষণে হয় মলিন—ইঙ্গ্রিয়সুখের পরে সেই অন্তহীন
দুঃখ পরিতাপ—যাহার প্রতিকারো দুঃখ আনে বহি’ রজনীদিন !

“আমারে করো তাই তোমার দাস ওগো পরম কারুণিক, চির-স্বজন !
এ সংসারে যদি রাখিতে চাও, দিও সঙ্গ তাহাদের—যারা চরণ
বরিল তব—যারা তোমারে শুধু চায় কামনা-বাসনারে করি’ বিদায়
তাদের সাথে গাহি’ তোমার কীর্তন, শুনি’ তোমার কথা, র’ব ধরায়
শোকের বুকে তব অশোক প্রতিনিধি—তোমারি প্রেমে, বিনা সে-আশ্রয়
দেহীর আছে বলো কী অবলম্বন ?—নাই ভয়াতের ভবে অভয়,
শিশুর নাই পিতামাতার স্নেহনীড়, তুফানে নাবিকের তরণী নাই,
অমৃত বিনা কোথা হলাহলের প্রতিবিধান ?-শূন্যতা—যেদিকে চাই ।

ভাগবতী কথা

তবু কী মায়াযুগতুকা এ জীবন ! যে-ভোগ দূর হ'তে ডাকে মোহন,
কাছে রূপের তার চিহ্নলেশো আর রয়ে না—তবু জীব বধুবরণ
নিয়ত করে তারে—তৃপ্তিহীন লোল কামনা-বহিরে শমিতে হয় !—
শুধু যেথায় চিরশান্তি রাজে—বৈরাগ্যকোলে—সেথা মুখ ফিরায় !

“দেখেছি ব্যর্থতা ভোগের আমি নাথ ! রাজরাজেশ্বরেরো কোথা প্রতাপ ?
উগ্র মদিরায় শাস্তি-সুখ কোথা ? কামনা বর নয়—সে অভিশাপ !
ক্ষণায় সিদ্ধির পলকে হয় লয়, অভিমানের তাপে কীতি ম্লান :
আজিকে আমি তাই চরণে তব চাই সেবার অধিকার নিরতিমান ।
কোথায় রাজসিক অশ্রুকুলজাত তামস জীব আমি হয়—কোথায়
তোমার গাঢ় অনুকম্পা নারায়ণ !—ব্রহ্মা-শিব-রমা-শিরে কৃপায়
রাখেনি আজ তব যে-করপল্লব করিল যবে তারা স্তব তোমার,—
রাখিলে সেই কর ইন্দীবরসম আমারি শিরে ওগো করুণাধার !
পক্ষপাত নয় এ তব—জানি, নাই মহতে হীনে তব ভেদজ্ঞান,
নিখিলবান্ধব তুমি-যে জানি, জানি—কল্পতরু তুমি, নিত্য দান
করো বরার্থীরে যে-বর বাঞ্ছিত, সে তার সেবারি-যে ফল প্রসাদ ।
তোমার করুণা-যে অহৈতুকী জানি, স্বভাবে প্রেমাম্বিস বিলাও নাথ !
প্রার্থি তবু আমি—আপনি দীন বলি’—দীনেরে দাও প্রভু তব অভয়—
মুক্ত কামনায় যাহারা আঁখিহীন, স্বার্থতরে অরি বন্ধু হয়,
কৃষ্ণ শঙ্কায় যাদের কাটে কাল—কাহার ভোগে হবে কাহার শোক,
কাহার মানে কার আছে অপমান, মিলনে কার হবে কার বিয়োগ :
এ-হেন পরাধীন আশা ও নিরাশার যাহারা ক্রীড়নক—হ’য়ে তাদের
অকূলে কাণ্ডারী সবারে লহ নাথ বৈতরণীপারে এ-জনমের ।
আত’বন্ধু হে ! আত’করো তুমি তারণ করুণায় প্রার্থি তাই :
দুঃখী অভাজনে চরণ দাও—আমি আপন মুক্তির বর না চাই ।

পঞ্চম স্কন্ধ

তোমার ভক্তের দাসমুহুরান আমি, তাদের সাথে গেয়ে তোমার পান
 লীলার, কীড়ির, রূপের, প্রণয়ের লভি সুখাশ্বাধ নিরন্তরান ।
 তাই 'এ-ঘোর ভববৈতরণী তব করো হে পার'—আমি বলি না নাথ !
 যাহারা হায় পরমার্থ নাহি চায়, বরিয়্য ইন্দ্রিয়মোহ-প্রমাদ
 অন্তহীন মায়াশুখের বহে ভার, সুখভ্রমে দেয় হুখে কোল,
 তোমার তীর্থের তারকাদিশা ছাড়ি' ধায় যে-পথে ডাকে গরবদোল,
 লালসা-কণ্ঠুতি—বিরাম নাহি যার, শুধুই আছে হায় কণ্ঠুয়ন—
 তাদের দাও তব মুক্তি-মঙ্গল—দিব্যদৃষ্টির উদ্বীলন ।
 তাপস মূনি যারা দেখেছি প্রায় তারা বিজনচারী—শুধু সাথে আপন
 সাধনা মুক্তির মৌন-ব্রত ধরি'—হৃদয়ে নীলমণি করি' গোপন :
 তাপিতপানে তারা চাহে না কিরিয়্যও—কে দিবে তাহাদের শরণদান
 না দিলে তুমি ? ছাড়ি' তাপিতে আপনার মোক্ষ তরে মোর কাঁদে না প্রাণ ।”

দেবতা অভয়কান্তি কহিল : “প্রহ্লাদ ! কান্তি আনি আমি বক্ষ্য্য বেদনার,
 পুরাই আশারতৃষা তুফানে দীপিয়া দিশা—লহ বর ভক্তির তোমার ।
 শ্রীত নহি যার 'পরে—ধরি না তাহার তরে মূর্তি আমি দিতে বরদান :
 আমার দর্শন পায় বারেকও যে বশুধায়—হুখে তার হয় অবসান ।”

প্রহ্লাদ করিয়া নতি কহিল : “হে রত্নপতি, ভক্তি কবে বরমালা চায় ?
 কামনা-কুহক আশা ? সুখ স্বার্থ তার ভাষা—পরমার্থ-পথে অন্তরায় ।
 তবে কেন এ-ছলনা ? যে কামনা কুহুখনা, উপায়ে আনে নিশাভ্রম,
 সে-ভ্রান্তিবিলাস হ'তে প্রার্থি মুক্তি শুভব্রতে তোমারি অসীমে প্রিয়তম ।
 জানি জানি ডাকো কেন ললিত লিপ্সায় হেন রাঙি' যেন সোনার হরিণ :
 দেখিতে—ও-অমলিনা কৃপা লাগি' রয় কি না প্রেম মোর জেগে নিশিদিন,
 দেখাতে—তটিনীরঙ্গে আশার নটিনীভঙ্গে চেউয়ে চেউয়ে ছুলায়ে কোথায়
 করে মোহ লক্ষ্যহারা ভুলায়ে জেগের তারা যেথা মরীচিকা বলকায় ।

ভাগবতী-কথা

সৌদামিনী-চমকনে ধাই মোরা ঘোঁবনে অনল্লো কল্লনা মনে করি’ :

কে চিন্তে সংশয় আনে :

‘অল্পপে কি কেহ জানে ?

এসেছে সে কবে রূপ ধরি’ ?’

গায় তৃষ্ণা : ‘তহুমন চায় শুধু আভরণ, প্রসাধন বিচিত্র-বিলাস ।’

ধরণীর নৃত্য নাটে আবর্তনে তাল কাটে, ঝরে ফুল—মিলায় উছাস !

“তবু এ কেমন মায়া ! বিমোহিনী ধূপছায়া ক্ষণফুলে সাজায় কানন !

পলে অল্পপলে ভাঙে সে-মায়া, আবার রাঙে ঝরে-যাওয়া কুসুম-স্বপন !

শুধু সে তো ফুল নয়, কাঁটাও প্রচ্ছন্ন রয়—করি’ লালসারে লেলিহান :

ঝরায় সে রক্ত যত প্রসূন-প্রণয়ে তত গায় মোহ তারি কলগান ।

প্রাণ শক্তিমদভরে জীবনে অতৃপ্তি বরে, মণি-লোভে কালক্ষণী সাধে

কিরণ-সাধনা যার নাই মণি নয় তার—জানে, তবু ধায় সে প্রমাদে !

অন্ধ তো জানে না নাথ আহরণে আশীর্বাদ মিলে না মিলে না শুভদার :

আপনারে প্রদক্ষিণ করে যে রজনীদিন—কেমনে পোহাবে নিশা তার ?

কাটে তার সারা বেলা

ল’য়ে অর্থহীন খেলা—

শ্রোতে দাগ—মুহূর্তে মিলায় !

দেখে না সে স্বপ্নচূড়ে কার জয়ধ্বজা উড়ে গ্রহ-শশি-তপন-তারায় ।

বাসনার যবনিকা ঢাকে তব নীহারিকা যে-দীপালি অলে বরাভয়ে

করি’ শৃঙ্খল বোম আলো যেখা গাঁখে তব মালা কমলা নক্ষত্র-দেবালয়ে ।”

“হেন ধ্রুবতারা-বাঁশি বাজালে যদি উদাসী, জাগাও সে-রাগে তব ঐতি,

অস্তরে যে অস্তঃশিলা বহাও তাহার লীলা উছলিয়া অমৃত-বারিধি ।

ছুটুক সে ফুলে ফুলে অসঙ্গ আনন্দে ছলে তব অমরগী মোহানায়

যেখা আত্মসমর্পণে সর্বহারা বিসর্জনে মন্ত্রহারা মন্ত্রদিশা পায় ।

বৈরাগী-দীক্ষায় তব হে স্নিগ্ধ মহান্নভব ! রক্ত মোরে করো চিরতরে :

কুলেরে বিদায় দিয়া উঠ যেন উছলিয়া অকুলের অশঙ্ক নির্ভরে ।

সমুদ্র-কল্প

করি নাথ অঙ্গীকার : দিব আছে বা আমার
 পারাপার-প্রশ্ন নাহি গণি' :
 আমি-যে জগদ্ধাত্রী করুণার তীর্থবাটী,
 লক্ষা যার—ভক্তি চিরস্তুনী ।
 শুধু তব প্রেম জানি' ধনী আমি, অভিমানী—
 চাহি না তো অন্য মণিমান ।
 অন্তরে তোমারে ডাকি সে নহে বরের লাগি'—
 শুধু আপনারে দিতে দান ।
 বরের প্রসাদ তরে যে তোমার সেবা করে
 সে নহে সেবক—সে বণিক্ ।
 যে-প্রভু প্রতিষ্ঠা আশে সেবকেরে ভালোবাসে,
 সেও নহে প্রভু—তারে দিক ।*

“বহুচলনায় নিতি কামনার কলগীতি
 দান-প্রতিদানে জেগে রয় :
 করি' তারে চিরহীন জাগো হৃদে ভক্তাধীন !
 প্রেমে তব করিয়া উন্নয় ।

ভূতালকণজিজ্ঞাসুর্ভক্তং কামেষুচোদয়ৎ ।
 ভবান্ সংসারবীজেষু হৃদয়গ্রন্থিষু প্রভো ॥
 নান্দ্রষ্টা তেহখিলগুরো ঘটেত করুণাঙ্গনঃ ।
 যন্ত আশিষ আশাস্তে ন স ভূতাঃ স বৈ বণিক্ ॥
 আশাসানো ন বৈ ভূতাঃ স্বামিষ্ঠাশিষ আঙ্গনঃ ।
 ন স্বামী ভূত্যতঃ স্বাম্যমিচ্ছন্ যো রাতি চাশিষঃ ॥

ভাগকর্তী কথা

মময়তা সূক্ষ্মতম

হোক আজি প্রিয়তম

খেচ্ছানত চরণে তোমার :

বর নাথ, দিবে যদি,

প্রার্থি আমি—নিরবধি

কিছু নাহি রাখি আপনার।

যাহা কিছু আপনার,

হোক তব সাধনার

রূপান্তরিত আরোহিনী,

গুণ্ তব স্রীচরণ

করি যেন আকিঞ্চন—

তাহ'লে বাসনা বিদেশিনী

হবে সেই বিনির্মল

আনন্দ-সাম্রাজ্যে, ছল

সেথা আর পাবে না আশ্রয় :

বা কিছু তোমারে করি

উৎসর্গ—অমনি ধরি'

নবমূর্তি অর্ধ-রূপ নয় :—

সুর হয় সংকীর্তন,

সুখ হয় শিহরণ,

উদারতা হয় আশ্রয়দান,

কামনা-মলিন আশা

অভীপ্সার পায় ভাষা,

সাধুবাদ হয় স্তবগান,

রূপরতি আশ্রয়স্থী

সুখমার সূর্যমুখী

হয় নিষ্কামনার যৌতুকে,

ফুলিঙ্গও হয় মণি

করিতে জয়ধ্বনি

আদিত্যের তব যুগে যুগে।

অষ্টম স্কন্ধ

লিখালিখী কী হৈ নহী, দেখাদেখি কি বাত ।
ছলহা ছলহিন মিলী গয়ে, কীকী পড়ী বরাত ॥

জ্ঞে কোই সমখে সৈন মে, তা সে कहিয়ে বৈন ।
সৈন বৈন সমখে নহী, তা সে कहু নাহি कहन ॥

এ তো নয় লেখালেখির মহল, দেখাদেখি হেথা চাই ।
বর-সাথে-বধু-মিলন-বাদের আতুত কী জানে ভাই ?

ইন্দিভক্ত যে-সুজন তারি সাথে কথা কোরো গুণী !
সে-ভাষার নয় মরনী যে—তারে কী কথা বলিবে গুনি ?
—কবীর

ভাগবতী কথা

ন যন্ত দেবা ঋষয়ঃ পদং বিতর্জন্তুঃ পুনঃ কোহর্হতি গন্তুমীরিতুম্ ।
যথা নটশ্চাকৃতিভির্বিচেষ্টতো ছরত্যায়ানুক্রমণঃ স মাভূত ॥
দিদৃক্ষবো যন্ত পদং শুমঙ্গলং বিমুক্তসঙ্গী মুনয়ঃ সুসাধবঃ ।
চরন্ত্যালোকত্রতমত্রণং বনে ভূতান্ভূতাঃ সুহৃদঃ স মে গতিঃ ॥
ন বিদ্বতে যন্ত চ জন্ম কৰ্ম বা ন নামরূপে গুণদোষ এব বা ।
তথাপি লোকাপ্যয়সন্তব্যায় যঃ স্বমায়য়া তান্শমুকালয়চ্ছতি ॥

তস্মৈ নমঃ পরেশায় ব্রহ্মণেহনন্তশক্তয়ে ।
অরূপায়োরূরূপায় নম আশ্চর্যকর্মণে ॥
নম আশ্রয়প্রদীপায় সাক্ষিণে পরমাশ্রয়ে ।
নমো গিরাং বিদুরায় মনসশ্চেতসামপি ॥

মাদৃকপ্রপন্নপশুপাশবিমোক্ষণায় মুক্তায় ভূরিকরণায় নমোহলয়ায় ।
স্বাংশেন সর্বতনুভ্রম্ননসি প্রতীত-প্রতাগ্দ্গ্লে ভগবতে বৃহতে নমস্তে ॥

একান্তিনো যন্ত-ন কক্ষনার্থং বাহুতি যে বৈ ভগবৎপ্রপন্নাঃ ।
অত্যন্তুতং তচ্চরিতং শুমঙ্গলং গায়ন্ত আনন্দসমুদ্রমগ্নাঃ ॥

জিজীবিষে নাহমিহামুয়া কিমন্তর্বহিচ্চারতরেত্তযোহুত্ ।
ইচ্ছামি কালেন ন যন্ত বিপ্লব-স্তস্তাশ্রলোকাবরণস্ত মোক্ষম্ ॥
(৩৬—১০, ১৭, ২০, ২৫)

অষ্টম স্কন্ধ

বিষ্ণুর প্রতি গ্রাহগ্রস্ত গভেষের স্তব :

লীলার বাহার চির-অচিন ধারা,
স্বরূপ তাহার কেউ কি আজো জানে ?
অমর যোগী ঋষিরাও হারা
হয় নিরত হার অচিন্ত্য ধানে !

মর্ত্যলোকের অবোধ পশু আমি
কেমন ক'রে পাব তোমার পার ?
শুধু শরণ চাই বিপদে স্বামী,
রক্ষা করো দয়ার অবতার !

সে-ই গতি মোর—যার করুণা শুনি
সর্বস্বহৃদ : যাহার শুভঙ্কর
দর্শন-আশে গহনব্রত মুনি
গৃহ ছেড়ে হয় অরণ্যচর ।

তোমার শরণ চেয়েই পশুর বাঁধন
যায় ঘুচে—তাই মুক্তিরে আজ যাচি ।
করুণা যে তোমার সর্বসাধন
তাই আমি তার পথ চেয়ে আজ আছি ।

অলয় তুমি, নিত্য-আসীন প্রেমে,
অস্তুরেও তুমিই অন্তর্যামী :
তাই ডাকি আজ—বন্ধ এসো নেমে
বিশাল বরাভয়ে জীবন-স্বামী !

ভাগবতী কথা

যারা তোমায় চায় হে ভগবান্
একান্ত সাধনায়—তারা ভবে
চায় না কিছুই প্রসাদ-বরদান :
বর পেয়ে কী বলো তাদের হবে—

যারা তোমার বিচিত্র কীর্তনে
আনন্দ-সমুদ্রে নিশিদিন
দেয় ডুব—রয় তোমারি বন্দনে
আপনহারা—তোমাতে বিলীন ?

জন্ম কর্ম নাম-রূপের পারে
রাঙ্গি'—তবু ধরার ত্রাণ-তরে
মূর্তি ধরে যে-জন বারে বারে
তাকেই আমার হৃদয় প্রণাম করে

অনন্ত যার ঈশিষ্ণ-বৈভব
অরূপ হ'য়েও ধরে ক্ষণে ক্ষণে
রূপ—করি' অসম্ভবে সম্ভব,
নমো নম তারই ত্রীচরণে ।

প্রদীপ হ'য়ে ভায় যে প্রাণপূরে
অপ্রকাশের প্রকাশতরে নিতি
মন ও বচন হ'তে বহুদূরে,—
তারি রূপার আজ আমি অভিধি ।

অষ্টম স্কন্ধ

দেখতে নয়ন শেষে ধীরে ধীরে
কামনাতে নেই তো চিরজাগ :
বিনা মোহলুপ্তি এ-ভিমিরে
দেহের মুক্তি চায় না আর এ-প্রাণ ।

তাই, নিয়ে এ-পশুর দেহ মন
মিটেবে আমার কোন্ স্মৃতির সাধ ?
সব দিকে যার আধার-আবরণ
অজ্ঞানেরই মুক্তি সে চায় নাথ !
(৩৬—১০, ১৭, ২০, ২৫)

পরীক্ষিতের প্রতি শুকদেব :

তপ্যন্তে লোকতাপন সাধবঃ প্রায়শো জনাঃ ।
পরমারাধনং তচ্ছি পুরুষস্থাখিলায়নঃ ॥

অপরের তাপনিবৃত্তি তরে হুংখ সহেন সাধুগণ :
সকলের হৃদে রাজেন যে-হরি এই তো তাঁহার আরাধন ।
(৭৪৪)

ভাগবতী কথা

মহাদেবীর প্রতি মহাদেব :

অহো বত ভবাচ্ছোতং প্রজ্ঞানাং পশু বৈশসম্ ।
ক্ষীরোদমথনোদ্ধুতাং কালকূটাত্পস্থিতম্ ॥
আসাং প্রাণপরীক্ষুনাং বিধেয়মভয়ং হি মে ।
এতাবান্ হি প্রভোরর্থো যদদীনপরিপালনম্ ॥
প্রাণৈঃ স্বৈঃ প্রাণিনঃ পাস্তি সাধবঃ ক্ষণভঙ্গুরৈঃ ।
বদ্ধবৈরেষু ভূতেষু মোহিতেষ্বাশ্রমায়য়া ॥
পুংসঃ কৃপয়তো ভদ্রে ! সর্বাশ্রা শ্রীয়েতে হরিঃ ।
শ্রীতে হরৌ ভগবতি শ্রীয়েহহং সচরাচরঃ ।
তস্মাদিদং গরং ভুঞ্জে প্রজ্ঞানাং স্বস্তিরস্ত মে ॥

দেখ দেখ হায় ভবানী, জীবের ভাগ্য-বিপর্যয় !—
মহি' সিদ্ধ অমৃতের আশে—গরল-অভ্যাদয় !
অন্তক সম ছায় বিষ—যাচে মোর আশ্রয় সবে :
দীনের পালনে অভয়শক্তি প্রকাশিতে মোরে হবে ।

ক্ষণভঙ্গুর প্রাণ দিয়ে করে যুগে যুগে সাধুগণ
নিখিল প্রাণীর রক্ষা, কৃপায় তাদেরো করে তারণ
প্রাণের হিংসা করে যারা মূঢ় বৈরাচরণে নিতি ।
দুর্গতে করে দয়া যারা—সাধে দয়াল হরির শ্রীতি,

তাঁর সে-শ্রীতির প্রসাদ আমিও পাই চরাচর সাথে :
তাই বিশ্বের মঙ্গল তরে ভবিব গরল সাথে ।

(৭১৩৭—৪০)

অষ্টম স্বক

লক্ষ্মীর জুঃখ

(সমুদ্র মন্বনের হুচনায় বিমোহগারের পরে শিব গরলপান ক'রে হ'লেন
নীলকণ্ঠ। তারপর উঠল কামেশ্বর সুরভি, তুরঙ্গ উচ্চৈঃশ্রবা, কুঞ্জর ঐরাবত,
মণি কোস্তভ, কমলতরু, পারিজাত প্রভৃতি। তার পরেই লক্ষ্মীর উদয়। লক্ষ্মীর
উদ্ধৃত দৃষ্টান্তগুলি সম্পকে আমি আশ্রয় স্বামীর চাকাই অনুসরণ করেছি।)

উদিল কমলা মথিত সিদ্ধ দলি'

কান্তি-ছটায় উজলিয়া দশদিশি !

গাহিল দেবতা কিম্বর উচ্চলি'

ননিল কৃতাঞ্জলি যোগিমুনিঋষি।

চারিদিকে চেয়ে দেখিল বিশ্বাধরা :

সিদ্ধ যক্ষ সুরাসুর ঋষি মুনি !

কারে দিবে বরমাল্য স্বয়ংবরা ?

আছে কি হেথায় নিরুলঙ্ঘ গুণী ?

গভীর চিন্তা করে ইন্দ্রিা মনে :

নিখিলবাক্তিতার বাক্তিত বর

আছে কি নিখিলে—নাই যার ত্রিভুবনে

দোসর—যে চির-অনিন্দ্যাসুন্দর ?

ভূবাসা আদি মুনি ? না না, নাহি চাই।

বিনা ক্রোধজয় কী ফল তপস্যায় ?

বৃহস্পতি ?—সে জ্ঞানী বটে—তবু নাই

নিষ্কাম জ্ঞানগৌরব তার হায় !

ভাগবতা কথা

ব্রহ্মা চন্দ্র ? মহান্ তাঁহারা জানি ।

কিন্তু স্বভাবে কামজয়ী আজো নয় ।

ইন্দ্র ? সুরেশ কেমনে তাহারে মানি—

অশুর যাহারে বার বার করে জয় ?

শুক্র, পরশুরাম ?—ধার্মিক তারা :

কিন্তু কোথায় সর্ববান্ধবতা ?

শিবিরাজ ? ধিক্ হেন ত্যাগীদের—যারা

লভে নাই তাগে স্মৃতি মুক্তি-ব্রতা !

কাতবীৰ্য ? সেথায় বীৰ্য রাজে :

কালানীনে তবু কেমনে বলিব—‘প্রিয়’ ?

মার্কণ্ডেয় ? দীর্ঘায়ু সেথা আছে,

না না—শীলহীন, দুর্বল-ইন্দ্রিয় ।

বলে হিরণ্যকশিপু অপরাধেয়,

তবু স্থিরতা নাই জীবনের তার !

শিব ? আয়ু বলে মহীয়ান্—তবু সেও

অমঙ্গলই যে করিল কণ্ঠহার !

শুধু একজন দেখি অনিন্দনীয়,

সর্বগুণেশ্বর সে—কিন্তু হায়,

হরি যে পূর্ণকাম !—হেন বরণীয়

করে না বরণ কামিনীরে কামনায়

অষ্টম স্কন্ধ

রাজষি সত্যব্রতের স্তব :

অচক্ষুরক্ষসা যথাগ্রীঃ কৃতস্তথা জনসাবিত্রবোঃবুধো গুরু ।
তমর্কদৃক্ সর্বদৃশাঃ সন্নীক্ষণো ব্রতো গুরুর্নঃ স্বগতিং বুভুংসতাম্ ॥
ঐং সর্বলোকস্য সূক্তং প্রিয়েশ্বরো হ্যাম্বা গুরুজ্ঞানমভীষ্টসিদ্ধিঃ ।
তথাপি লোকো ন ভবন্তুমক্ষমী-জ্ঞানাতি সন্তঃ হ্রদি বন্ধকামঃ ॥
(২৪।৫০, ৫২)

অন্ধ অন্ধে অগ্রণী যদি করে
যেমন সহায় পায় সে পথচলায়,
অবোধ শিষ্য যদি কভু হাত ধরে
অবোধ গুরু—তেমনি দিশারি পায় ।

তাই হে চিরন্তন, তোমারেই আমি
সূর্যদৃষ্টি-স্বরূপে বরণ করি :
সবার ঐশ্বর আলো—যে তুমিই স্বামী,
' আপন গতির পথে লও মোরে হরি !

সর্বলোকের হে গুরু, প্রিয়েশ্বর,
হ্যাম্বা, ঐষ্টসিদ্ধি, বন্ধু, জ্ঞান !
অন্তরে আছ—কামনা-অন্ধ নর
তবুও তোমারে জানে না হে ভগবান্ !

বলির দীক্ষা

করায়ে অমৃতপান দেবগণে যবে নারায়ণ
 জালিলেন তাহাদের প্রাণদীপে নব উদ্দীপন
 সমুজ্জ-মস্থন-অস্তে : দৈত্যকুল সংস্কৃত অস্তুরে
 আক্রমিল চিরশত্রু দেবতারে । সে-ঘোর সমরে
 দম্বজেশ বলি হ'ল বজ্রাহত যবে—নিরাশায়
 আহত নায়কে ল'য়ে দৈতাচমু বিষম সঙ্কায়
 অস্ত-পর্বতের কোলে করিল প্রয়াণ মুহমান্ ।
 সেথা করুণাত্র দৈত্যগুরু শুক্রাচার্য মহীয়ান্
 মহাতপোলক মৃতসঞ্জীবনী-বিদ্যাবলে তাঁর
 করিলেন উজ্জীবিত মুগ্ধু বলিরে । তপস্যার
 হেন পরিচয় লভি' ভৃগু শুক্র আদি তাপসের
 পদতলে যাচি' নব শৌর্যদীক্ষা সাধি' তাঁহাদের
 সমর্থনে বিশ্বজিৎ যজ্ঞ সুমহান্ সে লভিল
 দিব্য রথ অশ্ব ধ্বজ ধনুর্বাণ । সেই সাথে দিল
 পিতামহ ত্রীপ্রহ্লাদ তারে গ্লানিহীন পুষ্পমালা ।
 গুরু দিল জয়শঙ্খ : নবোৎসাহের দীপ জ্বালা
 হ'ল অশুরের গ্লান মর্মে । লভি' ঋষি-আত্মবীর্ষ
 দিগ্বিজয়ী হ'ল বলি । মিটাতে সে প্রতিহিংসা-সাধ
 দিল হানা স্বর্গপুরে ল'য়ে তার অজেয় বাহিনী :
 অবরুদ্ধ দেবপুরী বিনা যুদ্ধে নিল দৈত্য জিনি' ।
 বিলাসো ত্রিদিবগণ হস্তবীর্ষ, সাম্রাজ্য-বাহীন,
 ধরিয়া বৈদেহ-রূপ রহিল শঙ্কায় শূন্যলীন ।

অষ্টম স্বরূপ

* *
*

* *
*

দেবমাতা অদিতির প্রাণে
কোথা গেছে কেহ নাহি জানে,
মানে না বারণ...একদিন
কিরিয়া কশ্যপ—হেরি' দীন
“চিরদিন যে-মুখকমলে
সেখা কেন আলো নাহি জ্বলে ?
যে-গৃহ-আশ্রমে বিধি আছে
যারা যোগ হৃদয়ে না যাচে—
স্বজন-সোহাগে অশ্রুমনা
অতিথি না লভিয়া অর্চনা

নাই মুখ শাস্তি—পুত্রগণ
জননীর হৃদয়-বেদন
সমাধি-উদ্ভিত হ'য়ে ঘরে
মূর্তি তার শুধাল সাদরে :
মুখ-হাসি দেখেছি সকল,
বিপ্রে'র কি হ'ল অমঙ্গল ?
তাহাদেরো যোগসাধনের
অকুশল হ'ল কি তাদের ?
দেখ নি কি চাহিয়া—হুয়ারে
গেল ফিরে সন্ধ্যার আঁধারে !”

ঘরগী কহিল অভিমানে :
অশ্রু কোনো চিন্তা যার প্রাণে,
কেন সে ? ব্যথার রমণীর
কারে বলে স্নেহ, আঁখিনীর,
গৃহধর্মে হয় নি স্থলন,”—
“হতমান যার পুত্রগণ
হয় কভু নাথ, শুধু জানি’—
স্বর্গসিদ্ধি কেমনে বা মানি—
হয় দানবের হাতে নিতি ?
তপস্বীর উদাসীন রীতি
পুণ্যের যদি না জয় হবে,
কোনু কর্তি ? নৃষ্টি আজ হবে

“ধর্ম বিনা নাই ধরাতলে
মুখকমলের কথা বলে
কেন চাহে বার্তা ?—জানে না যে
জানে মাত্র—অভিধানে আছে !
কহিল কাঁদিয়া অশ্রুমুখী :
দৈত্যপরাক্রমে—সে কি স্মৃষ্টি
পতি তার মহাবি কশ্যপ ?
দেবতার যদি পরাভব
করো প্রভু করুণা আমারে,
বুঝি না—রেখো না অন্ধকারে :
তপস্যায় হায় মুনি সাধে
জিয়মাণ অশ্রু-সংঘাতে !”

ভাগবতী কথা

কহিল কশ্যপ হাসি' : “মায়ার মোহন বাঁশি রমণীরে খেলায় কেমনে !
 বার বার হুং পায় গাঢ় স্নেহ-মমতায়—তবু সে মায়ারি আকিঞ্চনে
 যায় ভুলে বারবার—ধরণীতে কে কাহার পতিপুত্র ? কে কার সহায় ? *
 শুধু এক নারায়ণ আপনার, প্রাণমন সঁপিয়া দাও লো তাঁরি পায় ।
 শুধু তাঁরে ডাকো ধীর কৃপা বিনা নাই পার অকূল-পাথার বেদনায় । †
 তিনি দেখা দেন যদি, লভি' শাস্তি নিরবধি তরিবে অশাস্তি-তমসায় ।
 ‘শ্রীহরিতোষণ’ ত্রুত সাধিয়া চরণে নত হও তাঁর সম্পূর্ণ শরণে,
 তিনি বিনা কেবা ত্রাণ করিবে ? অভয়দান আর কার সাধ্য ত্রিভুবনে ?
 দেখিবে কামিনী কবে চিরতীর্থপথ—যবে তীর্থ চেয়ে অশ্রু প্রিয় তার ?
 শুকায় সে-অশ্রুমালা বার বার—তবু বালা করিবে তারেই কণ্ঠহার !
 তবু তপস্বীরো হায় যুগে যুগে এ কীদায় !—বুঝালেও বুঝে না যে-সতী,
 তারেই ঘরণী করি' দাও তার কেন মরি, প্রজ্ঞাবৃদ্ধি তরে প্রজ্ঞাপতি ?”

* *
 *

* *
 *

সে-ত্রুত গহন করিয়া পালন ডাকে সাধবী নিশিদিন :
 “নমো নমো নাথ, করো আশীর্বাদ, দয়া যার শ্রাস্তিহীন ।
 বেদনা-বিধুর প্রাণ হ'তে দূর করো করো অন্ধকার,
 তুমি বিনা আর আশ্রয় কাহার যাচিব করুণাধার ?
 তুমি কর্ণধার, তরুণী তোমার দোলাও তুফানে তব,
 অন্ধ পারাবারে জালি' বারে বারে আশা-তারার নব নব ।

-
- * অহো মায়াবলং বিষ্ণোঃ স্নেহবন্ধমিদং জগৎ ॥
 ক দেহ ভৌতিকোহনাত্মা ক চাত্মা প্রকৃতে: পর: ।
 কস্ম কে পতিপুত্রাত্মা মোহ এব হি কারণম্ ॥ (১৬ অ)
- † উপতিষ্ঠস্ব পুরুষং ভগবন্তং জনার্দনম্ ।
 অমোঘা ভগবন্তুক্তিনে তরেতির্মতির্মম ॥ (১৬ অ)

অষ্টম স্কন্ধ

নব ঘনশ্রাম তুমি অভিরাম' অশ্রুন্দর করে। দূর—
যজ্ঞশার রোলে আনি' প্রেমদোলে বরাভয় স্নমধুর।
জননীর হিয়া গুঠে যে কাঁদিয়া, তুমি না বুঝিবে যদি,
মমতার বাঁশি বাজায়ে উদাসী কেন করে। বিশ্বপতি ?
পতিত-পাবন, জগত-তারণ !—আমি কি জগৎ-ছাড়া ?
করুণা তোমার বলকি' আবার এসো হে অকূলে-তারা !”

* * *

সহসা অনিন্দ্য মৃতি উদ্ভাসিল সর্ববাধাহারী :
পীতবাস, চতুর্ভুজ—শম্ভুচক্রগদাপদ্মধারী !
আনন্দে বিহ্বলা মৌনময়ী কৃতাজ্জলি...ঝরঝরি' *
ঝরে অশ্রুধারা.....এ কী অপরূপ কান্ত, মরি মরি !

কহিল শ্রীহরি : “সতী ! ব্রত তব হয়েছে পালন।
লভিবে তোমার গর্ভে জন্ম এক অপূর্ব বামন।
করিব সে-নবরূপে নব লীলা, আমি, অবতার :
দৈত্যের বিক্রম হবে লীন, দূর হবে অন্ধকার।
পূজিলে আমারে যবে—বর তুমি লভিবে নিশ্চয়,
অকূলে মিলিবে কূল, চিত্তাভ্যন্তে জলিবে অভয়। †
আস্তুর প্রার্থনা নতি পরশিলে চরণ আমার
বাহিত প্রসাদরূপে লভে রূপান্তর। তমিস্রার
যুগান্তর হয় পলে মোর বহ্নিকণায় জননী
কেমনে—দেখিবে মোর বিচিত্র বিগ্রহে—আগমনী

-
- * সোখায় বজ্রাজলিরীড়িতং স্থিতা নোৎসেহ আনন্দজলাকুলেক্ষণা।
বভূব তুক্ষীঃ পুলকাকুলাকৃতিস্-তদর্শনাত্যুৎসবগাত্রবেপথুঃ ॥ .
† মমার্চনং নারীতি গন্তমগ্ৰথাঃ শ্রদ্ধাহুরূপং বলহেতুকহাৎ ॥ (১৭ অ)

ভাগবতী কথা

উঠিবে শঙ্খিয়া যবে বিসর্জনীবুকে—অম্বরের
প্রতাপ-মধ্যাহ্ন-রবি অস্ত যাবে চক্রান্তে বিপ্রের ।
বলিও না কারেও একথা : দেবগুহ্য সুগোপন
রাখিলেই হয় তার মন্ত্রগুপ্তি সফলসাধন । *

* * *

যথাকালে দেবমাতা অদিতিগর্ভ হ'তে জনমিল হরি রূপ ধরিয়া
শঙ্খচক্রগদাপদ্ম-চতুষ্পাণি—জ্যোতি যেন পড়ে নির্ঝরিয়া !
তুবারশিখর হ'তে উল্লোলে ঝরে যথা নবাকর্ণ প্রফুল্লকাস্তি :
যেদিকে ধায় সে-আলো মিলায় যুগের কালো, রজনীরে মনে হয় ভ্রাস্তি ।
বিস্ময় মানে সবে শিশুর কর্ণে দেখি' মকরাকৃতি হেমকুণ্ডল,
হৃদয়ে জীবৎসের চিহ্ন অনিন্দিত, কটিতে পীতাম্বর প্রোজ্জল ।
বাহুতে বলয় চারু অঙ্গদ সুন্দর, শিরে শিখিচূড়া—যেন স্বপ্ন !
জীকণ্ঠে বনমালা, জীচরণে কিংকিনি, জীবন্ধে কোমলভ-রত্ন ।
কম্পন জয়গান করিল যেমনি—হরি ধরিল মানবরূপ পুনরায় :
দেবতাদৌপ্তি ধূলি-ধরণী সহিতে নারে, চকিত চমকে তাই সে লুকায় ।
“যুগ যুগ ধরি' আশা ছিল বিষয়—আজ হবে কি সফল ?” পুছে সকলে ।
মঞ্জরে শত শত সরসে ইন্দীবর, বক্ষ্যা বৃন্তে ফুল উছলে ।
বিহঙ্গ গায় গান পল্লবনীড়ে সুখে অকালে বসন্তের ছন্দ !
দিকে দিকে নিরাশার নিশান্তে ঝংকল নন্দিনী উষা—কী আনন্দ !
স্বর্গেও পড়ে সাড়া : অঙ্গরা রঞ্জিণী ঝরালো চরণে নবনর্তন-
বিভঙ্গে লাস্যভরঙ্গ, অতুল সুরে কিন্নরীকুল সাধে কৌতর্ন ।
জলদের ছায়া হ'ল রূপাস্তুরিত ছবি অসংখ্য রেখা রঙে গগনে ।
ধরায় শিশির হ'ল রূপরঞ্জিত সুখ-প্রদীপ ফলিয়া বুকে তপনে ।

* সর্বং সম্পদ্যতে দেবি দেবগুহ্যং সুসংব্রতম্ ॥ (১৭ অ)

অষ্টম স্কন্ধ

কতিপয় বর্ষ পরে শিশু পদার্পণ
করিল কৈশোরে যবে—ঋষিগণ আসি'
দিল তারে দ্বিজজন্ম—পুণ্য-উপবীতে !
কশ্যপ পরাল পুত্রে মঞ্জুল মেখলা ।
পৃথ্বী দিল কুশাজিন । বনস্পতি সোম
দিল দণ্ড । দিল মাতা অদिति কোপীন ।
স্বর্গ দিল আতপত্র, ব্রহ্মা—কমণ্ডলু,
ঋষিগণ—কুশ, সরস্বতী—অক্ষমালা,
যক্ষপতি—ভিক্ষাপাত্র । আপনি পার্বতী
ভগবতী-রূপ ধরি' দিল ভিক্ষাদান ।
হেন বহু-অর্ঘ্যে-সংবর্ধিত মাণবক
করিল শ্রদ্ধায় হোম অগ্নি-আবাহন ।

* * *

নর্মদার তীরে ভৃগু শুক্রে আদি মুনি
বলির উদার মহাচরিত্রের গৃঢ়
আকর্ষণে অশুরের সিদ্ধিলাভ তরে
করে অশ্বমেধ যজ্ঞ । বীর্ঘ্যে অষ্টিতীয়,
সংযমে সুব্রহ্মাণ্য, দানে দীপ্যমান,
কর্মে অতস্তিত, দৃঢ় নিষ্ঠায় তাপস,
হেন জীবলির কীর্তি আদিত্যের সম
দিকে দিকে বিচ্ছুরিল । প্রার্থী কেহ কভু
আসিয়া অগুণকাম না যায় ফিরিয়া ।
প্রজাগণ সবে গৃহে স্নেহে নিদ্রা যায়
খুলি' দ্বার । আততায়ী-আঘাতে পশ্চিক
হারায়-না এক ক্রান্ত পথের পাথর ।

ভাগবতী কথা

“ধন্য রাজা !”—বলে সবে—“বিচিত্র প্রতাপী
কবে কে দেখেছে হেন—কলহ-মুখর
ধরণীর কোলাহলে ?

শ্রেরিয়াছে বলি
নিমন্ত্ৰণ দশদিশি । রাজগণ আসি’
করে স্তব, উপায়ন রত্ন-মণি-রথ-
গজ-বাজী অর্ঘ সম সঁপিয়া চরণে
ঘেরি’ তারে কৃতাজ্জলি কৃতার্থের সম ।
উঠে স্নগস্তীর ঋতুমন্ত্ৰ স্তম্ভিলের
পুরোহিত-বন্দমুখ হ’তে—যার মাঝে
কেন্দ্রপতি ইন্দ্রজিৎ শোভে বলরাজ
বিষ্ণুবক্ষে কৌন্তভের মধ্যমণি সম ।

* * *

সকলে চমকি’ চায় : ধীরপদক্ষেপে
আসে কে ও-দীপামান্ বিচিত্র অতিথি !
মাণবক ? সত্য—তবু নহে তো মানব !
হেন দীপ্তি ধরে কত্ ক্ষণজন্মা তমু ?
ক্ষটিকের অন্তরালে অলক্ষ্য অনল
ক্ষটিকেরে করে যথা স্বর্ণকাস্তি দান,
বামনের স্বর্ণদেহ তেমনি আবরি’
রয়েছে অদৃশ্য কোন্ অমিত-প্রদীপ !
(কে ঢাকিবে অনিরুদ্ধ দিব্য জ্যোতির্মণি ?)

বক্ষে শুভ্র উপবীত, বেষ্টিত শ্রীকটি
মুঞ্জ-মেখলায়, বামস্কন্ধে অজিনের
কাস্ত উত্তরীয়, অঙ্গে ভাস্কর বিভূতি,

অষ্টম স্কন্ধ

শিরে জটাভার, করে দণ্ড কমণ্ডলু—
 স্নুহঃসহ তনুতেজে তাঁর অভিভূত
 ঋষিক্ অশীতিপরও উঠিল বিস্ময়ে
 দাঁড়ায়ে—আচার্য শুক্র ভৃগু আদি মুনি ।
 বলিজয়া বিক্ষাবলি পতির সংকেতে
 সুবর্ণ ভূঙ্গারে বারি আনিয়া আপনি
 ধরিল চরণমূলে ক্ষুদ্র অতিথির ।
 শ্রীবলি প্রক্ষালি' তাঁর বালক-চরণ
 ধরিল সে-পাদোদক শিরে আপনার ।
 পরিজন, রাজবৃন্দ, গুরু পুরোহিত
 সভাসদ সবে হ'লে পুন সুখাসীন
 কহিল সাদরে নৃপ :

“স্বাগত ব্রহ্মান্ !

স্বাগত নয়নানন্দ ! পিতৃকুল মোর
 পবিত্র তোমার আবির্ভাবে । অশ্বমেধ-
 উৎসব কৃতার্থ আজি লভি' তোমাসম
 বিবস্বান্ তাপসেরে । প্রসাদে তোমার
 ভাগ্যবান্ আমি তপোধন—যজ্ঞানল
 আহরিল নবদীপ্তি অঙ্গ হ'তে তব ।
 ব্রহ্মচারী ! প্রার্থী যদি হও সম্পদের,
 বলো কী প্রার্থনা তব—ধেনু বা কাঞ্চন,
 সুরম্য নিলয়, কিবা স্নিগ্ধ অন্ন, পান,
 গ্রাম, অশ্ব, গজ, সৈন্ত, কস্তা তিলোদ্ভম।
 কিঙ্কর-কিঙ্করী-রত্ন-মণিহার সহ—
 বাহা ইচ্ছা বলো—আমি দিব ভূমিধান ।”

ভাগবতী কথা

কহিল অতিথি : “সাধু সাধু জনপতি !
সাধু হে উত্তমশ্লোক কান্ত প্রিয়বদ !
প্রতি ভক্তিমান্য তব আশ্রপ্রত্যয়ের
তাপ আভা হ'য়ে করে । বচন তোমার
যোগ্য তব—পিতামহ যাহার স্বয়ং
শ্রীপ্রহ্লাদ—কূলে যার জন্মে নাই কভু
আতুর কৃপণ হেন—যাচক ব্রাহ্মণে
যে করেছে প্রত্যাখ্যান । জানি হে রাজন্,
তব কুলকীৰ্ত্তি-কথা । জানে না কেবল
বধির যাহারা জন্ম হ'তে । মহাভাগ !
বংশের তোমার আচরণ অমুষ্ঠান
শুধু জনশ্রুতি নয়—পুণ্য ইতিহাস ।

মৃত্ যারা, গণে অবিস্মরণীয় শুধু
শুধু ছিল ঘটনার পঞ্জিকা শ্রীহীন,
কোন্ মনুষ্যেরে ছিল মম্ব কোন্ জন,
সূর্যবংশ-চন্দ্রবংশ-রাজ-তরঙ্গিনী,
ছিল প্রতিপক্ষ কার কোন্ ধনুর্ধারী,
কোন্ মুনি কারে দিল কবে অভিশাপ !
—নহে নহে । সত্য ইতিহাস বলি তারে
যবে চিত্রণীয় তার হয় সূচরিত
সাধু-সজ্জনের, মহাপুরুষের—যবে
কোন্ অবতার আনি' কোন্ নব ভাব
জাগালো সে-কোন্ আলো কোন্ নব সুরে
—হেন কাহিনীর গাঁথে সার্থক মালিকা !

অষ্টম স্কন্ধ

ঘটনা—স্মৃতিসিঁপির আছে প্রয়োজন—
মানসের কোঁকুহনী জিজ্ঞাসা সেবার
তৃষ্ণাবাসি কিছু পায় বলি' । শুধু কেন
ঘটনার পজি নয় প্রেমের পাথের,
চেতনার আরোহিনী । প্রেম উছোধিত
হয়—ববে শুনি অজ্ঞা কীড়ির কাহিনী,
শুনি ববে—হিসামত ঝটিকারো মাঝে
তোমা-সম লোকপাল কেমনে রাখিল
অগ্নানের আদর্শেরে অক্ষত আছবে ।
শুধু তোমা-সম মহাপ্রাণ ধরাউলে
জন্ম লয় বলি' আজো নৃষ চন্দ্র উঠে
আনন্দের-প্রতিশ্রুতি-দীপ্ত আবর্তনে ।

“মহাদ্ব—মহিমময় স্পর্শ-মণি সম,
বরে বার কৃষ্ণা হিংসা হয় হিরণ্ময়ী,
হত্যাবন্ধে ফলে বীৰ্য-বনস্পতি—শুধু
তোমা সম শৌরী বুনি' ঔদার্যের বীজ
বক্ষ্য রণক্ষেত্র করে প্রাণের শোণিতে
উর্বর বলিয়া—দাও তোমরা ধর্মের
হোমে প্রোণাহতি-দীক্ষা বলি' । বৃত্তা আজো
রূপান্তরিত ধরে মূর্তি মহিমার
বৃত্তাহীন বাহাঘোর আশ্চর্য নির্দেশে ।
তোমরাই ঐতিহ্যের রচো অভিধান :—
করি' আশা কিরিবে না প্রার্থী শূন্য হাতে,
বাচিয়া ঘৈরথ রথী কিরিবে না কড়

ভাগবতী কথা

দৈবধ না লভি' : মৃঢ় দপিত স্পর্ধায়
 আছানিলে কেহ—হবে দিতে শাস্তি তারে ।
 রাজকীয় গর্বে প্রাণ গণি' তুচ্ছ পণ ।'
 অশঙ্কার হেন চিত্র প্রতিমার সম
 মর্মের মন্দিরে আজো রহে জাগরুক—
 আশ্রয় আরতিদীপে তোমরা পূজারী
 আজো করো পূজা বলি' । তাই আমি আজ
 যাচি এই কুষ্ঠাশীন প্রতিশ্রুতি : তুমি
 দিব দান মোরে—তিনপাদে আমি করি
 যত ভূমি অধিকার সাত্রাজ্যে তোমার ।”

কহিল হাসিয়া বলি : “বিচিত্র যাচক !
 বচন-বিজ্ঞাস তব কবিরেও দেয়
 লজ্জা—মানি : কিন্তু দেখি বুদ্ধিতে আজিও
 শিশুবো কনিষ্ঠ তুমি । তাই আমি' আজ
 ত্রিভুবনাধীশ্বরের ছয়ারে—প্রাথিলে
 মাত্র ভূমি তিনপাদ !! ওই ক্ষুদ্র পদে
 যত ভূমি অধিকার করিবে ধীমান্,
 লক্ষ গুণ করো যদি—মিলিবে না তব
 এককের জীবিকার সঞ্চয় । অতিথি !
 শুন নাই বুঝি মোর দানের কাহিনী,—
 তাই কুষ্ঠা প্রার্থনায় ? আমার ছয়ারে
 একবার প্রার্থী যাহা পায় তার পরে
 হয় না সে আমার জীবনে কাহারো
 প্রসাদ-ভিখারী আর । হে অবিচক্ষণ !

অষ্টম স্কন্ধ

সুখে প্রাণধারণের তরে তুমি বত.

প্রয়োজন তব বলো : সে-বিস্তীর্ণ তুমি

দিব ব্রহ্মোত্তর আমি । কিহ্না যদি চাও

রাজ্যপদ—বলো : শুধু প্রার্থিও না আর

তুচ্ছ তিনপাদ তুমি শিশু-উচ্চারণে ।”

কহিল বামন : “সাধু, সাধু মহারাজ ।

রাখিও স্মরণে—আমি জানি কীতি তব ।

তুমি অদ্বিতীয় দানে—শিশুও যে জানে ।

কিন্তু মহারাজ, শোনো নাই কি তুমিও—

কামনার নাহি শাস্তি ? যাহা প্রয়োজন

তাহার অধিক তাই জিতেন্দ্রিয় কভু

নাহি চায় । জলতৃষ্ণা মিটে জলপানে,

কিন্তু কামনার তৃষ্ণা—সে যে লোল শিখা :

উপাদান হয় শুধু ইন্ধন সেধায়—*

যত পায় তত চায়, তত বাড়ে জ্বালা,

সুখ তো দুঃখের বন্ধু, নামাস্তর ভবে ।

আমার ভরণে যবে প্রয়োজন শুধু

ত্রিপাদ-ভূমির—বলো কী করিব আমি

তপস্বী—যাচিয়া ধন ললনা ললাম ?

বিশ্বের প্রার্থনা নহে কামনা-কাঙাল,

অসন্তোষ নহে তার মূল । বিপ্রাচার

নহে অসাধুর বৃত্তি । ভোগ কবে বলো

লক্ষ্য তার ? দেহও সে করে না কামনা

* অর্থঃ কামৈর্গতা নাস্তুঃ তৃষ্ণায়া ইতি নঃ প্রত্যয়ঃ (১৯ অ)

ভাগবতী কথা

বিলাসের তরে । ঝগরে করে সে লালন
 দেহরাজ্যে দেহাতীতে আনিতে আহ্বানি ।
 হেন দেহ তরে মোর প্রয়োজন প্রভু
 ত্রিপাদ ভূমির—তার অধিক চাহি না ।
 শুধু বীর, আছে এক নিবেদন মোর ।
 মানবের মন ক্ষণে ক্ষণে ওঠে রঙি'
 সংঘাতের আলোড়নে । আজ যাহা করি
 সংকল্প—হিমাদ্রিসম মনে হয় যারে,
 কাল দেখি সে দুর্বল বল্লীকের স্তূপ ।
 তাই করি' স্পর্শ পুণ্য যজ্ঞবারি দাও
 প্রতিজ্ঞা তিনবার—দিবে দিবে দিবে
 যত ভূমি ত্রিপাদে করিব অধিকার ।”

হাসিয়া কহিল বলি : “তবে তাই হোক,”
 চাহিয়া মহিষী পানে কহিল : “শুনিলে
 অবোধের অল্পরোধ ? কোথা যজ্ঞবারি ?
 আনো কাছে, স্পর্শ করি' করিব শপথ
 এক্ষণে—”

সহসা শুক্রাচার্য নিবারিয়া
 রাজ্যীরে, চমকি' সবে, কহিল বলিরে :
 “যত চাও করো ভূমি দান হে সরল
 মহাবীর !—শুধু হেন প্রতিজ্ঞা অদ্বুত
 করিয়ো না—শুন উপদেশ : ধ্যানে আমি
 জেনেছি—বামন নহে সামান্ত মানব,
 ছদ্মবেশী নারায়ণ তিনি—দেবমাতা

অষ্টম স্কন্ধ

অদ্বিতীয় গর্ভে লভি' জন্ম—তব দ্বারে
এসেছেন প্রাথিকরূপে দেবদ্বার্য তরে
হরিতে সর্বস্ব তব—জিনি' ছলনায়
ত্রিপাদে ত্রিলোক । করি' বিষ্ণুরে প্রদান
ত্রিভুবন—কোথা ভূমি করিবে রাজন্
অবস্থান ? কেমনে বা প্রতিশ্রুতি তব
রাখিবে—কোথায় পাবে অন্তঃসীন ভূমি
তৃতীয় চরণ তাঁর করিতে ধারণ
এক পাদে মত 'বাপি' অম্ব পাদে যবে
স্বর্গ বোম অধিকার করি' বিশ্বরূপ
ধরিবেন মূর্তি মহাকায় ? জ্ঞানী কভু
সে-দানের নাহি করে প্রশংসা ভূয়সী,
কলে যার জীব তার হারায় জীবিকা ।
আপনার তরে রাখি' তবে দান বিধি ।
কহে শাস্ত্র : 'ধর্ম অর্থ যশ কাম তথা
স্বজনপোষণ তরে রাখি' ধন—তবে
দাতা দান করিবে ধরায় ।' ”

কহে বলি :

“করিয়ান্দি উচ্চারণ একবার যবে
দিব দান—করি বা না করি অজীকার,
প্রতিশ্রুতি তারে জানি । বলে মোর মন :
কর্তব্য যাহারে জানি—উচ্চারণই তার
অজীকার । তাই কোরো ক্ষমা অন্তর্ধামী,
লংঘি যদি নিরাপদ উপদেশ তব—
অন্তর-নির্দেশে গুনি' স্বধর্ম-মাহাত্ম্য ।

ভাগবতী কথা

দাতার স্বধর্ম দুই : সত্য তথা দান ।
এ-মুগল ঐব সত্যে করিব কেমনে
কৃত্ত স্বার্থভয়ে দেব, আজি অবমান ?”

কহে শুক্রাচার্য : “মুঢ় ! সত্য বলো কারে
সত্য নহে আকাশের : মর্তেই তাহার
চির-বিবর্তন । সত্য—দেহ-বিটপির
পত্র ফল ফল—জানি, কিন্তু সে-তরুর
মূল ধ্বংস নয়—শুদ্ধ সত্য । মর্তধামে
বিশুদ্ধ সত্যের আশ্রয় ধরে না বিগ্রহ ।
জীবনের তলদেশে স্বার্থ ও বাসনা
আছে যবে সুপ্রচ্ছন্ন—কেমনে তেথায়
নিষ্কাম সত্যেরে প্রাণী করিয়া আশ্রয়
সুরক্ষিবে তার প্রাণবায়ু দেহাধারে ?
সর্ব বাসনারে করো উন্মূলিত যদি
তাগ-মোহে—দেহ-শাসী মুহূর্তে শুকাবে
রসোদ্দীপনা নাহি লভি’ মূলাধারে । *
প্রবীণ শাস্ত্রীরা তাই দিল এ-বিধান
যুগে যুগে—সামান্য মিথ্যায় নাহি দোষ ।
আরো এক কথা : যদি সর্বস্বদানের
করো হেথা অঙ্গীকার অঙ্গ অহংকারে,
সত্যং পুষ্পফলং বিজ্ঞাদাস্তবৃক্ষস্ত গীয়তে ।
বৃক্ষেহজীবতি তন্ন স্তাদনৃতং মূলমাশ্রয়ঃ ॥
তদ্যথা বৃক্ষ উন্মূলঃ শুশ্রূষ্যত্বতঃ কেচিরিহ ॥
এবং নষ্টানৃতঃ সত্য আত্মা শুশ্রূষ্য সশয় ॥ (১৯ অ)

অষ্টম স্কন্ধ

নির্যাতনের আছে প্রতাবায় । দান নহে
 শুধু নাট্যরঙ্গ—দীপ্ত পাদপ্রদীপের
 কণিক ঝলক নয়—জীবনলীলার
 সে সার্থক অঙ্গমাত্র ! একটি অঙ্গের
 বিকাশবাহুল্যে যথা নিত্য হয় হানি
 সুন্দর দেহের পূর্ণ কাস্তুর—তেমন
 সর্বস্ব-দানের অঙ্গীকার মহত্তর
 দেহধারণের সত্য করে প্রতিবাদ ।
 উচ্কাসের অতংকারে তাই যদি কেহ
 করে কড় উচ্চারণ—দিয়ে সব দান,—
 প্রত্যাশারে তার সত্যভঙ্গ নাহি হবে ।
 কোন্ সত্যে দান রহে বিশ্বস্ত—চিন্তিয়া
 দেখ ধীরমনে নরোত্তম !—যার নাট
 কিছুই জীবনে—দান করে না সে কড় ।
 সর্বস্ব বিলায় দানগর্বে যে—সে নহে
 প্রতিষ্ঠিত দান-সত্যে । সত্য নহে শুধু
 স্বাক্ষর-সর্বস্ব : প্রাণশুষমা সার্থে
 জড়িয়ে সে এ-দেহের অস্থিতে মজায়,
 ধমনীর রক্তদোলে, বুকের নিশ্বাসে ।
 সজ্জতির চাই রক্ষা সত্য-ব্রত তরে ।
 বিনা সে-সজ্জতি ব্রত হয় অর্থহীন
 ধরাতলে—অসম্ভব হয় কি সম্ভব
 শুধু নটভঙ্গিমায় ? দাতা ও অর্থীর
 না রহে প্রভেদ যদি—কে দিবে কাহারে ?
 স্বার্থতরে ভোগতরে করিব সঞ্চয়

ভাগবতী কথা

কেবল জীবনে—হেন টঙ্কার বেগন
 নহে ধর্ম-ধামুকীর—(সত্য-সত্যভেদ
 সেথা নাহি হয় বলি')—জানিও তেমনি
 'পরার্থের তরে দিয়া সর্বস্ব বিলায়ে
 হব ভিক্ষু'—এ-শপথো মন্ত্রসত্য নহে ।
 মিথ্যা বলি' মনে হয় যাহারে ধীমান,
 নহে অবিমিশ্র মিথ্যা ! কাব্যের পরম
 সত্য ঝঙ্কারিল ছন্দোবন্ধে বলি' কবে
 অছন্দের বাক্যালাপ দিয়েছে মনোবী
 বিসর্জন মিথ্যা জানি' ? আজো পঙ্কজিনী
 ফোটে না কি পঙ্কবুকে ? মিথ্যা যদি হ'ত
 হীনতা সর্বতোমুখী—রহিত কি ঘেরি'
 প্রাণের প্রবাল দ্বীপ সে সিদ্ধুর সম
 চিরদিন দেশে দেশে যুগে যুগান্তরে ?
 সর্বভাগ নহে সত্য—তাই সন্ন্যাসীও
 অগ্নের ভিখারি আজো গৃহীর দুয়ারে ।
 'মিথ্যা সাথে তিল সন্ধি করিব না'—হেন
 দগ্ধিত প্রতিজ্ঞা জপি' কে পারে করিতে
 গ্রহণ এ-দেহলোকে একটি নিশ্বাস ?
 তাই দিল বিধি শাস্ত্র : 'লবু পরিহাসে,
 প্রাণসঙ্কটের লয়ে, জীবিকার তরে,
 রমণীয়ে আনিতে স্বপ্নে, নির্দোষীর
 জীবন করিতে রক্ষা—মিথ্যাচার নহে
 নহে সত্যভঙ্গ ।' প্রণমিয়া আচার্যেরে
 কহিল বিনয় নৃত্য কণ্ঠে বলিরাজ :

অষ্টম স্কন্ধ

“তিরস্কার তব গুরু গণি চিরদিন
আশীর্বাদ । জানি—নাই শিষ্যের ধরায়
হিতার্থী গুরুর সম । বহুজ্ঞতা তব
স্বভাব-ভূষণ—জানি । অজ্ঞান-তিমিরে
জ্ঞাননেত্র তুমি বিনা কেবা উন্মীলিত
করিবে জীবনে ? তাই অতিথির গূঢ়
অভিপ্রায় উদ্‌ঘাটিলে স্বরূপ তাঁহার
প্রকাশি’ আমার কাছে । সত্য—ভাবি নাই
মহান্ অতিথি হেন ছলী চক্ৰী রূপে
আসিবে ছয়াতে মোর ত্রিপাদ-ভূমির
অর্থী হ’য়ে । কিন্তু তবু ক্ষমিও আমারে
মুনিবর—যুক্তি তব যদি মনে মোর
সত্যের অভ্রান্ত চির-আনন্দ-স্পন্দনে
নাহি বাজে । আমি দেখি—শাস্ত্র চিরদিন
কল্পতরু সম—যেথা যে-ফলার্থী চায়
যে-বিধান—পায় তারে বাঞ্ছিত স্বাদনে ।

“বাহিরের শাস্ত্র গুরু তাই আমি কভু
মানি নাই । আমি শুধু এক শাস্ত্র জানি :
অন্তরতলের গূঢ় অভ্রান্ত নির্দেশ ।
শাস্ত্র যবে যুক্তিজাল বুনে সাবধানে,
সে-জটিল কাঁটাবনে আজন্ম সরল
বলিষ্ঠ প্রতিভা মোর চলিতে না চায় ।
আজন্ম বিজ্ঞোত্তী আমি, উচ্চশির মোর
অব্যাহত অভ্রকামী—শাস্ত্র মন্দিরের

ভাগবতী কথা

সংকীর্ণ-নিষেধ-বিধি-বর-অভিশাপ-
তর্জন-গঙ্ঘিত কারাগারে, চাহি নাই
প্রবেশিতে কভু দীন, হেঁটমুণ্ড ভীরু
স্তাবকের সম । ভয় করি নি কাহারে
জীবনে—সে হোক ইন্দ্র, স্বয়ম্ভু, ধূর্জটি,
করাল কৃতাস্ত্র—তুমি জানো গুরুদেব
দাস্তিক শিষ্যেরে তব । আমি করি নতি
শুধু মহেশ্বরে আর অন্তরগহনে
বিরাজে যে বিভূ—নাম বিবেক ষাঁহার ।
শাস্ত্রের বিধান নহে অলঙ্ঘ্য জীবনে ।

“কে রচিল শাস্ত্র ?—শাস্ত্রী—আমারি মতন
মর্ত্যজীব ভ্রান্তিভরা : কেন তাঁহাদের
মানিব আমার সত্যসন্ধানের পথে—
আরো দেখি যবে যুগে যুগে রূপাস্তুর
লভে শাস্ত্রবিধি নিত্য যুগ-প্রয়োজনে ?
আচার-পদাঙ্ক অল্পসরি’ শাস্ত্র চলে
কিন্তু গুরুদেব, সত্য-সন্ধানের পথে
আচার দিশারি নহে—সে শুধু পঞ্জিকা
বিধি-নিষেধের—বহু ক্ষুদ্র মন হ’তে
উদ্ভব যাহার । তাই উদার মানব
শাস্ত্রদ্রোহী হ’য়ে তারে করি’ যুগে যুগে
তিরস্কার—চলে মহাসত্যের সন্ধানে ।
কিন্তু প্রভু তর্কে কী বা ফল ? নহি আমি
কথায় কুশলী : বীর, কর্মী, রাজা আমি ।

অষ্টম স্কন্ধ

বলিয়াছি—আমি শুধু জানি এক বেদ :
(মাতা তার—শ্রেয়োবুদ্ধি, বিবেক—জনক ।
রক্তে মোর উভয়ের শুনি পদধ্বনি)
সে আমারে বলে আমি স্বধর্মে সম্মত,
বীর-নীতি চিরদিন মোর পালনীয় ।
বলে সে—গভীর স্বনে—‘ভুলিও না কভু
কুলের আদর্শ তব ক্ষুদ্র স্বার্থ মোহে ।’
প্রহ্লাদ আমার পিতামহ গুরুদেব,
করিলেন তুচ্ছ যিনি প্রাণ বারবার
অস্তরের আশ্রয় মানি’, চাহিয়া কেবল
বিষ্ণু ভগবানে । বিরোচন মোর পিতা,
যিনি করিলেন তাঁর পরমায়ু দান—
দেবগণ এল যবে অর্থী হ’য়ে দ্বারে ।

“প্রাণ তুচ্ছ, আজ আছে কাল নাই হয় !
হেন প্রাণবৃন্তি তরে হারাব সত্যেরে—
লক্ষ্য যার চিরন্তন ?—ক্লম অপরাধ :
বলিয়াছি দিব দান যবে একবার,
পালিব তাহারে, পরিণাম যদি হয়
সর্বনাশ—নাহি ভরি । ডরি আমি শুধু
অধর্মের আচরণে—আর কারে নহে ।
মোর কাছে মূনিবর, অধর্মের আছে
শুধু এক মূর্তি—অসত্যের অভিসার ।
শৈশবে শুনেছি প্রভু—আজো বাজে কানে—

ভাগবতী কথা

পৃথীর ক্রন্দন সেই অসাজ-ঝঙ্কার : *
‘সর্ব ভার পারি আমি সহিতে বন্ধুধা,
শুধু মিথ্যাবাদি-ভার সহে না সতে না !’
মনে পড়ে আজো আলোকিত প্রাণদান
দখীচির হীন দেব তরে । মনে পড়ে :
চাহিল স্বয়ম্ভু যবে শিবিরাজ গৃহে
করিতে আহার তার তনয়ে—উদার
সেবাত্রতী শিবিরাজ পুত্রেরে বধিয়া
করিল পরিবেষণ অতিথিরে তার ।

“এ-ই রাজধর্ম দানধর্ম চিরন্তন,
যুগে যুগান্তরে যার নাহি রূপান্তর :
দান—দান—সর্বদান—প্রশ্নহীন দান,
পরিণাম-চিন্তা ছাড়ি’ নিতা পরতরে ।
হে মহর্ষি ! যুদ্ধে প্রাণ করে বলিদান
লক্ষ লক্ষ বীর : কয়জন করে দান *
সর্বস্ব অকুতোভয়ে ? আমি গণি তারে
বীরোত্তম—নিঃশঙ্কে যে পারে বিঘোষিতে :
‘কীতিতরে সত্যরক্ষাতরে পারি আমি

ন হৃদত্যাং পরোধর্ম ইতি হোবাচ ভুরিষম্ ।

সবং বোদ্ধুমলং নস্তে ঋতেহলীকপন্নং নরম্ ॥ (২০ অ)

স্বলভা বৃষি বিপ্রাধে হনিবৃত্তান্তনৃত্যজঃ ।

ন তথা তীর্থ আরাতে শ্রদ্ধয়া যে ধনত্যাগঃ ॥ (২০ অ)

অষ্টম স্কন্ধ

সর্বভাগ সহিতে হেলায় ।’ ”

রোষভরে

কহিল দানবাচার্য : “গণিলি পণ্ডিত
আপনারে—গুরুবাক্য অবহেলি’ মূঢ়
অবিনয়ী শাস্ত্রপরামুখতায়, তাই
গুরু তোরে দিল অভিশাপ—হবে তোর
লুপ্ত ত্রিভুবন-আধিপত্য চিরতরে,
রহিবে না ধরণীতে লক্ষ্মী তোর গৃহে ।”

চাহি’ অতিথির পানে কহিল ধীমান্
দৃঢ়কণ্ঠে পুনরায় : “নাহি ভয় তব ।
করিয়াছি উচ্চারণ যবে একবার—
‘তোমারে ত্রিপাদভূমি দিব দান’—মোর
হবে না অন্তথা সেই বচনের । তব—”
বলি’ মহিষীর পানে চাহিয়া সম্রাট্
কহিল প্রশান্তকণ্ঠে : “আনো সতী মোর
সমীপে যজ্ঞের বারি—কোনো কথা নহে ।”

তরু-তরু-হিয়া সাধবী পতির সকাশে
ধরিল ভ্রঙ্গার সাক্ষনেত্রে । স্পর্শ করি’
সে-পুণ্যসলিল বলি করিল ঘোষণা
জলদ-গন্তীর স্বরে :

“যোগী মুনি ঋষি

জায়া পুত্র কণ্ঠা বদ্ধ মন্ত্রী সভাসদ—
সর্ব সাক্ষী—করি আমি ত্রিসত্য-শপথ :

ভাগবতী কথা

দিব দিব দিব বিপ্রে ভূমি তিন পাদ
যদি সে-ত্রিপাদ বিস্তারিয়া এ-মায়াবী
করে মোর সর্বগ্রাস—তথাপি আমার
অঙ্গীকার রবে অবিচল । হে অতিথি !
স্বজন বান্ধব প্রিয় পরিজন চেয়ে,
বিশ্বে কীৰ্ত্তিপ্রতিষ্ঠার চেয়ে, যজ্ঞ যাগ
পূজা হোম অশ্বমেধ দিগ্বিজয় চেয়ে
সত্যের অমুমরণে প্রিয় মোর কাছে ।
নহে নাট্যরঙ্গ ইহা : সত্য মোর কাছে
নহে নিরুদ্দেশযাত্রা ছায়াতীর্থ তরে :
রক্তের স্পন্দনে তারে করি অমুভব
শিরায় শিরায়—সে যে আবেগচঞ্চল
জীবন্ত বিগ্রহ মোর প্রাণের মন্দিরে,
অষ্টৈত আরাধ্য—মূর্ত স্বপ্ন জাগরণে ।
জীবন তো গ্লান ভস্ম বিনা সত্যশিখা ।
নিয়োছি তাহার নাম রসনায় যবে
একবার—সাজহীন বন্ধুর তাহার
বাজিবে আমার প্রাণে—বাজে যথা বাঁশি
ব্রজগোপিকার কানে—যতক্ষণ তার
আহ্বানের পথে বাহিরিয়া অভিসারে
না হয় উধাও সতী—রহে না তাহার
জলে রস, স্থলে স্থিতি, নিশ্বাসে আরাম” ।

অষ্টম স্কন্ধ

উঠিল বাজিয়া ত্রিদিবে বাদিত :

আনক পণব মৃদঙ্গ শব্দ,

বাজিল মুরজ মুরলী সঘনে,

পুষ্পরষ্টি হ'ল বিনিশেধ

মহাপুণ্যলোক বলিরাজ-শিরে,

বাজিল অব্দ তন্দুভি মন্দি' :

“ত্রিভুবন দান করিল সম্রাট”—

ঘোষিল গঙ্ঘর্ব কিল্লর নন্দি' ।

“দেখেছি আমরা বীৰ্য বসুধায়,”

গাহিল সপ্তর্ষি, “দেখি নি নেত্রে

—হরণের তরে এল যে, তাহারে

করে সর্বদান ভোগের ক্ষেত্রে ।

দেখেছি অমৃত তরে প্রাণপাত,

যদ্বপাবরণ লভিতে সিদ্ধি,

কৃচ্ছ্রত দূর মোক্ষলাভ তরে,

আয়ু-বিসর্জন—যাচিয়া কীৰ্ত্তি ।

দেখি নাই—বিনা ইহ-পর-লোকে

পুরস্কার-আশা, প্রসাদ-প্রাপ্তি

অশঙ্কে যা আছে সর্ব বিসর্জন,

হেন মহিমার নাই সমাপ্তি ।”

বামনের ক্ষুদ্র দেহ লভি' কীৰ্ত্তি

হ'ল মহাকায় আশ্চর্যকান্তি !

এক পাদে তিনি ব্যাপিলেন মহী,

অন্যপাদে—অর্গ ! অগন-ভ্রাস্তি—

ভাগবতী কথা

সম মনে হয় সবার—যখন

লভিল সে-তম্বু প্রসার তূর্ণ :

দ্বিতীয় চরণে করি' অধিকার

জল স্থল অঙ্গি অনন্ত শূন্য !

নিরখিল বলি বিস্ময়ে—তঁাহার

চরণবিভঙ্গে ছলিছে মর্ত্য,

পদতলে—রসাতল, সুবিশাল

জঠরে উদ্ভাল সমুদ্রাবর্ত ।

বসনে সজ্জার গাঢ় চেলাকল,

নাভিতে অম্বর, লোচনে সূর্য,

কেশে কৃষ্ণমেঘ, বুদ্ধিতে স্বয়ম্ভু,

মূৰ্খায় স্বর্গের চিরমাধুর্য ।

দিবা ও শর্বরী আছে ঘেরি' তাঁর

মুগল গভীর নয়ন-পদ্ম,

ক্রান্তে নিষেধ-সংহিতা-নিচয়

অধরে লোভের বাহিনী লক্ষ ।

হৃদয়ে লোল কাম, নখে শিলা, রোমে

ওষধি, মোহিনী মায়া সুহাস্তে,

অস্ত্রে নদনদী, উন্নত ললাটে

ক্রোধ, বন্ধে রমা, অনল আন্তে ।

স্তনদ্বয়ে শোভে প্রিয় ও সত্য,

কণ্ঠে বজ্জারিত ধ্বনি ও মদ্র,

নাসায় পবন, কর্ণে দিগ্বলয়,

জঘনে অসুর, মানসে চন্দ্র ।

অষ্টম স্কন্ধ

ইন্দ্রিয়ে দেবতা ঋষিগণ, গাত্রে
প্রাণিসমারোহ, ছায়ায় মৃত্যু,
বাক্যে বেদছন্দ, জিহ্বায় বরুণ,
—মহাবিশ্বরূপ অপাপবিদ্ধ !

* * *

বলির সখা স্বজন সাধী আজ্ঞাবহ যত
স্তব্ধ হ'য়ে রহিল চেয়ে বিহ্বলের ম'ত ।
বামনদেব বিশ্বরূপ ধরিয়া মহাকার
আবরিলেন জল-স্থল-ব্যোম দ্বিপাদে তাঁর ।
তৃতীয় চরণের এখন কোথায় ঠাই হবে ?—
জিজ্ঞাসাও মৌন হ'ল ব্যাপ্তিবৈভবে !
বিষ্ণু-পারিষদ যাহারা স্বর্গে ছিল—ছুটি'
ধরায় আসি' ভক্তিভরে হরিচরণে লুটি'
ধরিল সংকীর্ণ-নৈর মহাজয়ধ্বনি ।
ব্রহ্মলোক হ'তে এলেন নামি' কমলযোনি
আপন ধামে দীপ্তিরবি সহসা দেখি' লান
হরিচরণ-নখশরীর উদ্ভাসে মহান্ ।
আসিল যত তাপস ঋষি স্বয়ম্ভু-সনাথ,
হরিচরণে উচ্ছ্বসিয়া করিল প্রণিপাত ।
মিলিত বন্দনে তাদের ভরিল ত্রিভুবন,
উদ্বেলিল দিব্বলয়ে সে-মহানিষন :
চতুরানন-কমণ্ডলু হ'তে উছল নীর
চরণ করি' প্রক্ষালন বিষ্ণুর—অধীর
মহাগগনগজাধারে ঝরিল কলুষাশ্র—
পরশে যার আজিও সব সন্তাপ জুড়ায় ।

ভাগবতী কথা

অনন্তর বামন দেহ সঙ্কুচিত করি'
মানবরূপ ধরিলে—তার আদেশ অনুসরি'
গরুড় যবে করিল বলিরাঞ্জে বন্ধন,
মৌন বলি দিল না বাধা, জাগিল ত্রন্দন
হাহাকার সে-সভার মাঝে । কৃতাজলি সতী
বিজ্ঞাবলি অভিমানিনী কহিল : “হে শ্রীপতি !
তোমারে বিনা-প্রশ্ন, সুখে, করিল সব দান
যে-মহাভাগ—তাহার কেন করো এ-অপমান ?
বীরহৃদয়ে সকলি সহে—সহে না শুধু হায়
মহাশয়ের হেন অহেতু দুর্গতি ধুলায় ।
জানিয়া অভিসন্ধি তব, গুরুর অভিশাপ
সহি' যে দিল সকলি প্রভু তোমারে—কোন পাপ-
প্রত্যবায় ঘটিল তার—অবোধ নারী আমি
বুঝিতে নাহি পারি—কেমন বিচার তব স্বামী ?”

কমল-করে ঝাঁপিয়া মুখ কাঁদিল মহারানী,
কাঁদিল সখী স্বজন সবে । শ্রীবলি অভিমানী
দগ্ধ সুরে বলিল : “রানী ! যোগ্য তব নহে
অসংযম—বীররমণী বীরেরই ম'ত সহে ।”

অশ্রুমুখী নীরব হ'ল । হাসিল রমাপতি :
“বীরের আজ দস্ত কোথা রহিল মহামতি !
যে যাহা চায় করিতে দান পারো এ-চরাচরে—
করিয়াছিলে অহংকার, মনে কি প্রভু পড়ে ?
বামন এক—কুদ্রুতম চরণতল যার,
তার ত্রিপাদ-পৃথ্বী দান করিতে যে-রাজার

অষ্টম স্কন্ধ

শক্তি নাই—সম্মানে কেন করে সে বিষোষণ :
তাহার কাছে সফল হয় সকল প্রার্থন ?
স্বিপাদে আমি করেছি ধরা স্বর্গ অধিকার,
রাখিবে বলো কেমনে তবু প্রতিজ্ঞা তোমার ?
হুসন্তিমানী ! দানের ছিল গর্ভ তব ঘোর,
প্রতিশ্রুতি-ভঙ্গ যবে করিলে—সুকঠোর
শাস্তি লও পাতিয়া মাথা—নরকে করো বাস
একাকী শতবর্ষ—ছাড়ি' রাজ্য, স্ত্রী, বিলাস ।”

* * *

শঙ্কাহীন দৃশ্যকণ্ঠে কহিল প্রবীর
বলিরাজ : “প্রভু, আমি প্রতিজ্ঞা আমার
করিব না ভঙ্গ কভু : তৃতীয় চরণ
রাখে শিরে মোর । আমি করি অঙ্গীকার :
যতদিন নাহি হবে মরণ-ঔষধারে
নিবল এ-শির মোর—ততদিন রবে
হ'য়ে তব পাদপীঠ সেবার বেদিকা ।
যে-উত্তম শীর্ষ চিরদিন ছিল নাথ
করাল ভুজঙ্গ-কণা সম—দেখে যারে
বজ্রধরও পেত ভয়—আজি হ'তে হোক
চরণ-বাহন তব ।”

রাখিল বামন

তৃতীয় চরণ নম্র শিরে দেবারির ।
সে-অপূর্ব দৃশ্য দেখি' ছায় জয়ধ্বনি
বিশাল মণ্ডপতলে কণ্ঠে সবাচার ।

ভাগবতী কথা

প্রিয়গরিজন-নেত্রে অশ্রুমুক্তা জ্বলে
কম্প দীপহ্রাতি সম গভীর বিস্ময়ে ।
মুহল গুঞ্জন ঋষিকণ্ঠে হয় ঙ্গত :
“কোন্ পথে নারায়ণ কারে দীক্ষাদান
করেন অচিন্ত্য ছলে—জানে কভু কেহ ?
হিমালয়-স্পর্শী ছিল দম্ভ যার—সেই
দেবদ্রোহী আনমিল তার দৃপ্ত শির
হেন ভক্তিভরে হরি-চরণের তলে !
অপ্রমেয় হে মহান, মহিমা তোমার !”

স্তব্ধ হ’লে সেই সম্মিলিত জয়ধ্বনি,
নিরুত্তাপ শাস্ত কণ্ঠে কহে দৈত্যাধিপ
(নবীন-স্পন্দনে ভরা, অশ্রুর আভাসে
গাঢ়—কিন্তু নাই চিহ্ন আত্মধিকারের) :
“দম্ভ মোর আছে দেব, তাই তো তোমারে
পেয়েছি অতিথিরূপে মোর দর্পহারী !
তিরস্কার তব আমি রাজ-প্রসাধন
সম বরি । জানি—আজ করেছ আমারে
পরাজয় বলে তব—দেখায়ে যে, বিনা
সমর্থন তব ভবে অস্থির সকলি
কম্পিত পল্লবে বিন্দু শিশিরের ম’ত,
এ-মুহূর্তে যে উচ্ছলে ধরিয়া অধরে
রবির চুসনস্বর্ণ—হায় পরাক্ষণে
লুটায় ধূলায় স্নান—পবন-ফুৎকারে !
গূর্বানু-লগনে ছিল যে নিখিলপতি

অষ্টম স্কন্ধ

মুনি-ঋষি-স্তুত—মধ্যাহ্নে তাহার কোথা
ঐশ্বৰ্যের চিহ্ন ?—আছে দীন ভিক্ষুকরো
যে-গতির স্বাধীনতা—নাই মোর আজ :
বরুণের পাশে বদ্ধ, লাঞ্ছিত, মলিন !”

স্তব্ধ হ’ল বলিরাজ—সভাস্থলে শুধু
নারীদের গুচ্ছ কন্দনের ধ্বনি আসে
ভেসে রহি’ রহি’—অশ্রুযুগ্মী বিদ্যাবলি
হৃহাতে ঢাকিয়া আঁখি রয়ে স্থির, শুধু
ক্ষণে ক্ষণে দেহলতা ওঠে কাঁপি’ কাঁপি’
রুদ্ধকণ্ঠ রোদনের ছুঁবার উচ্ছ্বাসে ।

* * *

নামায়ে চরণ হরি রাখিল ভক্তের
নয়নে নয়ন স্নিগ্ধ-সৌদামিনী-হ্রাতি ।
করুণায় অভিভূত কহিল শ্রীবলি
গভীর অশ্রুজল স্পন্দে : “কিন্তু তবু নাথ,
সত্যের মহিমা করো তুমিও দর্শন :
ছিল বলি’ সত্যনিষ্ঠ অস্তুর আমার
শ্রীচরণে তব আজ দিতে হ’ল দান
আমারে রাখিতে বন্দী । নহিলে এ-দেহ
হ’ত সমুচ্ছিন্ন সূর্যকরে নিকাসিত
অনিরোধ্য অসি সম ধাঁধিয়া দেবের
ভীক্ৰ নেত্র ।” বিদ্যাতের আভা পুনরায়
বলকিয়া ওঠে তার কল্পনায় হেন ।
পরক্ষণে গ্লান কণ্ঠে কহে সে শমিয়া

ভাগবতী কথা

আত্মরিক ক্রোধ তার : “কিন্তু তুমি বাধা
দিলে যবে ধরি’ তনু নব ছলনায়,
করিতে দেবেরে রক্ষা জন্মিলে ভূতলে,
হ’ল মোর পরাজয়—মানি। তবু মোর
বীর তনু বন্দী করি’ রাখিতে তোমারে
কোন মূল্য দিতে হ’ল প্রভু ? শ্রীচরণ
পড়িল বন্ধকী চিরতরে প্রতাদানে !”

চমকি’ উঠিল সবে রাজসুত, পার্শদ,
মুনি ঋষি পুরোহিত—বিচিত্র বর্ণনে !
নব গভীরতা-রেশ কণ্ঠে ওঠে বেজে
দেবারির। কহিল সে : “তবে দেখ নাথ,
এ কি পরাজয় মোর ? যে-চরণ তব
শিব-ব্রহ্মা-ইন্দ্র-আদি অমরবাঙ্কিত,
যে-চরণ সর্বতাপহারী, বরে যার
বিলাসে বৈরাগ্য ছায়, যার আকিঞ্চনে
বিশ্বপতি ভস্ম মাখি’ শ্মশানবিহারী
হয় যুগে যুগে, শুধু নহে যোগিমুনি,
যে-চরণ তরে তব প্রেমিক সন্ন্যাসী
সুখ-বিসর্জন খোঁজে প্রেম-স্পর্শমণি,
অঙ্কুরের ছরাশায় ছাড়ি’ ঐব ভোগ,—
এ-হেন চরণ নাথ পেয়েছি-যে আজ
বিনা আরাধনে—এ কি সত্য পরাজয় ?

পুনরায় দীপ্ত প্রত্যয়ের সুর ওঠে
বাজিয়া সঘনে কণ্ঠে তার, কহে বলি :

অষ্টম স্কন্ধ

“শুধু জানি হে মায়াবী, অন্তরে আমার
যে-কৃপা পেয়েছি তব, প্রস্তুতিতে তার
অলক্ষ্যে তুমিই দীক্ষা দিয়েছ আমারে
আশৈশব—কীৰ্ত্তি-বীৰ্য-দান-যশোমুখী ।
সত্য, চিনি নাই আমি তারে দীক্ষা বলি’,
ঘোষিয়াছি : ‘বীৰ্য শক্তি—আমার, আমার ।’
তবু অভিমান মাঝে করেছ আমারে
তুমিই অনলব্রতী—তাই মুখে আমি
লভি নাই তৃপ্তি—সান্ত্ব যাহা কিছু ভবে,
গনি নাই গণ্য কভু । তুমি জানো প্রভু,
মুখ তরে প্রার্থি নাই সাত্বজ্য স্বর্গের ।
কীৰ্ত্তি মোর চির-স্বপ্ন : চেয়েছি জীবনে
চিরদিন সেই ঋদ্ধি—অন্ত নাহি যার ।
কনকের আছে ক্লান্তি, ইন্দ্রিয়ভোগের
আছে অবসাদ, নারীলাবণ্যের আছে
বিস্ময়ের অন্ত, যৌবনের অবসানে
লালসারে মনে হয় ম্লান দৈনন্দিন :
শুধু জগন্নাথ, এই জগতে তোমার
কীৰ্ত্তির প্রসার দীপ্তি সমাপ্তি-বিহীন ।
তাই প্রভু চিরদিন কীৰ্ত্তি তরে মোর
অন্তর বৈরাগী । দেবগণ কেন পাবে
অমৃত তোমার—যারা নহে কীৰ্ত্তিমান্ ?”

নয়নে জলিয়া পুন উঠিল বলির
ক্রোধের বলক—জ্বালাময় উচ্চারণে

ভাগবতী কথা

কহিল অথর দর্শি, ক্ষোভে : “শোনো ঐ
স্বর্গে দেব-জয়ধ্বনি—মোর পরাজয়ে !
লজ্জা নাই দেবতার ! তোমাতে আপনি
নরজন্ম হ’ল ভবে করিতে গ্রহণ
তাহাদের অকীর্তির শ্লান রাজধানী
তাদের কিরায়ে দিতে ! অশুর চাহে নি
কভু হেন সুখভোগ—যেথায় তাহার
নাই বিক্রমের অধিকার । পলাতক
কেরু সম ভীকু যারা সিংহ-আবির্ভাবে,
অহর্নিশ করে ভয়—শুধু দম্বজেরে
নয় হায়—প্রতি মহাতপস্বীরে, পাছে
তপস্শায় জিনিয়া সে লয় তাহাদের
কীতিহীন অধিকারহীন রাজধানী !—
পাঠায়ে অঙ্গরা চায় তপোভঙ্গ তার
করিতে বাহারা লজ্জাহীন !—যোগাতায়
পারে না রাখিতে যারে—চায় স্বচ্ছহীন
সে-ভোগের অমরতা—ধিক্ শতবার
সে-দেবদে ! তবু—”

তার কণ্ঠে অভিমান
উঠে কাঁপি : “হেন প্রাণী, লভি’ নারায়ণ,
শুধু তব সমর্থন—সমুজ্জ-মস্থনে
লভিল অমৃত—যারে বীরদে অর্জন
করিতে অক্ষম—তারে শুধু তব বলে
আত্মসাৎ করি’ হেয় প্রাণ আপনার
করিল অমর । তাই প্রভিজ্ঞা আমার

অষ্টম স্কন্ধ

ছিল : আমি দেবগণে দেখাষ—কেবল
 আপনার বীর্যবলে, দান-কীৰ্ত্তি-বলে,
 অমৃত-বিকৃত জীবও অমৃত-হুলালে
 লাঙ্ঘিয়া সমরে পারে জিনিতে ত্রিলোকে
 পদ অধিতীয় । তাই দানব-কেশরী
 মোর ভয়ে দেবগণ শৃঙ্গালের সম
 সূক্ষ্মদেহে বায়ুলীন হ'ল কামরূপী ।
 আজি তারা সিংহনাদ করে স্বর্গপুরে !
 যারা লঙ্কাহীন নাথ কে পারে তাদের
 লঙ্কা দিতে ? ছলনার পোরোহিত্যে তব
 যে-ত্রিদিব পেল ফিরে—সেথা করে তারা
 নৃত্য গীত সোমপান ! প্রাণিধান যারা
 করিতে পারে না আজো—কেন মানে হার
 বার বার হুঁদৈবের হাতে—করে তারা
 কেমনে ঘোষণা বজ্রা দেবত্ব তাদের !
 সত্য যদি দেব তারা—শুনিল না আজো
 কেন দৈববাণী তব—তুমি তপস্কার,
 আর কারো নও ? যারা নিল দেব-নাম
 নামের প্রণামী চায় কেন—না অজিয়া
 দেবত্ব-পদবী ? শিখিল না কেন
 সংবরের বাণী আনন্দের অভিধানে ?
 দেখিতে চায় না কেন মুক্ত বীর্যহারী
 বিলাসিনী-জার-দল—বিনা মহেশ্বর
 আরোহিনী শুধু ভোগ আনে রসাতলে ?
 দানে ভ্রতে যজ্ঞে ত্যাগে প্রাণের তর্পণ ।

ভাগবতী কথা

দৈত্য নহে হীন সৃষ্টি—তাই বার বার
দেবতারে বিভাড়িত করে শৌৰ্যবলে।”

সহসা নয়নে তার অগ্নি আসে নিভি’,
কঠে বেজে ওঠে নব মিড় বেদনার,
কহে বলি রাখি’ নেত্র হরির নয়নে :
“ক্ষমিও আমারে দেব, হেন বিফারিত
অভিমান-প্রগল্ভতা। জেনেছি আজিকে
কীতির অস্তিম দীপ্তি নাই অভিমানে,
গর্বে নাই চিরজীবী সার্থক বিলাস।
কতটুকু তৃপ্তি গর্বে ? চরিতার্থ প্রাণ
কবে হয় অহঙ্কারে ? কীতির পরম
বৈকুণ্ঠ পায় না কেহ বিনা তব শুভ
সম্মতি—জেনেছি আন্ত। তবু হে শ্রীপতি,
কীতিও বিভূতি তব—নহিলে সে কভু
লভিত না সমর্থন তোমার নিয়ত
অশ্বুরেরো সাধনায়। তার হৃদ্যকারে
কোথাও ঝঙ্কার তব বাজে—তাই আজো
হয় নি সে ঝঙ্ককণ্ঠ। তোমার সত্যের
রেণুও যেথায় নাই—নাই যেথা তব
অণু-অল্পমতি—নাই নাই সে কোথাও।
বিলুু কাঁপে ক্ষণতরে—তারপরে যায়
শূন্যে—তবুও আজো জ্বলে যে ধরায়
খণ্ড মুহূর্তের বৃকে—কেন ?—তবু তব
সিদ্ধ তার বৃকে আছে লুকায়ে বলিয়া

অষ্টম স্কন্ধ

যা কিছু মহৎ এই জীবনলীলার
ফুলিজের কণা হ'তে ব্যাপ্ত নৌহারিকা
জুড়িয়া যা কিছু জলে প্রদীপ্ত ভাস্বর,
নিমেষে নিলীন হ'ত না কি—যদি নাথ,
তুমি না জ্বলিতে সেথা প্রসন্ন দীপনে ?
কীর্তিরে উচ্চাশী তাই করে আকিঞ্চন
অনন্ত অকুতোভয়ে—শিল্পে, বীর্যে, ত্যাগে :
তামসের অকীর্তির নীরন্ধু গহ্বর
হ'তে কীর্তি হয় উদারের আরোহিণী ।
কীর্তির ক্ষুধার নাই অবধি—সেথায়
অসীমের আবিষ্কার নিরবধি বলি' ।
তাই যুগে যুগে মোরা কীর্তি-সাধনায়
তোমারেই সাধি প্রতি উর্ধ্ব-অভিসারে ।
'তুমি বিনা কোথা কীর্তি ?'—এ-প্রশ্নও নাথ
জাগে—যবে লভে প্রাণ পাষিবে কীর্তির
তুঙ্গতম অত্রচূড়া—দেখে সে যখন :
মৃত্তিকার আছে শেষ, নাই নীলিমার ।

“আজি তুমি মহাকায় ধরিয়া ভূমন,
কীর্তির বৈষ্ণব বিভা-উদ্ভাসে দেখালে :
পারে না জিনিতে দৰ্প কীর্তির শিখর—
বামন দীনতা মাঝে শুধু কীর্তি পায়
ব্যাপ্ততম বিকাশের পরম সন্ধান !
তাই বলি—নহি আমি আজিও নিজিত
আপনি আসিলে যবে ধরি' মরতমু

ভাগবতী কথা

কীর্তির ছায়ায় মোর—আপন কীর্তির
পরম প্রোঙ্কলতায় দীক্ষা দিতে মোরে
তোমার অমরলোকে—মর কীর্তি যেথা
চিরমান। লভিলাম তাই ভক্তাধীন,
ভুবনে চরম কীর্তি—যবে তুমি আজি
তৃতীয় চরণ তব রাখি' এই শিরে
হ'লে মোর চিরবন্দী—আমারে অধীনে
রাখিতে—আপনি প্রেমে মানিলে আমার
অধীনতা, ছলী, মোরে করিতে তোমার
দাস বাঁধা রেখে শ্রীচরণ।

নমো নমো

হে মহাকরুণাপতি ! এ কী লীলা জ্যোতি
উদ্ভাসিলে চক্ষু মোর হেন আবির্ভাবে !
কোথা আমি হীন দৈত্য ক্লিন্ন পঙ্কময়,
কোথা তুমি দেবদেব অবস্ত পঙ্কজ !
তবু, হেন-তুমি-হরি—এ-ব্রহ্মাণ্ড যার
অগ্নিমা ইচ্ছার সিদ্ধি—আসিলে আমারি
সিংহাসনে বামনের অকিঞ্চন বেশে—
উদ্ভাটিতে দীনতার অপার মহিমা,
দেখাতে—তোমার ক্রোধ শুধু অনুগ্রহ
ছদ্মবেশে ! হে অকল্পনীয় কামরূপ,
জ্যোতি যার কৃপাঘন প্রকাশ-প্রতীক,
অতলের মাঝে লীন শিখর-গরিমা
করে যে প্রযুক্ত তার বামন-লীলায়,
নরকে-নন্দনে যার দৃষ্টি সমস্নেহ,

অষ্টম স্কন্ধ

বিন্দুবুকে রাখে বন্দী যে সিদ্ধবিন্দয়
তারে কে চিনিতে পারে—যদি সে আপান
নাহি দেয় অর্চিস্তুত পরিচয় তার !
তাই আজি অভিমানী অশ্বরের দ্বারে
আসি' প্রার্থী হ'য়ে বৃষি দেখালে তোমার
এ-নবলীলায়—করুণার ভাষা তব
নহে মর্ত্য মানসের অধিগত দেব !
বৃষালে কি এ-বিচিত্র অভ্যুদয়ে তব
করুণা তোমার নহে যোগাতা-বিচারী ?—
যে-জন শ্রীহীন অন্ধ প্রেমপরান্বিত
সেই জানে করুণার গুহ্য গাঢ়তম ।
পাতালে মুমূর্ষু যবে—হেরি চমকিয়া
অভ্রচূষী অমরগী মৃতি আপনার
ছাড়িয়া এসেছি যারে হ্রস্বভিনানের
আত্মঘাতী রসাতল-বুড়ুফায় !—যারে
ফিরায়েছি অন্ধ মোহে—সে নহে বিমুখ,
ভ্রাস্তি মাঝে দেয় নবদর্শন কাস্তির
মহান্ মহিমময় !—হেন করুণার
কতটুকু দেখে হায় দীনদৃষ্টি ঐশি—
নিত্য মরীচিকাবুকে দেখে যে সরসী !
এ-ছলে দেখালে নাথ—ভ্রম বলি যারে,
প্রবর্তনে যার নামি সুখালোক হ'তে
অজ্ঞাতে গরলকুণ্ডে—তারো সার্থকতা
আছে বলি' ভ্রম আজো আছে—বিকাশের
অনন্ত পথের লভি অসঙ্গ ইঙ্গিত

ভাগবতা কথা

তার অন্ধকূপে । তুমি দেখাও ভুবনে
 যুগে যুগে—অস্বীকার-মর্মেও বিরাজে
 দীপ্ত অস্বীকার, নরকেরো অভিজ্ঞতা
 নহে পূর্ণব্যাৰ্থ কভু । যা-কিছু জীবনে
 আসে উপলব্ধি হ'য়ে—সেথা তুমি তব
 কোনো সত্যকণা করো প্রযুক্ত—মহান্
 লীলায় তোমার : যার দিশা মর্ত্য আঁখি
 কভু নাহি পায় । তাই যে চায় অসীমে,
 গুলে যে রহে না তৃপ্ত—তার অশান্তির,
 বিদ্রোহের, জিহ্বাংসারো ব্যাপ্তিবুকে তুমি
 মূর্তি ধরো নারায়ণ, সমাপ্তি-বহীন !
 নহিলে কি স্বৈরাচারী উচ্চণ্ড দানবো
 নম্রকণা হ'ত প্রেমে তব ?

রাখো নাথ,

শ্রীচরণ শিরে মোর—নয়ন-সলিলে
 শিখাও আজিকে অভিসিদ্ধিতে তাহারে ।
 অতীতের দৰ্প, গৰ্ব, কীৰ্ত্তি হোক স্নান
 প্রস্ফুটান আশ্রয়-কীৰ্ত্তির কিরণে ।
 কারে বলি কীৰ্ত্তি ?—যাহা তুঙ্গ, ছুরারোহ
 অভিমান-সাধনায় আছে কীৰ্ত্তি, তবু
 সাধ্য তাহা সাধনায় : যেমনি তাহার
 হোক না সপিল পথ, চিনি তার বাধা,
 সহায়, নিষেধ, সিদ্ধি । কে চিনেছে তব
 করুণার পরা মূর্তি ?—যে নিরতিমান ।
 গরিষ্ঠ যে-জ্ঞান, ব্যাপ্তি, আনন্দ, প্রত্যয়

অষ্টম স্কন্ধ

—তার উপলক্ষি শুধু মিলে করুণায়,
 তারে পাওয়া যায় শুধু—(যাহা সব চেয়ে
 ছরায়ন্ত ছরানীর)—অভিমানহীন,
 প্রসন্নহীন, দ্বিধাহীন, আত্মনিবেদনে ।
 ছদ্মবেশী আবির্ভাবে দিলে হরি মোরে
 সেই নিবেদনদোক্ষা—বিক্রোহেরে মোর
 রূপান্তরিয়। প্রণিপাতে । মোর দৃঢ়
 অপ্রেমেরে প্রেমতীর্থ-মুখে তব নিতে
 নিরভিমানীর বেশ দিলে দেখা—এলে
 বামনের রূপ ধরি' ওগো মহাকায়,
 দেখাতে : করুণা তব চায় দীন হ'তে—
 মহিমারি মন্তসিদ্ধি তরে । নাথ, আমি
 লভেছি উজ্জ্বল কীতি যত এ-জীবনে,
 দানে, ত্রুতে, যাগ-যজ্ঞে, রাজ-সমারোহে,
 পরাজয়-পরে দৌণ্ডতর অভ্যুদয়ে,
 সব আজি বিনিশ্চত এ-কীতির পাশে ;
 ত্রিভুবনেশ্বর দৈত্য যাচিল যখন
 দান-সত্য-ত্রুতে নারায়ণের চরণে
 সূচির প্রণাম নত্মশিরে স্ব-ইচ্ছায় ।”

কহিল বামন হাসি' অনিন্দ্যাসুন্দর
 ত্রীকরে করিয়া তার শৃঙ্খলমোচন,
 রাখিয়া: কমলকর নবশিষ্ট-শিরে :
 “লভিলে আজিকে বহু তৃতীয় নয়ন
 স্বেচ্ছাত্রুতী স্মহান্ আশ্বদানে তব,

ভাগবতী কথা

জিনিলে উদ্ভূত কীৰ্তি-চূড়া, লাঞ্জন্য
অতল গহ্বর হ'তে নিরখি' আমার
চুনিরীক্ষা বিশ্বরূপ অনন্ত-সঞ্চারী ।
তাই ওগো কীৰ্তিমান, লভিলে অক্ষয়
কীৰ্তি—মোরে সত্যরক্ষাতরে করি' দান
ত্রিভুবন : গুরুবাণী করিয়া লংঘন,
জানিয়া আসন্ন সর্বনাশ—তবু তুমি
অচল-প্রতিজ্ঞা-চূড়ে রহিলে অটল
অটুট—জানিয়া তব আসন্ন পতন
নিরানন্দ লাঞ্জন্য গহন গহ্বরে :
বরিয়া গুরুর শাপ, সতি' মহিষীর
করণ ক্রন্দন বীর, অক্ৰবের তরে
স্বৈচ্ছায় শক্তিরে তব করিলে নিয়োগ
দ্বিধাহীন দানের সাধনে । যে-অতিথি
অনাশ্রয়, গুরুমুখে জানিয়া তাহার
দেবদৌতা, হ'য়ে দেবদ্রোহী, তবু তুমি
মূহূর্তে নিশেধচিন্তে করিলে প্রদান
ত্রিলোক-সাম্রাজ্য—যাহা বহু বীর্যবলে
করেছিলে আহরণ বহু বর্ষ ধরি' ।
শৃঙ্খলিত হ'য়ে তবু প্রণমিলে তারে
ছলে যে করিল তব সর্বস্বহরণ ।
ছিলে দৈত্যরাজ—আজি হ'তে পোলে নাম
ত্যাগিরাজ চিরতরে । হারাবে চঞ্চল
কীৰ্তির সাম্রাজ্য পোলে অচঞ্চল প্রেমে
দীক্ষা । ত্রিভুবন ভয় করিত যাহারে

অষ্টম স্কন্ধ

আজি হ'তে তার পুণ্য চিরঞ্জীবী নাম
দেবে বরাভয় সবে । জয়মালা যার
হুলিত প্রদীপ্ত কণ্ঠে—হুলিবে সেথায়
বৈকুণ্ঠের বৈজয়ন্তী মাল। অপরূপ
গাঁথা প্রেম-পারিজাতে অম্লান-সুরভি ।”

কহিল কোমল কণ্ঠে ক্ষণ পরে দেব
নারায়ণ প্রেমে ধরি' মৃতি চতুর্ভুজ :
“হরি মোর নাম বন্ধু, করি বলি' গ্রাস
সর্বমোহ, সিংহসম ক্রোধরূপী প্রেমে ।
বন্ধন-লজ্জায় আজি বাঁধিলু তোমারে
দেখাতে মুক্তির পন্থা । বন্ধু, চিরদিন
ভক্তেরে আমার করি নিঃশ্ব—তুংখানলে
দহিয়া মালিন্য তার তিলে তিলে, তারে
বিশ্বাতীত বিশ্ব দান করিতে মরতে । *
ধরি রুদ্ররূপ—বিনাশিতে কামনার
নায়াছল । ক্রোধ শুধু প্রসাদ আমার
ছদ্মবেশে, অভিষাপ—প্রেমবরদান ।
নহিলে কি তুমি বীর, প্রগতি-দীক্ষার
চিনিতে মহিমা কভু—তাজিয়া নিমেষে
উগ্রতার তাপ, বরি' অশ্রু-সুকোমল
প্রশ্নহীন আশ্বাদানে ? দিতে কভু ঝাঁপ
কীতির শিখর হ'তে অকীর্তি-গহ্বরে ?

* ব্রহ্মন যমহুগৃহ্মামি তদ্বিশো বিধুনোম্যাহম্ । (২২অ)

ভাগবতী কথা

এ-লীলা চাহিমু আমি—মোর করুণার
অচিস্তিত ছবি এক অন্ধিতে তোমার
অভিমানী দানশীলতার দীপ্ত পটে ।
আজিকে তোমাতে বর দিমু মহাভাগ :
সাবর্ণি মধুসূতরের ইন্দ্র হবে তুমি ।
যতদিন সেই মধুসূতর নাহি আসে,
করো বাস বিশ্বকর্মা-নির্মিত স্মৃতলে,
দেবেরো বাহিত লোকে । তোমাতে সেথায়
স্বজন মহিবী মিত্র প্রজাগণ সহ
রক্ষিব আপনি আমি । নিয়ত আমরা
দেখিবে তোমার বঙ্কু, অন্তর মন্দিরে
অন্তর্যামী সখা গুরু । হবে মুক্ত তুমি
আশুরী প্রকৃতি হ'তে প্রভাবে আমার ।
তোমার দীক্ষার এই অপূর্ব কাহিনী,
বিদ্রোহের রূপান্তর—ভাগবত প্রেমে,
জলিবে ভক্তের হৃদে অবিস্মরণীয়
আদর্শ-আলেখ্য হ'য়ে, ঘোষি'—করুণার
একই সূত্রে বাঁধি আমি নিত্যনব রূপে
স্বর্গ-মর্ত্য-রসাতলে, দেবতা-দানবে ।

নবম স্কন্ধ

ইস ইস কাস্ত ন পাইয়া, জিন পায়্য তিন রোয় ।
হাঁসী খেলে পিউ মিলেঁ, তো কোন ছুহাগিনি হোয় ॥

সব ধরতী কাগদ করুঁ, লেখনি সব বনরায় ।
সাত সমুন্দকী মসী করুঁ, গুরু গুন লিখা ন জায় ॥

মিলে না কাস্তে হাসির মেলায়, কান্নায় মিলে শুধু
সাধ করে হ'ত ছুখিনী সে কে সুখে দেখা দিলে ঝুঁ ?

ধরিত্রী যদি হয় পত্রিকা, লেখনী—বেগুর বন,
সাত সমুদ্র হয় মসী—গুরুগুণ না যায় লিখন

—কবীর

ভাগবতী কথা

অম্বরীষের অভিজ্ঞান :

স বৈ মনঃ কৃষ্ণপদারবিন্দয়োর্বচাংসি বৈকুণ্ঠগামুর্বর্গনে ।
করৌ হরের্মন্দিরমার্জনাদিষু শ্রুতিং চকারাচ্যুত সংকথোদয়ে
মুকুন্দলিঙ্গালয়দর্শনে দৃশৌ তদ্ভূত্যাগাত্রস্পর্শেহঙ্গসঙ্গমম্ ।
ঘ্রাণক তৎপাদসরোজসৌরভে শ্রীমন্তুলস্তা রসনাং তদপিভে ॥
(৪।১৮,১৯)

দুর্বাসার প্রতি নারায়ণের উক্তি (অম্বরীষ প্রসঙ্গে) :

অহং ভক্তপরাধীনো হৃদয়তত্ত্ব ইব দ্বিজ ।
সাধুভির্গ্রাস্তহৃদয়ো ভক্তৈর্ভক্তজনপ্রিয়ঃ ॥
নাহমাত্মানমাশাসে মদ্বক্তৈঃ সাধুভির্বিনা ।
শ্রিয়ক্ষাতাস্তিকৌ ত্রস্কান্ যেষাং গতিরহং পরা ॥
যে দারাগারপুত্রাপ্তপ্রাণান্ বিস্তমিৎ পরম্ ।
হিষ্টা মাং শরণং যাতাঃ কথং তাংস্তাকু মুৎসহে ॥
ময়ি নির্বন্ধহৃদয়াঃ সাধবঃ সমদর্শনাঃ ।
বশে কুর্বন্তি মাং ভক্ত্যা সংজিয়ঃ সংপতিং যথা ॥
সাধবো হৃদয়ং নহং সাধুনাং হৃদয়স্বহম্ ।
মদন্তস্তে ন জানন্তি নাহং তেভ্যো মনাগপি ॥
সাধু প্রহিতং তেজঃ প্রহতুঃ কুরুতেহশিবম্ ।
তপো বিদ্যা চ বিপ্রাণাং নিঃশ্রেয়সকরে উভে ।
তে এব দুর্বিনীতস্ত কল্পতে কতুঁরন্থথা ॥ (৪।৬৩-৬৬,৬৮,৭০)

অম্বরীষকে দুর্বাসার অনুতাপোক্তি :

দুষ্করঃ কো হু সাধুনাং দৃষ্ট্যজো বা মহাত্মনাম্ ।
যৈঃ সংগৃহীতো ভগবান্ সাধ্বতায়ুষভো হরিঃ ॥ (৫।১৫)

ভক্তাধীন

বৈবস্বত ঈশমুখর তনয় নাভাগ ছিল ধর্মভীরু রাজা পুণাশীল,
 পুত্র তার স্নিগ্ধ প্রাতঃস্মরণীয় অস্বরীষ, চরিত্রে মহান্ অনাবিল,
 ধর্মের ধারক, নিতাপ্রতিষ্ঠিত বৈষ্ণবের দান ধান ব্রত-আচরণে,
 নিশিদিন ছিল যার মন লিপ্ত নারায়ণে নর্মে কর্মে শয়নে স্বপনে,
 সপ্তদ্বীপা ধরিত্রীর সম্রাট সে হ'য়ে তবু সম্পদেদের জানিয়া নশ্বর
 বাসনার বিসর্জনে অনিন্দ্য নিরভিমাণে কৃষ্ণভক্তি সাধি' নিরন্তর
 লভিল ঈশগবানে অন্তরের অন্তর্যামী, সর্বজনে সমমৈত্রীপ্ৰীতি,
 ফলে যার বিশ্বধন গণিল ধুলার সম কেশবের সে-ধন্য অতিথি ।
 'মন সে অপিল শুধু কৃষ্ণের চরণে—কণ্ঠে তাঁরি গান গাহিয়া নিয়ত
 কর ছিল রত শুধু কৃষ্ণের সেবায় নিত্য অকুণ্ঠিত, অজ্রাস্ত, জাগ্রত ।
 শ্রবণ করিত পান তাঁরি কীৰ্ত্তি-কাহিনীর অমৃত-আসার বিমোহন,
 নয়ন দেখিত দীনতম জনে আবির্ভাব দীনবান্ধবের অনুকরণ ।
 চাহিত আনন্দে শির প্রণাম বৈষ্ণব-পায়, ঘ্রাণ শুধু যাচিত সুবাস
 বিগ্রহ-চরণাঞ্জিত তুলসীর, রসনার ছিল শুধু প্রসাদের আশ ।
 চরণ চঞ্চল ছিল তীর্থ হ'তে তীর্থান্তরে ঈনিবাস-নিবাসে চিন্ময়,
 কামনা নির্মালা সম হ'য়ে কৃষ্ণ-নিবেদিত, কামনার সাধিত বিলয় ।
 নির্ভায় নিটোল ছিল দৈনন্দিন আত্মদান, সর্ব কর্ম করি' সমর্পণ
 পদ্মনাভ নারায়ণে ব্রাহ্মণের মন্ত্রণায় করিত সে পৃথিবী-পালন ।
 অমূল্য বহুবল মহাযজ্ঞেশ্বর ভূপ আরাধনা সাধি' ঈশরির,
 ধীরে ধীরে জায়া-সুভ-ধন-জন-যশোমানে লভিল বৈরাগ্য স্নগভীর !

ভাগবতী কথা

ভক্তাধীন ভগবান ভক্তেরে রক্ষিতে দিল আশ্রয় সুদর্শন-চক্রে তার :
অলঙ্কিত বিষ্ণুচক্র রহিত রাজার কাছে নিবারি' অন্তঃ অনিবার ।

* *
*

* *
*

ভক্তিমতী মহিষীর সাথে বর্ষকাল সাধি' ছাদশীর ব্রত, মহাপ্রাণ
ব্রতাস্ত্রে ত্রিরাত্রি করি' উপবাস যথাবিধি কালিন্দীর নীরে করি' স্নান
মধুবনে মাধবের করিয়া অর্চনা, কোটি গাভী দান দিয়া অভাজনে,
অন্নপানে বহু বিপ্রে তুষি' রাজা পারণের তরে যবে আসীন আসনে,—
আচম্বিতে মহামুনি দুর্বাসার আবির্ভাব ! অন্ন ছাড়ি' নমিয়া তাঁহারে
নিমন্ত্রিল উপবাসী আতিথ্য স্বীকার তার করিতে মুনিরে বারে বারে ।

“সাধু সাধু,” কহে মুনি. “শুধু তিষ্ঠ ক্রমকাল, আসি আমি যমুনার নীরে
স্নান জপ সমাপিয়া—এখনি আসিব,” বলি' করিল প্রয়াণ নদীতীরে ।

* * *

উত্তীর্ণ ছাদশী তিথি হয় প্রায়, মহামুনি আসে না ফিরিয়া তবু হয় !
শুখালো ঋতিকে রাজা বিধেয় কী আচরণ নাহি যেথা লেশ প্রত্যবায় ।
ছাদশীর পরে নাহি আহার—অতিথি কবে ফিরিবে কেহই নাহি জানে :
চিন্তিয়া কহিল স্মার্ত : “শুধু জলপানে নাহি তিলদোষ, স্মৃতির বিধানে
ভোজন ও অভোজন বিকল্পে সলিলপান—শাস্ত্রে কহে,” শুদ্ধ ব্রতচারী
নৃপতি করিল পান শুধু জল । ক্রমপরে মুনি আসি' ক্রোধে হুহুকারি'
কহিল : “রে দুবিনীত ! লুকসম অতিথির পূর্বে তুই করিলি ভোজন !
রাজ্য-মদমত্ত, তোর এ-পাপের শাস্তি শুধু বিপ্ররোষে অকাল-মরণ ।”
বলি' জটাই'তে বেণী এক করি' ছিন্ন, মুনি স্মজিল মারক লহমায় ;
খজাধারী সে-রাক্ষস আসে খেয়ে হুহুকারি', দেখি' ত্রাসে সকলে পলায়,

নবম স্কন্ধ

প্রতিহারী দাসদাসী প্রিয়পরিজন, রাজরাসী নারীগণ মুরছায়,
বিহারে-সংহারে সমজ্ঞান অশ্রীষ শুধু বিনিঃশব্দ রহে প্রতীক্ষায় ।

* *
*

* *
*

অলঙ্কিতে সুদর্শন আচম্বিতে রুদ্রমূর্তি ধরি'
ঘাতকেরে করে বধ নিজতেজে তেজ তার হরি' ।
আতঙ্কে দুর্বাসা কাঁপে—উদ্ধত সে-চক্রে আক্রমণ
করে তারে : 'তাহি তাহি' রবে মুনি করে পলায়ন ।
বিচ্ছুরি' অনলশিখা সুদর্শন পিছে তার ধায়,
সকলে বিষয় মানে দেখি' শূণ্যে চক্রে বহ্নিকায়
ছুটে পিছে মহাবির—যেথা যায় মুনি, সুদর্শন
অম্বুসরে—লংঘি' নদ, নদী, সিঙ্খ, কাস্তুর, কানন,
তুঙ্গ, শৃঙ্গ, উপত্যকা, ঐশ্বর্য পাতাল, জ্যোতিষ্মান
নীলাম্বর—যেথা লভে ক্ষণাশ্রয় যোগী—লেলিহান
ভুজঙ্গ-কুধাত দাবানল সম গর্জে সুদর্শন
তেজে করি' দুর্বাসার জটা রোম শ্মশ্রুতে দাহন ।

অবশেষে ব্রহ্মলোকে উত্তরিয়া ব্রহ্মার চরণে
লুপ্তে ঋষি : “রক্ষা করো প্রজাপতি, হেন অঘটনে ।”

কহিল স্বয়ম্ভু : “আজ্ঞো জানো না কি—ত্রিভুবনে নাই
হরি বিনা রক্ষাকারী কেহ ? দেবতার ধাম পাই
আমরা লভিয়া তাঁরি আশ্রয় । তাঁহারি অভিশাপ
বিশ্বের নিয়ন্তা, বিধি, বিধান—আমরা শুধু দাস
লীলা-অমুচর তাঁর ! কোথা তুমি পাবে পরিত্রাণ
হরিভক্ত-দ্রোহী ?”

ভাগবতী কথা

লভি' কমলযোনির প্রত্যাখ্যান
যাচিল শরণ মুনি কৈলাসে শিবের । কহিল সে :
“আমরা অক্ষম বৎস বিষ্ণুচক্রে-সুদর্শন-রোষে ।
রক্ষা যদি চাও—ছাড়ি' হেন শিশুসম আচরণ
জলে স্থলে রসাতলে অশঙ্কের চরণে ফ্রন্দন
করি' পরিহার—যাও কমা চাও শ্রীহরির পায় ।
তিনি না করিলে ত্রাণ ত্রিভুবনে তারক কোথায় ?

* * *

চক্রে-লাঙ্ঘিত কাতর চূর্ভাগা পড়িল শ্রীহরির চরণে লুটি'
“করেছি অপরাধ, করো হে কমা, আমি মুহুমান্ তিন ভুবনে ছুটি' ।
জানিত কেবা—নিতি তোমার ভক্তেরে আপনি তুমি নাথ রক্ষা করো ?
করুণাময় ! তব করুণা-সিঞ্ঝনে সুদর্শন-তাপ আজিকে হরো ।”

কহিল ভগবান্ : “হে দ্বিজ, জানো নাকি—স্বাধীন নহি আমি ?

ভক্ত যারা

হৃদয় অধিকার করিয়া আছে মোর, ভক্তাধীন আমি, প্রভু যে তারা ।
পরম গতি আমি যাদের—শুধু সেই ভক্ত প্রেমিজনই মোর আপন ।
গোলোক, লঙ্কা বা দেহও নহে মোর তেমন প্রিয়, মুনি, তারা যেমন !
স্বজন গৃহস্থ বিন্ত যশোমান ইহ ও পরকাল করিয়া ত্যাগ
আমারি শুধু চায় শরণ যারা—ত্যজি কেমনে তাহাদের হে মহাভাগ !
পতিব্রতা যথা পতিরে করে বশ সেবা ও প্রেমে—সাধু ভক্তগণ
জীবনে সমতায়, প্রণয়ে মমতায়—আমারে পরাধীন করে তেমন ।

নবম স্কন্ধ

জানে না হরি বিনা কারেও যে আপন, শ্রীহরি তাহারেই গণে আপন ।
 যাহার কেহ নাই তারেই বরি আমি, তাহারে নয় যাচে যে ধনজন ।
 রক্ষা যদি চাও—তজ্জিয়া অভিমান মর্তোঁ যাও ফিরে, চাও তাহার
 ক্রমা—যে মহীয়ান্ আশ্বদানে তার—সে যদি ক্রমে তব ভ্রষ্টাচার,
 গণিও আপনারে ভাগাবান্ তাত, তাহার ক্রমা বিনা আমার নাই
 শক্তি—মার্জনা করিতে দুরাচারে । স্মরণে আজি হ’তে রেখো সদাই—
 পরম ভাগবত যে হয় অস্তুরে—নিখিল ছাড়ি’ শুধু আমারে চায়,
 তাহার কাছে হেন শ্রীহীন আচরণ করিলে হয় ঘোর প্রতাবায় ।
 লভিলে যোগবলে বিভূতি যদি তুমি—কল্যাণেরি তরে প্রয়োগ তার
 করিও তপোধন, ক্রোধানের বশে করা তেজঃক্ষয়—পাপ, মিথ্যাচার ।
 বিনয়ে ব্রাহ্মণ স্মৃতির মর্যাদা লভে এ-ধরাতলে—দ্বিজের চাই
 স্বেৰ্ঘ গরিসম—সিদ্ধ হ’য়ে আজ্ঞা অসংযমী ? শিক্, লজ্জা নাই !
 বিফল অমুনয় আমার পদতলে—এখনি ধরো গিয়ে চরণ তার,
 কাতরে চাও ক্রমা, ক্ষমিলে তোমারে সে—

লভিবে তবে তুমি ক্রমা আমার ।”

* * *

লাঞ্ছিত আসন্নমৃত্যু দুর্বাসা সে-মহাভাগবত
 রাজার প্রাসাদে ধূলিচরণে উত্তরি’ আত’বৎ
 কহিল : “হে পুণ্যানিধি, ত্রিভুবন ত্রিমুখ চাহিয়া
 মুক্তি প্রত্যবায় হ’তে—ব্রহ্মা আদি দেবেরে সাধিয়া ।
 সকলে ফিরায়ে দিল । শেষে আদিদেবের শরণ
 প্রার্থিলু বৈকুণ্ঠে কাঁদি’ । কহিলেন দেব নারায়ণ
 ভৎসিয়া আমারে : ‘যাও, ধরো অশ্বরীষের চরণ ।
 না চাহিলে ক্রমা তার করি’ যোগিগৰ্ব্ব বিসর্জন

ভাগবতী কথা

রক্ষা নাই তব মুনি !—ভগবান্ চিরপরাধীন
প্রেমিক ভক্তের ।’—তাই এসেছি তোমার দ্বারে দীন
আত’ আমি রাজরাজ ! ক্ষমা করো মোর অপরাধ ।
তুমি না ক্ষমিলে মোর অপমৃত্যু অনিবার্য নাথ”
বলিয়া রাজচরণে রাখে শির তিতি’ অশ্রুধারে :

“কী করো, কী করো মুনি—” বলি’ রাজা বক্ষে ধরি’ তারে
কহিল সাদরে : “তুমি অনিকেত মুনি, গৃহী আমি :
ব্রাহ্মণের আজ্ঞা ক্ষত্রিয়ের পালনীয় দিনযামী ।
গুরুবংশে জন্ম তব, শিষ্যবংশে উদ্ভব আমার,
তোমারে দিশারি লভি’ দেবদিশা পাই অনিবার ।
তোমারি কৃপায় আমি শুনিমু শ্রবণে—নারায়ণ
মোর সম হীন নাম করিল শ্রীমুখে উচ্চারণ ।
শ্রবণ সার্থক শুনি’ হেন বাণী বিচিত্র অদ্ভুত ।
এসেছ দীনের পাশে তপোধন, হ’য়ে দেবদূত !
কেমনে করিব তব স্তবন—যে-তুমি দিলে আনি’
অন্ধকার মর্ত্যলোকে অন্তহীন আদিত্যের বাণী ।”

বলি’ হুঁবাসারে নমি’, সিন্ধু-বক্ষ নয়ন-আসারে,
কৃতাজলি উষ্ণে’ চাহি’ কহে রাজা :

“তিমির-পাথারে

হে আলোক-তরীবাহ, করুণার কোথা সীমা তব ?
দীন ভক্ত তরে কার এত চিন্তা ? হে মহামুভব !
যে তব দাসানুদাস, প্রেমে তুমি তাহারি অধীন—
শুনি’ হে করুণাকান্ত, কেমনে তোমার অমলিন

নবম স্কন্ধ

চরণে সঁপিব মোর প্রেমাক্ষ-অঞ্জলি—যারে হায়
করেছি অর্পণ মর্ত্যজনে দিব কেমনে তোমায় ?
কী আছে আমার অকলঙ্ক অর্থ যাহা দিতে পারি
রাতুল চরণে তব ?—তাই শুধু কীর্তনে ঝঙ্কারি
করুণা-কাহিনী তব, রচি ভাগবত, ভগবান !
গঙ্গাপূজা গঙ্গাজলে—আর কী বা দিব বলো দান
যার প্রণয়ের বরে বৃকে বৃকে জাগে প্রেম ঐতি,
পরমানন্দের যার কীট হ’তে দেবতা অতিথি !
যাহার হাসির কণা লভি’ শিশু স্বর্গহাসি হাসে
অক্ষর ইঙ্গিতে যার রবিরাগও অক্ষল উচ্ছ্বাসে
মেঘ-ছন্দে রচে কাব্য-জলধি ! চরণ-হিল্লোল
শুনি’ যার বায়ুবৃকে জলধি উল্লাসে উতরোল ।
কোথা আমি দীন আত’ লক্ষ ক্রটি চ্যুতিভরা হায় !
কোথায় অপাপবিন্দু তুমি জগন্নাথ, যার পায়
পঙ্কিল পাপীও লভে পুণ্যলোক সম স্থান প্রেমে,
হেন তুমি নিত্য প্রভু দীন পাপী তরে আসো নেমে
করিতে তাহারে রক্ষা অলক্ষ্যে ! কে জানিবে তোমার
তুচ্ছতা অপরিসীম ওগো দীনতার অবতার !
বিনতির দীক্ষা বুঝি এই ছলে দিতে চাও নাথ !
বিন্দুবৃকে বন্দী সিদ্ধ ! ভিক্ষুকের ধরো এসে হাত
করুণায় বিশ্বপতি ! কী গাহিব কীর্তন তোমার ?
বনস্পতি-রসমূলে ক্ষুদ্র কুঁড়ি কৃতজ্ঞতা তার
কেমনে জানাবে—যার অনিন্দিত আশিসের বরে
আবর্জনা ফুলহাসি হ’য়ে কোটে তাহার অধরে !”

ভাগবতী কথা

মুনির শিরের উর্ধ্বে সূদর্শন রচে নিরুপম
আলোক-মণ্ডল—তারে নমস্কারি' কহে নরোত্তম :
“ধর্মের ধারক ওগো, বৈকুণ্ঠের বিভার প্রতীক !
নও তুমি প্রাণহন্তা শুধু,—পায় তীর্থের পথিক
জ্যোতির্ঘন প্রেমে তব অঙ্ককারে আঁখির পাথেয়
অচিনে নির্ভর আনি' ঝটিকায়ও যে অপরাজ্যেয় ।
হুর্জনের দণ্ডদাতা, শিষ্টের সহায় শ্রান্তিহীন,
অন্তরাল-বিনাশক, প্রকাশের দীপ অমলিন !
ধর্মময় মহাপ্রাণ যাঁরা হরিভক্ত—অনিবার
তেজে তব তাঁহাদের হয় দূর দৃষ্টির আধার ।
আমি যদি হরিপ্রেম-প্রার্থী হই তম্বু-মন-প্রাণে,
স্বধর্মে অচল হই মিথ্যা মাঝে নিত্যের সন্ধানে,
ভক্তি শুধু চেয়ে থাকি—অষ্টসিদ্ধি, মুক্তি, মোক্ষ নয়,
পথের পাথেয় মোর হয় যদি প্রেমেরি অভয়,
কুলদেব আমাদের হয় যদি ব্রহ্মজ্ঞ ব্রাহ্মণ,
হোক করুণায় তব তাপিতের তাপ-নিবারণ ।

* *

* *

. *

*

সংহরিয়া ঘোর তেজ সূদর্শন দিল ভয়াতে'রে অভয় শাস্তি ।
করি' সাধুবাদ অম্বরৌষে মুনি কহে গাঢ়কণ্ঠে বিগতক্রান্তি :
“বৈষ্ণবের রূপ অনিন্দ্য কেমন দেখিলাম নাথ, আজি স্বচক্ষে,
প্রাণহিংসা যার করিলাম ক্রোধে করিল সে ক্ষমা ধরিয়া বক্ষে ।
বুঝিলাম আজি—ভক্তাধীনে যাঁরা লভিলেন প্রেমবিনত মর্মে
নাহি তাঁহাদের কীতি ছরারোহ, নিতাসিদ্ধ তাঁরা সকল কর্মে ।

নবম স্কন্ধ

পাণী তাপী হয় ধর্মশীল শুধু নামে যার—যারা হ'ল কৃতার্থ
 লভি' সে-হরির অহেতু করুণা—কোথা তাহাদের ক্লিন্ন স্বার্থ ?
 কোথা মোহ, কোথা হিংসা ?—পরশিয়া প্রেমস্পর্শমণি তারা যে স্বর্গ :
 ভক্তিরে যাহারা লভিল জীবনে, বন্ধনেও তারা মুক্তপর্শ ।
 বাসনার মেঘ—সুচির-সঞ্চল : নির্বাসনা মতি—স্থির আদিত্য ।
 বিজলি আপন রূপ-গরবিণী : চন্দ্র ভায় অপরূপ, প্রদীপ্ত ।
 প্রখরদাহন নয় কৃপা, তাই দয়াব্রতে হয় কোমল সূর্য,
 বীর্য-সিংহনাদ নাই নাই সেথা—গহন-প্রশ্বন যেথায় তূর্য ।
 ক্ষুদ্র সরোবর ওঠে টলমলি'—নামিলে সেথায় মত্ত মাতঙ্গ,
 অগ্নিগিরি দিলে সিদ্ধজলে ঝাঁপ—জীতল তাহারে করে তরঙ্গ ।
 উদার অশ্বর সম হে ধীমান, উষরের বৃকে শ্রামল স্নিগ্ধ !—
 এ-ছলে আমাদের গুরুসম বুঝি দেখালে—আচারে ক্ষমাসম্বদ্ধ !—
 করিয়া গহন অরণ্য-চারণ যাচিয়া দেহের ছুরাহ সিদ্ধি,
 সাধিয়া হৃষ্য তপস্যা যে চায় শুধু বিভূতির আশ্চর্য কীতি,
 বন্ধ্য তার কৃচ্ছ্র-কঠোর সাধনা মিথ্যামুখী যোগসঙ্কিত শক্তি
 যদি সে না লভে ক্ষমার ঐশ্বর্য, দীনতায় তুঙ্গ শ্রীহরিভক্তি ।

ভাগবতী কথা

দেবযানীর প্রতি যযাতি :

যৎ পৃথিব্যাং ত্রীড়্যবৎ হিরণ্যং পশবঃ স্ত্রিয়ঃ ।
ন হ্রহস্তি মনঃ ঐতিং পুংসঃ কামহতস্ত তে ॥
ন জাতু কামঃ কামাহুপভোগেন শামাতি ।
হবিষা কৃষ্ণবন্ধে'ব ভুয় এবাভিবধ'তে ॥

(১৯।১৩,১৪)

ধাত্মধন কামিনী মণি ভুবনে আছে যত
কামীর ক্ষুধা মিটাতে হয় পারে না সুখদানে :
কামনা ভোগে তৃপ্ত কভু হয় না—অবিরত
শিখার সম লভিলে হবি আরো সে জ্বলে প্রাণে ।

তৃষিতচণ্ডালকে নিজের পানীয় জলদান ক'রে রাজা রক্তিদেবের প্রার্থনা :
ন কাময়েহং গতিমীশ্বরাং পরাম্ অষ্টধিযুক্তামপুনর্ভবং বা ।
আর্তিং প্রপত্তেহখিলদেহভাজাম্ অন্তঃস্থিতো যেন ভবস্ত্যদুঃখাঃ ॥

(২১।১২)

অষ্টসিদ্ধি চাহি না তোমার কাছে হে বিশ্বপতি !
মোক্ষেরো তরে নহে পিপাসিত আমার পরাণমন :
নিখিল দেহীর অন্তরে রাজি'—সবার ব্যথার ব্যথী
হ'য়ে চাই শুধু দুঃখ তাদের করিতে নিতি মোচন ।

দশম স্কন্ধ

মধুর মধুরমেতগ্নজলং মঙ্গলানাং সকলনিগমবল্লী সংফলং চিৎস্বরূপম্ ।
সকদপি পরিগীতঃ শ্রদ্ধয়া হেলয়া বা ভৃগুধর নরমাত্ৰং তারয়েৎ কৃকনাম ॥
(মালিনী ছন্দ—শ্রীব্যাসদেব)

মধু হ'তে মধু তার নাম পরম মঙ্গল বরায় ধারে
নিগমের ফল অভিরাম চেতনা নির্মল অন্ধকারে !
ভুলিয়াও কেহ যদি পায় সে-নাম একবার, তাহারে প্রেমে
জীবন-সিদ্ধ-খটিকায় করিতে পারী পার আসে যে নেমে ।
(মাত্রাবৃন্তে মালিনী)

কৃকভক্তিরসভাবিতা মতিঃ ক্রীয়তাং যদি কুতোহপি লভাতে
তত্র লৌল্যমপি মূল্যমেকলং জগৎকোটিস্থকৃতৈন' লভাতে ॥
(রথোদ্ধতা ছন্দ—শ্রীরামানন্দ)

কৃকভক্তি-রসধারে সিদ্ধিত মতি
আনো আনো 'কিনি' যদি কোথাও বিকায় হে !
মূল্য তাহার শুধু প্রার্থনা নিরবধি,
কোটি জনমেরো তপে মিলে না তাহায় হে ।
(মাত্রাবৃন্তে রথোদ্ধতা)

ভাগবতী কথা

সমাখ্যাবসিতা বৃদ্ধিস্তব রাজর্ষিসত্তম ।
বাসুদেব কথায়াং তে যজ্ঞাতা নৈষ্ঠিকী রতিঃ ॥
বাসুদেবকথা-প্রশ্নঃ পুরুষাংস্ত্রীন্ পুন্যতি হি ।
বক্তারং প্রচ্ছকং শ্রোতৃংস্তংপাদসলিলং যথা ॥
(১।১৫,১৬)

কিং হুঃসহং নু সাধুনাং বিহুবাং কিমপেক্ষিতম্ ।
কিমকার্যং কদর্শাণাং ছস্তাজঃ কিং ধৃতাত্মনাম্ ॥
(১।৫৮)

অমেক এবাস্ত সতঃ প্রমুতিস্
অং সন্নিধানং অমমুগ্রহশ্চ ।
অন্যায়য়া সংবৃতচেতসস্তাং
পশুন্তি নানা ন বিপশ্চিতো যে ॥
(২।২৮)

দশম-স্কন্ধ

পরীক্ষিতের প্রতি শুকদেব :

বুদ্ধিতে তব নামিল রাজন, বিমল নিষ্ঠারতি :
কুককাহিনী-শ্রবণে তোমার তাই হেন শুভমতি ।
কেশব-চরণবাহিনী গঙ্গ। যেমন পাবন করে
নিখিলের সব মলিনতা—বাসুদেবের কথায়ও ঝরে
তেমনি পুণ্যমহিমা : যেজন শুধায়, যেজন বলে,
আর করে যারা পান—অমলতা লভে স্নান ধরাতলে ।

(১১৫, ১৬)

কী নহে সাধুর জীবনে সুসহনীয় ?
জ্ঞানবান্-যে—সে কার মুখ চেয়ে রয় ?
ছন্নমতির কী আছে অকরণীয় ?
হরি হৃদে যার—ত্যাগে সে কি করে ভয় ?

(১১৫৮)

জন্মাস্তিমীতে কারাগারে দেবগণের কৃষ্ণস্তব :

যাহা কিছু রাজ্যে মর জীবনে
তুমিই প্রসূতি সে-সবার হে !
বিকশে নিখিল তব লালনে,
লীলার তুমিই মূলধার-যে !
নানারূপে দেখে যারা ভিন্ন
চেতনা তাদের মায়াযুক্ত,
অসংখ্যে নিরবচ্ছিন্ন
তোমারেই দেখে—যারা যুক্ত ।

(২১২৮)

ভাগবতী কথা

জন্মাস্টমীতে কারাগারে দেবগণের কৃষ্ণস্তব :

কমললোচন ! প্রেমদাস যারা তোমারি ধ্যান ধরিয়া
চরণতরঙ্গী বাহি' তব ভবপারাবার যায় তরিয়া ।

তরিতেও বুঝি হয় না,

সিদ্ধ অকূল রয় না'—

গোপ্পদ সম মনে হয়—যবে রূপে লও মন হরিয়া ।

এমনি চরণ-তরঙ্গী-মহিমা—স্মরণেই হওয়া যায় পার :

অপরের তরে রাখি' তরী প্রেমী বিনা-তরী তরে পারাবার ।

তোমারে স্মরি' সে সেই ক্ষণ

কাটায়ে মায়ার বন্ধন

পায় কাণ্ডারী, তব করুণারি অভয়—হৃদয় ভরিয়া ।

জ্ঞান-গৌরবে নিতি যারা গায়—মুক্তিরে তারা জানে গো,

ভকতিরে করি' অনাদর শুধু গরব-আড়াল আনে গো ।

বহু সাধনার পরে হায়

তব দ্বারে এসে—মূরছায়

অভিমান-কালো রসাতলে—আলো-নীলাচলে নাহি বরিয়া ।

আপনার বলে যারা পথে চলে নয় তারা তব পূজারী,

প্রতিপদে তারা ধূলায় লুটায় হারায়ে তোমারে দিশারি !

প্রেমার্থী যারা অসহায়

চলে শুধু তব ভরসায়,—

পথহারা তারা হয় না : তাদের তুমি চলো হাত ধরিয়া !

(২১৩০-৩৩)

দশম স্কন্ধ

জন্মাস্তমীতে দেবগণের কৃষ্ণস্তব :

মনে ও বচনে যাহার রূপের পড়ে ছায়া অজ্ঞমানে,

শুণ কর্মের জন্মলোক কি নামরূপে তারে জানে ?

অস্তরে রাজে অচিন্তনীয় অস্তর্ধামী প্রভু :

পূজা-আরাধনে অরূপ দেবের দর্শন মিলে তবু ।

(২।৩৬)

ন তেহ্ভবশ্চেষ্টা ভবশ্চ কারণং বিনা বিনোদং বত তর্কয়ামহে ।

(২।৩৯)

জন্ম-অতীত তুমি নাথ এই অবনৌ 'পরে

শুধু লীলা বিনা আসো যুগে যুগে কিসের তরে ?

সত্ত্বোজ্জাত কৃষ্ণের প্রতি বশুদেব :

স এব স্বপ্রকৃত্যেদং সৃষ্ট্রাগ্রে ত্রিগুণাস্বকম্ ।

তদমু ঙ্ং হ্যপ্রবিষ্টঃ প্রবিষ্ট ইব ভাব্যসে ॥ (৩।১৪)

ত্রিগুণময় এ-জীবনজগত মায়াবলে তব সৃজিয়া প্রভু,

অস্তরে তার প্রবেশিলে : “আছ বাহিরেই”—মনে হয় যে তবু ।

গর্গমূনির প্রতি নন্দ :

মহাশ্চিননং নৃণাং গৃহিণাং দীনচেতসাম্ ।

নিঃশ্রেয়সায় ভগবন্ কল্পতে নানুথা কচিৎ ।

(৮।৪)

দীন গৃহীদের কল্যাণতরে কেবল সাধুরা চিরদিন

পরিব্রাজক ভুবনে—নহিলে রহিডেন তাঁরা গতিহীন ।

ভাগবতী কথা

ব্রহ্মার কৃষ্ণস্তব

নোমীডা তেহ্রবগুবে তড়িদহরায় শুজ্জাবতঃসপরিপিচ্ছলসমুখায় ।
বহুশ্রজে কবলবেত্রবিবাণরেণু-লক্ষ্মত্রিয়ে মৃদুপদে পশুপাঙ্গজায় ॥
অস্ত্যপি দেব বপুষো মদনুগ্রহস্য স্বেচ্ছাময়স্য ন তু ভূতময়স্য কোহপি ।
নেশে মহি স্ববসিতুঃ মনসাস্তুরেণ সাক্ষাত্তবৈব কিমুতাস্থসুখান্নভূতেঃ ॥
জ্ঞানে প্রয়াসমুদপাস্ত্য নমস্ত এব জীবন্তি সন্মুখরিতাঃ ভবদীয়বার্তাম্ ।
স্থানে স্থিতাঃ শ্রুতিগতাঃ তনুবাঘনোভির্যে প্রায়শোহজিত জিতোহপ্যসি
তৈস্তিলোক্যাম্ ॥

শ্রেয়ঃস্বতিঃ ভক্তিমুদস্য তে বিভো ক্লিষ্টস্তি যে কেবলবোধলক্রেয়ে ।
তেষামসৌ ক্লেশল এব শিষ্যতে নাশ্চাৎ যথা স্থলভূষাবঘাতিনাম্ ॥

এখানে প্রথম তিনটি স্তবক বসন্ততিলক ছন্দে রচিত, শেষেরটি ইন্দ্রবংশী ছন্দে ।
ভাগবতে সবচেয়ে বেশি চল এর কয়টি ছন্দের : অম্লষ্টুপ (সর্বপ্রধান), ইন্দ্রবজ্রী,
উপেন্দ্রবজ্রী, বংশস্থবিল, ইন্দ্রবংশী ও বসন্ততিলক । মন্যাক্রান্তা শিখরিণী পৃথ্বী
মুন্দরী প্রভৃতি ছন্দ ভাগবতে তেমন আদর পায়নি যেমন পেরেছিল কালিদাস
ভবভূতি প্রমুখ ভাগবতোক্ত কবিদের কাছে । বসন্ততিলক ভাগবতকারের কাছে
আদরগীর্য হবার একটি কারণ নিশ্চয়ই এই যে এ ছন্দের কল্লোল অতি উদার গম্ভীর ।
বসন্ততিলককে এইভাবে যতি দিয়ে পড়লে ছন্দটি একভাবে আবর্তিত হয়ে ওঠে —

৫+৭+২, যথা : নো মী ডা | তে ভ ব পু বে | ত ড়ি দ হ রা য় |

কিবা ৪+৮+২, নে শে | ম হি স্ব ব সি তুঃ | ম ন সা স্ত রে ণ
আরো নানা ভাবে এ-ছন্দটি আবৃত্তি করা যেতে পারে । ভাগবতের রস পেতে
হ'লে বসন্ততিলক ছন্দের দোলায় আনন্দ পাওয়াই চাই । শেষের স্তবকের ছন্দ—
ইন্দ্রবংশী—বসন্ততিলকের মতন অত দীর্ঘ কল্লোলিত ছন্দ নয় ।

এর লঘুগুরু সংস্থান যথা : ক্লি ঞ্জ স্তি | বে কে ব | ল য়ো ধ | ল ক রে ।
বসন্ততঃ এ-ছন্দটিতে ইন্দ্রবজ্রীকেই আর একটু কল্লোলিত ক'রে তোলা হ'ল ।

দশম স্কন্ধ

ব্রহ্মার কৃষ্ণস্তব :

(ব্রহ্মা কৃষ্ণকে পরীক্ষা করতে বৃন্দাবনের গো ও রাখালদের হরণ ক'রে বৎসরকাল ঘুম পাড়িয়ে রাখেন। কৃষ্ণ অবলীলাক্রমে এই একবৎসর নিজে গোপ ও গোবৃন্দের রূপ ধারণ ক'রে ব্রজে লীলা করেন। ব্রহ্মা তখন কৃষ্ণের কাছে হার মেনে ক্ষমা চেয়ে দীর্ঘ স্তব করেন)।

জলদ জিনি' যার কাস্তি অঙ্গের, ঝলকে বিছাৎ পীতাম্বর !
শুভ্রা কর্ণের ভূষণ অতুলন, শিখীর চূড়া শিরে কৌ মনোহর !
কণ্ঠে বনমালা, অধরে বেণু মরি, শ্রীকরে মঞ্জুল নীলকমল,
পেলব শ্রীচরণে প্রণমি তার প্রভু নন্দনন্দন প্রেমসজল !

অঙ্গীকার হ'ল সফল মোর—এল বৃন্দাবন আলো করি' কৃপাল,
স্বরূপ-চেতনার লীলা অপার যার—চিনিবে কে তাহার ছন্দতাল !
ইচ্ছাময় যার তত্ত্বর মহিমার অন্ত-আদি কেহ পায় নি হায়,
মানস মনীষার সাহসী সাধনায় সে-চির-অজ্ঞানারে জানা কি যায় ?

খেয়ানে চিন্তায় তোমার যারা তল না চেয়ে হে অতল, শুধু তোমার
কীতিঝঙ্কার কাহিনী মুকুমার শ্রবণে পান করে অবোরধার,
তোমাতে নমি' কায় বচনে মনে যারা যাপে জীবন, চাহি' আশ্রয়ান :
অপরাজেয় হ'য়ে প্রেমের পরাজয় তাদের কাছে তুমি মানো মহান !

ভকাত-সুরভিত অমল প্রণয়ের কোমল পথ ছেড়ে যারা, হে নাথ,
জ্ঞানের বিচারের কঠোর পথে চায় তোমার অসীমার গভীর স্বাদ,
অবেষণ করে তুবের মাঝে তারা অন্নকণা—এ কী প্রমাদ হায় !—
সরল প্রার্থনে সাধিলে মিলে যারে—সুহৃৎভ করে সাধনে তায় !

ভাগবতী কথা

ব্রহ্মার কৃষ্ণস্তব :

অবিনশ্বর, সত্য, অশেষ, হে পুরুষ সনাতন !
অব্যয় তুমি, স্বয়ংপ্রকাশ, নিখিলের অন্তর,
নিরুপাধি, সুখ-অমৃত, সবকারণ, নিরঞ্জন,
ত্রিভুবনে কভু মিলে না যাহার সমান কি বা দোসর !

গুরুরূপী মহামূর্ধের কাছে দিব্য নয়ন যারা
পেয়েছে—তোমার মাঝে দেখে তব বিশ্বাঙ্গীয়তার
মহারূপ : শুধু তুমি আশ্রয়—এ কথা জানিয়া তারা
করালনক্রসঙ্কুল ভব-পারাবার হয় পার ।

নয়নে মূরতি দেখে যারা তব—কী জানে তোমার নাথ !
যাহারা তোমার চরণকমল-প্রসাদ-কণিকা পায়—
তারাই কেবল মহিমার তব কিছু পায় আশ্বাদ :
মনীষা বিচারে প্রতিভা কিরণে তোমারে কি জানা যায় ?

তাই প্রার্থনা হে কৃপাল, যদি ধরি এ-লীলায় কভু
তরুলতা কীট পতঙ্গ দেহ—যেন থাকে শুভমতি
তোমার চরণপন্নবে : হ'য়ে ভক্ত তোমার প্রভু,
জনমে জনমে চাই যেন শুধু তোমারি শরণাগতি ।

(১৪।২৩,২৪,২৯,৩০)

দশম স্কন্ধ

ব্রহ্মার কৃষ্ণস্তব :

ত্রিচরণ-রজ্জ তরে যার বেদ চিরদিন সন্ধানী,
সে-তুমি ধরিলে দেহ মুকুন্দ, আজি যে-বন্দাবনে
তার প্রতি পুরবাসীর চরণ-ধূলায় ধন্ত মানি
ধরণী-জন্ম—শুধু সেথা মিলে ভাগ্য চিরন্তনে ।

দানব দানবী—যাহারা তোমার করেছিল দ্বেষ মনে,
পরশে তোমার লভিল তোমারে । তাদের কী দিবে—যারা
করিল চরণে নিবেদন তব মন প্রিয় পরিজনে :
শ্রেষ্ঠেরো চেয়ে শ্রেয়োবর আছে ?—ভাবিতেও দিশাহারা !

অভিমাণে যারা বলে নাথ তব বৈভব তারা জানে,
জানুক বন্ধু, বহুভাবে কী বা ফল ?
আমি শুধু জানি—আমার বচন তব মন হার মানে
মহিমার তব লভিতে অতল তল । *

(১৪১৩৪, ৩৫, ৩৮)

পরীক্ষিতের প্রতি শুকদেব :

পুণ্যকীর্তি যশ ধার, সেই মুরারীর চিরচরণতরী
অবলম্বন করিল যাহারা—এ-ভবানুধি তাদের কাছে
গোম্পদসম : বৈকুণ্ঠের পরমাজয় তাহারা বরি'
বিপদে করে বারণ লভিয়া পরম-তারণে হৃদয়মাঝে ।

(১৪১৫৮)

*জ্ঞানন্তু এব জ্ঞানন্তু কিং বহুজ্ঞা ন মে প্রভো ।

মনসো বপুষো বাচো বৈভবং তব গোচরঃ ॥

দশম স্বরূপ

গোপীদের কৃষ্ণরূপবর্ণনা :

অকথ্যতাং ফলমিতং ন পরং বিদ্যামঃ...

অস্পন্দনং গতিমতাং পুলকস্তরুণাং... (২১।৭, ১৯)

পেয়েছে নয়ন যারা নিরখে যখন তারা কৃষ্ণানন, বলে কলস্বরে :

“নয়নের প্রিয়তম ফল এ-ই—নিরুপম, কিছু আর নাই এর পরে।”

কৃষ্ণের মুরলী বাজে যবে—গতি যার আছে হয় চিত্রাপিত সম স্থির ;

তরুসম গতি যার নাই—‘সুনি’ সে-ঝংকার ওঠে তুলি’ আনন্দে অধীর।”

ব্রাহ্মণপত্নীদের কৃষ্ণাভিসার বর্ণনা :

ধায় যথা নদী অনন্ত পারাবারে

দলে দলে সতী চলে প্রিয়-অভিসারে।

উদ্ভরি’ তারা যমুনার উপবনে

দেখিল কাস্তে আনন্দ-শিহরণে :

পীত অঙ্গুর কটিতটে শোভে তার,

অতুল কণ্ঠে বননালা গন্ধিত,

শিরে শিখিচূড়া, অঙ্গে অলঙ্কার

কাঞ্চন-ফুল-পল্লব-নন্দিত,

মরি নটবর শ্যামল কানন-কোলে !—

সখার অংসে গুস্ত একটি কর,

আন করে লীলাকমল মোহন দোলে,

কপোলে চূর্ণ কুন্তল সুন্দর !

মুখে মৃদুহাসি, কণ্ঠে নীলোৎপল,

হেন অপরূপে দেখিল রমণীদল। (২৩।১৯, ২১, ২২)

ভাগবতী কথা

ব্রাহ্মণপত্নীদের প্রতি শ্রীকৃষ্ণ :

অস্তুর যারে প্রিয়তম বলি' জানে
সে-আমারে করে জীবনে বরণ যারা
ভকতি অহৈতুকীর অর্ঘদানে,
সত্য স্বার্থ কারে বলে জানে তারা ।
বুদ্ধি বিভব জায়া স্মৃত প্রাণ মন
এত প্রিয়—সেথা আমি আছি বলি' শুধু,
এ-হেন আমার চেয়ে বলো কোন্ জন
পারে ধরাতলে হ'তে প্রিয়তর বঁধু ?

দেহ ধরে দেহী দেহ-সুখ তরে নয় :
দেহের অর্থ আমারে সঁপিতে হয় ।
মানব-জনমে দেহ পেলে সখী তাই,
দেহেরো প্রণয় আমারেই দেওয়া চাই ।
এ-দেহের সাথে মনও যদি দাও—তবে
অচিরে আমার মিলন লভিবে সবে ।
গৃহে ফিরে যাও—আমারে রেখো স্মরণ,
হৃদি-মন্দিরে প্রার্থিও দরশন ।
আমার এ-রূপ কোরো ধ্যান প্রেমভরে,
তাহ'লে আমারে মিলিবে লো অস্তুরে ।
শুধু কাছে থেকে যায় না আমারে পাওয়া :
সব নিবেদন ক'রে চাই মোরে চাওয়া ।

(২৩২৬, ২৭, ৩২, ৩৩)

দশম স্কন্ধ

গোপীদের প্রতি কৃত্য :

(রাসলালার জন্তে আগত অভিসারিকার পরীক্ষার্থে)

স্বাগত আর্ষে ! ব্রজের কুশল ? এসেছ হেথায় কাহার লাগি ?
কৌ কাজ সাধিব তোমাদের ? বলো । চেয়ে কেন শুধু মেলিয়া আঁখি ?
হিংস্র পশুরা রজনী-লগনে করে বিচরণ জানো না তা কি ?
যাও ফিরে ব্রজে—এ-হেন নিশীথ কুলবালা কভু কাটায় জাগি'
পরপুরুষের সাথে ? প্রিয়তম সবে তোমাদের খুঁজিছে না কি
ইতি উতি—পুছি' উৎকণ্ঠায় : “প্রিয়াগণ হ'ল কোথা বিবাগী ?”

টাদিনি রাতে নিকুঞ্জের শোভা দেখিতে কি এলে ?—যমুনাজলে
দেখা তো হয়েছে—নহরী কেমন কিরণ-তরঙ্গী ভাসিয়ে চলে ?
আর কেন ? ঘরে যাও ফিরে, যেথা “মা কোথায়”—শিশু কাদিয়া বলে ।
সন্তান-সখা-স্বজন-সেবাই রমণীধর্ম অবনীতলে । *
ধিক অসতীরে পতি বিনা আন নাগরের তরে যে উচ্ছলে,
কুলকামিনীর ইহপরকাল মঞ্চে কলঙ্ক-কালো গরলে ।

(২৯।১৮—২২, ২৪)

দৃষ্টং বনং কুসুমিতং রাকেশকররঞ্জিতম্ ।
যমুনানিললীলৈজন্তরুপলবশোভিতম্ ॥
তদযাত মা চিরং গোষ্ঠং শুভ্রবধ পতীন্ সতীঃ ।
ক্রন্দন্তি বৎসা বালাশ্চ তান্ পায়য়ত দুহত ॥

ভাগবতী কথা

কৃষ্ণের প্রতি গোপীগণ :

(কৃষ্ণের লীলা হৃদয়ঙ্গম করিতে না সাভিমানে)

তোমাতে ছাড়িয়া আমরা শ্যামল, করিব বরণ গৃহ স্বজন ?
কোন্ মুখে আজ বলিলে নিষ্ঠুর, হেন অকরণ দুর্বচন ?
ফিরে যাবে ঘরে কেমনে তাহারা চাহিল যাহারা তব চরণ
জলাঞ্জলিয়া যা কিছু তাদের ছিল বাঞ্ছিত চির-আপন ?
ওগো দুর্লভ ! দাও তাহাদের ঠাই যারা প্রেমে যাচে শরণ,
করণা-কোমল দেবতা যেমন মুক্তিকামীরে করে গ্রহণ ।

কহিলে : সেবিবে নারী স্বধর্মে প্রিয়পরিজন সখা তনয় !
ধর্মের কথা জানো তুমি, শোনো প্রণয়ের কথা ছলনাময় !
সংসার বলো কারে—যবে তুমি আপনি তাহার চিরাশ্রয় ?
কে আছে সেথায় তোমাসম নাথ, বন্ধু, শাস্তি, সুখ, অভয় ?
প্রিয় হ'তে প্রিয় কে দেহীর—ওগো ধূসর ধূলায় নীল নিলয় !
আমরা জেনেছি—তোমাতে সেবিলে সকলেরই সেবা-সাধনা হয় ।

গৃহকাজ ? জানো অন্তরযামী, অন্তর ছিল রত সেথায়,
হরিলে তুমিই তারে যবে নাথ, গৃহে আর মন রহে কি হয় ?
যে-কর সেবিত বল্লভে—যবে তোমার অঙ্গ-সঙ্গ পায়
পরশিতে তারে পারে কি—যখন প্রেম কামনার দীপ নিভায় ?
ফিরে যাবো ? বলো কেমনে ফিরিব ? আসিয়া তোমার চরণছায়
চরণ মোদের হ'ল-যে অচল—কুল রাখা বঁধু বিষম দায় !

(২৯০১, ৩২, ৩৪)

দশম স্কন্ধ

ইতি বিক্লবিতঃ তাসাং শ্রদ্ধা যোগেশ্বরো হরিঃ ।
প্রহস্য সদয়ং গোপীরাষ্ট্রারামোহপ্যারৌরমং ॥

তাভিঃ সমেতাভিরুদারচেষ্টিতঃ
প্রিয়ৈক্ষণেংফুল্লমুখাভিরচ্যুতঃ ।
উদারহাসদ্বিজকুলদীপিতির্
ব্যারোচতৈশাঙ্ক ইবোডুভির্বিতঃ ॥

এবং ভগবতঃ কৃষ্ণাল্লক্শমানা মহাত্মনঃ ।
আত্মনং মেনিরে স্ত্রীণাং নানিত্রোহিত্যধিকং ভূবি ॥
তাসাং তৎ সৌভগমদঃ বৌদ্ধ্য মানঞ্চ কেশবঃ ।
প্রশমায় প্রসাদায় তত্রৈবাস্তুরধীয়ত ॥

শুনিয়া ব্রজ-গোপিকাদের ব্যথিত এ-মিনতি
আপনি হয়ে আত্মারাম তবুও যোগপতি
ধরি' বরদ-রূপ দিলেন অহেতু করুণায়
মিলন-বর প্রেমিকাদের—রাসপুণিমায় ।

হরির কাছে লভিয়া মান গোপীরা ভাবে মনে :
“রমণীকুল-মুকুটমণি আমরা ত্রিভুবনে ।”
নাশিয়া হরি তখন তাহাদের সে-অভিমান
বিলাতে তাঁর আরো প্রসাদ—হ'লেন তিরোধান ।

(২৯৪২, ৪৩, ৪৭, ৪৮)

ভাগবতী কথা

কৃষ্ণের তিরোথানে গোপীদের ক্রন্দন :

জয়তি তেহধিকং জন্মনা ব্রজঃ শ্রুত ইন্দিরা শশ্বদত্র হি । *
দয়িত দৃশ্যতাং দিক্ষু তাবকাস্তয়ি ধৃতাসবস্তাং বিচিষতে ॥
শরচ্ছদাশয়ে সাধুজাতসংসরসিজোদর-শ্রীমুখা দৃশা ।
সুরতনাথ তেহশুকদাসিকা বরদ নিম্নতো নেহ কিং বধঃ ॥
বিষজলাপায়া-দ্যালরাক্ষসা-ধ্বমারুতা-বৈদ্যতানলাং ।
বৃষময়াশ্রজা-দ্বিশ্বতোভয়াদৃষভ তে বয়ং রক্ষিতা মুহুঃ ॥

ন খলু গোপিকানন্দনো ভবানখিলদেহিনামন্তরাশ্রদৃক্ ।
বিখনসাধিতে বিশ্বগুণ্যে সখ উদেষিবান্ সাহতাং কুলে ॥
বিরচিতাভয়ং বৃষ্টিধূর্য তে চরণমৌয়ুধাং সংসৃতৈর্ভয়াং ।
করসরোরুহং কাস্ত কামদং শিরসি ধেহি নঃ শ্রীকরগ্রহম্ ॥
ব্রজজনাতিহন বীর যোষিতাং নিজজনস্বাধ্বংসনশ্রিত ।
ভজ সখে ভবংকিংকরীঃ স্ম নো জলরুহাননং চারু দর্শয় ॥

প্রণতদেহিনাং পাপকর্ষণং তৃণচরাভুগং শ্রীনিকেতনম্ ।
ফণিফণাপিতং তে পদাশ্রুজং কণু কুচেষু নঃ কৃষ্ণি হৃচ্ছয়ম্ ॥
মধুরয়া গিরা বস্ত্র বাক্যা বুদ্ধমনোজয়া পুঙ্করেক্ষণ ।
বিধিকরীরিমা বীর মুহুতীরধরসীধুনাপায়য়স্ব নঃ ॥
তব কথামৃতং তপ্ত জীবনং কবিভিরীড়িতং কল্পষাপহম্ ।
শ্রবণমঙ্গলং শ্রীমদাততং ভুবি গুণস্তি তে ভুরিদা জনাঃ ॥

* এটি ইন্দিরা হৃদ : এর লঘুগুরু সংস্থান :

জ য তি তে ধি কং জ ঞ্জ না ব্র জঃ

চারটি পদেই একরূপ ।

দশম স্কন্ধ

কৃষ্ণের তিরোধানে গোপীদের ক্রন্দন :

(ইন্দিরা ছন্দে গেল)

বৃন্দাবন তব জনমে ধন্য হে, আসীনা ইন্দিরা যেথা চিরস্তনী ।
দয়িত ! দাও দেখা তাদের—প্রাণ যারা ধরে ধেয়াই’ তব রূপমিলনমণি ।
কমল বাসে লাজ শোভায় যার—সেই নয়নপাতে বিনাদামের-কিঙ্করী
সরলা অবলায় মজালো যে তাহার লীলা কি মরণের বাহিনী নহে হরি !
কালিয়-গরলিত কালো-যমুনা-জল, দানব বিছ্যাৎ, প্লাবন স্তমহান,
শঙ্কা হ’তে করি’ রক্ষা আজি বঁধ, বিরহানল হ’তে করিবে না কি ত্রাণ ?

গোপিকানন্দন নহ তো নাথ, তুমি চেতনা-আঁখি যে গো নিখিল-অস্তরে,
ধাতার প্রার্থনে অনাথা অবনীরে করিতে সনাথা হে এসেছ তমু ধ’রে ।
জীবনতাপে জীব চরণে চেয়ে ঠাঁই যে-করপরশনে জুড়ায় জ্বালা সব,—
মোদের শিরে রাখে সে-কর-বরাভয়—কমলাবাহিত, সাধন-তুলভ ।
নিখিলব্যথাহারী ! বিনাশো স্বজনেরো গরব—উজলি’

যে-উদাস স্মিতহাসি,—

আমরা কিঙ্করী শ্রীমুখপঙ্কজে সে-হাসি দেখিতেই নিতুই ছুটে আসি ।

যে-শ্রীচরণে তব বিনত বিষধর, লক্ষ্মী লভে যেথা স্মৃতির আশ্রয়,
বিলীন পাপ যার পরশে—সে-চরণ মোদের হৃদে রাখি’ কাশনা করো লয় ।
হে সুন্দর ! শুনি’ তোমার মধুবাণী মুক্ত শূণী জ্ঞানী, আমরা কোন্ ছার !
দীনা প্রেমার্থিনী আমরা শুধু চিনি অধরকূলে তব অকূল-অভিসার ।
শ্রবণমঙ্গল, কবির-কীর্তিত তৃষ্ণা-তাপহরা তব কথামৃত
ঝরায় যারা গানে অঝোর ঝংকারে—দাতার দাতা তারা বিশ্ববন্দিত ।

(৩১।১—৯)

ভাগবতী কথা

কৃষ্ণের তিরোধানে গোপীদের ক্রন্দন :

প্রহসিতং প্রিয় প্রেমবীক্ষণং বিহরণঞ্চ তে ধ্যানমঙ্গলম্ ।
রহসি সংবিদে। যা হৃদিম্পৃশঃ কুহক নো মনঃ ক্ষোভয়ন্তি হি ॥
চলসি যদ্ব জাচ্চারয়ন্ পশন্ নলিনসুন্দরঃ নাথ তে পদম্ ।
শিলতৃণাক্কুরৈঃ সীদতীতি নঃ কলিলতাং মনঃ কাস্ত গচ্ছতি ॥
দিনপরিক্ষয়ে নীলকুন্তলৈ-বনরুহাননং বিভ্রদাবৃতম্ ।
ধনরজস্বলঃ দর্শয়ন্ মুচ্চর্মনসি নঃ স্মরং বাল যচ্ছসি ॥

প্রণতকামদং পদ্মজাটিতং ধরণিমণ্ডনং ধ্যেয়মাপদি ।
চরণপঙ্কজং শস্তমঞ্চ তে রমণ মঃ স্তনেষপরিয়াধিহন ॥
সুরতবর্ধনং শোকনাশনং স্বরিতবেণুনা মুচ্ছু চুস্থিতম্ ।
ইতররাগবিস্মারণাং নুগাং বিতর বীর নস্তেধরামৃতম্ ॥
অটতি যন্তবানহি কাননং ত্রুটিযু গায়তে স্বামপশাতাম্ ।*
কুটিলকুন্তলং শ্রীমুখঞ্চ তে জড় উদীক্ষতাং পক্ষকৃদ দৃশাম্ ॥

পতিস্মৃত্যয়-ভ্রাতৃবাক্যবান্-অতিবিলংঘ্য তেঃস্তুচ্যুতাগতাঃ ।
গতিবিদস্তবোদগীতমোহিতাঃ কিতব যোষিতঃ কস্ত্যাজেল্লিশি ॥
রহসি সংবিদং হৃচ্ছয়োদয়ং প্রহসিতাননং প্রেমবীক্ষণম্ ।
বৃহত্বরঃ শ্রিয়ো বীক্ষ্য ধাম তে মুহুরতিম্পৃহা মুহাতে মনঃ ॥
অজবনৌকসাং ব্যক্তিরঙ্গ তে বৃজিনহস্ত্যাং বিধ্বমঙ্গলম্ ।
তাজ মনাক্ চ নস্তংস্পৃহাস্থানাং স্বজনহৃদ্রজাং যস্মিন্দনম্ ॥

*এখানে “ত্রুটিযু গায়তে” নয়মাত্রা হওয়ার দরুণ ইন্দ্রিরা ছন্দের গতি ব্যাহত হয়েছে। গাইবার সময় ভাল যদি কাটে তাহ’লে একটি উপায়—“ত্রুটি যুগায়তে” পাওয়া।

দশম স্কন্ধ

কৃষ্ণের তিরোধানে গোপীদের ক্রন্দন :

হে যাচুকর ! তব ধ্যানসুন্দর চাহনি প্রণয়ের, গহন ইজিত,
মধুর পরিহাস, বিহার স্মরি' মন আজি অশাস্ত হে পরমবাহিত !
যখন ব্রজে তুমি করিতে গোচারণ, কমল-সুকোমল চরণে বুঝি তব
তৃণাঙ্কুর কাঁটা বি'ধিল ভাবি' হ'ত আকুল অন্তর মোদের বল্লভ !
আসিতে যবে দিন-অস্তে ফিরে—তব সুনীলকুন্তল-কম্প মুখখানি
ধূসর ধূলিছালে ইন্দীবর সম জাগাতে কী বাসনা—আমরা শুধু জানি ।

ধাতার ধাতা ওগো ধরার নীলমণি ! চরণ রাখো বৃকে অহেতু করুণায়,
নমিলে যারে হয় সফল প্রার্থনা, ধ্যানে যার সব আর্তি দূরে যায় ।
যে-সুখযশমণি-প্রসাদ তরে সবে অধীর—তার রূপমধু যে করে ম্লান,
সে-তব অপরূপ-বাঁশরী-চুম্বিত অধরামৃত দাও অধরে বরদান ।
অদর্শনে তব পলকও হয় যুগ—দেখিলে মনে হয় শ্রীমুখ অমলিন :
সৃজিল যে-বিধাতা পলক আমাদের তৃপ্তি নয়নে, সে কেমন বোধহীন !

কী মায়া জানে তব মুরলী—জানো তুমি : স্বজন বান্ধব কান্ত সন্তান
সবারে ছেড়ে আসি নিশীথে ডাকে যার,
আসিয়া দেখি—নাই তাহারি সন্ধান !
আনন হাসিভরা, চাহনি প্রেমময়, নিভৃত সস্তাষ—কামনা যেথা করে,
বন্ধ সুগভীর, বিরাজে রমা যেথা—
যতই স্মরি, মন আরো কেমন করে !
বিশ্বমঙ্গল তব আবির্ভাব নিখিল দুখ নাশে, হৃদয়-তাপ হরে :
বেদনা তাহাদের করিবে না কি দূর—
তোমাতে যারা চায় শুধু তোমারি তরে !

(৩১১০—১৮)

ভাগবতী কথা

স্তবের পরে কৃষ্ণের অভ্যুদয়ে গোপীগণ সান্নিধ্যমানে :

বাসিলে ভালো যাহারা ভালোবাসে হৃদয়টানে,
না বাসিলেও যাহারা বাসে ভালো প্রীতির দানে,
বাসি বা ভালো না বাসি—কভু বাসে না ভালো যারা :
ত্রয়ীর মাঝে স্বভাব কাহাদের—কেমনধারা ?

উত্তরে কৃষ্ণ :

যাহারা ভালোবাসে লো ভালোবাসার প্রতিদানে,
স্বার্থস্থখে প্রেমিক তারা—নহে প্রেমের টানে।
আপন সুখ তরে যেথায় বিলাতে সুখ ধাই
বান্ধবতা, ধর্ম—সখী, কিছুই সেথা নাই।
ভালো না বাসিলেও ভুবনে যাহারা বাসে ভালো
তাদের মাঝে যারা হৃদয়ে পেল করুণা-আলো
তাহারা কারুণিক স্বভাবে—যেমন পিতামাতা :
না চাহি' প্রতিদান বিলায় দান—সহজ দাতা।
অপর যারা ধর্মাচারী, স্বভাবে স্নেহশীল,
বান্ধবতা বিলায় তারা স্নিগ্ধ অনাবিল।
বাসিলে ভালো যাহারা তবু কিরেও নাহি চায়
তাদের মাঝে—আত্মারাম, ব্রহ্মেরে যে পায় ;
অপর যারা আশুকাম—তৃপ্ত ভোগ বহি' ;
অপর—অকৃতজ্ঞ ; শেষ—যারা গুরুদ্রোহী।

দশম স্বক

আমার স্বভাব চির-অনন্তত্ব, আমি উদাসী :
ভালোবাসে যারা তাহাদেরো আমি কিরিয়া ভালো না বাসি।
বিজলি-বিভাসে চকিত চাহনি চমকি' আমি লুকাই,
করি' বিরহীর বিরহ-আধার আরো সুগভীর—চাই
বেদনার ধ্যানে বিশ্ব ভুলিয়া হোক সে আপনহারা,
বাহিত ধন হারালে কুপণ তারি ধ্যানে যথা সারা
বিশ্ব হারায় : তেমনি—পরম-কারুণিক আমি—মারা-
বিচ্ছেদ আনি—চিরপ্রণয়ের সাধিতে পূর্ণকায়।

হেন একমুখী প্রেমে দিলে সাড়া লো অভিসারিকা জানি :
দলি' লোকাচার, সহি' লাঞ্ছনা, কলঙ্কে নো মানি',
পুণ্য ও পাপ করি' সম জ্ঞান স্বজন-প্রিয়-বিদায়ে,
চাহিলে শরণ অনন্তমুখী অবলা, আমার পায়ে।
আড়ালে যখন ছিলাম, তখনো সমীপেই তোমাদের
অলক্ষ্য আমি অন্তরযামী শুনেছি ক্রন্দনের
গীতি প্রার্থনা নিবেদন—সব। রেখে না বেদনা মনে :
চিরঋণী হরি তোমাদের সখী, নহে শুধু এ-জীবনে।'
বহুবাহিত গৃহশৃঙ্খল তোমরা আমারি তরে
ছাড়িয়া করিলে বরণ আমারে একান্ত অন্তরে—
এমন যে-দান, দিব প্রতিদান কেমনে বলো না তার ?
ব্রজের প্রেমের কীর্তিই হোক তাহার পুরস্কার।

(৩২।১৬—২২)

ভাগবতী কথা

গোপী-প্রেম

এসেছি শুনিয়া চিরদিন নারী-প্রাণকূলে গুঞ্জরে প্রেম-অলি মঞ্জুরাগে,
প্রিয়-পরিজন-কলহাস্ত-মুখর-গৃহস্থের স্বপ্ন তার চিন্তে জাগে।
এসেছি শুনিয়া শুধু পতিব্রতারি কথা, সিন্দূর-কঙ্কণ-সুচিস্মিতা,
বল্লভ সহকারে বেপথু ব্রততী কভু প্রগল্ভা কাঁপে—কভু আশঙ্কিতা।
এসেছি শুনি' সে নয় আকাশের উদাসিনী, প্রাণতরঙ্গ—তার আনন্দনীড়,
অগ্নির অধিবাসে বন্ধন-মালঞ্জে করে সে চয়ন ফুল গন্ধমদির।

এসেছি শুনিয়া—যত অলখের অভিসার

শুধু তপস্বী তরে, অসীম আলা

শুধু তারি আস্থানে বশুন্ধরায় নামে, চিরসন্ধানে সে-ই বেসেছে ভালো।
নারী-হিয়া চায় নীড় পিঞ্জর : বৈরাগী পুরুষ সে আশ্রয় চায় গগনে,
তাই চিরপলাতকে করিতে মর্ত্যমুখী অবলা প্রবলা হয় অনুসরণে।
সোনার হরিণী সে যে মায়ার ময়ূরী মরি, দেখে যারে বঞ্চিত মনুর মঞ্জে :
মুক্তি অকূলে ডাকে উদাসীরে, দেশে দেশে
বিনোদিনী তাই কূলনোঙর রচে।

তোমাংরে দেখিয়া গোপী, তাই কহে কবি-প্রাণ

উচ্ছ্বসি' সন্তপ্ত : “এ-কোন্ ছবি

ফুটালে বন্দাবনে অচিনের অমুরাগে স্তব যার গায় গুণী তাপস কবি ?
ভক্ত প্রেমিক কত বৈরাগী সন্ধানী করেছে মুখোচ্ছল ভারতবাসীর,
পরিব্রাজক মহামুনিষবি কৌপীনবস্ত্র করেছে স্নান ছত্রপতির
গৌরব-সৌরভ-প্রতিভা-জয়ধ্বনি—লভিয়া শরণাগতি চিরচরণে :

মহান্ মানব—তবু তাঁদেরো কীৰ্তি সঙ্গী

তব পাশে স্নান হ'ল আজি কেমনে ?”

দশম স্কন্ধ

এ নহে বিলাসিনীর প্রসাধন-প্রোঙ্কল

উর্বশী-বিভ্রম রূপদীপনে,

এ নহে কটাক্ষের ত্রাস্তি-বিহ্বলতা

নিমেষ-আবেশ-সুখ দেহ-মিলনে।

এ নহে উদ্দামতা গতিবিদ্বাৎভরা—

ক্ষণবলকের পরে স্মৃতির আধার,

হেথা-যে চিরন্তন-মন্দির অভিমুখে

অমৃত যাচিল শ্রীকান্ত-বিহার !

কামী সাথে কামিনী যে চলে হেথা একই পথে,

নিয়নয়ন করি' উর্ধ্বব্রতী :

হেথায় কামিনী হ'ল বিজয়িনী কোন্ বরে ?—

সতীরে লজ্জা দিল গোপী অসতী !

নীতির নিতাপাঠ হ'ল ঘ্নান—নীতি যার

চরণাধিপী তাঁরি তিরস্কারে,

যে গাহিল : “মোর রাসনিকুঞ্জে ব্রজবালা,

তুমি সর্বোত্তমা, ছরতিসারে

আমারি চরণ চেয়ে করিলে চরণে-নত

আমারে—তোমারি তরে আমি বিবাগী,

গোলোক ছাড়িয়া আজি এসেছি ভুলোকে—তব

অহনা-আশার তরে রজনী জাগি’—

তোমার বয়ানে দেখি মরণে-জীবনময়ী

বিরহে-মিলনজয়ী নীল মহিমা,

সকল প্রেমের আছে ক্রান্তি ও অবসান,

তোমার প্রেমের গীতি অপরিসীমা।

ভাগবতী কথা

“কারো আমি প্রভু, কারো আরাধ্য ধ্যানধামে,
কারো সখা, কারো আমি বন্দনীয়,
কাহারো সারথি, কারো সহায়, মন্ত্রী কারো—
কাহারো দেবতা গুরু প্রাণপ্রিয়।

তোমারি কেবল আমি বল্লভ বান্ধব
পথের আলো-ছায়ার লীলার সাথী ;
তবু দিতে পারি নাই তোমাতে যা দিতে চাই—
নিশায় তোমার মোর প্রেমপ্রভাতী ।
নয়নে তোমার আমি নিরখি নয়নাভীড়ে—
অশ্রুসাগরে তব আমি ডুবরি
তোমার চাহনি ল'য়ে গাঁথি আমি মণিমালা,
তোমারি তুষার বরে আমি দিশারি

“জনে জনে করি দান বিভূতি আমার যত :
যশ, ধন, বল, রূপ, নির্মলতা,
যে আমারে চায় নিতি যে-রূপের রাগে
তার সাথে আমি সেই সুরে কহি লো কথা
শুধু তোমাতেই আমি দিতে চেয়ে দেখি—নাই
হেন দান যোগা যা তোমার ধনি !
কৌ কনক কোহিনুর দিয়ে আমি শুধিব লো
যে-ঋণেরে সক্ষয় অধিক গণি !
আপনারি প্রেমে তাই লভিয়ো পুরস্কার—
বহু জীবনেও আমি পারি না যে হায়
দিতে ব্রজবালারে যা দিয়ে আনন্দ মোর
লভে চির-পূর্ণিমা বাদল-ব্যথায় ।”

দশম স্কন্ধ

হে মহিমময়ী ব্রহ্মবল্লবী, নমি' পুছি :

কোন্ সে-আছতি দিলে অপরাধেয়—

কামে যার নাই ক্ষয়, আধারে যে স্নান নয়—

ছুরভিসারের পথে চির পাথেয় !

যে-তমু-তমসা আনে আলোর সর্বনাশ,

যে-লালসা করে হায় অমৃতে গরল,

যে-দেহ আমরা সখী, সাধনায় যুগে যুগে

গগি পঙ্কের সম (প্রেমের কমল

কেমনে সেথায় কোটে লিপ্সা-মৃণালে হেন !)

সে-তমু কেমনে সতী, তব বিধানে

হ'ল চিন্ময় চিরমুম্বয় মরতায় ?—

প্রেমালোক তব যেন দৃষ্টি দানে ।

শুকদেবের প্রতি পরীক্ষিৎ :

ধর্মের স্থাপন, তথা অধর্মের উৎসাদন তরে

অবতীর্ণ যে-ঈশ্বর কৃষ্ণরূপে ধরণীর 'পরে,

সদাচরণের যিনি রক্ষক, বোধক, মন্ত্রকবি,

কোন্ অভিপ্রায়ে তিনি অঙ্কিলেন নিন্দনীয় ছবি

পরদারগমনের ? বিপরীত এ-আদর্শ কেন

আলুকাম হ'য়ে প্রভু করিলেন প্রতিষ্ঠিত হেন ?

(৩৩২৭—২৯)

ভাগবতী কথা

পরীক্ষিতের প্রতি শুকদেব :

বহি যথা মালিগ্নে করে' গ্রাস বিরাজে অগ্নান,
নিজতেজে শুদ্ধ করি' আবর্জনা—তেমনি মহান্
তেজস্বী পুরুষ যারা চলে না চিরাচরিত পথে :
সাহসে সারথি করি' অসাধ্য-সাধন কীতি-রথে
ধায় জয়-অভিযানে : অপুণ্যের কেন্দ্রে করি' বাস
রহে তারা অনাহত, অনিন্দিত, আনন্দবিলাস ।
নাহি যাহাদের দীপ্ত সে-তেজের ঐশ্বর্য রাজন্,
তাহাদের সাধনীয় নহে তেজস্বীর আচরণ
চকিত চিন্তায়ো কভু । সমুদ্রমস্থিত বিষপান
মৃত্যুঞ্জয় করে শিবে—মৃত জীব করে মৃত্যুদান । *
ঈশ্বরকোটর বাক্য সত্য সদা—আচরণ তার
নহে অনুকরণীয় নির্বিচারে নিত্য সবাকার ।
জীবকোটি যারা—গ্রহণীয় তাহাদের হে রাজন্,
ঈশ্বরকোটর উপদেশ—নহে সকল সাধন ।

ধর্ম বা অধর্ম-পথে চলে যবে মুক্ত মহিমায়
তেজস্বী নিরহঙ্কারী—স্বার্থসিদ্ধি তারা নাহি চায় :

* ধর্মব্যতিক্রমো দৃষ্ট ঈশ্বরগাণ্ড সাহসম্ ।

তেজীয়সং ন দোষায় বহুঃ সর্বভূজো যথা ॥

নৈতৎ সমাচারেজ্জাতু মনসাপি হ্রনীশ্বরঃ ।

বিনশ্রুত্যাচরন্যোঢ্যাদ্ যথা ক্রজ্জোহকিজ্জং বিষম্ ॥

দশম স্কন্ধ

তবে হে রাজন্, পশু পক্ষী নর দেবতা অমর
অধীন যাহার—সেই অসমোক্ষ স্বয়ং ঈশ্বর
নিয়ের আদর্শ লবে মানিয়া কেমনে অঙ্গীকারে—
ধর্মার্থ পাপপুণ্য যারে কভু স্পর্শিতে না পারে ?

যাহার শ্রীচরণকমল-পরাগের আভাসে অন্তর সমুচ্ছলে,
যাহারে করি' ধ্যান কর্মবন্ধন হয় এ-নিখিলের ছিন্ন পলে,
বিচরে মুনিঋষি জীবমুক্তের ছন্দে যারে স্মরি' এ-বসুধায়,
সে-মায়ামানবের ছন্দ অপরূপ চলিবে মানবের কোন্ ধারায় ? *

শুধু সে গোপীদের নহে তো নাথ, সে যে

প্রতি দেহীর বুকে বিদেহ প্রভু :

লীলার তরে নীতি ধরি' সে করুণায়

মানিবে লীলা-নীতি কেমনে তবু ? *

(৩৭৩০—৩৬)

কিমুতাখিলসত্ত্বানাং তির্ঘটমতাদিবৌকসাম্ ।

ঈশিতশ্চৈশিতব্যানাং কুশলাকুশলায়ুঃ ॥

যৎপাদপঙ্কজ-পরাগনিষেবতৃপ্তা যোগপ্রভাববিধুতাখিলকর্মবন্ধাঃ ।

স্বৈরং চরন্তি মুনয়োহপি ন নহমানা-স্তত্ত্বোচ্ছয়াস্তবপুংস্বঃ কুত এব বন্ধাঃ ॥

* গোপীনাং তৎপতীনাঞ্চ সর্বেষাঈকৈব দেহিনাম্ ।

যোহন্তশ্চরতি সৌহৃদ্যাক্ষঃ ক্রৌড়িনেনেহ দেহভাক্ ॥ (৩৪—৩৬)

ভাগবতী কথা

গোপীদের কুঙ্কলীলা বর্ণনা :

(স্বাগতা ছন্দ)

সহবলঃ শ্রগবতঃসবিলাসঃ সান্ন্যস্থু ক্রিতিভূতো ব্রজদেব্যঃ ।

হর্ষয়ন্ যহি বেণুরবেণ জাতহর্ষ উপরম্ভতি বিশ্বম্ ॥

মহদতিক্রমণশক্তিতেতা মন্দমন্দনমুগর্জতি মেঘঃ ।

সুহৃদমভ্যবর্ষৎ সুমনোভি ছায়য়া চ বিদধৎ প্রতপত্রম্ ॥

(মাত্রাবৃত্ত ছন্দ)

মুকুটে মুক্তামালা পরিয়া আনন্দে

মোহন পীতাম্বর নুপুরের ছন্দে

ঝলকিয়া বিছাৎ করে যবে নৃত্য

বেণুমুর্ছনে মোহি' নিখিলের চিত্ত,—

শংকিত মেঘদল করে যত্ গর্জন,

মহত্তের পাছে হয় মর্যাদা-লংঘন ।

উর্ধ্ব ঘনশ্রাম শ্রামল ক্রীকাস্তে

দেখিয়া নিজে—অভিনন্দিতে পাছে

ছায়া-আতপত্র বিছায় নভে স্নিগ্ধ

বৃষ্টি কুসুম হয় লীলায় বিচিত্র । (৩৫।১২,১৩)

* সা ন্ন্য স্থু ক্রি তি ভূ তো ব্র জ দে ব্যাঃ , জা ত হ র্ষ উপ র ম্ভ তি বি শ্ব ম্ ;
মন্দ মন্দ..., ও ছায়রা... এই কয়টি চরণ স্বাগতা ছন্দে লেখা । বাকি কয়টি
চরণে “সমমাত্রাকাদেশ” হয়েছে, অর্থাৎ সমান মাত্রা রেখে গুরুলঘুর সংস্থান-পরিবর্তন।
বাংলা অঙ্কবাদটি এইভাবেই করা হয়েছে—অর্থাৎ চল্লি মাত্রাবৃত্তে—চতুর্মাত্রিক ।

এ-ছন্দ প্রাচীন হ'ত বদি লেখা যেত— বৃ ষ্টি পু ন্ণ হ' ল স জী তে ছ ন্দে —
অর্থাৎ প্রতি গুরুলঘুর দু'গুণধ্বনি দিয়ে ও লঘু-কে অগুণ দিয়ে ভর্ত্তা করা হয় ।

দশম স্কন্ধ

মধুরা থেকে বুলাবনের পথে অক্রুরের স্বগতোক্তি :

আহরিনু কোন্ পুণ্য, সাধিনু পরম তপ, না জানি' করিনু তুরিধান
কোন্ পুজনীয় জনে—কলে যার আমি আজ কেশবের হেরিব বয়ান ? *
কালের প্রবাহে জীব চলে ভেসে দিনে দিনে তৃণসম : দুর্গন্ত লগনে
কচিং বিরল তৃণ পায় যথা তট—তরে কেহ কেহ অচ্যুত-দর্শনে ।

(৩৮৩,৫)

সকল পাপহারী ঐহার কৌত'ন, দিবা জনমের কাহিনী ঐার
তুনিয়া ত্রিয়মাণ জগৎ পায় প্রাণ, পুণ্য বরষণ লভি' কৃপার,
ধরণী ফিরে পায় হারানো যৌবন—বিমুখ যে-বচন হেন লীলায়
সে যেন হায় শবশোভনা বেশভূষা ক্ষণিক-ঝংকার চপলতায় ।

(৩৮১২)

সুপ্রভাত আজ ! গুরু ও গতি যিনি সাধুগণের ; বঁধু ত্রিভুবনের
অতুলনীয় ; আছে নয়ন যাহাদের তাদের দৃষ্টির মহোৎসব ;
কমলাবাহিত্তি নিলয় : দেখি' সেই রূপের বিগ্রহ ত্রিয়তমের
তীর্থ হবে তত্ত্ব, বাসনা-বন্ধন শিখিল হবে করি' তাঁহার স্তব ।

(৩৮১৪,২০)

পরীক্ষিতের প্রতি শুকদেব :

লক্ষ্মীনিবাস শ্রীহরি সদয় হলে কি কাহারো থাকে অভাব ?
তবু তাঁরি তরে ভক্ত তাঁহারে চায়—না প্রার্থি' অন্ত লাভ ।

(৩৯১২)

কিং ময়াচরিতং ভক্তং কিং তপ্তং পরমং তপঃ ।

কিং বাধাপার্বতে দত্তং বদন্ত্যাম্যন্ত কেশবঃ ॥

যৈবং ময়াধমতাপি তাদেবাচ্যুতদর্শনম্ ।

ত্রিয়মাণঃ কালনষ্টা কচিং তরতি কচ্চনঃ ॥

ভাগবতী কথা

কৃষ্ণের উদ্দেশে গোপীগণের অনুরোধ :

ক্ৰূরশূরমক্ৰূরসমাখ্যাতা স্ম নশ্চক্ষুর্হি দন্তং হরসে বতাজ্জবৎ ।
যেনৈকদেশেহখিলসর্গসৌষ্ঠবং স্বদীয়মদ্রাক্ষ বয়ং মধুদ্বিষঃ ॥
(৩৯।২১)

রূপে অপরূপ হ'য়ে এলে ধরাতলে,
দিলে আঁখিবর মিটাতে যুগের তৃষা ।
হেন তুমি যবে মথুরায় যাবে চ'লে,
কী দেখিয়া আঁখি হবে বলো অনিমিষা ?

অধরবিলাসে ঝরালে বাঁশরীমধু,
দিলে শ্রুতিবর মিটাতে সুরের ক্ষুধা ।
বরদাতা যবে ভ্রঞ্জে না রহিবে বঁধু,
শ্রবণ করিবে পান হায় কোন্ সুধা ?

বিরচিলে তমু প্রেমের পরশ দিতে
অতমু-শিখায় করি' তারে চিন্ময় ।
কেমনে বাঁচিব এ-বিধবা ধরণীতে
দেবতমু যদি চোখের আড়াল হয় ?

অস্তুরে এলে অস্তুরযামী আলো !—
সুন্দর করে বলে দিতে তার দিশা
রূপের মায়ায় অরূপে বাসায়ে ভালো,—
উষার বিরহে গভীরিয়া অমানিশা ।

দশম স্বৰ্গ

অক্ৰুরের কৃষ্ণস্তুতি :

সর্ব এব যজন্তি হাং সৰ্বদেবময়েশ্বরম্ ।
যেহপ্যাগ্নদেবতাভক্তা যদাপাশ্রয়ঃ প্রভো ॥
যথাজিপ্রভবা নচ্যঃ পৰ্জ্জ্যাপুরিতাঃ প্রভো ।
বিশন্তি সৰ্বতঃ সিন্ধুং তদ্বৎ হাং গতয়োহস্ততঃ ॥

যেথা যে-দেবেই করি কেন পূজা প্রভু,
যে-রূপায়নেই কলি তোমারে ভবে,
সব পূজা ধায় তোমারি চরণে তব
সকল দেবতা তোমারি অংশ যবে ।
নগনন্দিনী বারিদ-বাহিনী নদী
সিন্ধুর কোলে চির-আশ্রয় লভে,
সব বেদ বিধি সংহিতা নিরবধি
তেমনি অন্তে তব বৃকে লীন হবে ।

(৪০।২, ১০)

যেথা শুধু নাথ, দুঃখই সার—সুখ সেথায়
করি' কল্পনা ভ্রান্তিবিলাসে চলি !
ছন্দদোলায় আঁধারমুগ্ধ চিত্ত হায়
চিনিতে তোমারে পারে কই প্রিয় বলি' ?
করুণায় তব পেয়েছি চরণ স্নেহলভ
মৃঢ়মতি প্রভু পায় না যেথায় ঠাই !
শুধু যবে হয় শুভমতি আরাধনায় তব
সংসার হ'তে মুক্তির দিশা পাই ।

(৪০।২৫, ২৮)

ভাগবতী কথা

উদ্ধবের প্রতি নন্দ :

কৃষ্ণের লীলা, অমিত বীৰ্য, কম কটাক্ষ, স্নিগ্ধ হাসি,
মধুর ভাষণ স্মরি যবে—হয় সাধন শিখিল, হৃদি উদাসী...
চরণচিহ্ন তার যথাতথা—যমুনা পুলিন, গিরিকানন...
তারি ভাব-রসে ওগো উদ্ধব, তদ্বয় হয় পরাণমন । (৪৬২১,২২)

নন্দ যশোদার প্রতি উদ্ধব :

করিও না খেদ তোমরা বিষাদে—কৃষ্ণেরে পাবে কিরিয়া কাছে ।
দিবা নয়ন থাকিলে দেখিতে—এখনো সে-প্রিয় কাছেই আছে ।
দারুবুকে রাজে অগ্নি যেমন—প্রতি অন্তরে কৃষ্ণ রাজে ।
তবু নাই তার পিতা মাতা জায়া, স্নাত বান্ধবও সে জানে না যে ।
স্বজন শত্রু পর নাই তার—জনম করম সে তো না যাচে ।
লীলাবিলাসের তরে শুধু তার মুরলী জীবনে মরণে বাজে ।
আর যবে সাধু চায় ত্রাণ হরি দেখা দেয় প্রেমে অভয় সাজে,
হ'য়ে অবতার কভু নরদেহে, কভু অমামুখী মূর্তিমাঝে ।
অচ্যুত বিনা কিছুরি সন্তা নাই নাই—যাহা দেখি নয়নে,
যাহা কিছু শুনি—অতীত, বর্তমান, অনাগত, চল, অচল, .
অগীযান, মহীযান—সবি আছে তিনি বিরাজেন বলি' ভুবনে,
জগতের যিনি অদৃশ্য মূল, নিহিত অর্থ, লীলাকমল ।

(৪৬৩৬, ৩৮, ৩৯, ৪৩)

ছন্দোহীন দধিমন্ডন সকল কর্মে করিত যবে

ব্রজাঙ্গনারা কমললোচন কৃষ্ণের কীর্তন,

মিলিত কর্ত্তান তাহাদের ঝংকৃত হ'ত সুদূর নভে

করি' দিকে দিকে অমঙ্গলের চিহ্ন অপসরণ

(৪৬৪৬) .

অতঃপর উদ্ধবের প্রতি গোপীগণের জিজ্ঞাসা :

মথুরার মণি শ্রামলের দীনা	গোপীদের কথা মনে কি পড়ে ?—
যারা ছিল তার চরণনিলীনা,	ভুলিত ভুবন বাঁশির স্বরে ?
প্রিয় পরিজন সুখসাধ যারা	আসিত ছাড়িয়া তাহারি তরে,
গৃহ থেকে যারা ছিল গৃহহার।	তাদের ভুলেও মনে কি পড়ে ?
বলো গুণে সখা, বলো তার কথা,	আমাদের কথা বলো না তারে :
কী হবে বলিয়া ? ফুলঝরা-বাথা	ফুলফোটা কবে বুঝিতে পারে ?
অবলার বলো কী আছে দিবার ?	রূপ তো শিশির বালুকাচরে !
নয়ননদীর ঢেউগুলি তার	চরণসিদ্ধি খুঁজিয়া মরে ।
বৃন্দাবনের আছে হায় শুধু	যমুনা—সেও তো ব্যথায় কালো :
ব্রজের বাসর, রাস, রস, মধু	রচিত তাহারি মায়াবী আলো !

সে-রঙিন মায়া মথুরায় শুনি	নব নব প্রেমে নিতি নিঝরে !
পেয়ে নব-উচ্ছল সুরধুনী	সুরহারাদের মনে কি পড়ে ?
যার আছে ধন ধনী নাম তারি,	শক্তি যাহার সেই তো বলী,
আমাদের শুধু আছে আশিবারি,	নহিও আমরা কথাকুশলী ।
নাই কিছু তবু যারা দিতে চায়,	অকারণে মন কেমন করে,
হেন গোপীদের আজি মথুরায়	বারেকো তাহার মনে কি পড়ে ?
প্রাণ দিতে চায় কুলেরে বিদায়,	কেন চায়—বলো, কেহ কি জানে ?
যে-নিঠুর চিরতরে ছেড়ে যায়	তারি পানে ধাই কিসের টানে !
পলকে যে ভোলে কেন তারে কভু	পারি না ভুলিতে পলকতরে ?
সে চির-উদাসী, জানি—বলো তবু	গোপীদের তার মনে কি পড়ে ?

(৪৭৪০, ৪১, ৪৩, ৫১)

ভাগবতী কথা

গোপীদের প্রতি উদ্ভবের উত্তর :

শ্যামলের প্রেমে যাহারা বিভোর
তাহারেই শুধু জানে চিত্তচোর,
আশার ঝলকে যে-আলোক জ্বলে
যে-প্রদীপ জ্বলে নিরাশা-অতলে
দান-ধ্যানে তারে কে পেয়েছে কবে ?
মিলে কি তাহারে শুধু নাম-জপে ?
কে বলে—তোমরা দীনা ভিখারিণী—
দেববল্লভে নিল যারা কিনি’
ছাড়ি’ কূল বরি’ অকূলতারণ
তারে বিনা গণি’ আধার ভুবন—

কে বলে কলঙ্কিনী তোমাদের—
তারি সহচরী হ’য়ে সহজের
তারে জানে যারা সুখের কারণ
নহে তারা তার আপন তেমন
পূজারী সে জানে মন্ত্র প্রণতি,
জ্ঞানী জানে তার জ্যোতি নিরবধি,
সে-কথা তাহারে বলি’ হরি তারি
অভিসারিকার তরে অভিসারী,—
হেন প্রিয়া-চরণের রেণু চুমি’
তাহাদেরি মাঝে যেন গো কুসুমি’

ভুলি’ সুখ সাধ প্রিয় স্বজনে,
ধন্য তাহারা তিন ভুবনে !
সে-দীপনে পথ যায় না দেখা :
সে দেখায় তার চরণরেখা ।
যোগে যাগে ধরা দেয় না বঁধু :
না ঝরিলে সেথা হৃদয়মধু ?
গরবিণী যারা লভিয়া তারে—
দেবতুল’ভ হুরভিসারে ?
জীবনে মরণ বাসিলে ভালো,
তাই পেলে তার আলোর আলো ॥

প্রণয়ে যাদের শ্যামল বাঁধা ?—
সখীসুর হ’ল যাদের সাধা !
সাবধানে চায় শরণাগতি,
যেমন তোমরা লো চিরসতী ।
প্রার্থী সে জানে কৃতজ্ঞতা :
প্রেমিকা—তাহার প্রাণের কথা ।
প্রেমে ফিরে পায় আপন সুখা :
নহিলে যে তার মিটে না সুখা !
যত কূল ফোটে বৃন্দাবনে,
উঠি আমি সেই প্রিয়-বরণে ॥

(৪৭২৩—২৬, ৫৯, ৬১)

দশম স্কন্ধ

গোপীদের কাছে উদ্ধব-আনিত কৃষ্ণের বাণী :

বসুহং ভবতীনাং বৈ দূরে বর্তে প্রিয়ো দৃশ্যাম ।

মনসঃ সন্নিকর্ষার্থং যদমুখ্যানকাম্যয়া ॥

যথা দূরচরে প্রেষ্ঠে মন আবিশ্য বর্ততে ।

জীণাঞ্চ ন তথা চেতঃ সন্নিকৃষ্টৈহকগোচরে ॥

আখির আড়ালে তোমাদের আমি রহি দূরে দূরে—যাহাতে ধ্যানে
আরো কাছে আসো সবে মোর নাশি' মনের আড়াল—আশ্রয়দানে ।

নয়ন-মূলভে নারীর মন যে তেমন লিপ্ত থাকে না সখী,
যেমন সে থাকে ছল্‌ভ প্রিয়তম 'পরে তারে নাহি নিরখি' ।

(৪৭৩৪, ৩৫)

গোপীদের প্রতি উদ্ধব :

বিশ্বহৃদয়নিবাসী হরির অভয়শরণে যে-প্রণয়ের

বরপ্রার্থী মূনি গৃহী সবে, সেই ধনে ধনী ব্রজরমণী ।

ধন্য তাদের জনম ধরায়—জীহরিতে হ'ল প্রেম যাদের,

নাও যদি হয় কুলবতী তারা রবে কুলীনোরো মুকুটমণি ।

ব্যভিচারিণী কে বলিবে তাদের—কৃষ্ণে যাদের অচলা রতি ?

নারী বলি' অনাদর কে করিবে প্রেমে যারা চির-অতুলনীয় ?

না জানিয়াও যে অমৃত সেবন করে—পায় শূঁখে অমরাবতী :

বিদুষী যে নয় হরিরে বাসিলে ভালো—হয় সে-ও হরিপ্রিয়া ।

(৪৭৫৮, ৫৯)

মধুরায় প্রস্থানোচ্ছত উদ্ধবের প্রতি নন্দাদি ব্রজবাসী :

মনের সকল বৃত্তি হোক কৃষ্ণচরণের ত্রাতী,

বচনে ঝংকৃত হোক কৃষ্ণ-নাম, দেহ তাঁর নতি-

দীক্ষায় দীক্ষিত হোক । কর্মবশে ভ্রমি হায় যদি

জন্মে জন্মে—যেন দানে শুভকর্মে হয় কৃষ্ণে মতি । ৪৭৬৬, ৬৭

ভাগবতী কথা

কৃষ্ণের প্রতি অক্রুর :

কঃ পণ্ডিতত্বদপরং শরণং সমীয়াত্ত্বকপ্রিয়াদৃতগিরঃ সুহৃদঃ কৃতজ্ঞাং ।
সর্বান্ দদাতি সুহৃদো ভক্ততোহভিকামানাত্মানমপ্যুপচ্যাপচ্যৌ ন যস্য
দিষ্টা জনার্দন ভবানিহ নঃ প্রতীতো যোগেশ্বরৈরপি ছরাপগতিঃ সুরৈশৈঃ
হিঙ্খ্যাত নঃ সুতকলত্রধনাগুগেহ-দেহাদিমোহরশনাং ভবদীপমায়াম্ ॥

যে-তুমি ভক্তবৎসল, সখা, সত্যের আশ্রয়
কৃতজ্ঞ, প্রেম-প্রতিদানে দাও প্রেমিক সুহৃদে তব
শুধু ঈশ্বিত বর নয় তার—হে উদার বান্ধব !—
আপনারে করো তারে দান—যার নাহি ক্ষয় অপচয় ।
মুনি ঋষি দেবপতিগণো নাথ জানে না স্বরূপ যার,
হেন তুমি বহু সৃষ্টির ফলে যবে আমাদের কাছে
হয়েছ মূর্ত—যাচি : ধন-জন-জায়া-সুত-গৃহে আছে
যত আসক্তি—তুর্ণ বিনাশ করো দৃঢ়মূল তার ।
(৪৮।২৬,২৭)

অক্রুরের প্রতি কৃষ্ণ :

শ্রেয় যারা চায়, তাত, তোমাসম মহাভাগ তাহাদের
প্রণম্যতম । দেবগণ ফিরে দৈব স্বার্থ তরে :
শুধু সাধু নয় স্বার্থসন্ধী । জলময় তীর্থের
কি বা মৃদয় পাষণ প্রতিমা বহুল পুঙ্কার পরে
করে পবিত্র অশুচি মানব-তল্লমন—সাধুগণ
সাধেন শুদ্ধি মুহূর্তে—যবে দেন তাঁরা দরশন ।
(৪৮।৩০,৩১)

* ন হ্যশ্ময়ানি তীর্থানি ন দেবা মৃচ্ছিলাময়াঃ
তে পুনস্ত্যক্কালেন দর্শনাদেব সাধবঃ ॥ (৪৮।৩১)

দশম স্কন্ধ

বৃন্দাবনের বর্ষা :

হে মেঘ, তোমার বিদ্রাৎ-ঐশি হ'তে যে-অখোর অঙ্ক করে
অপরূপ তার বেদনার ছায়া-শোভা !
কোমল তোমার প্রাণখানি বুঝি করুণাসজ্জল সবার ভরে—
তাই খরতাপে দেখা দাও মনোলোভা !

রূপতত্ত্ব তুমি করো ক্ষয় মেঘ, ভরিতে ধরার নিঃশব্দ নদী,
হাতুরের লাগি' আপনার সাধো লয় !
তোমারি প্রসাদে ফুলময়ী ধরা ! তোমার দান না থাকিত যদি,
কোথায় রহিত সিক্কুর সঞ্চয় ?

তবু লীলা তব বিচিত্র মেঘ !—অভিমান যথা চেতনা ঢাকে
তারি ঝলকনে লভি' আলো আপনার,
মাখিয়া অঙ্গে চন্দ্রকিরণ রাঙিয়া তাহারি রক্তরাগে
তারেই নিভাও আনিয়া অন্ধকার ! *

তোমার আবির্ভাবে ওগো মেঘ, নিদাঘ-শ্রান্ত ময়ূর ছোটো
মেলি' পাখা তার তেমনি উজ্জ্বলিয়া,—
কামনা-ক্লান্ত জীবনপাখ যেমন পুলকে উহসি' ওঠে
কমলাকান্ত-প্রেমিকেরে নিরখিয়া ।

(২০৬, ১০, ১২, ২০)

* ন ররাজোড়ু পশ্চরঃ স্বজ্যোৎস্নারাজিতৈর্ধনৈঃ ।

অহম্বতা ভাসিতয়া স্বভাসা পুরুষো যথা ॥

দেবগণের কৃষ্ণ-স্তুতি :

যচন মন ও প্রাণের লক্ষ্য যে-ভূমা হে ভগবান,
 তারি উপলব্ধির বাণীবহ—বেদের মন্ত্রগান ।
 তোমারি প্রতিভূ—শক্তি, বিভূতি, দেব দেবী—সে যে জানে,
 কল্পের পরে বিলয় যাদের হয় লীলা-অবসানে ।
 যারেই কেন না করি পূজা—তুমি সে-পূজা করো গ্রহণ :
 যেথাই ভিত্তি লভি—পদতলে ধরণী ধরে চরণ ॥ (১৫)

কচিদজয়াঅনা চ চরতোহমুচরেম্মিগমঃ ॥ (৮৭!১৪)

দশম স্কন্ধ

ত্রিগুণেশ্বর ! তাই মুনিষ্যি চাহিল অমূল্য
তোমার কথাযুত-সমুদ্রে করিতে অবগাহন,—
করে যে কালন সর্বলোকের যুগসঞ্চিত পাপ
পরমানন্দ-পদে তব নাথ জুড়ায় নিখিল তাপ ॥ (১৬)

হে মায়ামানব ! স্বরূপ তোমার যুগে যুগে উজলিতে
ধরো তম্বু তুমি—সে-লীলাকাহিনী ঝংকৃত সঙ্গীতে ।
যারা সে-মহামৃত-কৌতূহল-অন্ধিতে স্নান করে
মরালের ম'ত তোমার চরণ-কমল-সুরভি তরে,
তাদেরো সঙ্গ-আশে যার। ছাড়ে গৃহ-সুখ যশোমান
তাহাদের কেহ কেহ নাহি চায় মোক্ষেরো বরদান,—
ধর্ম-অর্থ-কাম কোন্ কথা—এমনি মহিমা তব !
কত রূপে দাও দর্শন, তবু আজো চিরহর্ষভ ॥ (২১)

নিখিল প্রাণীর অন্তরবাসী বলিয়া তোমাতে যারা
করে সেবা—চলে মরণের শিরে চরণ রাখিয়া তারা ।
করণায় তব তোমাতে যাহারা বরিল বন্ধু বলি'
তীর্থ তারাই জীবনে : যাহারা প্রেমে না সমুচ্ছলি'
অভিमानে শুধু করে মুখে বেদবাক্য উচ্চারণ,
বচনেরি জ্বালে করো তাহাদের পশুসম বন্ধন ॥ *

* তব পরি যে চরন্তাখিলসত্ত্বনিকেততয়া
ত উত পদাক্রমন্ত্যবিগণ্য শিরো নিষ্ঠতে : ।
পরিবয়সে পশুনিব গিরা বিবুধানপি তাঃ
স্বয়ি কৃতসৌমদাঃ খলু পুনস্তি ন যে বিমুখাঃ ॥ (২৭)

ভাগবতী কথা

হেন মৃঢ় জ্ঞানী বিদগ্ধদের দেখি' চিরদুর্গতি
হ'তে চায় তব ভাববৈরাগী—যাহারা অমলমতি
চরণ তোমার চায় যে শরণে কোথা তার ভবভয় ?
কালরূপী তব প্রকৃতি তো নাথ ভক্তের তরে নয় ॥ (৩২)

বহু সাধনায় করে যোগী যারা ইন্দ্রিয় প্রাণ জয়,
তাহাদেরো মন-তুরঙ্গ হায় তাদের অধীন নয় !
গুরুচরণাশ্রয় বিনা যারা হেন ছরস্তু মন
স্ববশে আনিতে চায়—নিষ্ফল তাদের আকিঞ্চন
বিনা কাণ্ডারী তুফান-সাগরে তরণী ভাসায় যারা
গুরুহীন সাধকের চেয়ে নয় মতিচ্ছন্ন তারা ॥ *

অস্তুর হ'তে কামজটা যারা করে নি উন্মূলিত
হৃলভ তুমি তাহাদের কাছে—বিরাজে অপরিচিত .
মণিহার শোভে কণ্ঠে যার সে মণি যদি ভুলে থাকে,—
মণির মিলন জানে না—কেবল কণ্ঠে হুলায়ে রাখে ।
চিন্তায়ে যারা লালসারে করে লালন, তাদের যোগ
সাধনা-গোলোকো পায় না, হারায় বাসনারো ইহলোক ॥

(৩৩)

* বিজিতহৃদীকবায়ুভিরদাস্ত-মনস্তরগঃ
য ইহ যতন্তি যন্তমতিলোলমুপায়খিদঃ ।
বাসনশতাঘ্নিতাঃ সববহায় গুরোশ্চরণঃ
বণিজ ইবাজ্জ সন্ত্যক্তকর্ণধরা জলধো ॥ (৩৩)

কালিয়-দমন

কালিন্দীর কূলে এক হ্রদে বাস করিত বিশাল
কালিয় সহস্রকণা ল'য়ে তার অজস্র ভয়াল
মহিষী সমুত্তি অমুচর। তীব্র বিবোধগারে তার
স্বচ্ছ নীর ছিল চিরমসৌক্য—রচি' তুর্নিবার
আবর্ত জাগাত ভীতি সে-পন্নগ পান্থের অন্তরে।
বিহঙ্গ উড্ডীন যদি হ'ত কভু হ্রদের উপরে
সে-করাল হলাহল-ঘ্রাণে শুধু হ'য়ে মুহুমান্
পড়িত পলকে জলে। তরু লতা তৃণ হ্রতপ্রাণ
ছিল সে-হ্রদের চারিপাশে। বৃন্দাবনবাসী কেহ
আসিত না কাছে তার।

লীলা যার চির-অনির্ণয়

সে-বালগোপাল একদিন ল'য়ে সখাসমীদল
গোচারণ ছলে এসে হ্রদতটে সহসা চঞ্চল
আনন্দে হ্রদের তীরে কদম্বের শাখে লহমায়
আরোহিয়া, নীবিবদ্ধ বাঁধি' করি' বাহ্মাফোট হায়
দিল ঝাঁপ হ্রদজলে। গোপ গোপী আতঙ্কে উচ্ছলি'
উঠিল হ্রদের তটে “কী করো, কা করো সখা” বলি'।
শুনি' বার্তা উৎকণ্ঠিতা যশোদা ছুটিয়া আসি' পলে
অঞ্চলনিধিরে ডাকে দিতে ধরা ফিরিয়া অকলে।
মাতার নয়নে রাখি' নয়ন—চঞ্চলি' সম্বরণ
করে অঞ্চলের-নিধি চূর্ণ উর্মি করি' উৎক্ষেপণ

ভাগবতী কথা

জননীয়ে নিবারিল রমণীরা ঝাঁপ দিতে নীরে,
কৃষ্ণসখাগণে নিবারিল রাম—অস্তুর-গভীরে
শুধু সে জানিত লীলা অমৃতের অনন্ত-বিধার ।

তবু, “লক্ষ আশীবিধ যেথা করে বাস—সুকুমার
শিশু সেথা কেমনে বাঁচিবে ?”—কাঁদি’ কহিল সকলে
কেহ করে হায় হায়, কেহ “এসো ফিরে এসো”—বলে ।
গাভীগণও সাক্ষরনেত্রে করে আত’নাদ হেরি’ প্রভু
কৃষ্ণেরে সে-জলে—যেথা জীব কেহ দেখে নাই কভু ।
গোপী-বাছবন্ধে নন্দরাণী রয় একদৃষ্টে চেয়ে
নয়নমণির পানে……নয়নে নীরদ আসে ছেয়ে ।
দেখে—ক্ষুদ্র কর ছুটি চঞ্চল বিদ্যুৎছন্দে দোলে
মেঘসম-কৃষ্ণ-জলে ! কোন্ প্রেমপদ্ম দল খোলে
মৃত্যুর মৃণালে ! ভয়-পারাবারে কোন্ যাছুকর
অপারের তরীবাহ হ’য়ে আসে সংকটে-সুন্দর !

গায়	জীবনে মরণজয়ী দীপ্তিহলাল :
“মরি,	কী কোমল হৃদজল শাস্ত্র বিশাল !
হেথা	করিতে সিনান
লভি’	গগন-বিতান
জাগে	কী পুলক-শিহরণ অঙ্গে মম
বলে	কেন সবে এ-সরসী ভয়ালতম

দশম স্কন্ধ

ঘোর মরণ হেথায় ? ওরে, মরণ কোথায় ?
 রচে মরণ-আড়াল প্রাণ—বিকাশ-লীলায় !
 যারে করি ভয় হায়,
 পাই তারি তো ছায়ায়
 মোরা প্রতিদিন আশ্রয় অভয়-দোলে :
 জলে যুগে যুগে আলোমণি কালোরি কোলে ।

“ওগো কোরো না কোরো না ভয় নন্দরাণী !
 ছায় যে-লঙ্কা মনে তব জানি মা জানি ।
 শুধু দেখ না চেয়ে—
 দূর আকাশ ছেয়ে
 নীল জলদে বলকে কোন্ আয়ুয্যতী !
 দেখে দাহ যে দামিনীদামে—সে মুঢ়মতি ।

“ও লো গোপী সখী ! ঝরে কেন নয়নে বারি ?
 কেন ? প্রেমীও কি নয় চির-দুরভিসারী ?
 শুধু তোমরা অয়ি,
 হবে নিবেধজয়ী,
 আর আমরা ছলিব বিলাসের দোলনায় ?
 নাই কুখা যার অচিনের—সুখা সে হারায় ।

ভাগবতী কথা

“কেন ফিরাও বয়ান বধু ? দেখ না ফিরে
দোলে দোলে কেমনে পীতাম্বর অসিত নীরে !
কোথা মাধুরী-বিথার ?
যেথা ভয় মানে হার :
দেয় ছায়ার কবরী আলো যেথায় খুলে,
সখী, কূলে তো মেলে না কূল, মেলে—অকূলে।

আশা চিরদিন তারি তরে রয় উদাসী
প্রাণ সূখমাঝে রয় যার বাধাপিয়াসী
সখী মরণ-গুহায়
মিলে জীবন-চূড়ায়,
যেথা সবে করে মানা—আছে সেথাও তারণ,
ভায় পাতালেও সে-ই—ছায় যে নীলগগন।”

শুনি’ শ্রীকান্তের গান—হেরি’ হৃদে অশ্রাস্তকল্লোল জলতরঙ্গ,
অতল-বিলাস তাজ্জি’ দেখা দিল বিভীষণ বহুফণা ভুজঙ্গ ।
অখিল ঐশ্বর্য আদরণীয়-যে, মায়াতম্বু ছায়ানীরদবর্ণ,
পীত অম্বর কটিতে মরি, পরশনে যার সকলি স্বর্ণ,
উরসে যাহার শ্রীবৎস-লাঞ্ছন, শ্রীচরণে রক্তকমল-শান্তি,
দংশনে ঝরালো রুধির তাহারি শ্রীঅঙ্গে কালিয় করালকান্তি !

• তং শ্রেষ্ঠগীতমুকুমাৰঘনাবদাতং শ্রীবৎসপীতবসনং শ্রীতমুন্দরাস্তম্ ।
কৌড়ন্তমপ্রতিভয়ং কমলোদরাজ্জিৎ সন্দশ্য মৰ্মনু রুধা ভুজয়া চছাদ ॥

দশম স্কন্ধ

যত ঢালে বিষ—নিত্যানন্দ তত গায় তারস্বরে, দেখিয়া সর্প
বেষ্টিল তাহার দেহ কুণ্ডলীর বন্ধনে লেলিহ, অমিতদর্প ।
করে হাহাকার গোপগোপী তীরে—শিরায় শোণিতপ্রবাহ স্তব্ধ !
কিশলয়-বুকে দাবানল—শ্বাসে ক্ষণফুলিঙ্গেরে সমুদ্রাবত' !!
দীপন-তুলাল, মিলন-তুলাল, জীবন-তুলাল কমলাকান্তে
কেমনে নরক-জিঘাংসা ত্রাসিল—গ্রাসিল গরল প্রণয়নাশে ?
নয়নে যাহার রাখিয়া নয়ন দৃষ্টিকণা করে বরণ দৌলি,
লভি' শ্রীতি যার জীর্ণ জরা পায় কির যৌবনের বিজয়-তুলি,
দেখি' হাসি যার অশোক-ঝংকারে ছায় অশ্রুচিয়া বিগতভ্রান্তি,
প্রতি পদধ্বনি বাহি' জয়ধ্বনি করে প্রাণ জিনি' কামনাক্রান্তি,
গুনি' বাঁশি যার বেসুরারো বুকে বিছায় প্রাবন রাগতরঙ্গে,
হেরি' ত্রিভঙ্গিমা যার হয় মন মলয়-ময়ূর নটন-ভঞ্জে,
করি' পান যার অমৃত-আনন ক্ষণিকেরো তরে নয়ন-পাত্রে
বেদনায় পায় চেতনার দিশা চিরন্তনের তীর্থযাত্রী,
করতালি যার গুনি' চমকিয়া নাচে মুখহিয়া ললিত লাস্ত্রে,—
হেন অমরার উষা-উলুধ্বনি কে ঢাকে অম্বর আঁধার-হাস্তে ?

দেখিয়া অধীর সবারে, শ্রীরাম করিল শ্রামলে মৃত্ত প্রভঞ্জন :
হাসিয়া কিশোর করে তনু ফাঁত, কে বাঁধে বন্ধনে আলো-অনঙ্গ ?
কৃতান্ত-কুণ্ডলী হ'তে বিষধর করি' বালকেরে মুক্ত—চক্ষে
চেয়ে রয় গাঢ় বিষয়ে—অনামী আবেশ বিছায় ক্রুদ্ধ বন্ধে !
কেমন এ-শিশু বুঝিয়া বুঝেনা—আলাময় মেঘ ঘনায় মর্মে,
তবুও প্রবোধ মুগ্ধ হয় কেন অশেষ শিশুর চপল মর্মে !
যুগল স্তব্ধ করিয়া লেহন ধায় কালফণী গরলক্ষক,
ছিন্নিখা রসনা ওঠে বলকিয়া—বাঁধিতে তারে যে জীবমুক্ত !

ভাগবতী কথা

ধায় সে দংশন করিতে কিশোরে বিচ্ছুরি' নয়নে বিষাগ্নিদৃষ্টি :
গরুড়ের ম'ত ভ্রমে পলাতক চক্রাকারে করি' হান্তবৃষ্টি ! *

বৃথা অম্লসরি' তারে বায়ুবেগে হয় যবে অহি পরিজ্ঞাস্ত,
নৃত্যের-কলায়-নিখিলের-গুরু মোহন মায়াবী সে-উদ্ভ্রাস্ত
নাগের উচ্ছ্রিত কণা বেষ্টি' করে—উগ্রতাপ চক্রে আরোহি' তূর্ণ
অপরূপ নৃত্যবিভঙ্গে তাহার করিতে চাহিল দর্প চূর্ণ ।
বহুতুণ্ড সেই উদ্ধত উরগ করিতে দংশন মেলে যে-শীর্ষ
সে-শিরে চরণ রাখে চাক্রহাস, বিযুক্ত বসুধা দেখি' সে-দৃশ্য !
অন্তরীক্ষ করে পুষ্পবৃষ্টি—বাজে আনক পগব মৃদঙ্গ শব্দ,
গঙ্কর্ব কিম্বর সিদ্ধ মুনি ঋষি করে নতি হেরি' শিশুর রঙ্গ ! †

* তৎপ্রাখ্যমানবপুষা ব্যাধিতাঙ্গভোগ-স্তক্কেন্নমযা কুপিতঃ স্বফণান্ ভূজঙ্গ
তন্ত্বে স্বসন্ স্বসনরক্ত বিষাশ্বরীষ-স্তক্কেক্ষণোল্লুকমুখো হরিমীক্ষমাণঃ ॥
তং জিহ্বয়া দ্বিশিখয়া পরিলেলিহানং হে স্কন্ধী হৃতিকরালবিষাগ্নিদৃষ্টিম্ ।
ক্রীড়ন্নমুং পরিসসার যথা খগেন্দ্রো বভ্রাম সৌহপ্যবসরং প্রসমীক্ষমাণঃ ॥

† এবং পরিভ্রমহতৌজসমুন্নতাংশম্ আনম্য তৎপৃথুশিরঃস্বধিরূঢ় আত্মাঃ ।
তস্মৈ ধীরত্বনিকরম্পর্শাতিতাত্ত্ব-পাদাঙ্গুলোহখিলকলাদিগুরুন'নত' ॥
তং নতু মূচ্ছতমবেক্ষ্য তদা তদীয়গঙ্কর্বসিদ্ধ-সুরচারণদেববক্ষঃ ।
ঐত্যা মৃদঙ্গপগবানকবাঙগীত-পুষ্পোপহারমুতিভিঃ সহসোপসেহুঃ ॥

দশম স্বৰ্গ

করে আফালন যে-কণা—আনত হয় অনন্তের পার্শ্বের
উজ্জ্বল রক্তধারা প্রতি মুখ হ'তে কালিয়ার : নটেশ হর্ষে
বাজায় মুরলী—করাল সুন্দর চলিছে ফণার নাট্যক্ষে
নিগূঢ়-গরল প্রতি চক্রে যার হয় শতদল মায়্যা-মালকে !
ফণীফণালীন মণির কিরণে অরুণাভ হরিচরণগদ্য
রসাতলকালো কুটিলের বুকে রচিল রূপের সরলসদ্য !...
বাল-বিশ্বরাজে নমিল করাল কালিয় শোণিতকরণে-ব্রাস্ত,
প্রাণভয়ে যত নাগজায়া আসি' করে স্তব নমি' চরণ-প্রাস্ত :—

“নমি নাথ তব চরণে আমরা সবে,
হে দণ্ডধারী, তুমি বিনা কে বা ভবে
করিবে দমন নতিহীন দুর্জনে ?
তুমি বিনা আছে শাসক কে ত্রিভুবনে ?
অরি-সখা-স্মৃতে সমানদৃষ্টি যার
দণ্ডদানের তারি শুধু অধিকার ।
রোষ তব হরি, নহে অভিশাপ নহে :
অকরণতায়ও করুণা তোমার বহে ! *
নয় কভু নয় করনা হেন বাণী :
প্রেম-পথে শুধু হয় মন-জানাজানি ।
করুণারি তালে প্রেম চলে অভিসারে,
কতটুকু মন জানে সেই করুণারে ?

* অ্যায়ো হি দণ্ডঃ কৃতকিৰ্বিষেহস্মিন্ধবাবতারে খলনিগ্রহায় ।
রিণোঃ স্মৃতানামপি তুল্যদৃষ্টে—৫৭সে দনং কলমেবানুশংসন্ ॥

(১৬৩৩)

ভাগবতী কথা

“কোন্ লীলাছিলে কারে দাও কোন্ পদ
বেদনা-বৃন্তে চেতনার কোকনদ !
নহিলে কেমনে ঘটে হেন অঘটন:
ইন্দিরা চেয়ে যে-বরদ ত্রীচরণ
যুগ-যুগান্ত করেছিল তপ মরি,
মুনি ঋষি যোগী কিম্বর কিম্বরী
দেব দেবী কাঁদে যে-চিরচরণ তরে,
পলক-পরশে যাহার মরণো মরে,
লভিলে যাহারে স্বর্গেরে মনে হয়
গ্লানদীপ সুধাহীন ছায়া-অভিনয়,
যোগবিভূতিরো পানে যোগী ফিরে আর
চাহে না—লভিলে যে-পদ সারাৎসার,—
কেমনে তারে সে ধরে শিরে দয়াময়,
কাছে যেতে যার চলাচল মানে ভয় ?—
পরশে যাহার বেদনা রূপান্তরে
নবীন-চেতনা-চমক-যুগান্তরে ?—
আনন্দে যার সব পাখিব জয়
পরাজয় হ’তে পরাজয় মনে লয় ?

তুষার-শিখর করি’ আরোহণ তবু
দেখি—অশ্বর তেমনি সুদূর প্রভু,

“বহু সাধনারে! পরে যে-বর চরণ
তেমনি সুতুল’ভ দেখি’ কাঁদে মন,
তামসিক নাগে সেই ত্রীচরণতলে
দিলে লীলাময়, আশ্রয় লীলাছলে !

“কোন্ বেসুরার পথ বাহি’ প্রভু আনো
সুরেলার সুখসঙ্গম !—ব্যথা হানো
কোন্ সে-পরমানন্দ করিতে দান
পরাজয়ে জ্বালি’ নবজয়-সন্ধান !
যাতনার পথে দিব্যদৃষ্টি বর
লভি মোরা তব প্রসাদে শুভঙ্কর ।

“করো অভিমান স্তব্ধ—বাজাতে তব
নিরভিমানের রাগমালা নব নব ।
মুখরতা মাঝে শোনাও গভীর গীতি—
ক্রোধে আনি’ তব মার্জনা, হে অতিথি
হাসির অরুণ খেলে ঐ অভিনব
অধরে যখন—জানি হে মহানুভব,
পেয়েছি তোমার করুণা অহৈতুকী :
রবি-ডাকে ফোটে ধুলায় সূর্যমুখী ॥

ভাগবতী কথা

বৈরাগীর পরীক্ষা

করিল যবে কালযবন দ্বারকা অবরোধ

দ্রুতচরণে দ্বারকাপতি করিল পলায়ন ।

হরির পিছু ধায় যবন গরজি' নির্বোধ :

“থিক্ যাদবপতি, তোমার কেমন আচরণ !”

নিগূঢ়-মতি কৃষ্ণ যবে তূর্ণগতি ধায়,

যুঢ় বিজয়ী জানে না—পলাতক কেমন ছলী...

সহসা হরি লুকায় গিরিকন্দরে—যেথায়

ছিল ঘুমায়ে বৈরাগী শ্রীমুচুকুন্দ বলী ।

পেয়েছিল সে বর—রক্ষি' দ্ব্যালোকে দেবতায় :

নিদ্রা যদি কেহ তাহার ভাঙে আচম্বিতে,

চাহিলে তার পানে—হবে সে ভস্ম লহমায়,

ক্লান্ত রাজা তন্দ্রালীন তাই ছিল নিভৃত্তে ।

কালযবন গুহায় পশি' কৃষ্ণে অমুসরি'

কেশব ভাবি' শায়িত ভূপে ক্রুদ্ধ পদাঘাতে

জাগাল যবে—লুকায়ে যুগ্ধ হাসে মায়াবী হরি :

শত্রু-হ'ল ভস্ম পলে বিনা রক্তপাতে ।

হরি তখন মুরতি অপরূপ ধরিল পলে :

পীতাম্বর...চতুঙ্গাদি...কণ্ঠে জয়মালা...

রবিলাহী নয়ন এ কী কোমল হ'য়ে অলে

সূর্য-শশী-মিলন সম—ভুবন করি' আলা !

কবিতা-স্বরূপ

বৈরাগী রাজা বিশ্বমুখ স্বরে :

চরণ যার কমল সম, খির বিজলি—হাসি,

স্বপনাতীত আভা বলকে অঙ্গে অবিরাম
কে সে অতিথি ! কেন বা মনে হয় যে ভালোবাসি
তারেই যুগে যুগে—বরণ যার ঘনশ্রাম !

জীবন আমি জেনেছি—মায়া ব্যর্থ নির্মম

গতির যেথা লক্ষ্য নাই, প্রণয়ে শুধু কুখা,
কুসুমের কীট, বিকাশে রাহু,—হেথায় প্রিয়তম
অভ্যুদয়ে কে তুমি এলে—জ্বালায় বুকে সুখা !

কৃষ্ণ সহাস্যো :

অমের আমি, অনামী প্রহেলিকা—গণিতে কেহ

যদি পারে এ-ধরার ধূলি—গণিতে মোর নাম
জনম গুণ করম রূপ মানিবে হার সে-ও,
হয়েছি অবতীর্ণ আমি অশেষ প্রাণারাম

পঙ্ক-বুকে ইন্দীবর—মানব তমু ধরে

ধরিত্রীর অশ্রুরকুল সংহারিয়া—তার
হরিতে ভার আবির্ভাবি' বসুদেবের ঘরে
এসেছি আজি তোমাতে দিতে দর্শন আমার ।

ভক্ত তুমি, বন্ধু, আমি ভক্ত-বৎসল,

অতীত যুগে আমার তরে তুমি যে করেছিলে
বহুল তপ—অলীকিয়ারি তাই হে মহাবল,
যে-বর চাও করিব দান বারেকো প্রার্থিলে ।

ভাগবতী কথা

(ঈষৎ বিরতির পরে)

নীরব কেন ? এসেছি আমি তোমারে দিতে বর
কী সাধ বলো অকুণ্ঠে হে উদাসী সুপ্রিয় !
শরণাগত যারা—তাদের আমি যে ব্যথাহর
চরণদানে জানাই—কেন ব্যথাও বরণীয় ।

রাজা মুচুকুন্দ কৃতজ্ঞালি :

অবোধ আমরা স্মৃতিতরে ধাই নিরুদ্ধেশে
নিরাশারে শুধু কোল দিতে চেয়ে হায় !
যারে বলি আশা সে যে শুধু ব্যথা ছদ্মবেশে—
তোমারি মায়ায় আজো প্রাণ ভুলে যায়
চূর্ণভক্ত মানবজনম লভিয়া প্রভু,
তনেও তুনি না—ভাকো তুমি কোন্ পথে :
বাঁশি গায়—“আয় চরণছায়ায় ।” কী আশে তবু
দিকে দিকে মন ধায় বাসনার রথে !

যেথা নাই সুখা—তারি তরে ক্ষুধা সর্বনাশা !
মণি-ভ্রমে বরি অজ্ঞার কত সাধে !
সে-কালো আবরে অন্তরে আলোশিখার ভাষা
অহেতু আঁধার ছেয়ে আসে ... প্রাণ কাঁদে

রাজা বীরেন্দ্র কবি ও শিল্পী দীপ্ততম
চায় স্তবরতি বহুমান যশোগীতি,
ছাড়িয়া তোমার রবি-আঁখি হয় অন্ধসম
রঙ্গিনীদের হাতের খেলনা নিতি !

দশম স্কন্ধ

মানো না তো মানা বিমুক্ত আশা : কেহ বা বরে
উগ্র সাধনা—জ্যোতি' ভোগ দিনে দিনে—
আরো স্তম্ভহী কীৰ্ত্তি-প্রতাপ-লালসা তরে,
আরো হুৰ্ভোগ সহে—তোমায়ে না চিনে !

শাস্তি-বিহারে পায় না শাস্তি লক্ষ্যহারা,
ভক্ত সূক্তনে যখন পায় সে কাছে,
দেখে প্রশান্ত নয়নে তাদের তোমার তারা
দেয় বরাস্তয় “অকুলেই কুল আছে ।”

অকিঞ্চনের পরম-প্রার্থনীয় হে প্রভু !
তোমার প্রশান্তি-মন্দিরে যবে আমি
প্রসাদ-ভিখারি—কেন প্রলোভনে ছুলাও তবু
অলীকে আকুলি' তুলি' অন্তরবাসী ! *

সয়েছি অশেষ বন্ধনতাপ বেদনা কালো,
কুল-ভ্রমে শুধু গেঁথেছি কাঁটার মালা !
আজ দাও তব চরণে শরণ—জালিয়া আলো
করো অবসান নিরবসানের পালা । †

* ন কাময়েহ জ্ঞ তব পাদসেবনাম্
অকিঞ্চনপ্রার্থ্যতমায়রু বিতো । (উপেন্দ্রবজ্রা)

† শ র গ দ স সু পে ত : ত্তং প দা জ্ঞ প রা জ্ঞান-
নভয়তমমশোকং পাতি মাপরমীল । (যামিনী ছন্দ)

ভাগবতী কথা

শ্রীকৃষ্ণের প্রার্থনাপূরণ :

আশার গগনে বাসনার মেঘ ইন্দ্রধনু
রচে কত ছলে—বর্ণ-কুহেলিকায় !
নাই যেথা কায়া—সেথা অপরূপ ছায়ার তনু
কল্পনা করে নয়ন—রূপতৃষায় ।

ঘনায় রাত্রি...নিভে যায় আলো পলকে সেথা...
তরু হয় মরু...হাসি হয় আঁধারীর !
অলৌক কাস্তি আনে অশাস্তি, অসীম ব্যথা,
স্নিগ্ধ জলদে বুনি' দাহ দামিনীর !

বাসনা-বিলাসী গরলেয়ে নিতি গনি' অমিয়,
ধায় উদ্ধাম হলাহল-পিপাসায় :
উর্ধ্ব শূন্য...নিয়ে বেদনা অসহনীয়...
অসীমের ক্ষুধা মিটে কতু সীমানায় ?

চিন্তা তোমার হয়েছে অমল ওগো পূজারী !
তাই বাঁশি তুমি শুনিলে হৃদয়পুরে :
মতি হ'ল তব বীর্যে-অটল—হুরভিসারী,
সমীপ-বিদায়ে চাহিলে চির-সুদূরে ।

প্রাথিলে না তো সেই বর বাহা নিখিল যাচে :—
যৌবন, নারী, রাজ্য, কীর্তিমণি ।
প্রলোভন এসে ছারে তব গেল কিরিয়৷ লাজে
দেখিয়া তোমাতে প্রেমধনে আজ ধনী ।

দ্বাদশ স্তোত্র

হলিতে তোমারে আসি নাই আমি হে সুপ্রিয় !—

এসেছি দেখাতে—যে-ভক্ত উচ্ছল

একান্ত মনে চায় আমারেই—সে বরণীয়,

প্রলোভনে রয় হরিদাস অবিচল । *

শ্রান্তিমুরলী তাহারেই শুধু বিপথে ডাকে

ঐকান্তিক নহে যার আরাধনা :

ভুবনমোহনে সাধে না যে—পড়ে মোহবিপাকে,

কায়া-ভ্রমে নিতি বরি' ছায়াঞ্জলনা !

ভক্তির পথে লভিলে শক্তি অপ্রমেয়,

এসেছি তোমারে এই বর দিতে তাই :

প্রেম তব রবে আকাশের মত অপরাঙ্কেয়

বাসনা-বাদলে যার পরাভব নাই ॥

* সার্বভৌম মহারাজ মতিস্তুে বিমলোজ্জিতা ।

বরৈঃ প্রলোভিতস্তাপি ন কামৈবিহতা যতঃ ॥

প্রলোভিতো বরৈর্ঘৎ স্বমপ্রমাদায় বিদ্ধি তৎ ।

ন ধীরেকান্তভক্তনানানীতিভিভূতং কচিৎ ॥

(৫১।৫৮, ৫৯)

ভাগবতী কথা

শ্রীকৃষ্ণ-ক্লান্তিগী সংবাদ

যাহারে তার পিতৃগৃহ হ'তে কেশব ছিনিয়া
আনিল রণে হাজার পাণি-প্রার্থী ভূপে জিনিয়া
(শুনিয়া যে, সে-স্বয়ম্বর কক্ষে শুধু বসিল,
না দিয়ে দেখা, শুনায়ে নাম যাহার মন হরিল
মায়াবী চির-অনামী) সেই ক্লান্তিগী বরণ্যা,
(বিদর্ভের রাজাধিরাজ ভীষ্মকের কন্যা)
পতির রথে দ্বারকাপুরে আসিলে—হরি যতনে
রতনালয়ে রাখিল সেই রতন হ'তে রতনে ।

একদা, যবে কুসুমশেজে আসীন হরি রাতে,
লোকললামভূতা মোহিনী আসিল ল'য়ে পাতে
অগুরু ধূপ পুষ্পমালা মণি-প্রদীপ দীপ্ত,
(নন্দনের পারিজাতের গন্ধ আসে স্নিগ্ধ...
বাতায়নের পথে অমল চন্দ্র চেয়ে মুগ্ধ...
অশান্তির ত্রাস্তি দুঃস্বপন সম লুপ্ত...)
ব্যজনী ল'য়ে শ্রীকরে যবে চরণমূলে আসিয়া
বসিল বালা, শ্রীবান্ধবেব কহিল মুছ হাসিয়া :

“আমারে রাজপুত্রী, তুমি বসিলে কেন বলো না ?
ভূপতি কত যাচিয়াছিল তোমার সম ললনা—
যাদের বহু বীৰ্য মণি বৈভব স্মৃতি,
যৌবনের মহিমা, কবিকল্পনা বিচিত্র,
কীৰ্ত্তমান্ তাদের গাথা সকলে চায় ভণিতে,
সে-পথে তারা চলে—যুধর হয় জয়ধ্বনিতে,

দশম স্কন্ধ

নাম যাদের রবে অমর কাহিনী ইতিহাসে লো,
তাদেরি চায় কামিনী, জানি—তাদেরি ভালোবাসে লো !
যাদের পথ যায় না জানা—চলে আপন খেলালে,
ছুখে সয় জায়া তাদের কণ্ঠে মালা পরালে । *
বলিব আরো ?—দেখ না মেলি' নয়ন এই ভূতলে :
'অকিঞ্চন আমি'—একথা রটায় নিতি প্রবলে ।
নির্ধনেরি অর্ঘ পাই—দীনেরি আমি বন্ধু,
তারাই দিল উপাধি মোরে 'অহেতুকপাসিদ্ধ' ।
ধনী ও মানী আমারে রাণী, জীবনে প্রায় সাধে না,
আপন আলো থাকিলে কেহ আধার-ভয়ে কাঁদে না ।
সমান সনে প্রণয় হয় : জোনাকি-প্রেমে আসে না
চন্দ্র নেমে—জীহীন পানে চেয়ে জীমতী হাসে না ! †

“ভাবিয়া আমি তাই না পাই—আমারে কেন সহসা
বাসিলে ভালো—উষরে কেন করিল ধারা সরসা !
নও সুদূরদর্শিনী লো, তাই আমারে ভজিলে ?
স্তাবক যারা তাদের স্তবে সরলা বলি' মজিলে ?

* অম্পটবজ্ঞানাং পুংসামলোকপথমীযুযান্ ।

আহুতাঃ পদবীং সূত্র প্রারঃ সীদন্তি বোষিতঃ ॥

(৬০।১৩)

† নিকিঞ্চনা বয়ঃ পথমিকিঞ্চনজনপ্রিয়াঃ ।

তস্মাৎ প্রারোপে ন হাচ্যা মাং তজন্তি স্তমধ্যমে ॥

বরোরাস্তমং বিজ্ঞং জগৈশ্বৰীকৃতির্ভবঃ ।

তদ্বোৰ্বিবাহো মৈত্রী চ নোত্তমাধমরোঃ কচিৎ ॥

(৬০।১৪, ১৫)

ভাগবতী কথা

আমার গুণ গায় বাহারা নয় তাহারা গুণী লো,
 একথা নাহি বিচারি' কেন তুলিলে নাম গুনি' লো,
 হারালে পিতামাতা স্বজন রাজ্য—মোরে বরিয়া,
 ভাবিলে না কি তোমারে কেন এনেছি অপহরিয়া ?
 দর্পীদের ছরভিমান ভাঙিতে—তব তরে না :
 আমরা সখী চির-উদাসী, নারীতে মন ভরে না ।
 যাহার নাই ঘর—সে কী বা করিবে ল'য়ে ঘরপী ?
 হৃদয়ে সাত্রাজ্য যার সে কবে চায় ধরপী ?
 সঙ্কিতে যে বিমুখ, ধন সে কভু সখী, পায় না,
 সম্তানেরো শাস্তিসুখ মুক্তিকামী চায় না ।
 দীপশিখার ম'ত সে শুধু বিলায় জ্যোতি নিয়ত,
 যে লভে জ্যোতি—নয় শিখার প্রিয় বা অপ্রিয় তো ।

গুনি' নিষ্ঠুর বাণী পতিপ্রাণা রাণী কণিক চেয়ে রয় দয়িত পানে,
 বলিবে কী যে সতী বচন মৃঢ়—হায়, নারীর ব্যথা কবে পুরুষে জানে ?
 অরুণচরণের নখরে কাটি' ভূমে আখর—অধোমুখী মৌন রহে,
 নয়নধারা বহি' কাজল সনে মিশি' তিতিল বুক তার ব্যথা অসহে ।
 কমলকর হ'তে ব্যজনী পড়ে খসি', তরী দেহলতা কাঁপিয়া উঠি'
 হৃৎকেননভি শয্যা হ'তে পলে ধুলায় মুরছিয়া পড়িল লুটি' ।
 হেন প্রেমের হরি লভি' নিদর্শন লয় সে-সরলারে বকে তুলি',
 হাসির লঘুমেঘে অশনি-টেকার গুনি' যে শঙ্কায় ওঠে আবুলি'

* উদাসীনা বয়ঃ নূনং ন জ্ঞাপত্যার্থকায়ুকাঃ ।

আত্মলব্ধ্যাম্বেহে পূর্ণা গেহয়োজ্যোতিরক্রিয়াঃ ॥ (৬০।২০)

তাহার হৃদয়ের বাথার বাথী হাসি' কহিল বাথিতারে গাঢ় প্রণয়ে :
 “জানিত কে বা হয়—প্রিয়ের পরিহাসে প্রেয়সী মুরছার অহেতু ভরে ?
 ক্রমো লো অপরাধ—তোমাতে বাথা দিতে করি নি কৌতুক প্রগল্ভতা
 তোমাতে অহুমিয়া ‘রসিকা’ চেয়েছিল দেখিতে—তুনি’ হেন রসাল কথা
 কেমনে নিরুপম যুগল লোচনের নীলাভা রাঙা হয়—তাহার পরে
 রোষ কটাক্ষের শায়ক ছোটে—ঝরে মোহন ঝঙ্কার ফুরিতাধরে ।
 কেমন সুন্দর ভ্রুকুটি ফোটে অভিমানিনী-মুখে—ছিল হেরিতে সাধ,
 সুগু রেখেছিল যে-সাধ বহুদিন জাগায়ে তারে আজ এ কী প্রমাদ !
 তোমাতে করি সখী তবুও নিবেদন :—বনিতা সাথে বঁধু এ-সংসারে
 যেটুকু কাল যাপে মজু পরিহাসে সে বহুবাহিত প্রেমবিহারে । *
 জীবন নয় শুধু জলদগর্জন—বিহগকাকলিও সেথায় আছে,
 সিন্ধু নয় শুধু ক্ষুর গম্ভীর—চিকিয়া ওঠে রঙে সকালে সাঁঝে ।
 আকাশ শুধু নয় নীহারিকার চিতাবহি—জ্বালামুখী—ক্লেণে ক্লেণে
 রামধনুও ওঠে রাঙিয়া সেথা—খেলে নীরদ লুকোচুরি চাঁদের সনে ।
 নয়ন নয় শুধু ঝরাতে লোর—নয় দশন শুধু দংশনেরি তরে :
 ভাবিনী-মুখে হাসি না যদি ফোটে—মন বিশ্বভাবনেরো কেমন করে !”

* তত্ৰতঃ শ্রোতুকামেন ক্ষে ল্যাচরিতমঙ্গনে ॥
 মুখঞ্চ প্রেমসংরম্ভ-ফুরিতাধরমীক্ষিতুম্ ।
 কটাক্ষেপারুণাপাঙ্গং সুন্দরভ্রুকুটীতটম্ ॥
 অয়ং হি পরমো লাভো গৃহেষু গৃহমেধিনাম ।
 যন্নর্মের্নীর্যতে যামঃ প্রিয়য়া ভীক ভামিনি ॥

ভাগবতী কথা

প্রিয়বিক্রেদভয় আসন্ন নয় জানি' সলাজ নয়নে মধু হাসিয়া
বল্লভ পানে চেয়ে কহিলা কুলমুখী কালো মেঘে আলো উদ্ভাসিয়া :

“বলিলে যে-সব কথা আজি ওগো বাহ্যয়, সত্যে উজ্জল সবি নিরুপম :
হাসির ছলেও তাই তোমরা যা বলে শুনে আমরা ভাসাই কেঁদে প্রিয়তম ।
হাসিতে নারীও জানে—তবু মণি পায় যবে কেহ তার মণিহারা জীবনে,
পাছে সে হারায় মণি এই ভয়ে বুক তার কেঁপে ওঠে মিলনেরো শয়নে ।

“কেন ভয় হেন ? শোনো । বলিলে যখন : আমি অসমানে চাহিয়াছি বরিতে,
প্রতিধ্বনিল নারী-হিয়া নোর : ‘সত্য, যে স্বয়মানন্দে রাজে মহীতে,

কোথা সে-ত্রিলোকপতি, কোথা আমি জ্ঞানহীন,

চির-অকৃতার্থা যে জীবনে,

জানে সে গাহিতে শুধু তব গুণ গুণধাম, কিঙ্করী তব চিরচরণে !’ *

“প্রবলের মুখে রটে নিন্দা তোমার ? জানি, প্রবল যাহারা মদমত্ত,
স্বভাবে বহিমুখী, অন্ধ স্বার্থে মুখী, ইন্দ্রিয়ভোগে চিরাসক্ত,
লালসা-নিশীথ তুমি বলসিতে তাহাদের চাও তব মুক্তির তপনে :
যে-টান পাতালমুখী, সে কি নাথ সহ্যে কভু যে-টান তুলিতে চায় গগনে ?

“মলিন অকিঞ্চন তুমি—তাই দীন তব প্রিয় ? জানি, দেবগণও লভিয়া
নরের অর্থ দেয় যে-নারায়ণের পায়—মহেশ যাহার নাম জপিয়া
নিঃশব্দ হ'য়েও লভে শিব-বিশ্বেশ্বর-পদ—সে অকিঞ্চন, সত্য !
বুঝিলাম—মৌনই মায়াময় নয় শুধু—মায়া তব বচনেরো অর্থ !

* নম্বেবমেতদরবিন্দবিলোচনাহ যঠৈ ভবান্ ভগবতোহসদৃশী বিভূম্ ।

ক যে মহিমাভিরতো ভগবাং দ্ব্যধীশঃ কাহং গুণপ্রকৃতিরঙ্গগৃহীতপাদা ॥

(৬০৩৪)

দশম স্কন্ধ

“রাজ্য-রমণী-ধনে ভরে না তোমার মন

বলিলে—জানি না আমি তাও কি ?

নিখিল চরণে যার নিখিলের উদ্দেশ্য সে—একথাও ভাস্ত্রে বুঝাও কি
ত্রিভুবন ছাড়ি' যোগী আধার গুহায় পশি' যার ধ্যানে লভে চৈতন্য,
রবে না সে উদাসীন আপন আলোকে লীন—ত্রিভুবন গণিয়া নগণ্য ?

“অপার অভাবনীয় ছন্দ তোমার ? নাথ, একথাও কে না জানে ভুবনে ?
মহাতপস্বী, যারা তোমার লীলার দিশা পায় না তাদের ধ্যান গহনে,
তাহাদেরি ছন্দের চিন্তা কি পায় দিশা ? একথাও তবু কেন বলিলে ?
পুরাতন কথাও-যে নবকংকারে কাঁপে তব মুখে—দেখাতে কি ছিলিলে ?*

“মত্তিগতি আচরণ হৃদয়ের যাহাদের তাদের বরণ করি' কামিনী
হৃৎসই পায় শুধু ? তোমার তীর্থপথে দীপমালা জ্বলে তার শ্রামিনী ।
বাসনা-পরিধি তরি' প্রেমিকা তোমার প্রেমচেতনায় হয় যবে চিন্নয়,
তার পরে কামিনীরো কাছে নাথ, আর কি গো
বিলাস-বাসর সুখ মনে হয় ?

“রমণীরে পরিহাস করি' যদি পাও সুখ—

বাধা আমি দিব না সে-হাসিতে ।

বলিব কেবল : নারী স্রীচরণে চায় ঠাই—নয় শুধু আশ্বিনীরে ভাসিতে ।
স্রীপদারবিন্দের গন্ধে উছলে যার চিত্তমধুপ হে অনিন্দ্য,
বেদনাও হয় তার রূপাস্তরিত ভূবি' আনন্দে তোমার অচিন্ত্য ।

* স্বপাদপদমকরন্দভূবাঃ মুনীনাঃ বস্মীকৃষ্টে রূপভূতিনঃ হৃৎসইভাব্যম্ ।
বস্মাদলৌকিকমিবেহিতমীশ্বরস্ত ভূমন্তবেহিতমথো অহু বে ভবন্তম্ ॥

(৬০১৩৬)

ভাগবতী কথা

“বিষাদে তাহার কাছে হয় যে অমৃতময় নীরকু, আধারের লগনে :
বিরহেও পায় সে যে মিলনাস্বাদ তব, মরণেরো পথে নব জীবনে ।
তোমাতে বরিয়া নারী-জনম ধন্য মোর, কৃতার্থ বেদনার অভিসার,
কালো হ’ল আলো আজ লভিয়া তোমারি নাথ
মালাখানি গাণ্ধিবার অধিকার ।

“তোমাতে জানে নি যারা হোক বিলাসিনী তারা
রাজরাজেন্দ্র স্বামী লভিয়া,
হোক শুভা সর্বাঙ্গী, ইচ্ছার ইন্দ্রাঙ্গী—
আমি যেন তব নাম জপিয়া
চরণচারিণী তব রহি যুগে যুগে । জানি—
নারীতে তোমার মন নাহি চায় ।
নারী তবু তোমাতেই চায় : মন পেতে নয়—
আপনারে সঁপিতে ও-রাঙা পায় ।

“প্রার্থনা তাই আজ : চরণাধিগী যেন না হয় কখনো পথ-ব্রাস্ত :
কীট পতঙ্গ হ’য়ে জনমি যদি হে, তবু তোমাতেই বরি যেন কান্ত !
যবে তুমি ফিরে চাও, না-চাহিতে কোল দাও—
তব অনুকম্পা সে, প্রিয় হে !
তবু সে-সুখেরো তরে নহে মোর অভিসার—
ত্রীচরণে শুধু ঠাই দিও হে ।” *

* অকুপ্তজাক মম তে চরণামুরাগ
আত্মন রতন্ত ময়ি চানতিরিক্তদৃষ্টে ।
যর্হাস্ত বৃক্ষয় উপাস্তরজোহতিমাত্রো
মামীকসে তত্ হ নঃ পরমামুকম্পা ॥

(৬০১৪৬)

শঠে শাঠ্যং

শকুনি দৈত্যের সূত মন্দমতি বৃক ছিল স্বভাবে কুটিল চিরদিন ।
 জপিত সে-শঠ মনে : “দেবের বিদ্রোহ হবে আচরিতে নিত্য ক্লাস্তিহীন।”
 শুধু দেবতার নয়, পরের অহিত চক্রৌ সাধিত নিয়ত ছলনায় ।
 বঞ্চিতে সে-মায়াবীরে পারিত না কেহ তবু—কে বিষ্ণুমায়ার পার পায় ।
 ত্রুর বৃত্তিগণ লভি’ নিরন্ত লালন গুপ্ত ছরভিসন্ধির বীজগুলি
 ক’রেছিল বিকশিত বনস্পতি—সে-পল্লব-মর্মরে সে বিঘ্ন গেল ভুলি’ ।

একদিন নারদেয়ে শুধায় সে : “বলো মুনি, কোন দেবতারে আরাধিলে
 আশু বর হয় লাভ ? কোন্ জপে হয় তূর্ণ গুঢ় আশা পূর্ণ এ নিখিলে ?”
 কহিল দেবর্ষি : “বৎস ! বিষ্ণুসিদ্ধি মনে রেখো চক্রহ, সে কাঁটাপথে ডাকে,
 বহু ত্যাগ, দীনতার পরে তরি’ অন্ধকার মিলে তার আলো । অমুরাগে
 শ্রবণে কীর্তনে ধ্যানে বিনির্মল আত্মদানে তবে হয় কুপালাভ তাঁর :
 যদি হও ছরমাণ যাও শিব-সন্নিধান—আশুতোষ উপাধি যাহার ।
 সরল বিশ্বাসে বিভূ সহজে প্রসাদ দান করেন উচ্ছলি’ : তপস্ত্রায়
 ধরা দেন স্নমধুর—তাই বৎস সুরাসুর সহজেই শৈব সিদ্ধি পায় ।
 স্বভাবে মহানুভব রুদ্র, তাই প্রার্থী তাঁরে দেয় যদি দুঃখ—ভুলি’ তার
 অন্তহীন অত্যাচার—করেন গ্রহণ সুখে পূজারীর অর্থ উপচার ।
 রুষ্ট হ’লে ভালে তাঁর অগ্নি করে ছারখার—পুষ্পধনু তাই তমুহীন !
 কিন্তু কূট আচরণ জানে না সে, যে সরল—ভোলানাথ তাহারি অধীন ।”

ভাগবতী কথা

তুনিয়া কেদার তীর্থে করিল প্রয়াণ বৃক—বরিতে তপস্যা অতি ঘোর;
 আপন দেহাক দিয়ে অনলে আভতি দৈত্য সাধে কুচ্ছ, ভয়াল কঠোর
 সপ্তম দিনের অন্তে লেলিহ কৃপাণ ল'য়ে ছিন্ন করি' মুণ্ড আপনার
 চাহিল সে অর্ধসম অপিত পিনাকি-পদে—রাখি' অভিসন্ধি গুলু তার
 মহানতি শিতিকণ্ঠ স্থণ্ডিলের অগ্নি হ'তে হ'য়ে অভ্রাখিত করুণায়
 বন্দী করি' বাহু তার কহিলেন প্রেমভরে : “কেন বৎস মৃত্যু-সাধনায়
 ধাও হেন ? যবে আমি আশুতোষ—দিনযামী শুধু জল বিষপত্র ধরি'
 অভয় বরদ-করে অশ্রুদিন ভক্ততরে প্রণয়ের প্রসাদ বিতরি ?
 আমি প্রেম-জলধর—বধি নিতি প্রিয়ঙ্কর আনন্দ-আসার বরদানে । *
 কোন্ বর চাও বলো ? রাখো খড়্গ, আশ্রয়াতী কেন হও উগ্র অভিমানে ?

কহে কৃতান্তলি দৈত্য : “ভগবান্ ! ধন্য আজি মোর জনম ভবে ।
 তোমার দর্শন লভিলু তাই—হেন কৃপা অহৈতুকী স্রগে রবে ।
 শুনেছি শিশুকাল হ'তে শ্রীতমু তব অমল-উজ্জ্বল অগ্নিসম,
 জানিত কে বা নাই তাপ এ-অনলের—আলো বিলাও শুধু হে নিরুপম !
 চন্দ্রভাল তুমি তাই হে সুন্দর শুভঙ্কর, কোথা দোসর তব—
 লীলায় মহিমায় অমর সুধমায় হে সনাতন প্রভু পুনর্নব !
 দেবতা অভিমানী, নিয়ত চায় স্তব—অহেতু প্রেমে তুমি অংগমালী,
 যে যেথা কাঁদে ব্যথা-নিশীথে শঙ্কায়—উদয় হও তব অভয় জ্বালি' !

* তমাহ চাকালমলং বৃগীষ মে যথানিকামং বিত্তরামি তে বরম্ ।

প্রীয়েয় ভোরেয় বৃগাং প্রপত্ততাম্-অহো কয়ান্মা ভূষমন্ততে বৃথা ॥

(৮৮২০)

দশম স্কন্ধ

যেথায় সম্পদ—সেথায় নাই তব শাস্ত কাক্ষণিক কাস্ত ভাতি ।
যেথায় দুর্যোগ দাহন দম্ভোলি—মুক্তি-অহনায় বিনাশো রাতি ।
যেথায় অকরণ গরল-উদ্‌গার—সাধিয়া করো পান পরের তরে,
দেবতা তরে রাখি' অমৃত উর্বশী, আত্মারাম রাজো শ্বাশানচরে,
মরণে জীবনের নব রূপান্তর আনিতে লীলা তব চির-অমেয়,
ভক্তাধীন ! মানো নিয়ত পরাজয় ভক্তপাশে—হ'য়ে অপরাজেয় !
দেবতা দেবীদেহ চাক্রে অলঙ্কারে—ভবানী শুধু ভবে ভূষণহীনা :
তবু কে বিজয়ার সমান—মরণেও যে-সতী রয় শিব অঙ্কলীনা,
ছাড়ি' যে পাখিব শ্রীতনু পতিবরে হিমালয়ের ঘরে জনম লভে !
দেবতা চায় নিতি নূতন দয়িতায়, কে তোমা সম একনিষ্ঠ রবে ?
সকলি জানি—তবু দেখিতে চাই প্রভু বিভূতি তব কত শক্তি ধরে ।
জনপ্রতি শূনি' মুগ্ধ হ'য়ে নাথ জিজ্ঞাসুর মন কভু কি ভরে ?
তাই হে সর্বেশ, আমাদের দাও বর—যাহারি শিরে আমি রাখিব কর,
লুটাবে তারি শির ছিন্ন হ'য়ে ভূমে—শাসিব হৃর্জনে নিরস্তর ।”

কহিল বিস্মিত গিরিশ : “হে অশুর ! চায় তপস্বীরা শ্রেয় বা প্রেয়,
কেহ বা চায় সুখ, কেহ বা ধন জন রমণী—হেন বর চায় নি কেহ !
দণ্ড হৃর্জনে দিয়া কী সন্তোষ ?—যে-বর আনে সুখ—চাও না কেন ?
দীর্ঘ এ-জীবনে দেখি নি কারো মনে জাগিতে অঙ্কুত বাসনা হেন !”

কহিল বৃক নমি' : “বিশ্বে বহুমুখী প্রকৃতি দিন দিন কত না প্রভু
সৃজিছ লীলাময় চিরবিচিত্র হে ! কে পায় পার বলো তোমার কভু ?
আমার মনে হেন বাসনাবীজ কেন বুনিয়া মহীকহ করিলে তুমি—
আমি কি জানি হায় ? আমার মনে শুধু উঠিতে একই বীজ চায় কুসুমি” ।

ভাগবতী কথা

আমার সাধ শুধু জানিতে—দেবদেব সকল বর দিতে পারে কি হারে ?
শুধায় যবে প্রাণ, উজ্জলে সমাধান আলোক-রূপে কিনা অঙ্ককারে ?
অন্ম বর তাই চাই না আমি—যদি না দাও এই বর—এ-শির নাথ
লুটাবে পায়ের—বলি' উঠায় অসি বৃক করিতে আপনার মুণ্ডপাত ।

উদার ধূর্জটি মুগ্ধ বিশ্বাসে বলিল হাসি' : “হোক তাহাই তবে :
যাহার শিরে তুমি রাখিবে কর তার স্বন্ধে নাহি আর মুণ্ড রবে ।”
বলিয়া দিল শিব সর্পে স্নান সম অশ্রুরে দেববর সরল মনে ।
বৃক বরদ-শিরে রাখিতে কর ধায় গোরী-হরণের আকিঞ্চনে ।
অহাবিপন্ন সে-অমর কারুণিক তিন ভুবনে ধায় মরণভয়ে,
অশ্রুও কামচারী মহেশে অনুসরে ।

স্বর্গে দেবগণ সভয়ে কহে :

“এ-হেন ছুর্যোগে তারিবে কে দিশারি !—দিল যে বর বিভূ সত্য-ব্রত !
কেমনে সে-প্রতাপ মিথ্যা হবে—হ'ল তাঁহারি প্রসাদে যে অব্যাহত !
এ কোন্ অঘটন অভাবনীয় ! বলো মরিবে কোন্ মুখে মরণজয়ী ?
মরিলে ভূতনাথ কে দিবে জীবগণে আশিস মরণের উর্ধ্বে রহি' ?
কে দিবে দেবতায় যজ্ঞভাগ আর—শাসনভয় রবে কাহার মনে ?
জীব ও শিব মাঝে দান-ও-প্রতিদান-সূত্রে কে বাঁধিবে বিশ্বজনে ?”
করিয়া মন্ত্ৰণা শিবেরে ল'য়ে সাথে হরিচরণে পড়ে দেবতা সবে ।
দানবো ধায়—তারে সুদর্শন দেয় বাধা । সে গোলোকের দ্বারে নীরবে
রহে প্রতীক্ষায়—কোথায় যাবে শিব ? তরুছায়ায় বসি' অশ্রু হাসে ।
গোলোকে দেবগণ অনাথসম নাথে জানায় নিবেদন করণ ভাবে :

“মোর। ভিখারি ছুরারে তব কমলাপতি !
 তুমি না রাখিলে সংকটে কোথায় গতি ?
 দেখ শিব পিনাকী
 যায় প্রাণের লাগি’
 হ’লে দেবতার অপঘাত—কেমনে ভবে
 বলো অমৃত-অঙ্গীকার বাঁচিয়া রবে ?

“শুধু নহে অপঘাত—বলো হেন অপমান
 হ’তে দেবতারে কে করিবে আজি হায় ত্রাণ ?
 হ’লে শিবের নিধন ?
 রবে কে চিরন্তন ?
 মুখ দেখাতে মরিব না কি আমরা লাজে ?
 কেবা কাণ্ডারী তুমি বিনা—তুফান মাঝে ?

“তুনি এ-সকলি লীলা তব ওগো লীলাময় !
 তবু গুহি : এ কেমন লীলা ? দেবেশেরো ভয় !
 আর কে সে বিতীৰ্ণ ?
 যার না আছে সাধন,
 বল, প্রতিভা, শক্তি—শুধু বরি’ হলনা
 আজি কেমনে অকুতোভয় হ’ল বলো না !”

ভাগবতী কথা

কহে শিবের শ্রীহরি : “ছল—সেও আমারি
লভি’ সন্ধান যার আজ জয়ী দেবারি ।
ছল নাথে কভু হয়
প্রেম-ঋণি-বিনিময় ?
বলো আলো কি পরায় মালা কালোর গলে ?
আজ্ঞো জানো না কি করুণায় ভোলে না ছলে ?
“তাঁই দীক্ষা আমার নয় বিমূঢ়তারি :
আমি ছলী সাথে নিতি হই ছলবিহারী।
যার জানো না মতি
বর চাহে সে যদি
দিবে তাহারে কি অধিকার অবাধ হেন ?
আছে কাঁটায় কুম্ভমে ভেদ—শেখো না কেন ?”

বলিয়া শ্রীহরি লভিল কিশোর ব্রাহ্মণ-রূপ—বুক যখন
বৈকুণ্ঠের অদূরে দাঁড়ায়ে করে প্রতীক্ষা ছুট্‌মন ।
“কেমন !” হাসে সে মনে মনে : “শিব অমর হ’য়েও মরিবে আজ
দিব প্রতিশোধ বহু অশুরের মরণের আমি অশুররাজ ।
হবে পার্বতী দয়িতা আমারি—দেব দেবী সবে গাহিবে ‘জয়’ !’
আশুরী ছলনা কী শক্তি ধরে—”

সহসা দেখে সে জ্যোতির্ময়
দাঁড়ায়ে কান্ত ব্রাহ্মণ—প্রেমে বিশ্বাসে ভরা হৃটি নয়ন !
দেখিয়া মুগ্ধ চেয়ে রয় বুক ।

কহে ভিজ : “তুমি কে গো শূন্য ?
কার পথ চেয়ে ? কি ভাবিছ ? হেথা গোলোকের কাছে এলে কেমনে ?
ক্লাস্তের সম দেখি কেন সখা ? এসেছ কাহার অঘেঘনে ?

ভরে প্রাণ হেরি' কাস্তি তোমার। কে তুমি বন্ধু? কী শূন্যের
সরলতা ভরা আঁখি তব! আমি কে? রসাতলের গুপ্তচর।
ব্রাহ্মণবেশ ধরিয়া এসেছি আশ্রয়ী সাধনা-সিদ্ধি তরে!
তোমারে অশ্রু বলি' মনে লয়—তাই বুঝি প্রেম হৃদয়ে ক্ষরে!
স্বর্গের এক গুপ্ত কাহিনী বলিতে তোমারে চাহি ধীমান!
রসাতল হবে দেবনিহস্তা কোন পথে—দিব সে-সজ্জান
যদি তুমি হও সহকারী। হবে? ভালো, শোনো তবে, শুধু হে বীর,
মন্ত্রগুপ্তি চাই আগে—জয় তারি কিঙ্কর—যে অনধীর।”

শুনি উল্লসি' কহে বৃক তারে মহেশ্বরের বরদানের কথা :
“গৌরী আমার বহুবাহুতা—মরি কী মোহন সে-তম্বুলতা!
নিষ্কৃতি কোথা পাবে শিব—যবে রাখিব তাহার শিরে এ-কর?
নাই নাই তার নিস্তার আর—দিয়াছে যখন আমারে বর।”

বলে ব্রাহ্মণ গোপনে : “কিন্তু উমাপতি মহাছলনাময়।
বরদানে তার নাই অধিকার আজ আর। সবে গাহিত জয়
শিবের যেদিন বন্ধু, সেদিন—শুধু স্মৃতি আজ : তোমারে আনি'
হেঁথায় মিথ্যা বর-লোভে চায় বধিতে তোমারে আমি যে জানি।”

“মিথ্যা বর সে দিয়েছে? দেবেশ?” সন্দেহে বৃক তারে শুধায়।

“দেবদত্ত তার লুপ্ত, দক্ষ-শাপে সে যে আজ পিশাচ হায়!

ভাপবতী কথা

সকলেই জানে একথা । তোমাতে করি সাবধান—সর্বনাশ
হবে তব—যদি শিরে তুমি তার রাখো হাত । তারি পূরিবে আশ :
জটায় তাহার আছে স্নগোপন কশী—দংশনে সাধিবে তব
সংহার, সখা, সত্যই কহি—নহে নহে আর দেবতা ভব ।
বিশ্বাস যদি না হয়—প্রমাণ অতীব সরল—শিরে আপন
রাখো না শ্রীকর—রবে সে অচল—চিনিবে তাহার প্রবঞ্চন ।
স্বভাবে সরল তুমি, তাই আজো জানো না দেবতা কুটিল কত :
সতানিষ্ঠ তুমি, দেবগণে তাই মনে করো সত্য-ব্রত ।”

মোহন ভাষায় ভুলি’ বিমুগ্ধ আপনার শিরে রাখিল কর :
অমনি মুগ্ধ লুটালো ভূতলে ।

“জয় জয় হরি গুণভঙ্কর !”

গাহিল তাপস মুনি ঋষি দেব দেবী : “জয় জয় হে নারায়ণ !
ছলনা যাহার চরণাঞ্জিত, কে পারে করিতে তারে ছলন !”

শিবে কহে হরি : “হে জগদগুরু, তব পায়ে করে যে অপরাধ
আপন পাপে সে মরে মুঢ়, লীলা কে জানে তোমার বিশ্বনাথ !” *

* অহো দেব মহাদেব পাপোহয়ং শ্বেন পাপ্মনা ॥

হতঃ কো নু মহৎস্বীশ জন্তুর্বে কৃতকিঞ্চিৎ ।

কেমৌ স্ম্যৎ কিমু বিশেষে কৃতাগঙ্ঘো জগদগুরো ॥ (৮৮।৩৯)

দশম স্কন্ধ

শ্রীদাম

নৃপতি পরীক্ষিৎ কহে শুকদেবে : “প্রভু, মুকুন্দ-মহিমার তুলনা

কোথা বলো ত্রিভুবনে ? যত শুনি—জাগে মনে

আরো তুষা শুনিবার । বলো না

কীর্তি-কাহিনী তাঁর, পুণ্য জনশ্রুতি, রাজ্য হ’য়ে যে দীনের বন্ধু,

বিষের বল্লভ হ’য়ে নিতি নিঃশেষে যে করে সেবা, করুণার সিদ্ধ !

বিভব রাজ্য ধন, গৌরব অগণন, নারী-সম্ভোগ, যশ বিক্রম

বৃথা যে জেনেছে—তার অতৃপ্ত তৃষ্ণার বারি কোথা বনুধায় ? ‘ভ্রম ভ্রম

কে বলে তাহার কানে !—অস্তর-আশা হয় বঞ্চিত মায়ামৃগ-মায়াতে !

বিলাসের দীপালিকা মনে হয় প্রহেলিকা, কাম্যাতৃষা মিটে কভু ছায়াতে ?

বাণীর কৃতার্থতা হরিগুণগানে, কর সার্থক—তাঁরি প্রিয়কর্মে ।

মনের মুক্তি তাঁরি মননে—আসীন যিনি জীবনের চলাচল-নর্মে ।

শ্রবণের কোথা সুখ যদি সে না করে পান কেশব-কথায়ূত-ঝংকার ?

অচল ও চল এই দ্বৈত মুরতি তাঁর নমে নি যে আজো—ধিক্ শিরে তার

যে-ঈশ্বরি দেখে না তাঁর এ-যুগল ভঙ্গিমা—দর্শন তাহার বিষম

যে-অঙ্গ উচ্ছলি’ বৈষ্ণবচরণের জলে করে স্নান—সে-ই ধন্য ।” *

ভগবান্ বাসুদেবে মগ্ন করিয়া মন ঈগিক মৌন মুনি ধরিয়া

নয়ন উন্মীলিয়া কহে গদগদ-স্বরে তন্তু শ্রীদাম-কথা স্মরিয়া :

* স বাগ্ যন্না তস্য গুণান্ গৃণীতে করৌ চ তৎকর্মকরৌ মনশ্চ ।

স্মরেৎসমুৎ স্থিরজগমেযু শৃণোতি তৎপুণ্যকথাঃ স কর্ণঃ ॥

শিরস্ত তস্যোভয়লিঙ্গমানমেৎ তদেব যৎ পশুতি তদ্ধি চক্ষুঃ ।

অঙ্গানি বিকোরথ তজ্জনানাং পাদোদকং যানি ভজান্তু নিত্যম্ ॥

(৮.১৩,৪)

ভাগবতী কথা

গুরুগৃহে জনার্দন করিত যবে বাস

বাল্যকালে—গুরুভ্রাতা শ্রীদামও সাথে তার
গুরুর সেবা, ব্রহ্মচারী, করিত হ'য়ে দাস

গুরুচরণে—সে-তরুনীতে তরিতে পারাপার ।

ঋধারঘেরা ছরভিসারে প্রার্থি' চির-আলো

শ্রীদাম চিনি' মাথবে তার দেবতা দয়াময়,
জীবন মায়া জানি' বাসিল মায়াময়েরে ভালো :
হৃদয়ে যার মূর্তি—গাহি' কণ্ঠে তারি জয় ।

গৃহাশ্রমে লভিল প্রেমী বনিতা কমলীয়া,

অকিঞ্চন ধরিতে দৌহে কায়ক্লেশে প্রাণ,
ভক্তিমান্ ব্রাহ্মণের পতিব্রতা প্রিয়া
ভাবিত : “হবে দারিদ্র্যের কবে যে অবসান !”

একদা রমা কহিল : “তব বন্ধু মহীয়ান্

দ্বারকানাথ । চরণে তাঁর করিয়া প্রণিপাত
বিন্ত চাও—আপনারে যে ভক্তে করে দান
দিবে না সে কি ধন তোমারে পাতিলে তুমি হাত ?”

কুণ্ঠিত শ্রীদাম । কহিল সাধ্বী বারবার :

“যাচিলে তাঁর কাছে কী দোষ—যিনি নিখিলপতি ?”
“তাহাই হবে,” বিপ্র শেষে কহিল, “দ্বারকার
রাজদ্বারে প্রার্থী হব—তোমারি তরে সতী ।

দশম স্কন্ধ

“শুধু, এখন বলো কী আছে গৃহে করুণাময়ী,
অর্থ তারে দিবার ?” কাঁদি’ গৃহিণী স্তমলিন
উত্তরীয়ে বাঁধিয়া দিল চারিটি মুঠি খই ।
শ্রীদাম জপে : “দর্শনের এল পরম দিন,

“ধন্য হবে জীবন । শুধু দৃষ্টিবরই যার
বিস্তৃত হ’তে বিস্ত—হাসি যাহার আলোময়—
নির্দিশায় দেখায় দিশা—লভি’ চরণ তার
মিলিবে মোর মর জীবনে পাথের—বরাভয় ।”

কে বলে তবু : “শ্রীপতি যিনি তাঁহার কাছে হায়
চাহিবে ধন !—হাঁহারে বরি’ গরল হয় সুখা,
পাতিবে হাত তাঁহার কাছে ধনের লালসায়—
না করি’ নিবেদন প্রাণের চির-প্রেমের ক্ষুধা !”

প্রিয়ার দেখি’ জীর্ণ তনু নিত্য উপবাসে
কহে উদাসী স্বগত : “হরি ! ক্ষমিও অপরাধ :
পতিব্রতা প্রার্থে ধন পতিসেবারি আশে :
আপন সুখ তরে তোমারে ডাকে না সে তো নাথ !”

* * * * *

দীপোজ্জ্বল দ্বারকায় দিনান্তে যখন উত্তরিল
অর্থী পান্থ পথভ্রাস্ত, ধূলিধূসরিত—সে মানিল
সমুদ্র-মেখলা রাজপুরী দেখি’ অপার বিস্ময়,
প্রাসাদ-তোরণে আসি’ উদ্ভাস্ত ডাকিল : “কৃপাময় !

ভাগবতী কথা

কোথা তুমি ? কোন্ পথে মিলিবে তোমার দেখা নাথ ?
তোমার মল্লিরমুখী পূজারীর ধরো এসে হাত ।”

রুখিল না পথ দৌবারিক । বিপ্র হুরু-হুরু-হিয়া
চাহিল দক্ষিণে বামে...অগণন বাতায়ন দিয়া
বিচ্ছুরায় নানাহাতি দীপরাশি !...

কোন্ কক্ষে তিনি ?

মঞ্জুল মুছ'না ভেসে আসে...কভু অপূর্ব কিংকিণি !
ভেসে আসে পদ্মগন্ধ...বামাকণ্ঠে হাসির লহরা...
কণে কণে শোনা যায় মুরজ মুরলী সপ্তস্বর...
ষোড়শ সহস্র প্রিয়া ষাঁর সেবাধিগী রাত্রিদিন,
সে-রাজাধিরাজ আজ কার পূণ্য পর্যঙ্কে আসীন ?
“যার পথ সে-তুমিই আনো প্রভু পথাস্তবারতা
মিলিবে দর্শন যেথা—”

জপিতেই কে ও কহে কথা :

“সন্মুখের কক্ষদ্বারে চাও হে অশেষ একবার ।”
চমকিয়া দেখে পাশ্বে স্বয়ং পীতাম্বর তাঁর
শয্যায় রুখিলী সাথে মগ্ন প্রেমালাপে ! সেথা হায়
দীন ভিক্ষু কেমনে পশিবে ? বিপ্র ফিরিয়া দাঁড়ায়...
“এসো এসো এসো বন্ধু !” চমকিয়া উঠে সে বিস্ময়ে !—
সেই পরিচিত স্বর...ডাকে বালা সতীর্থ প্রণয়ে !
মুহূর্তে রুখিলী আসি' করে তার চরণে প্রণাম ।
জগন্নাথ টেনে লয় তারে বক্ষে : “এসেছ শ্রীদাম !

কোথা ছিলে এতদিন ? দাও নি দর্শন, শুনি, কেন ?
 আশঙ্কা কী হেতু ? বুঝি দেখি' মোর রাজৈশ্বর্য হেন ?
 শৈশবসুহৃদ ! আমি তোমার কাছে তো রাজা নহি ।
 ভুলে কি গিয়েছ সেদিনের কথা—কিশোর প্রণয়ী
 যেদিন আমরা দৌহে গুরুগৃহে করিতাম বাস,
 গল্পে পাঠে বিচরণে নিত্য লভি' বিচিত্র বিলাস
 অদ্বিতীয় অভিসারে ?—কুষ্ঠা কেন ? বোসো শয্যা 'পরে ।”

রুস্বিগী আপনি আনি' সুরভিত বারি শ্রদ্ধাভরে
 ধৌত করি' দিল তার ধূলিধূসরিত পা-ছুখানি ।
 স্নিগ্ধিয়া চন্দনে অঙ্গ শ্রীকরে ব্যজনী ল'য়ে রাণী
 বসিল চরণতলে । মৌন রহে শ্রীদাম লজ্জায়,
 দেখি'—মুকুন্দের চক্ষে ছই বিন্দু আনন্দাশ্রু ভায় ।
 পুরনারী যত ছুটে আসি'—দেখি' আতিথিরে ম্লান
 শুধায় পরম্পরে : “কে এ অবধূত ভাগ্যবান
 যারে দেখি' শ্রীনিবাস ছাড়ি' লক্ষ্মী শয্যাসজিনীরে
 অগ্রজের মানদান করে হেন আনন্দ অধীরে !” *
 শুনিয়া ব্রাহ্মণ আরো মাটিতে মিশায় কুষ্ঠাভরে ।

* কিমেনেন কৃতং পুণ্যমবধূতেন ভিক্ষুণা ।

শ্রিয়া হীনেন লোকেহস্মিন্ গর্হিতেনাধমেন চ ॥

ষোহসৌ ত্রিলোকগুরুণা শ্রীনিবাসেন সন্ন্যতঃ ।

পর্যকস্থ্যং শ্রিয়ং হিহা পরিষক্তোহগ্ৰজো যথা ॥

ভাগবতী কথা

কেশব ধরিয়। কর কহে হাসিঃ “বন্ধু, মনে পড়ে
কৌ আনন্দে গুরুগৃহে মোরা দৌহে যাপিতাম কাল ?
কেমনে আশিসে তাঁর লুপ্ত হ’ত আখির আড়াল ?
জয় গুরু-জয় ! আহা, সকল দৃষ্টির উৎস যিনি,
সে-নয়নবর বিনা কে কবে অচিনে লয় চিনি’
তরি’ অমা বরি’ দৈবপ্রভা—যার চমকে চিন্ময়
হেরি’ জড়বিশ্ব—তই সে-অনন্ত সস্থিতে তন্ময় !
যাগ যজ্ঞ তপ দান—সবচেয়ে গুরুসেবা য়ার
দীক্ষায় জেনেছি শ্রেষ্ঠ—তাঁরে মনে আছে তো তোমার ?

“আরো মনে পড়ে কি সে-ভয়ঙ্কর দিনের কাহিনী
পাঠালেন আমাদের যে-সায়াকে আচার্য-গৃহিণী
সমিধ্ অনিতে বন হ’তে ? যবে সেই স্নানালোকে
নামিল মুমলধারে শিলাবৃষ্টি—দারুণ হুর্যোগে
দিগ্ভ্রাস্ত আমরা ছুটি প্রাণী পেয়ে ভয়, গুরুভার
অরণী-বহিয়া-ক্লান্ত ধরিলাম হাত—চারিধার
জলে উমিময় যবে—মনে পড়ে ? গুরু সান্দীপনি
অবশেষে অধেষিতে সেই বনে এলেন আপনি ?
তুলিব কি কোনোদিন তাঁর সেই গাঢ় সম্ভাষণ
গভীর অরণো : ‘বৎস ! বহু দুঃখ পেলে অকারণ ।

* কচ্চিৎ গুরুকূলে বাসং ব্রহ্মানু স্মরসি নৌ যতঃ ।

অজ্ঞো বিজ্ঞায় বিজ্ঞেয়ং তমসঃ পারমশ্রুতে ॥

যে-দেহ সবার প্রিয় তার বিপদেরে তুচ্ছ করি’
বহিলে সমিধ্ভার পরম্পরের হাত ধরি’ ।
হেন ছন্দে শিষ্য যবে করে তার আত্মনিবেদন
গুরুর সেবায়—তার জেনো আর নাহি প্রয়োজন
কৃচ্ছ্র উপস্থার—সর্ব সিদ্ধি তার করতলগত ।
আশীর্বাদ করি—হও আশুকাম তোমরা সুব্রত !
আজি হ’তে তোমাদের সত্য হোক বেদ-জ্ঞানার্জন,
ইহ-পর-লোকে হোক পূর্ণ আশা—সফল তপণ ।’ *

“আজ কিরে আসে বন্ধু, তোমাকে দেখিয়া বারবার
গুরুগৃহস্মৃতি—যবে ছিলাম আমরা শিষ্য তাঁর :
করুণা তাঁহার কত !—আজো কি স্বরূপে তাঁরে চিনি
বরে যার শিলাবন্ধে উচ্ছলিয়া ধায় নিখরিকী !”

কহিল শ্রীদাম উচ্ছ্বসিত কণ্ঠে : “ওগো লীলাময় !
যে-তুমি নিখিলসার্থী, তার সার্থী হ’য়ে দিনরাত
ছিল যে শ্রীগুরু-গৃহে—কোথা বলো অপূর্ণতা তার ?
না চাহিতে সত্যকাম ধরে হাত যার কামনার
কী রহে অলব্ধ তার এ-জীবনে বাহ্যকল্পতরু !
তুমি যার ফলশ্রুতি—তার কাছে মরণের মরু

-
- * অহো হে পুত্রক্য যুয়মশ্মদর্থেহিতিকৃৎশিতাঃ ।
আত্মা বৈ প্রাণিনাং শ্রেষ্ঠস্তমনাদৃত্য মংপরঃ ॥
ইয়দেব হি সচ্ছিব্যোঃ কতব্যং গুরুনিকৃ তম্ ।
যদৈ বিমুক্তভাবেন সর্বার্থাশ্চারণং গুরো ॥

ভাগবতী কথা

দাহ তাপ শোক যত লুপ্ত কি গো নহে চিরতরে ?
শুধু প্রভু, হাসি পায়—যবে তুমি করো গাঢ়স্বরে
গুরুর মহিমা-গান—স্বয়ং জগদগুরু হ'য়ে ।
যত মৃঢ় হই নাথ, জেনেছি—যে তোমারে প্রশংসে :
মানবের রূপ তুমি ধরো—শুধু তারি দীক্ষাতরে,
তাই তার রীতিনীতি বরিলে অসীম স্নেহভরে
তারেই দেখাতে পথ । আমাদের অন্ধ তমসায়
জন্ম তব হে অনাদি—আনিতে নিশাস্ত করুণায় ।”

হাসিয়া কেশব বলে : আমার কীর্তির কথা থাক—শুনি তোমার কাহিনী ।
করেছ বিবাহ ? বলো ।”

শ্রীদাম নীরব । কহে

রজনীনাথ : “চিনি সখা, চিনি

দাম্পত্যের চিহ্ন : তব জায়া পুণ্যবতী, আর পতিব্রতা যাপে তার ব্রত ।
তুমি মুক্তিপান্থ, তাই অন্তর তোমার ভাই বাসনায় আজো অনাহত ।
স্বভাব-নিকাম তুমি বলি' ছিল আশা তব—আদর্শ গৃহীর ছবিখানি
হ'য়ে বিরাজিবে দোহে লালসা-উদ্ভ্রাস্ত মতে' প্রচারিয়া নির্বেদের বাণী ।
নহে কি ? নীরব কেন ?—বলো তবে, উপহার কী এনেছ আজ মোর তরে ?
হোক না সে তুচ্ছ দীন, তবু ভক্ত যবে দাতা—দেবতারো চিন্তা ওঠে ভ'রে ।
অভক্তের ভূরিদান চায় বলো কার প্রাণ ? তোমা সম প্রেমিক নুজন
যাহা দেয় উপহার পত্র পুষ্প উপচার—করি আমি সাদরে গ্রহণ ।
ব্রাহ্মণ আলঙ্কারে তবু মৌন রহে : দিবে কেমনে সে নিখিলের নাথে
ছই মুঠি খই, বাঁধা শতচ্ছিন্ন উত্তরীয়ে ?—“নাই” বলিতেও প্রাণ কাঁদে !

দশম স্কন্ধ

ভাবগ্রাহী জনার্দন মুহূর্তে জানিয়া তার অপ্রসাদ—কহে আচম্বিতে :
 “এইতো রয়েছে বাঁধা উত্তরীয়ে—পুণ্যশীলা সেধেছিল আমারে যা দিতে !
 বলিয়া খুলিয়া গ্রন্থি—করিল গ্রহণ থই এক মুঠি আনন্দে উচ্ছলি’ ।
 আরো নিতে যায় যবে—হাসিয়া ধরিয়া হাত কহে রাণী : “হে কথাকুশলী !
 আর কেন ? যার তুমি গ্রহণ করেছ অন্ন একমুঠি—চিরধন্য সে—যে
 ইহকাল-পরকালে নিত্যধনে-বিস্তবান্—তুমি যার প্রার্থী হও যেচে ।”

সে-রাত্রি যাপিয়া অচ্যুত-মন্দিরে লভিল ব্রাহ্মণ স্বর্গীয় শাস্তি ।
 মর্ত্যের ক্রন্দন গেল দূরে পলে—জাগরণে যথা হৃৎস্বপ্ন-ভ্রাস্তি ।
 পরদিন সাথে সাথে হরি তার কিছুদূর চলি’ কহিল : “মিত্র !
 আজিকে বিদায় । হবে দেখা হবে—নিয়তির মীলা অভিবিচিত্র !
 কতদিন পরে এলে দ্বারকায়, ছিল অকিঞ্চন তোমার চিন্তে,
 অমৃত-সন্তোষে-সুখী অকিঞ্চন ! চাহিলে না তাই বৃষি অনিত্যে ?
 ঔদাস্যের বরে লভিলে কৌস্তভ, আশা-বিসর্জনে জ্বিনিলে মুক্তি :
 ত্যাগের তর্পণে ভোগের সন্ধান, ক্ষুধার লিপ্সায় সুধার লুপ্তি ।”

চলে পাছু একা, আনন্দে-অধীর, সম্ভাবিয়া মনে মনে : “হে বন্ধু !
 সখা ব’লে কোল দিলে অকিঞ্চনে হ’য়ে সর্বেশ্বর প্রসাদসিদ্ধ !
 কোথা আমি দীন মুঢ় পাপী—কোথা তুমি শ্রীনিবাস জন্মসিদ্ধ !
 তবু আলিঙ্গন করিলে আমারে—হে ত্রিলোকপতি অপাপবিন্দ !
 প্রাণাধিক। তব মহিবী রুগ্নিণী পর্যন্তে আমারে চরণ বন্দি’
 করিল বাঞ্জন কত স্নেহে—দিল উপহার মালা বৈজয়ন্তী !

* কাহং দরিদ্রঃ পাপীয়ান্ ক কৃষ্ণঃ শ্রীনিকেতনঃ ।

ব্রহ্মবন্ধুরিতি শ্রাহং বাহুভ্যাং পরিরস্তিতঃ ॥

ভাগবতী কথা

শুধু ধন মোরে দিলে না মুকুন্দ, পাছে ধনাগমে হই প্রমত্ত
অনন্ত করুণা প্রকাশিলে তব হেন ছন্দে বৃষ্টি ! বিষয়াসক্ত
যায় ভুলে হায় পরমার্থ—তাই ঘুটালে না মোর চিরদারিদ্র্য !
জন্ম জন্ম যেন পাই দীননাথ, তব পদধূলি মহাপবিত্র ।”

চিন্তামগ্ন বিপ্র ধীরে ধীরে
গ্রামে তার উত্তরিল আসি’...
চমকি’ সে উঠিল সহসা
দেখি’ এক নয়ন-উল্লাসী
অপূর্ব প্রাসাদ ঝলমল...
চারিদিকে হৃদ ও নন্দন...
মরাল সেথায় করে কেলি...
অলিকুল করে গুঞ্জরণ !
সুন্দর বীথিকা ছলে ছলে
নিমন্ত্রণ করে যেন তারে
পুষ্পগন্ধ ভেসে আসে...বাঁশি
বেজে ওঠে নূপুর-ঝঙ্কারে !
ছিল তার কুটীর যেথায়
মর্মর-প্রাসাদ যায় দেখা :
স্বর্ণাকরে চুড়ায় যাহার
“স্বাগতম্” রহিয়াছে লেখা
সমীপে আসিতে—সসন্ত্রমে
সুদর্শন কিকর কিকরী
নমে তারে—তার পরে কে ও
পুলকে উঠিল কলস্বর !

দশম স্কন্ধ

এসো নাথ—বলে পতিব্রতা :

“পোতালো মোদের দুঃখ-নিশা—
সেই ঐশ্বর্যালিকের বরে :

অকূল পাথারে এল দিশা।
চেরেছিলে তুমি খন—তাই
দিল সে তোমারে ইশ্রালায়—”

কহিল শ্রীদাম : “ভাগ্যবতী,
এ তোমারি প্রার্থনার জয়।
চাহিতে পারিনি আমি খন,
সরিল না মুখে মোর বাণী,
তোমার ক্রন্দন অন্তর্যামী
দূর হ’তে শুনেছেন—জানি।
তুমি করেছিলে আকিঞ্চন
খনজন—মোর স্মৃতি লাগি’ :
না চাহিতে তাই দিল হেন
হৃদয় সম্পদ সে-বৈরাগী।”

কহে প্রিয়া হাসি’ : “হে বল্লভ !
তার কাছে প্রার্থিতে কি হয় ?
বিধে তবে যারা কঠিন
কৃপা কি তাদেরো তরে নয় ?

ভাগবতী কথা

বক্ষা ভূমি নিখল লজ্জায়
চেয়ে থাকে আকাশের পানে,
চাহিতে পারে না বৃষ্টিবর,
বরদ আকাশ তাহা জানে ।
গায় তাই সে বরষা-তালে
ফল-ফুল-জাগানিয়া গান,
করুণা যাহার অহৈতুকী
অমানীয়ে দেয় যে সে মান ।”

কহে বিপ্র : “সত্য ভক্তিমতী !
পদে পদে ভুলি মোরা হয়—
অস্তুর্যমী কান পাতে এসে
অস্তুরের মৌন বেদনায় ।
শুধু এ-প্রার্থনা—আর যেন
না ভুলি সে-চিরদানেশ্বরে :
ভোগ মাঝে যেন নিত্য রহি
অনাসক্ত, জানি—তঁারি তরে
পাণ্ডব সম্পদ যশ মান
দাস দাসী—সকলি তাঁহার :
যাহা লভি—সেথা পড়ি’ বাঁধা
না হারাই শ্রীচরণ তাঁর—
বিশ্বপতি হ’য়ে যে প্রণয়ে
কোল দেয় নিঃস্বতম দাসে,
সর্বজয়ী হ’য়ে যে মানিল
অধীনতা—অধীনের পাশে ।”

একাদশ স্কন্ধ

I saw the King of kings descend
the narrow doorway to the dust
With all his fires of morning still,
the beauty, bravery and lust
And yet He is the life within
the Ever-living living Ones,
The ancient with eternal youth,
the cradle of the infant suns,
The fiery fountain of the stars, •
and He the golden urn where all
The glittering spray of planets
in their myriad beauty fall.

(KRISHNA— *A poem by A. E.*)

নেহারিহু রাজরাজে অস্তিমে—অশানে-শয়ান, ধূলায় লীন,
স্তব্ধ জীবন-প্রভাত-মরীচি, শৌর্য সুষমা প্রেম—মলিন ।
তবু অখিলের চিরজীবীর হৃদে জ্বলে তারি অমর প্রাণ,
সে-ই সনাতন, সে চিরনূতন—সৌরজগৎদোলা মহান—
অবুদ-তার-বহ্নি-গোমুখী, হিরণ্যনীড়—ফিরে যেথায়
সুরং-রজ গ্রহতরঙ্গ কোটি-বিভঙ্গ-রঙ্গিমায় ।

ভাগবতী কথা

কো মু রাজ্জগ্নিস্থিযবান্ মুকুন্দচরণাম্বুজম্ ।
ন ভজ্যেৎ সর্বতোমুত্য়ারূপাশ্চমমরোত্তমৈঃ ॥ (২।২)

ভূতানাং দেবচরিতং হুংখায় চ মুখায় চ ।
মুখায়ৈব হি সাধুনাং স্বাদৃশামচ্যুতাম্বুজাম্ ॥
ভজন্তি যে যথা দেবান্ দেবা অপি তথৈব তান্ ।
হ্যৈব কৰ্মসচিবাঃ সাধবো দীনবৎসলাঃ ॥ (২।৫,৬)
ঋতোহমুপঠিতো ধ্যাত আদৃতো বামুমোদিতঃ ।
সত্যঃ পুনাতি সৰ্কারো দেববিশ্বঋহোহপি হি ॥ (২।১২)

হর্গভো মাম্বুযো দেহো দেহিনাং কৃণভঙ্গুরঃ ।
তত্রাপি হর্গভং মন্ত্রে বৈকুণ্ঠপ্রিয়দর্শনম্ ॥ (২।২৯)

একাদশ স্বর্গ

পরীক্ষিতের প্রতি শুকদেব :

অমরোত্তমগণ করে উপাসনা যার

চরণাশুভ—সে-মুকুন্দ দয়াল

উপাস্ত নহে কার দেহের ঐপাস্তরে,

চারিদিকে যেথা ঢেউ মৃত্যুভয়াল ? (২১২)

নারদের প্রতি বসুদেব :

দেবতা কখনো দেয় হুঃখ কখনো শুখ

ছায়াময়—আমাদের অমুসরিয়া :

তোমাসম বৈষ্ণব সাধু দীনবৎসল

স্বভাবে অহৈতুকী করুণা-হিয়া । (২১৫, ৬)

বসুদেবের প্রতি নারদ :

পরম ধর্ম বলি তারে এ-ধরায়—যার

আদরে, অবশে, পাঠে, অমুসোদনে

মুহূর্তে শুচি হয় অশুচি দেবজোহী

বৈরী যাহারা প্রতি শুভসাধনে । (২১১২)

ঋষিদের প্রতি নিমিরাজ :

যদিও দেহীর তমু কণভঙ্গুর—তবু

হৃদন্ত নরতমু—সে শুভকর :

সেই শুভ তমুলোকে আরো হৃদন্ত গণি—

প্রিয় যারা জীহরির চিরমুন্দর । (২১২৯)

ভাগবতী কথা

নিমিরাজের প্রতি মহর্ষি কবি :

মস্তেহকুতশ্চিন্তয়মচ্যুতশ্চ পাদাঙ্গুজোপাসনমত্র নিত্যম্ ।
উষ্ণিবুদ্ধেরসদাশ্চভাবাদ্-বিশ্বাশ্বনা যত্র নিবর্ততে ভীঃ ॥
কায়েন বাচা মনসেন্দ্রিয়ৈর্বা বুদ্ধ্যাশ্বনা বাহুস্বতশ্চভাবাৎ ।
করোতি যদ্যৎ সকলং পরশ্চৈ নারায়ণায়েতি সর্মপশ্বেৎ তৎ ॥

আপন যাহা নয় তাহারে আপন হেন জ্ঞান
নিত্য আনে উদ্বেগ আশঙ্কা অভিমান ।
বন্ধনের এ-হেন শত ছুঃখ হ'তে ভাই
হরিচরণ-পূজন বিনা অভয় নাই নাই ।
বচনে মনে কায়ায় যবে চরণ চাই তাঁরি,
ইন্দ্রিয় ও বুদ্ধি হয় তাঁহারি অভিসারী,
যা-কিছু করি তখন—সঁপি' কর্ম নারায়ণে
হয় সে ভাগবতী সাধনা জানিও এ-জীবনে । (২।৩৩,৩৬)

মায়ায় তাঁর যাহারা হরিবিমুখ—তারা কভু
রাখে না মনে—তাহারা দাস, তিনিই চির-প্রভু ।
তাঁহারে করি' নিষ্কাশিত—ভয়ের গ্রাসে হায়
মুহুমুহু ভ্রাস্ত্রবশে ছুঃখ তারা পায় ।
হেন বেদনা-বৈতরণী তারাই শুধু তরে
যাহারা গুরু-দেব-বরণে ভক্তি হৃদে ধরে ।
হেন শরণে হরিরে যারা প্রার্থে অভিসারে,
চরণে তাঁর ভক্তি লভে, বিরাগ—সংসারে ।
প্রাণে তাদের সহজে কোটে ভগবানের জ্ঞান,
শান্তি পায় তূর্ণ তারা সকল-সন্ধান । (২।৩৭,৪৩)

একাদশ স্কন্ধ

নিমিরাজের প্রতি মহর্ষি হরি :

ভগবত উরুবিক্রমার্জি শাখা-নখমণিচন্দ্রিকয়া নিরন্তরতাপে ।
হৃদি কথমুপসাদতাং পুনঃ স প্রভবতি চন্দ্র ইবোদিতৈর্হর্যুতাপঃ ॥
বিসৃজতি হৃদয়ং ন যস্য সাক্ষা-দ্ধরিরবশাদভিহিতোহপাঘৌঘনাশঃ
প্রণয়রশনয়া ধৃতার্জি পদ্মঃ স ভবতি ভাগবতপ্রধান উক্তঃ ॥

যার চরণের নখমণি হ'তে বিকৌর্ণ চন্দ্রিকা
প্রাণতাপ করে লীতল—যেমন ইন্দু স্নিগ্ধ ধারে
দিনাস্তে আনে শান্তি—যে-হৃদি সে-হরির আরতিকা
জ্বালায় মনের মন্দিরে, তার দাহ কি থাকিতে পারে ?
আনমনে বলে—“কোথা বল্লভ !”—অমনি সে-আহ্বান
তাঁহার চরণডোর হ'য়ে তাঁরে টেনে আনে লহমায় !
এমন প্রেমে যে আসীন—সে ভাগবতের মাঝে প্রধান,
পাপহারী হরি তার হৃদাসন ভুলেও ছেড়ে না যায় । (২৫৪,৫৫)

নিমিরাজের প্রতি মহর্ষি পিঙ্গালায়ন :

ফুলিঙ্গ যথা কভু প্রকাশিতে পারে নাই অগ্নিরে,
পারে না তেমনি প্রকাশিতে প্রাণমন গূঢ় মরমীরে ।
শব্দও শুধু তাহার ক্ষণিক আভাস ঝঙ্কারিয়া
যায় খেমে—তার পূর্ণ রূপের আসে না বোধন নিয়া ।
চকিতে চমকে লীলাতীত ধরে মূরতি লীলার মাঝে :
অচিরের কাছে সূচিরের রূপ-প্রকাশে নিবেদন আছে । (৩৫৬)

- * হরিরবশাদভিহিতো—এখানে দ ভি হি তিনটি লঘু স্বর
আছে—পুঙ্গিতাগ্রা ছন্দে এখানে মাত্র দুটি লঘুস্বর থাকার কথা ।
এ ছন্দপতন-টুকু তাড়াতাড়ি পড়ে শুধরে নেওয়া ছাড়া উপায় নাই ।

ভাগবতী কথা

নিমিরাজের প্রতি মহাশি প্রবুদ্ধ :

নিত্যার্তিদেন বিস্তেন ছল ভৈনাম্মতুনা ।

গৃহাপত্যাপ্তপশুভিঃ কা শ্রীতিঃ সাধিতৈশ্চলৈঃ ॥

দিনে দিনে আনে আপন মৃত্যু বহিয়া মনস্তাপ,

তুল ভ ধন, দুঃখসাধন গৃহস্থত তবু চাই !

ভাবিয়া দেখি না আমরা রাজন্—কতটুকু শ্রীতীলাভ

হেন ধনজন-আহরণে—যারা আজ আছে কাল নাই !

(৩১৯)

শ্রদ্ধাং ভাগবতে শাস্ত্রেহনিন্দামশ্রুত চাপি হি ।

মনোবাক্কায়দগুণ সত্যং শমদমাবপি ॥

অচল শ্রদ্ধা চাই ভাগবত শাস্ত্রে নিরন্তর,

অশ্রু শাস্ত্রে নিন্দাবিরতি । বচনে মানসে প্রাণে

চাই অনলস সত্যশ্রয়ী নিষ্ঠা শুভঙ্কর,

আত্মদমন, শাস্তিসাধনা—সরল নিরভিमानে । (৩২৬)

যর্হাজনাভচরণৈষণয়োরুভক্ত্যা চেতোমলানি বিধমেদগুণকর্মজানি ।

তস্মিন্ বিগুহ উপলভাত আত্মতত্ত্বং সাক্ষাদ্যথামলদৃশোঃ সবিত্তপ্রকাশঃ

হে রাজন্, সেই কমল-চরণ কেশবেরে যারা চায়,

বহুবিচিত্র ভক্তিসাধনে—বিদুরিবে তারা আগে

কামনাকর্মজাত মলিনতা যাহারা চিত্ত ঢাকে

আবরণ হ'য়ে । অমল মানস যবে হবে—মহিমায়

ফলিবে সত্য অন্তর্গুহ—নির্মেঘ, সুন্দর,

মুক্তনেত্রে যথা প্রতিকূলে রবিরাজ অধর । (৩৪০)

একাদশ স্কন্ধ

নিমিরাজের প্রতি মহর্ষি করভাজন :

স্বপাদমূলঃ ভজতঃ প্রিয়স্য তাক্রান্ত্যভাবস্য হরিঃ পরেশঃ ।

বিকর্ম যচ্চোৎপত্তিতং কথঞ্চিদ—ধুনোতি সর্বং হৃদি সন্নিবিষ্টঃ ॥

ঐহরির ত্রীচরণ-ধেয়ানে যে উন্নয়ন, তাঁহারি ভাবের শুধু ভাবুক যে-উচ্ছল.
হ'লেও ভ্রান্তি তার—করে তারে উদ্ধার অন্তরে জাগ্রত অনুগত-বৎসল ।

(৫১৪২)

করিল যারা হরিরে দ্বেষ তারাও অমুদিন

স্মরিয়া তাঁরে বৈরিভাবে লভিল অমলিন

স্বরূপ তাঁর । যাহারা তবে তাঁহারে প্রেমে প্রাণে

বরিবে—তারা লভিবে তাঁরে অচিরে, কে না জানে ?

(৫১৪৮)

দ্বারকায় কৃষ্ণের প্রতি দেবগণ :

স্মারস্তবাজিষ্ম রশ্মভাশয়ধূমকেতুঃ

চরণকমল তব হে অমল, মোদের অন্তি বাসনা যত

করুক বিনাশ ধূমকেতু করে অন্তে যেমন মরণাহত ।

(৬১০)

স্মারাবলোকলবদর্শিতভাবহারি-ক্রমগুলপ্রথিতসৌরতমঙ্গলশৌণ্ডিঃ ।

পদ্মাস্ত্র বোড়শসহস্রমনজবানৈ-র্যশ্চেন্দ্রিয়ং বিমথিতুং করণৈর্ন বিভ্ভ্যঃ ॥

বিশ্বমোহিনী দৃষ্টিদামিনী অমৃত কামিনী জায়া যাহার

চাহিত নাথের প্রসাদ—দেহের শরণোচ্ছল আত্মদানে,

করিত নিয়ত কামনা, তবুও পারে নাই মন মোহিতে তাঁর,

পারেনি চিনিতে পারেনি জিনিতে অপরাঙ্কেয় অনঙ্গবাণে ।

(৬১৮)

ভাগবতী কথা

বিলাসিনী পিঙ্গলার উক্তি :

সন্তঃ সমীপে রমণঃ রতিপ্রদঃ বিস্তুপ্রদঃ নিত্যমিমং বিহায়
অকামদং দুঃখভয়াদিশোক-মোহপ্রদং তুচ্ছমহং ভজেহুজ্জা ॥

সুহৃৎ প্রেষ্ঠতমো নাথ আত্মা চায়ং শরীরিণাম্ ।

তং বিক্রীয়াত্মনৈবাহং রমেহনেন যথা রমা ॥

গহনহৃদিবাসী যে প্রিয় করে দান অমৃতসম্পদ অহেতু করুণায়,
তাহারে ছাড়ি'—ভয়দুঃখশোকাবহ তুচ্ছ নাগরেরে মুগ্ধা নারী চায় ।
বন্ধু প্রিয়তম দেহের অধিরাজে চাহিব আমি আজ আত্ম-নিবেদনে,
তাহারি শ্রীচরণে রমিব বসুধায়—কমলা যথা রমে গোলোকে হরি সনে
(৮৩১, ৩৫)

আছিল স্মৃতি মোর,—তাই বিষ্ণু প্রসন্ন-প্রদানে
বৈরাগ আনন্দময় সঞ্চারিল বুঝি মোর প্রাণে !
(৮৩৭)

দুর্ভাগা রমণী প্রাণে চিরদিন পায় দুঃখ হায়,
না বরি' বৈরাগা—যারে পুরুষ বরিয়া সাধনায়
কাটে মায়ামোহপাশ । দুরাশারে তাজিয়া আমার
যাচিব শরণ তাঁর—যিনি করুণার অবতার ।
সংসারের অন্ধকূপে যে-অন্ধেরে করিয়াছে গ্রাস
কালরূপী অহি—তারে কে ত্রাণিবে বিনা জীনিবাস ?
আশারে পরম দুঃখ, নৈরাশ্রেই সুখ বলি' চিনি'
ক্লান্ত আশা তাজি' শাস্তি লভিল পিঙ্গলা বিমোহিনী ।
(৮৩৭-৩৯, ৪১, ৪৪)

একাদশ স্কন্ধ

উদ্ধবের প্রতি কৃষ্ণ :

অক্রুর সাথে মথুরায় আমি করিছু প্রয়াণ যবে,
গোপীগণ মোর বিরহে যাপিত জীবন নিরুৎসবে ।
কৃষ্ণেই শুধু জানিত সুখের পরম কারণ যারা,—
কৃষ্ণবিহীন সুখসাধ পানে কিরেও চাহে নি তারা ।
নদ নদী যথা সাগরে মিশিলে পাসরে আপন ধারা,
সমাধির কোলে মুনি ঋষি হয় যেমন বিশ্বহারা
ভুলি' নাম রূপ সকলি—তেমনি ছিল ভুলি' গোপীগণ
আমারি দেখানে ইহকাল, পরকাল, তম্র, প্রাণ, মন ।
(১২।১০, ১২)

সঁপি' তম্র মন যে মোর শরণ যাচে—জানি' মোরে ভাই,
নিখিল দেহীর পরমাশ্রয়—ভয় তার নাই নাই । *
(১২।১৫)

সংসার-তরু-শাখে উদ্ধব, ফলে দুই ফল—দুঃখ, সুখ ।
মুক্তিপঙ্খী পায় সুখফল, সংসারকামী অশেষ দুঃখ ।
এক যিনি, যার মায়া রচে বহু বাসনার বেশে রূপের ভ্রম,
গুরুর প্রসাদে যে তরে সে-মায়া, সে-ই চির-জ্ঞানে জ্ঞানী পরম ।
বিজ্ঞা-কৃপাণে হেন বাসনার-তরু ধীর ত্রিতে নাশিয়া ভাবে
গুরুর পূজায় লভি' মোরে প্রেমে, বিজ্ঞা-কৃপাণে ত্যজিতে হবে ।
(১২।২৩, ২৪)

* মামেকমেব শরণমাত্মনং সর্বদেহিনাম্ ।

বাহি সর্বাশ্বভাবেন ময়া স্তা হকৃতোভয়ঃ ॥

ভাগবতী কথা

উদ্ধবের প্রতি কৃষ্ণ :

নৃদেহমাভং শূলভং সুদুর্লভং শ্রবং সুকলং গুরুকর্ণধারম্ ।
ময়ানুকূলে নভস্বতেরিতং পুমান্ ভবাকিং ন তরেং স আশ্বহা ॥

যে-দেহ সকল ফলের মূল,
দুর্লভ যাহা—দৈবে শূলভ তবু,
তরণীর সম দোলে দোহুল,
কাণ্ডারী যার স্বয়ং শ্রীগুরু প্রভু,
অনুকূল বায়ু আমি যাহার,
সে-দেহ লভিয়া চায় না যে পার হ'তে
এ-ভব-সাগর—জানিও তার
বুদ্ধি আশ্বাভিনৌ মিথ্যা-ব্রতে ।

(২০।১৭)

শ্রদ্ধা যাহার হয়েছে আমার লীলাকথায়
সকল কৰ্মে লভিয়া মুক্তি কামনা হ'তে,
তবুও যে জেনে কামনারে ব্যাধাবহ ধরায়
সর্বভ্যাগে লভে নি দীক্ষা পূর্ণ-ব্রতে,
বিষয়-ভোগের মাঝে সে করুক নিন্দা তার
বিষয়-বাসনা—জপি' মনে শুধু ভক্তি জ্ঞান,
সাধনা তাহার ধীরে ধীরে হবে এ-শ্রদ্ধার
তর্পণে—হবে স্মরণপথে সে নিরভিমান ।
ভক্তি-আলোকে প্রাণের আধার-কামনা তার
বিনাম্বিবে আমি অন্তর্যামী, করুণাধার । (২০।২৭-২৯)

একাদশ স্কন্ধ

উদ্ধবের প্রতি কৃষ্ণ :

নৈরপেক্ষ্যং পরং প্রাহুনিঃশ্রেয়সমনলকম্ ।
ভস্মান্নিরাশিষো ভক্তিনিরপেক্ষস্ত মে ভবেৎ ॥

কারো অপেক্ষা রাখে না যে-জন কোনো ছলে এ-জীবনে,
মহামঙ্গল তীর্থপথে সে চলে :
কৃষ্ণভক্তি উপজায় তাই যার নিকাম মনে,
তারি নাম “নিরপেক্ষ” ধরণীতলে ।

নরেশ্বভীক্ষুং মন্তাবঃ পুংসো ভাবয়তোহচিরাং ।
স্পর্ধাস্ময়াতিরস্কারাঃ সাহস্কারাঃ বিয়ন্তি হি ॥
এষা বুদ্ধিমতাঃ বুদ্ধির্মনীষা চ মনীষিণাম্ ।
যৎ সত্যমব্রতেনেহ মৃত্যুনাশ্নোতি মামৃতম্ ॥

আমার ভাবনে ভাবিত ধরায় রহে অল্পদিন যারা,
অধীনের প্রতি দম্ভ প্রকাশ করিতে পারে না তারা ।
করে না ঘোষণা স্পর্ধা প্রতিদ্বন্দ্বীরো সাথে আর,
ঈর্ষা শ্রেষ্ঠজনে বা অকিঞ্চনেরে তিরস্কার ।
নশ্বর তন্মু মন প্রাণ করি' দান মোরে এ-জীবনে
প্রতিদানে ফিরে পাওয়া শাস্ত্রত অমৃত-সত্যধনে,—
মনীষিগণের মনোষা-প্রকাশ এই মহাবিনিময়ে,
বুদ্ধিমানের বুদ্ধিরে চিনি এ-নিয়োগ-পরিচয়ে ।

(২৯১৫, ২২)

ভাগবতী কথা

শ্রীকৃষ্ণের মহাপ্রয়াণ

বেণুকুল করে নাশ যথা বেণুবনে দাবানল,
কৃষ্ণের মায়ায় সেই যতুকুল স্পর্ধিত প্রবল
ব্রহ্মশাপে হ'ল ধ্বংস—ধরিত্রীর শেষ গুরুভার
হ'ল অপনীত । অনন্তর অবতারী অবতার-
লীলা করি' অবসান তাঁর—বসিলেন তরুমূলে
করিতে মহাপ্রয়াণ আপনার লীলাতীত কূলে :
চারিদিক করি' আলো ধুমহীন দীপ্ত শিখাসম
দিব্যকাস্তি চতুর্ভুজ ধূলায় আসীন নিরুপম ! *

মৃগমুখাকৃতি তাঁর শ্রীচরণ মনে করি' মৃগ—এক নিবাদ বিংশিল
বাণে সেই অপরূপ কমল-কোমল অঙ্গ । সমীপে আসি' সে নিরখিল
যবে সেই চতুস্পাণি মুরতি মহিমময়—কাঁদি' তাঁর পড়িল চরণে
“কমা করো দেবদেব,” বলি' । কহিলেন হরি করুণার্জ জলদ-প্রস্থনে :
“ভয় নাই হে নিবাদ, আমার নিধন তুমি সাধিয়াছ আমারি ইচ্ছায় ।
ওঠো বন্ধু ! পাবে ঠাই হেন পুণ্য ফলে তাই
আমারি আদেশে—অমরায় ।” †

* বিভ্রচ্চতুর্ভুজঃ রূপঃ ভ্রাজিষু প্রভয়া স্বয়া ।

দিশো বিতিমিরাঃ কুর্বন্ বিধুম্ ইব পাবকঃ ॥

† মা ভৈর্জরে ঋমুতিষ্ঠ কাম এষ কৃতো হি মে ।

যাহি ঙ্গ তদমুজ্জাতঃ স্বর্গং স্মৃতিনাং পদম্ ॥

(৩০।২৮, ৩৯)

গুরু মিলে লাখ্

ভ্রাম্যমাণ অবধূতেনে দেখিয়া সদানন্দ,
 ত্রীযত্নরাজ শুধাল : “হেন নিরভিমান ছন্দ
 মিলনভরা কিরণ-প্রাণ কোথায় পেলে মিত্র ?
 কর্ম করি’ ত্যাগ হে সুধী বিদ্বান্ বিচিত্র,
 কেমনে বলো লভিলে হেন বালসরল বুদ্ধি—
 বাসনাধূলি-শয়নে জিমি’ গগননীল মুক্তি ?
 নাই স্বজন বন্ধু ধন বিলাস গৃহভূষণ,
 তবুও তব আননে ভায় এ-কোন্ সুখদীপ্তি ?”

কহিল অবধূত : “রাজন্ ! পেয়েছি আমি জ্ঞান
 বহু গুরুর দীক্ষাগুণে । তাই নিরভিমান
 ছন্দে হেন বিচরি চিরমুক্ত বসুধায় :
 শুনিবে—গুরু কাহারো হ’ল আমার সাধনায় ?

“পৃথিবী আমার জীবনের পথে হ’য়ে গুরু দিল দীক্ষা :—
 বহুপদভার মহামারী ভূমিকম্প আনে পরীক্ষা
 সহিষ্ণুতার, ক্ষমার । ধরণী সম যেন রাখি স্মরণে—
 সুখ হৃৎ সবি দেয় জীব শুধু দৈবের অন্তরঙ্গনে ।

* ভূতৈরাক্রম্যমানোহপি ধীরো দৈববশানুগৈঃ ।

তদ্বিতান্ ন চলেদ্যর্গাদবশিক্ ক্রিতেভ্যতম্ ॥ (৭।৩৭)

ভাগবতী কথা

“গিরি আর তরু দিল এ-দীক্ষা :—জীবন পরেরি জন্ত,
পরার্থে যারা বিলায়ে সরিৎ ফল ফুল ছায়া—ধন্ত । *

“অনিল আমারে শিখাল :—ঘর্মে কর্মে হরষে বেদনে
লিপ্ত রহিয়া রবে চিরনির্লিপ্ত জীবনে মরণে ।
গন্ধ যেমন বিলায় সে—তবু নহে সৌরভমুগ্ধ,
দেহীও তেমনি দেহলোকে রবে দেহসুখমোহমুক্ত ।

“আকাশ শিখাল :—রিভু ভগবান্ তারি ম’ত চির ব্যাপ্ত,
অনাদি অশেষ অনাহত—নহে সীমায় পরিসমাপ্ত ।

“সলিল আমারে শিখাল :—তাহারি ম’ত রবে যোগী নির্মল,
স্বভাবে স্নিগ্ধ, নিখিল-পাবন, তীর্থের সম উজ্জ্বল । †

“শিখাল অনল :—যোগী রবে তারি ম’ত প্রদীপ্তি-ধন্ত,
তেজে বরণ্য—কছু অগুষ্ঠ, কছু রহি’ প্রচ্ছন্ন । ‡

* শব্দং পরার্থসর্বৈহ পরার্থৈকান্তসম্ভবঃ ।

সাধুঃ শিক্তেত ভূভূতো নগশিষ্টাঃ পরাশ্রিতাম্ ॥ (৭।৩৮)

† স্বচ্ছঃ প্রকৃতিতঃ স্নিগ্ধো মাধুর্যন্তীর্থভূর্নগাম্ ।

মুনিঃ পুনাত্যপাং মিত্রমীকোপস্পর্শকীতনৈঃ ॥ (৭।৪৪)

‡ কচিচ্ছন্নঃ কচিং স্পষ্টঃ উপান্তঃ শ্রেয় ইচ্ছতাম্ ॥ (৭।৪৬)

একাদশ স্কন্ধ

“তপন শিখাল :—করজালে তার জলরাশি যথা গগনে
উঠি বরষায় ঝরে—রবি ভায় মুক্ত, যোগীও ভুযনে
ইন্দ্রিয়পথে তেমনি ঝরিবে রূপ রস ধ্বনি গন্ধ,
বিলাবে তার সে-সকল পক্ষে—হারায়ও সদানন্দ ।

“অজগর মোরে শিখাল :—অশন স্বাদ হোক কি বা স্বাদহীন,
যোগী রবে অবিচল—স্বাদ রুচি করিবে না তারে পরাধীন । *

“সিদ্ধ শিখাল :—যুনি নিতি হবে ধীর, প্রসন্ন—বাহিরে,
অতল-বিলাসে চির-প্রশান্ত রবে অন্তরগভীরে ।
ভাব তার হবে ছরবগাহ, সে রাজিবে ভবে ছরভায়,
লভিলে আঘাত রবে ক্ষোভহীন, অনন্তপার, অক্ষয় ।
বাহিরের ভোগ-প্রবাহিনী-টেউ লভি’ সে হবে না চঞ্চল,
না লভিলে সুখলহরী—রবে না শীর্ণ ম্লান অমুজ্জল ।

“পতঙ্গ মোরে শিখাল রাজন :—রমণীর রূপশিখা হায়
রূপোন্মত্তে করে দাহ—মৃঢ় চিরচঞ্চল লালসায় ।

* গ্রাসঃ স্মৃষ্টঃ বিরসঃ মহাস্তমঃ স্তোকমেব বা ।

বদৃচ্ছ্যৈরাপতিভ্যঃ গ্রাসেদাজগরোহক্রিয়ঃ ॥ (৮২)

ভাগবতী কথা

“ভ্রমর শিখাল :—গৃহিগৃহে যোগী বীতরাগ রহি’ অশনে
রবে কণিকালী—‘আরো দাও’ যেন না বলে ভুলেও জীবনে
প্রতি ফুল হ’তে ভ্রমর সাদরে করে যথা মধু আহরণ,—
চলাচল হ’তে সারসঞ্চয় সন্ন্যাসীরো আকিঞ্চন । *

“নানা কলি হ’তে অলি করে মধু পুঞ্জিত, হায় অন্ধ !—
নিবাদ সে-মধুচক্র ভাঙিয়া হরি’ লয় মকরন্দ ।
ব্যাধ অলি তাই যুগলে আমারে দিল এ-পরমদীক্ষা :
পরদিন তরে রাখিবে না কভু অবধূত তার ভিক্ষা ।
সঞ্চয় আনে লালসা, শঙ্কা, চিন্তার নিরানন্দ :
বরি’ বরাভয়, বীতসঞ্চয় বিহরিবে স্বচ্ছন্দ ।

“লুক্ক-রসনা মীন তার প্রাণ হারায় বলিশ-বেধনে,
রস-লালসায় তেমনিই স্বাদ-বিমুক্ত বরে মরণে ।
মীন তাই গুরু হ’য়ে হে রাজন্, দিল মোরে এই শিক্ষা :—
বিনা রসনার সংযম নাই নাই নির্লোভে-দীক্ষা । †

* সর্বতঃ সারমাদৃত্যং পুষ্পেভ্য ইব যটপদঃ । (৮।১০)

† তাবজ্জিতেন্দ্রিয়ো ন স্যাৎজিজ্ঞাসনেন্দ্রিয়ঃ পুমান্ ।

ন জয়েৎ রসনাং যাবজ্জিতং সৰ্বং জিতে রসে । (৮।২১)

একাদশ স্কন্ধ

“ছিল নখে ল’য়ে আমিষ যখন ধায় আনন্দে গগনে
বায়সের বাহু তাড়না তাহারে করে না কি অম্লসরণে ?
যখন সে ত্যাগ করে সে-আমিষ—হয় সে একেলা, শান্ত ।
বিহঙ্গ তাই দিল মোরে ভাই এ-দীক্ষা অভ্রান্ত :—
যাহা প্রিয় অতি করিলে লিপ্সা আনে সে আনে অশান্তি,
সংগ্রহে শুধু আশ্রিত অপার, ত্যাগবৃকে অক্লান্তি ।

“বালক আমারে শিখাল :—নিয়ত মান-অপমান-ভাবনা
আনে শুধু মায়া দুঃখদাহন । তাই তাপসের সাধনা—
নিরভিমানের চিরপ্রতিষ্ঠা বালকের ম’ত মায়াহীন,
তারি তালে খেলে আপনার সাথে যে-যোগী সে নয় পরাধীন । ॥

“সর্প আমারে শিখাল :—বিরাজি’ অলঙ্ক্যমান নিরালে
আপন গুহায় রবে নিরাপদ তপস্বী স’বসকালে
হ’য়ে সাখীহীন তারি ম’ত—পরিহরি’ জনতার সঙ্গ : ॥
ঐবধন নাই যাহাদের—কেন তাহাদের সাথে রঙ্গ !

* পরিগ্রহো হি দুঃখায় যদ্যৎ প্রিয়তমং ব্রূণাম । (৯১১)

॥ ন মে মানাবমানৌ স্তো ন চিন্তা গেহপুত্রিণাম্ ।

আত্মক্ৰৌড় আত্মরতিবিচরামীহ বালবৎ ॥ (৯১৩)

গৃহারন্তোহতিদুঃখায় বিফলশচাক্রবাশ্বনঃ । (৯১৪)

॥ অলঙ্ক্যমাণ আচারৈ-মু’নিরেকোহয়ভাষণঃ ॥

সিদ্ধান্তপ্রদীপকারের ভাষ্য :—বহুজনসম্মততাচারখ্যাপনানি

দুঃখায়ৈব ভবন্তি ইতি উক্তম্ ।

ভাগবতী কথা

“কাঁচপতঙ্গ অপর কীটেরে আনি’ রাখে নিজ গুটিকায়,
সে-বন্দী কীট লভে দিনে দিনে প্রভু-রূপ—প্রভু-চিন্তায়,
তেমনি রাজন, যুগ্ম যুগ্ম ধ্যান করি’ পরমার্থে,
সে-রূপান্তরী আলোকে রূপান্তরে ঘনান্ধায়া স্বার্থে।

“এমনি ছন্দে বহু গুরু হ’তে দিনে দিনে আমি পেয়েছি
চেতনা আমার সন্ধান-পথে যারে বেদনায় চেয়েছি।
দিনে দিনে মোর করুণ নয়নে ফুটেছে অরূপদৃষ্টি,
দেখাল সে—বিনা ভগবান্ হায় এ-জীবন অনাসৃষ্টি !
অভাগবতের কর্মে কেবল বন্ধনেরি অতৃপ্তি,
সঙ্কয়-সাধ আনে শুধু ভয়, ভোগে—হুভোগ-সিদ্ধি,
রসনা জাগায় রসের তৃষ্ণা, দেহ—লালসার দাহনায়,
হ্রাণ চঞ্চল করে সুগন্ধে, নয়ন—রূপোন্মাদনায়।
বহু কাস্তার কাস্ত যেমন পায় না কখনো শাস্তি,
বহু ইন্দ্రిয় তেমনিই টানে দিকে দিকে—আনে ভ্রাস্তি !
প্রাণলীলা হ’তে করিমু তবু এ-পরম তত্ত্ব আহরণ :—
বহুচল’ভ মানব-জীবন, নহে ছায়াবাজি এ-ভুবন
ভুবনেধরে যদি হেরি মর-জনমের শেষ অর্থ,—
নহে শূন্যতা বৈরাগ্য : সে দেয় দিশা—কোথা সত্য,
দেখায়ে—মারার-অতীত মায়েশে পায় যে—হয় সে মুক্ত,
কুসুমানন্দ-নন্দনে দেখে কণ্টক চিরলুপ্ত। *

* লক্ষ্য। সুচল’ভমিদং বহুসম্ভবাস্তে মানুস্যমর্থদমনিত্যমপীহ ধীরঃ।

তুর্গং যতেত ন পতেদন্যত্যা যাবৎ নিঃশ্রেয়সায় বিষয়ঃ খলু সর্বতঃ স্তাৎ ॥

(৯২৯)

দ্বাদশ স্কন্ধ

We will tell the whole world of His ways and His cunning.
He has rapture of torture and passion and pain,
He delights in our sorrow and drives us to weeping,
Then lures with His joy and His beauty again.

All music is only the sound of His laughter,
All beauty the smile of His passionate bliss,
Our lives are His heart-beats, our rapture the bridal
Of Radha and Krishna, our love is their kiss.

(' WHO '—Sri Aurobindo)

আমরা	ক'রব সারা বিশ্বে রটন ছলচাতুরী তার,
হয়	উন্নতি সে আমাদের উচ্চাস বেদনায়,
দিয়ে	হৃৎ সে হয় পুলকিত, করায় আশ্বিনার,
পরে	ভুলায় এসে তার সুধমায়, হর্ষে পুনরায় ।

বাজে	যেথায় যত গান—সবই তার হাসির তান উছল,
সব	মাধুরী তার আনন্দেরি স্নিত সন্তোষ,
প্রতি	জীবন—হৃদিস্পন্দন তার, পুলক—সে কেবল
মিলন	রাধাপ্রণামের, প্রেম আমাদের তাদেরি চূষন ।

ভাগবতী কথা

কলেদেঁষনিধে রাজয়ন্তি ছেকো মহান্ গুণঃ ।
কীর্তনাদেব কৃচ্ছ্ৰস্ত মুক্তবন্ধং পরং ব্রজেৎ ॥
কৃতে যজ্ঞায়তে বিষ্ণুং ত্রেতায়াং যজ্ঞতো মৰ্থৈঃ ।
ছাপরে পরিচর্যায়াং কলৌ তদ্ধরিকীর্তনাৎ ॥

(৩৫১,৫২)

ত এতদধিগচ্ছন্তি বিষ্ণোৰ্ষং পরমং পদম্ ।
অহং মমেতি দৌৰ্জ্ঞাং ন যেবাং দেহগেহজন্ম ॥
অতিবাদাংস্তিতীক্রেত নাবমশ্ৰেত কঞ্চন ।
ন চেমং দেহমাত্রিত্য বৈরং কুবীর্ত কেন চিৎ ॥

(৬৩৩,৩৪)

কং বৃণে নু বরং ভূমন্ পরং স্বদ্বন্দর্শনাৎ ।
যদদর্শনাৎ পূর্ণকামঃ সত্যকামঃ পুমান্ ভবেৎ ।
বরমেকং বৃণেহথাপি পূর্ণাৎ কামাভিবর্ষণাৎ ।
ভগবত্যাচুতাং ভক্তিং তৎপরেষু তথা স্থয়ি ॥

(১০।৩৩,৩৪)

তদেব রম্যং কুচিরং নবং নবং
তদেব শশ্বদ্বনসো মহোৎসবম্ ।
তদেব শোকার্ণবশোষণং নৃণাং
যদ্বন্দমঃপ্রোকযশোহম্মুগীয়তে ॥

(১২।৫০)

দ্বাদশ স্কন্ধ

পরীক্ষিতের প্রতি শুকদেব :

বহুদোষ আছে কলির রাজন, শুধু আছে এই গুণ মহান :—
কৃষ্ণনামেই কাটে বন্ধন, দেখা দেয় চির-কৃপানিধান ।
সত্যযুগে শ্রীবিষ্ণুর ধ্যানে, ত্রেতায় যজ্ঞে মিলে যে-ফল,
দ্বাপরে—সেবায় : মিলে সেই ফল কলিযুগে হরিনামে কেবল ।
(৩৫১।৫২)

মুনিগণের প্রতি সূত :

সে-পরমপদ বিষ্ণুর পায় এ-জীবনে শুধু তারা
'আমি ও আমার'-অভিমান হ'তে মুক্তি লভিল যারা
নিন্দা যাহারা সহে হাসিমুখে, করে মানদান সবে,
তুচ্ছ দেহের তরে কারো সাথে করে না বিবাদ ভবে ।
(৬।৩৩,৩৪)

আবির্ভূত বরদাতা শিবের প্রতি মার্কণ্ডেয় :

কী বর চাহিব হে ভূমন্, যবে দর্শনই তব বর
ফলে যার হয় সত্যব্রত, পূর্ণসাধন নর ।
শুধু এক বর চাই বরদাতা : রহে যেন প্রিয়তম
হরি ও হরির-প্রেমিক-চরণে অচলা ভক্তি মম । (১০।৩৩,৩৪)

সূতের কৃষ্ণপ্রণাম :

রমণীয় কথা তারেই বলি
যেথা উঠে হরিনাম উছলি',
পুণ্যলোক ভুবনে যিনি,
রূপ দেখি' যার রূপেই চিনি,
ছন্দে যাহার—মন্ত্র লভি'
অঙ্কারি' উঠে অমর কবি,
মনের-মহোৎসব যাহারে
বরি' নিতি তরি শোকপাথারে । (১২।৫০)

ভাগবতী কথা

মূর্তের কৃষ্ণ-প্রণাম :

অবিস্মৃতিঃ কৃষ্ণ-পদারবিন্দয়োঃ

ক্ষিপ্যেত্যভ্যাহানি শমং তনোতি ।

সকল্য শুদ্ধিং পরমাত্মভক্তিং

জ্ঞানঞ্চ বিজ্ঞানবিরাগযুক্তম্ ॥

শ্রামলচরণ-মুগলে নমো

ফুটে রয় ছুটি কমল সম ।

সে-রস-রূপে যে রহে মজিয়া

অবিস্মরণে উজ্জলিয়া

যায় তার সব বেদনা দূরে

প্রেমলের মধু-বাঁশিনুপুরে ॥

অস্তর হয় অমল বরি'

প্রেমে সেই চির-প্রেমিক হরি,

অজানা তাহার কিছু কি থাকে

মোহ যার হৃদে আর-না জাগে ?

যারে জেনে মন নিখিল জানে

তারি ধ্যানে জ্ঞান লভে সে প্রাণে ॥

(১২৪৫)

পরিশিষ্ট

“ভাগবতী কথা”-র মূল উদ্দেশ্য যে তার ভাব ও ভক্তিসম্পদ কাব্যরসে রসিয়ে পরিবেশন করা, একথা ভূমিকায় বলেছি—আশা করি যথেষ্ট জোর দিয়ে। তবু ফের বলে রাখি যে, অমূল্যবাদ সর্বত্র মূল্যহীন করিনি—কারণ অনেক সময়ে তাতে ক’রে আসল উদ্দেশ্যই ব্যর্থ হয়। যারা একান্ত মূল্যহীন তত্ত্ব বা চান তাঁদের জন্যে তো ভাগবতের একাধিক গচ্ছাভাব আছে।

“ভাগবতী কথা”-র ভাবের বাহন যখন কাব্য, তখন তার কাব্যরূপের রসালতা গতিকে সুন্দর করবে এইটাই বাঞ্ছনীয় তথ্য প্রত্যাশিত। অর্থাৎ মনে রাখা যে, ভাবকে কাব্যরসে পাক করতে হ’লে ছন্দের জুড়ি আশ্রয় নেই। আজকাল অনেকে থেকে থেকে গল্পকে কাব্যরসের শ্রেষ্ঠতর বাহন ব’লে প্রচার করতে চান—এ আমরা দেখেছি। এঁদের বক্তব্য হচ্ছে : প্রথম, গল্প পড়ার চেয়ে পরে বিকাশ পেয়েছে ব’লেই ভাবপ্রকাশেও বেশি নিপুণ ; দ্বিতীয়, পড়ে ছন্দের বাধাধরা কাঠামো আমাদের হৃদয়বাহকে বাধা দেয়। মত নিয়ে তর্কাতর্কির স্থান এ নয়। তবে সংক্ষেপে এর উত্তরে দুটি মাত্র বলা দরকার মনে করছি : প্রথম, সাহিত্যের উৎকর্ষ-বিচারের মাপকাঠি আধুনিকতা নয়, কাজেই কে আগে কে পরে জন্মাল তা নিয়ে জাতকের রসমূল্য-নির্ধারণ করতে যাওয়া বিভ্রম—যেমন জ্যেষ্ঠ হ’লেই শ্রেষ্ঠ হয় না তেমনি কনিষ্ঠ হ’লেই বলিষ্ঠ হয় না। তাজিনিয়া উল্ফের একটি কথা মনে পড়ে, তিনি ১৯৩২ সালে এক তরুণ কবিকে লিখেছিলেন একটি পত্রে : “People say, there can be no relation between the poet and the present age, But surely that is nonsense. These accidents are superficial ; they do not go nearly deep enough to destroy the most profound and primitive of instincts, the instinct of rhythm.” দ্বিতীয়, শিরকলার ইতিহাসে এ-সত্যটি কেউ নামজুর করতে পারে নি যে, বাধা আছে বলেই বিকাশ অনিন্দ্য হবার তাগিদ পেল। সংস্কৃত ছন্দ এ-কথার মূর্ত্যুহীন সাক্ষ্য। স্রব্ধরা, শিখরিণী, পৃথ্বী, মন্দাকিনী, শাদুলবিক্রীড়িত প্রভৃতি ছন্দের কঠোর লঘুগুরুসংস্থান বজায় রেখে যে-কাব্য সংস্কৃত মহাকবির রচনা ক’রে গেছেন তার মহিমা যে অনির্বাক—কে অস্বীকার করবে ? অথচ সংস্কৃত গদ্য কি রসাবেশে এ-দোলা জাগাতে পারে—ছন্দের বাধা থেকে মুক্তি পেয়ে ভাবের আনন্দবেগে কি সে কাব্যের অমূল্য ব’লেও গণ্য হ’তে পারে—সহোদর হওয়া তো দূরের কথা ? কাব্যের বে-

পরিশিষ্ট

বাণীত্বি ভাবের গাঢ়ত্ব আনে তার প্রধান বীক্ষাশুষ্ক—ছন্দ। কবিশিষ্যের কানে তিনি বতকণ-না ধোঁলার মন্ত্র ঘন ততকণ ভাষা-পাণীণীর বুক চিরে দেখা দেয় না আনন্দের স্রোতধিনী, স্বপ্নের বর্ণা।

এ-কথার একটি মন্ত প্রমাণ এই যে, সংস্কৃত কাব্যে শ্রীমদ্ভাগবত যে উভচর হ'য়ে-উঠতে পেরেছে—ভাব্য তথা কাব্য এই অর্থনারীশ্বর-মুতিতে—তার মূলে মহা-কবি ব্যাসদেবের ছন্দের অশার অগাধ বৈচিত্র্য, কল্লোল, লহরীনৃত্য। ভাগবতে তিনি তাঁর এই অভাবনীয় উদ্দেশ্যসিদ্ধি জগ্রে কতরকম পরিচিত ও অপরিচিত ছন্দকে তলব করেছেন উৎসাহবশে তার একটা তালিকা সাজাতে বসেছিলাম : ইচ্ছা ছিল ঐ সঙ্গে প্রতি ছন্দের গতি ও যতি সম্বন্ধেও একটি সংক্ষিপ্ত আলোচনা দেব—বিশেষ ক'রে দেখাতে বাংলা ছন্দের যতির সঙ্গে সংস্কৃতের যতির প্রভেদ কোথায়। (এসম্বন্ধে আমার ছান্দসিকী বইটির পরিশেষে একটি সংক্ষিপ্ত আলোচনা দিয়েছি) কিন্তু তালিকা করতে গিয়ে দেখলাম যে একাজ অতিসংক্ষেপে সারতে হলেও অন্তত বিশদ্রিখ পৃষ্ঠা লিখতে হয়। কাজেই সাধটি আপাতত অপূর্ণই রাখতে হ'ল—আরো, কাগজের দুর্ভিক্ষের দরুণ। (এ-আনন্দময় কাজটি ভবিষ্যতে করবার ইচ্ছা রইল। তাতে ভালোই হবে, কারণ ভাগবতে গীতি উদ্গীতি আধগীতি প্রমুখ বৈদিক ছন্দও আছে, এবং বৈদিক ছন্দে আমার প্রবেশ নেই। বন্ধুবর বুদ্ধদেব ভট্টাচার্যের কাছে পাঠ নিয়ে হয়ত ভাগবতী কথার দ্বিতীয় সংস্করণে আরো বিস্তারিত ব্যাখ্যা করব—যদি অবশ্য তখনো এ-ইচ্ছার প্রবল তাগিদ মনের মধ্যে খুঁজে পাই)।

এই জগ্রেই ভাগবতী কথার মূল কাব্যের নানা সংক্ষিপ্ত পাদটীকায় ব্যাসদেবের প্রিয় ছন্দগুলির সম্বন্ধে অন্ন বা পারি বলেছি (১৫৬, ১৬০, ১৬৬, ১৭৮, ১৮৮, ২০০...পৃষ্ঠা দ্রষ্টব্য)। কিন্তু আরো কয়েকটি কথা এখানে না বললেই নয়।

১) ১৫৬ পৃষ্ঠার পাদটীকায় আমি লিখেছি—“ভাগবতে সবচেয়ে বেশি চল এই কয়টি ছন্দের : অম্বুটুপ (সর্বপ্রধান), ইন্দ্রবজ্রা, উপেন্দ্রবজ্রা, বংশস্থবিল, ইন্দ্র-বংশা ও বসন্তভিলক।” এগুলির মধ্যে সবকয়টিরই লঘুগুরু-সংস্থান আমি ছক কেটে দেখিয়েছি কেবল অম্বুটুপ ছাড়া। এর কারণ অম্বুটুপ সম্বন্ধে অতিসংক্ষেপে বিশ্লেষণ করে ফল নেই। এ-ছন্দটির উদ্ভব তথা প্রগতি সম্বন্ধে আমার ছান্দসিকীর পরিশিষ্টে তবু কিছু আলোচনা করেছি ২৩৫-৭ পৃষ্ঠায়। কিন্তু সে অভ্যস্ত অসম্পূর্ণ—অম্বুটুপ ছন্দ সম্বন্ধে আরো অনেক কিছুই বলবার আছে, বিশেষ ক'রে গুরু ধ্বনিবৈচিত্র্য সম্বন্ধে—যার গুণে সংস্কৃত কাব্যে অম্বুটুপ সেই স্থান পেরেছে যে-স্থান পেল ইংরাজি কাব্যে আয়াধিক। তবে অম্বুটুপের একটি মন্ত সুবিধা এই যে, গুরু কদম সহজ চতুস্পদী ব'লে—পড়তে খুব কম জারপায়ই বাধে। কিন্তু

পারিশিষ্ট

ভাগবতী কথার শাদুল-বিক্রীড়িতের কোন দৃষ্টান্ত দেওয়া আমার উচিত ছিল। কারণ ব্যাসদেব ভাগবতে এ-ভাগবন্তীর ছন্দটির বহুল প্রয়োগ না করলেও এ-ছন্দটি যে তাঁর একটি প্রিয় ছন্দ ছিল তার সেরা প্রমাণ—ভাগবতের মঙ্গলাচরণই এই ছন্দে : তিনি আদিপুরুষের ধ্যান সুরু করেছেন প্রথমেই এই ব'লে :

“ ধা রা শ্বে ন স দা নি র স্ত কু হ কং স ত্যাং প রং ধী ম হি ”

অর্থাৎ

স্বয়ম্প্রকাশ যিনি—আপনার উদ্ভাসে অপার

নিরস্তকুহক ধার—অন্তরে বিছাক ধ্যান তাঁর।

এ-ছন্দটির সম্বন্ধে ছান্দসিকীতে ঐষৎ-বিস্তারিত আলোচনা করেছি ২৫৬-৭ পৃষ্ঠায়। তার পুনরুক্তির স্থানও নেই, প্রয়োজন দেখি না। তাই শুধু এই কথাটি ব'লেই কান্ত হই যে এ-ছন্দের প্রাচীন প্রতিরূপ সত্যেন্দ্র নাথের বিখ্যাত—

সিদ্ধুর রোল | মেঘে ভিড়ল আজ | গরজে বাজ | বিদ্যাৎ-বিলোল | রক্তচোখ।

২) দ্বিতীয় কথা :— ভাগবতে শাদুল-বিক্রীড়িত, মালিনী, রথোদ্ধত, পুষ্পিতাগ্রা, ক্রম্বিলম্বিত, শঙ্খরা প্রভৃতি ছন্দের অপৰ্যাপ্ত ব্যবহার না থাকলেও ভাগবতকার যেখানেই এসব ছন্দে রসের স্বর্ণা বইয়েছেন সেখানেই তাঁর হৃদয়ের ভক্তিস্বাভার সুধারকার দিয়েছেন অঝোরে ঢেলে। কাজেই ভাগবতকারের হাতে এসব ছন্দে এমন একটি সুর বেজে উঠেছে যে-সুর কালিদাস ভবভূতি প্রমুখ কবিদের হাতে বেজে উঠতে পারে নি। আমি কালিদাস ভবভূতির আন্তরিক ভক্ত— তাঁদের ছন্দের কোনো ক্রটি আছে এমন স্পর্শার কথা বলাও আমার উদ্দেশ্য হ'তেই পারে না। আমি শুধু ভাগবতের অন্তর্নিহিত রসের তরঙ্গের কথাটা নিজের মন ও হৃদয় দিয়ে যেটুকু বুঝেছি সেটুকু নিবেদন করবার জন্তে বলতে চাই যে, আমার মনে হয়েছে—ব্যাসদেবের হাতে এসব ছন্দে যে-বিশিষ্ট সুরটি বেজে উঠেছে তার সুরটি ধরতে হ'লে রসগ্রাহীকে ভক্তি না হোক ভক্তির প্রতি প্রকা নিয়ে তবে তার অমৃতবাণীর কাব্যরস-আবাদনে ব্রতী হ'তে হবে : নইলে গুনতে পাওয়া যাবে না ভাগবতের বহু ভাবের ও ছন্দের প্রাণের-কথা ধার বাদী সুরটি—সাদৌতিক। এ আমার উপলব্ধির অন্দর-মহলের কথা তাই বেশি জোর ক'রে বলতে চাই না— কারণ খাস উপলব্ধির সাক্ষ্যমূল্য কম ব'লেই প্রমাণের আম দরবারে পেশ করতে নেই। তবু একথা নির্ভয়েই বলা চলে যে, ভাগবতের নানা ছন্দের অন্তর ফুলে উঠেছে-যে একটি স্তবের সুরের উজ্জল জলপ্রপাতে এটুকু ভক্তির প্রতি অহর্যাবান ছাড়া আর সকলেরই কানে ধরা পড়বে—এমনিই তাদের রসালিত্য।

পরিশিষ্ট

৩) এই ভেবেই ভাগবতের অনুবাদে ছন্দের বৈচিত্র্য ও সাবলীলতার প্রতি আমি সজাগ দৃষ্টি রাখতে বাধ্য হয়েছি : শুধু তাই নয়, দীর্ঘ কাহিনী প্রভৃতিকে নানা ছন্দের দোলায় ঢুলিয়ে আমার ক্ষুদ্র সাধ্যমত রসসমৃদ্ধ করবার চেষ্টা করেছি। এর কারণ : সংস্কৃত ছন্দের দীর্ঘ কল্লোল বাংলায় না থাকায় দরুণ * বাংলা কাব্যে ছন্দ বেশিক্ষণ চলতে পারে না একটানা—খানিক বাদেই টিমিয়ে পড়ে। কিন্তু আধ্যাত্মিক-জাতীয় কাব্যের একটি প্রধান উপজীব্য ছন্দের বলিষ্ঠতা—বিশেষ ক’রেই দীর্ঘ আধ্যাত্মিক। সংস্কৃত কাব্যে আধ্যাত্মিক প্রতিষ্ঠা পাবার একটি মন্ত সহায় হয়েছে সংস্কৃত ছন্দের এই প্রাণোচ্ছল ওজঃশক্তি। কিন্তু তাকে বাংলা সমিল কবিতায় তর্জমা করা সহজ নয় বিশেষ ক’রে এই ক্ষেত্রে যে, সমিল কবিতার মধ্যে এই দরাজ ওজঃশক্তিকে অনেকক্ষণ ধ’রে বজায় রেখে চলা দুঃসাধ্য। একথা মহাকবি মধুসূদনই সবপ্রথম বুঝেছিলেন, আর বুঝেছিলেন ব’লেই মেঘনাদের, আধ্যাত্মিক রচনার সময়ে ওজঃশক্তির ক্ষেত্রে হাত পেতেছিলেন : এক, সংস্কৃতের যুগ্মধ্বনিবহুল শব্দসজ্জাতের কাছে, হুই, ইংরাজি অমিত্রাক্ষরের কাছে। দুঃখের বিষয়, তাঁর অমিত্রাক্ষরের মাধু্যের দিকটাই তাঁর পরবর্তী বাংলা কবিদের হাতে বিকাশ লাভ করেছে, কিন্তু ওজসের দিকটা কেবল দ্বিজেন্দ্রলালের ও তার পরে মোহিতলালের হাতে কিছুপরিমাণে বিকশিত হয়েছিল। একথা আমি আমার “উদাসী দ্বিজেন্দ্রলাল” এবং অন্তর্য্যও বলেছি তাই এখানে শুধু এইটুকু ব’লেই থামব যে, অমিত্রাক্ষরের এই ওজঃশক্তির সমাদর আরো অনেক বেশি না হ’লে বাংলা ছন্দ বলিষ্ঠতার দিক থেকে দুর্বল থেকে যাবে এবং বাংলা কাব্যে দীর্ঘ আধ্যাত্মিক জাতীয় অপরূপ রসের পরিবেষণ করা দুঃসহ হবে।

কিন্তু তাই ব’লে একথা বলা আমার উদ্দেশ্য নয় যে সমিল কবিতায় ওজঃশক্তির সহজ প্রবাহ আনা অসম্ভব। আমি শুধু বলতে চাইছি—দীর্ঘ আধ্যাত্মিকায় এ-শক্তির জের টেনে বলা কঠিন ব’লেই আমি মাঝে মাঝে আস্থায়ী অন্তরা সঙ্কারী আভোগ জাতীয় সুর ও তালকের এনেছি—ভেবেচিন্তে ঘ’ষেমেজে নয় অবশ্য—নিজের সহজ প্রেরণার নির্দেশ মেনে। প্রথম দিকে চরিত কাকুর কাকুর এ-ধরনের ক্ষণে-ক্ষণে

* শুধু বাংলায় কেন, ইংরাজিতেও নেই এর জুড়ি। শ্রীঅরবিন্দের যুগেও শুনেছি যে লাতিন গ্রীকের ক্লাসিকাল ছন্দে এই ধরনের সমুদ্র-কল্লোল মিলত ব’লেই নানা কবি ইংরাজিতে সেই মাত্রিকতা আনতে চেষ্টাছিলেন নানাভাবে। এবিষয়ে শ্রীঅরবিন্দের Collected Poems-এর শেষে তাঁর বিস্তৃত আলোচনা প্রতি ছন্দ তথা কাব্য-রসিকদের পাঠ্য।

পরিশিষ্ট

পরিবর্তনশীল-ছন্দোবাহী কাব্য পড়তে অনুবিধা হ'তেও পারে। কিন্তু এখানে মনে রাখতে হবে যে, এ-ধরনের অনুবিধার মূলে লুকিয়ে আছে আমাদের ছন্দ-সজাগতার অভাব। একটু অভ্যস্ত হ'লেই কান শুধু-যে ছন্দের বৈচিত্র্যো নারাজ হবে না তাই নয়—সানন্দে সাড়া দেবে। তাতে আর একটা মন্ত লাভ হবে এই যে, একঘেরেমিকে পাশ কাটানো একটু সহজ হ'য়ে উঠবে।

৪) অমিত্রাক্ষরের ওজস্বিত্বের কাছে আমি হাত পেতেছি “তর্পণে” এবং “বলির দীক্ষা”-র। ভাগবতী কথার অমিত্রাক্ষরের অত্যধিক প্রবর্তন করি নি এই কারণে যে, অমিত্রাক্ষরের মধ্যে ওজস্বিত্ব-যে সহজেই আশ্রয় পেতে পারে এ-সম্বন্ধে আজকের দিনে আর কাব্যরসিকদের মধ্যে মতানৈক্য নেই। কিন্তু সমিল কবিতার নানা ছন্দের বেলায় একথা খাটে না। যেমন ধরা যেতে পারে সপ্তমাত্রিক মাত্রাবৃত্ত ছন্দ বা ষাণ্মাত্রিক অক্ষরবৃত্ত ছন্দ। এ দুটি ছন্দের সম্পর্কেও আমার কিছু বলবার আছে—ষথাসম্ভব সংক্ষেপে ব'লে পরিশিষ্টকে শেষ করব।

৫) সপ্তমাত্রিক ছন্দের কথা আগে বলি। ভাগবতের ছন্দ-কল্লোলে গভীর ভাবে মুগ্ধ হবার সময়ে আমার অন্তরে বহুকক্ষেত্রেই তার তর্জমা বহুত হ'তে শুরু করে সপ্তমাত্রিক ছন্দে : ষুগ্মধ্বনিবিমুখ পংক্তিপ্রান্তিক সপ্তমাত্রিক নয়—শব্দসম্ভ্যাতসমৃদ্ধ প্রবহমান সপ্তমাত্রিক। কাব্যজগতে সংস্কৃত ছন্দের কল্লোল অপরূপ হ'য়ে উঠেছে ষুগ্মধ্বনির বাহুল্য ও গুরুধ্বরের দরাজ ঐশ্বর্যের মণিকাঞ্চনসংযোগে। বাংলায় অণুগু গুরুধ্বরের এখন তেমন চল না থাকার দরুণ বাংলা ছন্দের এই দিককার বৈচিত্র্যসম্পদ খানিকটা কমতে বাধ্য। কিন্তু এ-ক্ষতির দিকে কাব্যরসিকদের দৃষ্টি পড়লেই লঘুগুরু ছন্দের আদর যে কের হবেই হবে এ-বিষয়ে সন্দেহ করবার সঙ্গত কারণ নেই। কিন্তু সে যাই হোক, শব্দসম্ভ্যাতের মেঘমস্ত-যে ছন্দকে সহজেই কল্লোলিত করে এ-সম্বন্ধে কাব্যরসিকদের মধ্যে মততর্ক নেই। অথচ মাত্রাবৃত্তে এ শব্দসম্ভ্যাত—ওরকে ষুগ্মধ্বনিবাহুল্য—আশ্রয় পেয়েছে প্রধানত ষাণ্মাত্রিক ও চতুর্মাত্রিক ছন্দে। পঞ্চমাত্রিক ছন্দে ষুগ্মধ্বনির চল অপেক্ষাকৃত কম, সপ্তমাত্রিকে আরো কম। এইখানেই আমি চেরেছি সমৃদ্ধি।

৬) এবার প্রবহমান মাত্রাবৃত্তের কথা। এ-সম্পর্কে আমার বক্তব্য সংক্ষেপে এই যে, মাত্রাবৃত্তে বৈচিত্র্য আনার একটি প্রধান উপায় অক্ষরবৃত্তের মতন তাকে প্রবহমান করা—যাকে ইংরাজিতে বলে overflow, করাসিতে—enjambement-র ভদ্রি। আমি ছান্দসিকীতে ষষ্ঠ অধ্যায়ে দেখিয়েছি—কেন মাত্রাবৃত্তে ছন্দকে অক্ষরবৃত্তেরই মতন সোজা-সুজি প্রবহমান করতে চাওয়া সঙ্গত। কিন্তু প্রতি ছন্দেই প্রবহমানতার অভ্যুদয় হয় দেয়িতে। (ইংরাজিতেও আগে আগে

পরিশিষ্ট

end-stopped চরণেরই চল ছিল—প্রবহমানতা আসে পরে)। এই জন্তই আমরা দেব মাত্রাবৃত্তেও প্রবহমানতা এখন পর্যন্ত ততটা আদর পায় নি যতটা আদর তার পাওয়া উচিত ছিল। সুখের বিষয়, মাত্রাবৃত্ত ছন্দে প্রবহমানতার আদর দিন দিন বাড়ছে। না-বাড়াটাট অস্বাভাবিক, কেন না ছন্দের চর্চায় এ-যুগে আমাদের অভিনিবেশ-বৃদ্ধির দরুণ আমাদের অন্তঃপ্রতি গভীরতর হয়েছে এ-কথা প্রমাণ করা সহজ। কিন্তু তবু মাত্রাবৃত্তে প্রবহমানতা এখনো যথেষ্ট চালু হয় নি ব'লে এখানে উল্লেখ করা প্রয়োজন বোধ করছি যে, ভাগবতী কথায় আমি মাত্রাবৃত্তে প্রবহমানতার আমদানি করেছি অকুতোভয়েই। মাত্রাবৃত্তে-যে প্রবহমান ভঙ্গি খুবই সহজে অঙ্গীকৃত হ'তে পারে একথা সব আগে বুঝেছিলেন বোধ হয় দ্বিজেন্দ্র লাল। কারণ ১২০২ সালে আমরা দেখতে পাই এভঙ্গি তাঁর পঞ্চমাত্রিক ছন্দে রচিত একটি কবিতায় :—

আমার ভারি দায়টি ! আমি সহিতে নারি তবে —

লোকের এই গঞ্জনাটি ;—তা বা হবার হবে।

আমি ত হেথা টিকিতে নাহি পারিব, যথা তথা——

চলিয়া যাই, খরচ দাও এ বেশ সোজা কথা। (নববধু...মঞ্জ)

এবিষয়ে বেশি দৃষ্টান্ত দেওয়ার স্থানাভাব। ছান্দসিকী দ্রষ্টব্য। এ-প্রসঙ্গের সমাপ্তি টানি এখানে শুধু এটুকু ব'লে যে মাত্রাবৃত্তের এই সহজ প্রবহমান ভঙ্গিটিকে আমি সাগ্রহেই অভিনন্দন করেছি—ও স্বচ্ছন্দেই চালিয়েছি—কারণ আমার মনে হয়, একটু পড়তে না পড়তে কান সানন্দেই এ-ভঙ্গিকে মেনে নিতে রাজি হবে। ভাব যেখানে প্রবহমান ছন্দ সেখানে প্রবহমান হবে এই-ই তো স্বাভাবিক :
The sound must seem an echo to the sense.

৭) এবার শেষ কথা। সংক্ষেপে বলা কঠিন কিন্তু নিরুপায়। কথাটি এই যে আমি ভাগবতী কথায় একটি সেকলে ছন্দের পুনঃপ্রচলন করতে চেয়েছি : সেটির নাম ষাণ্মাত্রিক অক্ষরবৃত্ত। কারণ ছন্দটি অতি উদাত্ত—যদিও এ-যুগে এর সে-আদর নেই যেমন ছিল প্রাক্-রবীন্দ্র যুগে। ধরা যাক হেমচন্দ্রের বিখ্যাত :

চীন ব্রহ্মদেশ অসভ্য আপান

তারাত্ত স্বাধীন তারাত্ত প্রধান

দাসত্ব করিতে করে হেরজান

ভারত শুধুই ঘুমায়ে রয় ?

এ-তিনের ছন্দ এ-যুগে অক্ষরবৃত্তে আর ঠাই পায় না। এর আধুনিক রূপ হ'ল
হে ব্রহ্ম তব সঙ্গীত আমি কেমনে গাহিব কহি' দাও স্বামী
মরণ নৃত্যে ছন্দ মিলায়ে হৃদয় ডমক বাজাব.....ইত্যাদি (রবীন্দ্রনাথ)

পরিশিষ্ট

অর্থাৎ এ-জাতীয় তিনের কদম অক্ষরবৃত্তে একঘরে হ'য়ে মাত্রাবৃত্তে এসে পায়াতারি চাল ছেড়ে তবে জাতে উঠল।

কিন্তু পায়াতারি হওয়া কিছু সব সময়েই নিশ্চিন্দ নয়। বেখানকার বা। আমার মনে হয় অক্ষরবৃত্তেও ত্রৈমাত্রিকী-দোলার ছন্দের একটি বিশিষ্ট স্থান আছে—যার পুনঃপ্রচলন হওয়া দরকার কেন না এ-কদম অক্ষরবৃত্তে এমন একটি গুরুগম্ভীর রসের সঞ্চার করে যাতে আনন্দ নিবিড় হ'য়ে ওঠে। যথা, যিজেস্ত্রালার “মন্ত্র” কাব্যে “জীবন পথের নবীন পাছ” কবিতায় :—

দেখেছি সন্ধ্যায় শান্ত হৈমকরে	রঞ্জিত মেঘের গরিমা দীপ্ত ;
দেখেছি উষায় নীল সরোবরে	অমল কমল শিশিরলিপ্ত ;
নিদাঘে নির্মেঘ প্রভাতের ছটা	বসন্তের নব শ্রামল কান্তি ;
বর্ষায় বিহ্বাতে দীর্ঘ ঘনঘটা	শরতে চন্দ্রের স্বপন-ভ্রান্তি ;
এ-বিশ্বে সৌন্দর্য যেই দিকে চাই,	রাশি রাশি রাশি হয়েছে সৃষ্টি ;
তেমন সৌন্দর্য কিন্তু দেখি নাই	শিশুর হাসিটি যেমন মিষ্ট।

ভাগবতী কথায় এই সুন্দর উদাস্ত-কল্লোল ছন্দটি আমি অনেক ক্ষেত্রেই সাদরে অভিনন্দন করেছি ভাগবতের গান্ধীথকে একটু বেশি ক'রে বরণ করতে চেয়ে—যেক্ষেত্রে মাত্রাবৃত্ত প্রতিকূলে এ-ছন্দের তারিকি চাল একটু হালকা হ'য়ে আসেই : কী ভাবে—প্রতীয়মান হবে যদি এ-ছন্দকে মাত্রাবৃত্তের বাগ্মাত্মিক ছকে ফেলে শোনা যায় :—

দেখিয়াছি সাঁঝে হেম রবিকরে	রঞ্জিত মেঘ-গরিমা দীপ্ত...
কিষ্ণা : প্রাবৃটে দামিনী-দীর্ঘ ঘনঘটা	শরতে শশীর স্বপন-ভ্রান্তি...ইত্যাদি
এই ছন্দটির শেষ পর্বকে নানাভাবে গ্রহণ করা যায়। ভাগবতী কথা ১৬, ৩৬-৩৭, ৭২-৭৩, ৯৮-৯৯, ১১২ ১২০, ১৪৮-৪৯...ইত্যাদি পৃষ্ঠা স্রষ্টব্য।	

তবে এ-ছন্দে আমি অক্ষরবৃত্ত ছন্দের যুগ্মধ্বনির নিয়ম সাড়ে পনের আনা ক্ষেত্রে মেনে চললেও কখনো কখনো এমনও হয়েছে যে মেনে চাপিনি ইচ্ছে ক'রেই। যথা (১৪২ পৃষ্ঠা)

পাপী তানী হয় ধর্মশীল শুধু নামে যার—যারা হ'ল কৃতার্ধ
লভি' সে হরির অহেতু করুণা—কোথা তাহাদের ক্লির স্বার্থ ?
এখানে মলিন স্বার্থ করলে চ্চাতি নিয়ম ভাঙা হ'ত না, কিন্তু ঠিক কথাটিও প্রযুক্ত হ'ত না। কিষ্ণা (ঐ পৃষ্ঠাতেই)

ভক্তিরে বাহারী লভিল জীবনে বন্ধনেও তারা মুক্তপর্ণ
এখানেও বিমুক্তপর্ণ করা চলত—কিন্তু মুক্তপর্ণ শব্দটিই প্রযোজ্য।

পরিশিষ্ট

চলতি অক্ষরবৃত্ত ছন্দেও আমি এ-রকম মাত্রাবৃত্তভঙ্গিম যুগ্মধ্বনি ব্যবহার করেছি কখনো কখনো : যথা : “গুণায় পরস্পরে কে এ-অবধূত ভাগ্যবান” (২২৫ পৃঃ) এখানে “গুছে তারা পরস্পরে” লেখাও চলত। কিন্তু তার চেয়ে “গুণায় পরস্পরে” ভালো।

এ নিয়ে আমাদের মধ্যে অনেকে তর্ক করেন—তঁারা বলেন এতে ছন্দপতন হয়। আমি তা মনে করি না। কারণ অক্ষরবৃত্তের মধ্যেই যুগ্মধ্বনির এরকম বিকল্প প্রয়োগের অসম্মতি—sanction—আছে। যথা রবীন্দ্রনাথের পূরবীতে “যুগান্তরের ব্যথা প্রত্যাহের ব্যথার মাঝারে” বা বীথিকায় “আসে অবগুষ্ঠিতা প্রভাতের অরুণ ঢুকলে।” এ-ধরণের বহু দৃষ্টান্ত দিয়ে আমি আমার ছান্দসিকীতে দেখিয়েছি কেন এ-ধরণের প্রয়োগ প্রশস্ত—ক্ষেত্র বিশেষে। সে সব যুক্তির পুনরুক্তি এখানে সম্ভব নয়। তাই সংক্ষেপে শুধু এইটুকু বলব যে যুগ্মধ্বনিকে এভাবে টেনে বা ঠেঁশে পড়ার স্বাধীনতা অক্ষরবৃত্ত ও স্বরবৃত্ত ছন্দে মঞ্জুর এই জন্তেই যে, কোনো কোনো ক্ষেত্রে এ-ধরণের বিকল্প প্রয়োগই প্রশস্ত তাতে ক’রে ছন্দ বেশি সুশ্রাব্য হয় ব’লে। কাজেই সেখানে ব্যাকরণের নিয়মই প্রামাণ্য হ’তে পারে না। অন্য দেশের কবিতারও এ-ধরণের স্বাধীনতা আছে। যেমন একই ধ্বনিকে ইংরাজিতেও অনেক সময়েই ঠেঁশে বা টেনে পড়া হয়ে থাকে :

Disco very of light	Disco very of day-light
Impos sible in night	Impos sible in dark night

এই ছুটি স্থলে প্রথম দৃষ্টান্তে ry ও ble কে যেভাবে বিদ্যুত ক’রে পড়া হ’ল দ্বিতীয় দৃষ্টান্তে সে ভাবে না প’ড়ে সঙ্গীর্ণ ক’রে পড়া হ’ল। ছান্দসিক একই স্বরের দ্বিবিধ বৈকল্পিক ব্যবহারে আপত্তি করতে পারেন। কিন্তু কাব্যে কবির অগ্রণী, ছান্দসিক তাঁর তাৎপলকরত্ববাহী মাত্র। তাছাড়া ছন্দ-রাজ্যে চলতি নিয়ম ভাঙলে অনেক সময়ে নতুন ধরণের ধ্বনিসাম্য হ’য়ে রসাবেশ গভীর হয় এমন দৃষ্টান্তও দেখানো যায়। কিন্তু সে-আলোচনা বর্তমান প্রসঙ্গে অবাস্তব। যেটা প্রাসঙ্গিক সেটা হ’ল এই যে যদিচ অক্ষরবৃত্ত ছন্দে শব্দমধ্যস্থিত যুগ্মধ্বনি বেশিরভাগ ক্ষেত্রে একমাত্রিক, কিন্তু ক্ষেত্রবিশেষে নিয়ম ভাঙলে স্থলিত হয় না বরং বেশি শ্রুতিসম্মত হ’য়ে থাকে। এর বেশি আপাতত না বললেও চলে—যেহেতু ছন্দ হ’ল সেই জাতীয় পরমায় যার সম্বন্ধে ইংরাজিতে বলে : The proof of the pudding lies in the eating thereof.

